


**Q. CURTIJ RUFI
DE REBUS AB
ALEXANDRO
MAGNO GESTIS
LIBRI OCTO. IN...**

Matthaeus Rader, Quintus
Curtius Rufus



C. 27



W. C. C. C.

L. 6



Q. CVRTII RVFI



DE REBUS AB
ALEXANDRO
MAGNO GESTIS
LIBRI OCTO.

IN CAPITA DISTINCT

*synopsibus argumentisque, & figuris varijs,
addita Tabula Geographica,
illustrati.*

A R. P. MATTHÆO RADERO
è Societate IESV.


Editio vltima, recognita,



COLONIAE AGRIPPINAE,
Apud IOANNEM KINCKIUM sub
Monocerote.



ANNO M. DC. XXX:





Lectori S.

ANnis abhinc aliquot Historiam *2.*
Curtij de rebus ab *Alexandro Ma-*
gno gestis, octo libris comprehensam, (v-
nus enim & alter desideratur) & per ca-
pita digestam, synopsisque librorum &
lemmatis Capitum illustratam foras dedi,
atque iam pridem libros commentarios
ad eamdem pollicitos expediui, quos *Ioan-*
nes Kinckius Bibliopola Coloniens. ex-
cudit. Nunc eundem *Curtium* iterato
recognitum damus. Si qua cognoveris
aliter hic, quàm in vulgatis legi, noli
σφάλμα (nisi mendum Typographicum
esset) putare; rationem scripturae redditam
in meis commentarijs, non repudiabis.

PROGRAMMA RADERI.

T*V* mibi, qui QVINTVM dicunt, es ab indole
primus,

Inclitus AEmathiae conditor historia,
His TITVS, his placeat CRISPVS, vel IVLIVS
illis,

Tu meus es CRISPVS, IVLIVS atq; TITVS.
Attica QVINTVS apis, mea CVRTIVS Attica
SIREN,

Melle fluit, quamvis non sine felle fluat.
Cetera par idem Graeis, idemque Latinis,
Aut si par non est, parcite, maior HIC EST.


SYNO-

Scythæ Asiatici. A° M DC XXVIII.

Abij Scythæ omnium
barbarorum iustissimi.

Paropanifus mons quem Ma-
cedones Caucasum in Alexandri-
gloriam vocabant nulli in Asia alti-
tudine secundus in quo præter tere-
binthum et sulphur nihil nasci tra-
dit Aristobolus.

Murus ab Alexandri militibus.
hinc vocari scribit Plinius.





SYNOPSIS

RERVM AB ALEXANDRO MAGNO GESTARVM, ANNO REGNI PRIMO, ET SECUNDO, QVI IN Curtio desiderantur.



*Vpplementa Curtij scripsere
Quintianus Stoa, & Christo-
phorus Bruno, olim antè So-
ciorum aduentum Monachij
poetica doctor & Iuris Cui-
lis Candidatus, cuius libelli
duo ad Curtium passim vel à*

*fronte, vel à calce sunt adiuncti, quibus quod in
primo & altero libro desideratur, quoquo modo
resarcitur. Stoam vidi in Lugdunensi editione lo-
co Brunonis adscriptum, ex quo capi dubitare
Stoene an Brunonis sint eadem supplementa, cum
Brunonis labor Stoa adsignetur, quem tamen in
prefatione ad Principem Bo.orum Albertum,
Bruno sibi vendicat. Mibi visum ad exemplum
Flori argumentum etiam & synopsis primi & se-
cundi*

cundi libri Curtij ex varijs & antiquis usque
potissimum Gracis scriptoribus concinnare, quod
& reliquis in libris omnibus Curtij priore editio-
ne feci.

Anno ergo ab rerum & mundi conditu CIO.
CIO. CIO. DCCXCVIII. vti Sallianus numerat; ante
Christum natum CCLV. Olymp. CVI. anno primo,
Elpino Athenis Archonte post Urb. Cond.
CCCXCVII. (vel ut alijs placet CCCXCV. & alijs
CCCXC. x rursusq; alijs CCCC. adeo variat cala-
mus scriptorum) Coss. Popilio Lanate, Cn. Manlio
Imperioso, vel ut Solinus ex nepote obseruauit, M.
Fabio Ambusto, T. Quintio Capitolino Coss. Alex-
ander M. Philippo Macedonia rege & Olympiade
matre Pella Macedonia natus, paternum genus ab
Hercule, maternum ab Aeacido traxit. Morum
formatorem Leonidam habuit, eloquentia docto-
rem Anaximenem Lampsacenum, omnis humana
sapientia magistrum & natura ocellum Aristo-
telem, naturalis philosophiae & geometria insti-
tutorem AEnaxarchum, ita felix illud seculum
summa in vario disciplinarum genere protulit
ingenia, armis vero potentissimum & maximum
orbis domitorem Alexandrum: qui regnum vicien-
nis adijt, & patri sub finem anni Olymp. CXI. an-
no primo à Pausania sublato, statim in Pelopon-
nesum profectus, coactis illic in concilium Gracis,
creatus est imperator exercitus aduersus Persas,
solis Lacedaemonijs refragantibus, quos postea
semper in numero hostium habuit. Primo vere
Olymp. CXI. anno secundo Thracas autonomos bello

aggr. ssus

aggressus domuit. Ab illis recta in Triballos & Illyrios mouit, quos & mox acie deiecit. Inde traiecto Danubio Getas petijt, pralioque sudit, urbem illorum excidit, pradam abegit. Reuersus in castra, legatos Syrmii regis Triballorum & Germanorum, quos Græci Celtas id temporis appellarunt, amicitiam petentes excepit: data utrinque fides, Germani excepti conuiuio cum rogarentur, quid maximè timerent, ne calum, inquit, ruat. quos inde superbos dixit Alexander, ratus fore, ut dicerent, se nihil prater Alexandrum timere. Hinc traiecto rursus Danubio per Paonas & Agrianos copias reduxit, quorum rex Langarus cum auxilijs suppetiatum Alexandro occurrit, qui inde Glauciam Taulentiorum regem inuasit, fusoque exercitu Glaucia in Graciam redijt, & Thebas, cum & defecissent, & praesidium Macedonicum eiecissent, praesidijque duces Amyntam & Timolaum interfecissent, exceptis Pindari laribus, funditus euertit, reliquasque Græcorum Respub. ingenti metu perculsas in officio continuit, cum certatim legatos mitterent, qui vel defectionis poenā deprecarentur, vel fidem & Societatem redintegrarent. Ab Atheniensibus Alexander decem oratores ad supplicium petijt, sed pacem eisdem orantibus solo Charidemo in exilium pulso, ignouit. Atque ita vniuersam Graciam pacauit. Hac primi & secundi anni synopsis, poterit in primi libri & secundi qui apud Curtium desideratur, pro supplemento succedere.

SYNOPSIS

Anni tertij, Annò Mundi 3720. Olymp.
CXI Anno III.

Alexander, Romæ T. Viturio Caluino & Sp.
Posthumio Albino Coss. ante Christum na-
tum CCCXXXIII. cum annum ageret alterum &
vicesimum Ctesicle Atheniensium Archonte, cum
triginta peditum, quatuor millibus equitum, &
quingentis, centumque & sexaginta triremibus;
plurimisque onerarijs, primò vere per Hellespontum
in Asiam traiecit, primusque ex navi hastam in
litus coniecit, quasi Asiæ possessionem occupa-
turus defixit. Cum ad Ilium venisset, Palladi lit-
auit, suisque armis Deæ dicatis; ex adytis illius alia
depromsit, induit, armigerisque alia ferenda tra-
didit. inde Achillis tumulam coluit, felicemque ob
Homerum predicauit. Tum ad Arisben, ubi exer-
citus circa castra posuerat, progressus, tandem ad
Granicum amnem penetravit, ubi illum trans-
flumen omnis Darij exercitus cum ducibus, ad-
itum Asiæ praelurus expectabat. Alexander su-
perato cum ingenti periculo & labore; Granico,
in Adastrijs campis cum Darij ducibus conflixit,
qui ex Diodori sententia, centum millia peditum,
decemque equitum collegerant. Iustinus indistinctè
Persarum sexcenta millia fuisse tradit. Victis
prælio Persis & viginti peditum millibus auctore
Plutarcho, duobus equitum millibus & quingen-

in Siculo verò decem pedum, duobus millibus equitum casis, viginti millibus captis, Alexander ex Macedonum auxiliaribus copijs tantum xxv. in primo conflictu amisit, quibus fusas à Lysippo statuas equestres in Iouis templo posuit, ex reliquis Gracis equites lx. pedites xxx. duntaxat desideravit, ut Arrianus est auctor. Iustinus centum viginti equites, novem pedites desideratos scripsit. Aristobulus apud Plutarchum non amplius, equites xxv. pedites novem cecidisse testatur.

Alexander inde Sardibus Lydorum regia occupatis, omnique Lydia potitus, Ephesum ingressus populum libertate donavit, tributum barbaris ante pensa Diana assignavit. Dum Ephesi versatur, legati ex Magnesia & Trallibus adveniunt, urbesq; & gentem Alexandro dedunt. Tum Milezum profectus non sine labore insulam & urbem recepit. ex Milesijs trecentos in exercitum suum transcripsit, reliquis vitam & libertatem concessit. Atque ibi classem dissolvit, cū ex aquile augurio didicisset, terrestri pralio Persas vincendos. Mileto in Cariam movit, & Halicarnassum magna vi expugnatam deleuit, Cariamq; Adæ regina tradidit, qua Alexandrum non recusantem in filium adoptavit. Hic Cleandrum in Peloponnesum ad militem conquirendum, quod iam initio tertij Curtius narrat, ipse in Lyciam contendit, omnesque oras maritimas occupavit, ac totam indo Lyciam. Phaselidem & Pamphiliam subegit. Interea loci Alexandrum Aeropum

A 3

Lyn-

Lyncestem Arrabai fratrem sibi insidiantem cepit, & in custodiam tradidit, ipse per litus Pamphilij maris exercitum non sine diuino numine Pergas vsq; saluum deducit. Inde progressus Aspendum versus contendit, urbemq; in edita asperaq; rupe sitam circumfedit, & ad deuotionem compulit. Hinc in Phrygiam, ex hac in Pisidiam peruenit, vbi expugnata Salagasso, Pisidisque fuffis, alteram Phrygiam petijt, & Quintis castris castra ad Celanas urbem posuit, à cuius oppugnatione Curtius Tertium librum incheat, cuius synopsis adiungo.

Q. C. V. R.

Q CVRTII RVFI
HISTORIA RVM
ALEXANDRI MAG-
NI MACEDONIS

LIBER TERTIVS.

AD Q CVRTII RVFI
LIBRVM III.
SYNOPSIS.

Alexander victis ad Granicum ducibus
Darij, & Lycia, Pamphiliæque in prouin-
ciarum formam redactis, Celenas cum
arce occupat. Vbi Marsyas amnis describitur. Inde
per Phrygiam venit Gordium, nexumq; Gordium
gladio abrumpit potius quàm soluit. Darius inte-
rim recenset copias, petit Ciliciam. Alexander
inuadit Paphlagoniam, Cappadociam, Ciliciam,
vincit Darum ad Issum, & per Parmenionem
cum thesauro recipit Damascum.

ARGVMENTVM.

*Cleander ad conducendum militem mittitur: Marsyas
fabulis celebratus laudatur: Alexander Celenas oc-
cupat.*

CAP. I. **I**Nter hæc Alexāder ad conducendū ex
Peloponneso militē Cleandro cū pe-
cunia missō, Lyciæ Pamphyl æq; rebus
cōpositis, ad urbem Celenas exercitū admouit.
Media illa tempestate moenia interfluebat Mar-

Q. C V R T I I

suas amnis, fabulosi Græcorum carminibus in-
 clytus: fons eius ex summo montis cacumine
 excurrens in subiectam petram magno strepi-
 tu aquarum cadit: inde diffusus circumiectos
 rigat campos, liquidus, & suas duntaxat vndas
 trahens. Itaque color eius placido mari similis
 locum poetarum mendacio fecit: quippe tradi-
 tum est, Nymphas amore amnis retentas in
 illa rupe confidere. Ceterum quamdiu intra
 muros fluit, nomen suum retinet: at cum extra
 munimenta se euoluit, maiore vi, ac mole agen-
 tem vndas, Lycum appellant. Alexander qui-
 dem urbem destitutam ab suis intrat: arcem ve-
 rò, in quam confugerant, oppugnare adortus,
 caduceatorem præmisit, qui denuntiaret, Ni de-
 derent, ipsos vltima esse passuros. Illi caducea-
 torem in turrim & situ, & opere multum edi-
 tam perductum, quanta esset altitudo, intueri
 iubent, ac nuntiare Alexandro, non eadem ip-
 sum & incolas æstimatione munimenta metiri:
 se scire inexpugnabiles esse: ad vltimum pro
 fide morituros. Ceterum, vt circumfideri arcem,
 & omnia sibi in dies arctiora esse viderunt,
 sexaginta dierum inducias pacti, vt nisi intra
 eos auxilium Darius ipsis misisset, dederent vr-
 bem: postquam nihil inde præsidij mittebatur,
 ad præstitutam diem permisere se regi.


ARGVMENTVM.

*Legatis Atheniensium respondet, copias aduersus
 Darium contrahit, Phrygiam ingreditur, Gor-
 dium urbem capit, Gordium nodum explicat.*

CAP. 2. **S**Vperueniunt deinde legati Athenien-
 sium

sum petentes, ut capti apud Granicum amnem redderentur sibi. Ille non hos modo, sed etiam ceteros Græcos restitui suis iussurum, respondit finito Persico bello. Ceterum Dario imminens, quem nondum Euphratem superasse cognouerat, undique omnes copias contrahit, totis viribus tanti belli discrimen aditurus. Phrygia erat, per quam ducebatur exercitus, pluribus vicis, quam urbibus frequens. Tunc habebat nobilem quondam Midæ regiam: Gordium nomen est urbi, quam Sangarius amnis præterfluit, pari interuallo Pontico & Cilicio mari distantem. Inter hæc maria angustissimum Asiæ spaciū esse comperimus, utroque in artas fauces compellente terram, quæ, quia continenti adhæret, sed magna ex parte cingitur fluctibus, speciem insulæ præbet: ac, nisi tenue discrimen obijceret, quæ nunc diuidit maria, committeret. Alexander urbe in suam ditionem redacta, Iouis templum intrat: vehiculum, quo Gordiū Midæ patrem vectum esse constabat adspexit, cultu haud sanè à vilioribus vulgarisq; vin abhorrens. Notabile erat iugum adstrictum compluribus nodis in semetipsum implicatis, & celantibus nexus. Incolis deinde affirmantibus, editam esse oraculo sortem, Asiæ potiturum, qui inexplicabile vinculum soluisset: cupido incessit animo sortis eius explendæ. Circa Regem erat & Phrygum turba, & Macedonum; illa explicatione suspensa, hæc sollicita ex temeraria Regis fiducia: quippe seriem vinculorum ita astrictam, ut vnde nexus inciperet, quoque se conderet, nec ratione, nec visu percipi posset: soluere aggressus iniecerat curam, ne in omen verteretur irritam inceptum.

Ile nequicquam diu luctatus cum latētibus nodis. Nihil, inquit, interest quomodo solvantur.



gladioque ruptis omnibus loris, oraculi sortem vel elusit, vel impleuit.

ARGVMENTVM.

Alexander ducibus Hellespontum committit, An-
 xipatro Graciam, ipse Ancyram petit, copias lu-
 strat, Paphlagoniam occupat, cui Calas pra-
 fectus, ipse Cappadociam
 inuadit.

CAP. 3. CVM deindē Darium, ubicunq; esset,
 occupare statuisset, vt à tergo tuta
 relin-

relinqueret, Amphoterum classi ad oram Hellesponti, copijs autem præfecit Hegelochum Lesbium, & Chium, & Con præsidijs hostium liberaturos. His talenta ad belli vsum quingenta attributa. Ad Antipatrum, & eos, qui Græcas vrbes tuebantur, sexcenta missa. Ex fœdere naues socijs imperatæ, quæ Hellesponto præsiderent. Nondum enim Memnonem vita excessisse cognouerat, in quem omnes intenderat curas, satis gnarus, cuncta in expedito fore, si nihil ab eo moueretur. Iamq; ad urbem Ancyram ventum erat, vbi numero copiarum inito, Paphlagoniam intrat. Huic iuncti erant Eneti, vnde quidam Venetos trahere originem credunt. Omnis hæc regio paruit Regi, datisque obsidibus, tributum (quod ne Persis quidem tulissent) pendere ne cogerentur, impetrauerunt. Calas huic regioni præpositus est. Ipse assumptis, qui ex Macedonia nuper aduenerant, Cappadociam petijt.

ARGVMENTVM.

Mors Memnonis nunciatur. Darius ipse educit copias, castra ad Babylonem ponit, copiarum numerum init, peditum quadringenta viginti duo millia, equitum vnum supra sexaginta millia.

summa cccicccc. cccicccc. cccicccc, cccicccc.

icccc. cciccc. cciccc. cciccc. cicc. cicc.

cicc. hoc est, 483000.

CAP. 4. **A**T Darius nuntiata Memnonis morte, haud secus quàm par erat, motus, omiſſa

omissa omni alia spe statuit ipse decernere : quippe quæ per duces suos acta erant , cuncta damnabat, ratus, pluribus curam , omnibus abfuisse fortunam. Igitur castris ad Babylonē positis, quo maiore animo capefferent bellum, vniuersis vires in conspectum dedit : & circūdato vallo, quod decem millium armatorū multitudinem caperet, Xerxis exemplo numerum copiarum iniit. Orto sole ad noctem agmina, sicut descripta erant, intrauere vallum : Inde emissa occupauerunt Mesopotamiæ campos; equitum, peditumq; propemodum innumerabilis turba, maiorem quam pro numero speciem ferens. Persarum erant centum millia: in quibus eques triginta millia implebat. Medi decem equitum, quinquaginta millia peditum habebant. Bactrianorū equitum duo millia fuere; armati bipēnibus, leuibusq; scutis maximè cetræ speciē reddentibus: peditū decē millia pari armatura sequebantur. Armenij quadraginta millia miserant peditū, additis septē millibus equitū. Hyrcani egregij, vt inter illis gētes, sex millia expleuerāt, equis militatura. Derbices quadraginta peditum millia armauerant , pluribus habebant ferro præfixæ hastæ, quidam lignū igni durauerant. Hos quoque duo millia equitum ex eadem gente comitata sunt. A Caspio mari octo millium pedester exercitus venerat: ducenti equites cum his erant: ignobiles aliæ gentes, duo millia peditum, equitum duplicem parauerant numerum. His copijs triginta millia Græcorum mercede conducti, egregiæ iuuentutis, adiecta, nam Bactrianos , & Sogdianos, & Indos, ceterosque rubri maris accolæ, ignota etiam ipsi gentium nomina, festinatio prohibebat acciri.

ARGVMENTVM.

Charidemus Atheniensis rogatus à Dario, quomodo placeret exercitus Persarum; respondit, compositis virtusque regis copijs, plures esse Persarum, firmiores Macedonum: pares paribus opponendas, quam ob dicendi libertatem interficitur, cuius cadis mox panitet

Darium.

CAP. 5. **N**EC quicquam illi minus, quam multitudo militum defuit: cuius tum vniuersæ aspectu admodum lætus, purpuratis solita vanitate spem eius instantibus, conuersus ad Charidemum Atheniensium belli peritum, & ob exilium infestum Alexandro (quippe Athenis inbenne eo fuerat expulsus) percontari coepit, satisne ei videretur instructus ad obtinendum hostem. At ille & suæ sortis, & regis superbæ oblitus. Verum, inquit, & tu forsitan audire nolis, & ego, nisi nunc dixerò, alias nequicquam consuebor. His tanti apparatus exercitus, hæc tot gentiū & totius orientis exsita sedibus suis moles, finitimis potest esse terribilis: nitet purpura auroq, fulget armis & opulentia, quantum qui oculis non subiecere, animis concipere non possunt. Sed Macedonum acies torua sanè & inculta, clypei, hastisq, immobiles cuneos, & conferta robora virorū teget. ipsi phalangem vocant peditum stabile agmen. vir viro, armis arma conferta sunt: ad natū monentis insenti, sequi signa, ordines seruire didicere: quod imperatur, omnes exaudiunt: obistere, circuire, discurrere in tota

uu, uu-

nu, mutare pugnam, non duces magis, quam milites callent, ac ne auri argentique studio teneri putet, adhuc illa disciplina paupertate magistra stetit. Fatigatis humus cubile est: cibus, quem occupant, satiat. tempora somni artiora, quam noctis sunt. Iam Thessali equites, & Acarnanes, Aetoli-
que inuicta bello manus, fundis, credo, & hastis igne duratis repellentur: pari robore opus est: in illa terra, quæ hos genuit, auxilia quarendæ sunt: argentum istud, atque aurum ad conducendum militem mitte. Erat Dario mite, ac tractabile ingenium, nisi etiam suam naturam plerumque fortuna corrumpere. Itaque veritatis impatiens, hospitem, ac supplicem, tunc eum maxime utilia suadentem, abstrahi iussit ad capitale supplicium. Ille ne tum quidem libertatis oblitus, Habeo, inquit, paratum mortis meæ ultorem, expectet poenas mei consilij speret is ipse, contra quem tibi suasi. tu quidem licentia regni subito mutatus, documentum eris posteris, homines cum se permisere fortuna, etiam naturam dediscere. Hæc vociferantem, quibus imperatum erat, iugulant. Sera deinde poenitentia subiit regem, ac vera dixisse confessus sepeliri eum iussit.

ARGVMENTVM.

Darius Thymondam conducto Græcorum militi præficit, Pharnabazum Memnoni sufficit.

Explicantur somnia & omnia

Darij.

CAP. 6. Thy-

CAP. 5. **T**hymondes erat Mentoris filius, impiger iuuenis, cui præceptum est à Rege, vt omnes peregrinos milites, in quos plurimum habebat spei, à Pharnabazo acciperet, opera eorum vsurus in bello. ipsi Pharnabazo tradit imperium, quod ante Memnoni dederat. Anxium dein instantibus curis, agitabant etiam per somnum species imminentium rerum, siue illas ægritudo, siue diuination animi præsagientis accersit. Castra Alexandri magno ignis fulgore collucere ei visa sunt: & paulò post Alexander adduci ad ipsum in eo vestis habitu, quo ipse fuisset: equo deinde per Babylonem vectus, subito cum ipso equo oculis esse subductum. Ad hæc vates varia interpretatione curam distrinxerant: alij lætum id regi somnium esse dicebant, quod castra hostium arsisent, quod Alexandrum deposita regia veste, in Persico & vulgari habitu perductum esse vidisset. Quidam non ita augurabantur: quippe illustria Macedonum castra visa, fulgorem Alexandro portendere, quem regnum Asiæ occupaturum esse, haud ambigere: quoniam in eodem habitu Darius fuisset, cum appellatus est rex. Vetera quoque omina, vt fit, sollicitudo reuocauerat. Darium enim in principio imperij vaginam acinacis Persicam iussisse mutari in eam formam, qua Græci vterentur: protinusque Chaldeos interpretatos, imperium Persarum ad eos transiturum, quorum arma esset imitatus. Ceterum ipse & vatium responso, quod edebatur in vulgus, & specie, quæ per somnum oblata erat: admodum lætus, castra ad Euphratem mouere iubet.

 ARGVMENTVM,

*Describit ordinem agminis, quo processit Darius
ad Euphratem. Confertur acies Macedonum
cum acie Persarum, contemni-
tur hæc, laudatur
illa.*

CAP. 7. **P**atrio more Persarum traditum est,
orto sole demum procedere, die iā
illustri, signum è tabernaculo regis buccina da-
batur. Super tabernaculum, vnde ab omnibus
conspici posset, imago Solis crystallo inclusa
fulgebat. Ordo autem agminis erat talis: ignis,
quem ipsi sacrum, & æternum vocabant, argen-
teis altaribus præferebatur. magi proximi pa-
trium carmen canebant. Magos trecenti & sex-
aginta quinque iuvenes sequebantur, puniceis
amictibus velati, diebus totius anni bares cu-
ro: quippe Persis quoque in totidem dies de-
scriptus est annus. currunt deinde Ioui sacra-
tum albentes vehabant equi, hos eximæ mag-
nitudinis equus, quem Solis appellabant, seque-
batur. Auræ virgæ, & albæ vestes regentes e-
quos adornabant. Haud procul erant vehicula
decem, multo auro, argentoque cæcata. Seque-
batur hæc equitatus duodecim gentium varijs
armis, & moribus. Proximi ibant, quos Periar
immortales vocant, ad decem millia: cultus o-
pulentia barbaræ non alios magis honestabat.
Illi aureos torques, illi vestem auro distinctam
habebant, manicatasq; tunicas, gemmis etiam
ador-

adornatas. Exiguo interuallo, quos cognatos regis appellant, decem & quinque millia hominum. Hæc verò turba muliebriter prope modum culta luxu magis, quàm decoris armis conspicua erat: Doryphori vocabantur. Proximum his agmen, soliti vestem excipere regalē. Hi currum regis anteibant, quo ipse eminens vehebatur. Vtrunque currus lectus deorum simulacra ex auro argentoque expressa decorabant: distinguebant internitentes gemmæ iugum: ex quo eminebant duo aurea simulacra cubitalia, quorum alterum in alterum belli gerebat effigiem. Inter hæc aquilam auream, pinas extendenti similem, sacrauerant. Cultus regis inter omnia luxuria notabatur: Purpureæ tunicæ mediū album intextū erat: pallam auro distinctam aurei accipitres, velut rostris inter se corruerent, adornabant, & zonā aurea muliebriter cinctus acinacem suspenderat, cui ex gemmā erat vagina. Cidarim Persæ regium capitis vocabant insigne: hoc cærulea fascia albo distincta circūbat. Currum decem millia hastatorum sequebantur: hastas argēto adornatas, spicula auro præfixa gestabant, dextra læuaque regem, ducenti ferme nobilissimi propinquo- rum comitabantur. Horū agmen claudebatur triginta millibus peditū, quos equi regij quadringenti sequebantur. Interuallo deinde vnus stadij matrem Darij Sisygambim currus vehebat, & in alio erat cōiunx. Turba foeminarum reginas comitantium equis vectabatur. Quindecim dein, quas Armamaxas appellabant, sequebantur, in his erant liberi regis, & qui educabāt eos spadonūq; grex, haud sane illis gentibus vilis. tum pellices regiæ trecentæ & sexaginta vehe-

bantur, & ipsæ regali cultu, ornatuq; , post quæ pecuniam regis sexcenti muli , & trecenti camelæ vehebant , præsidio sagittariorum prosequente. Propinquorum , amicorumque coniuges huic agmini proximæ, lixarumque , & calorum greges vehebantur. Ultimi erant cum suis quisque ducibus , qui cogerent agmen, leuiter armati. Contra, si quis aciem Macedonum intueretur, dispar acies erat, equis virisque , non auro, non discolori veste, sed ferro , atque ære fulgentibus. Agmen & stare paratum, & sequi, nec turba, nec sarcinis prægrauæ: intentum ad ducis , non signum modò ; sed etiam nutum, & castris locus, & exercitui conimeatus suppetebant. Ergo Alexandro in acie miles non defuit. Darius tantæ multitudinis rex, loci, in quo pugnauit angustijs , reductus est ad paucitatem quam in hoste contemserat.

ARGUMENTVM.

Alexander ad castra Cyri venit, Arsames stulto consilio Ciliciam, cui præerat, vastat, portas inde Cilicias per Taurum adeundas describit Curtius, & miratur angustias aditus à Persis desertas. Tum ipsam Ciliciam calamo adumbrat, & antiqua monumenta eruit, Cydnum amnem laudat.

CAP. 8. **I**Nterea Alexâder Abistamene Cappadociæ præposito , Ciliciam petens cū omnibus copijs, in regionem, quæ Castra Cyri appellatur, peruenerat. Statio illic habuerat Cyrus, cū aduersus Cræsum in Lydiam exercitum

citum duceret. Aberat ea regio quinquaginta
 stadia ab aditu, quo Ciliciam intramus: Pylas in-
 colæ dicunt, artissimas fauces, munimenta, quæ
 manu ponimus, naturali situ imitante. Igitur
 Arsames, qui Ciliciæ præerat, reputans quid in
 initio belli Memnon suafisset, quondam salubre
 consilium serò exequi statuit. Igni, ferroq; Ci-
 liciam vastat, ut hosti solitudinem faciat: quic-
 quid vsui esse potest, corrumpit, sterile, ac nu-
 dum solû, quod tueri nequibat, relicturus. Sed
 longè vtilius fuit, angustias aditus, qui Ciliciam
 aperit, valido occupare præsidio, iugumq; op-
 portune itineri imminens obtinere: unde inul-
 tus subeuntem hostem aut prohibere, aut op-
 primere potuisset. Nunc paucis, qui calli-
 bus præsiderent relictis, retrò ipse concessit
 populator terræ, quam à populationibus
 vindicare debebat. Ergo qui relictæ erant,
 proditos se rati, ne conspectum quidem
 hostis sustinere valuerunt, cum vel pauciores lo-
 cum obtinere potuissent. Namque perpetuo iu-
 go montis asperi, ac prærupti Cilicia includi-
 tur: quod cum à mari adsurgat, velut sinu quo-
 dam, flexuque curuatum, rursus altero cornu in
 diuersum litus excurret. Per hoc dorsum, quæ
 maximè intorsus mari cedit, asperi tres aditus,
 & per angusti sunt, quorum vno Cilicia intran-
 da est campestris eadem, quæ vergit ad mare,
 planitiem eius crebris distinguuntibus riuis.
 Pyramus, & Cydnus inclyti amnes fluunt, Cyd-
 nus non spatio aquarum, sed liquore memora-
 bilis: quippe leni tractu è fontibus labens, pu-
 ro solo excipitur, nec torrentes incurrunt, qui
 placidè manantis aluèum turbent. itaq; incor-
 ruptus, idemq; frigidissimus, quippe multa ri-

parum amœnitate inumbratus, vbiq;e fontibus suis similis in mare euadit. Multa in ea regione monumenta vulgata carminibus vetustas exederat. Monstrabatur vrbii sedes Lyrnessi, & Thebes: Typhonis quoq; specus, & Corycium nemus, vbi crocum gignitur, ceteraq;e, in quibus nihil præter famam durauerat.

ARGVMENTVM.

Alexander ingressus fauces Cilicia miratur stultitiam hostis locum relinquentis. Exploratores armatus præmittit, Tarsum incensam ab hoste seruat, & ingreditur.

CAP. 9. **A**lexander fauces iugi, quæ Pylæ appellatur, intrauit. Contemplatus locum situm, non aliàs magis dicitur admiratus esse felicitatem suam: obrui potuisse vel saxis confitebatur, si fuissent, qui in subeûtes propellerent. Iter vix quaternos capiebat armatos. dorsum montis imminebat viæ, nō angustæ modò, sed plerunq; præruptæ; crebris oberrantibus riuis, qui ex radicibus montium manât. Thracas tamen leuiter armatos præcedere iusserat, scrutariq;e calles, ne occultus hostis in subeûtes erumperet. Sagittariorum quoq; manus occupauerat iugum: intentos arcus habebant, moniti non iter ipsos inire, sed prælium. Hoc modo agmen peruenit ad urbem Tarsum, cui tum cum maximè Persæ subijciebant ignem, ne obulentum oppidum hostis inuaderet. At ille, Parmenione ad inhibendum incendium cum expedita manu præmisso, postquàm Barbaros aduentu suo.

tu suorum fugatos esse cognovit, urbem à se
conseruatam intrat.

ARGVMENTVM.

*Alexander dum sudore perfusum corpus Cydno
tingit, vltimum vita discrimen adit, lugeat
exercitus, queritur de iniqua fortuna, Philip-
pus Aarnan medicus regem saluari potione
quamuis suspectus à Parmenione factus, curat.*

CAP. 10. **M**ediâ Cydnus amnis, de quo paul-
lò antè dictû est, interfluit: & tunc
æstas erat, cuius calor non aliam magis, quàm
Ciliciæ oram vapore solis accendit, & diei
feruidissimum tempus exceperat. Pulvere si-
mul ac sudore perfusû regem inuitauit liquor
fluminis, vt calidû adhuc corpus ablueret: Itaq;
veste deposita, in conspectu agminis (decorum
quoque futurum ratus, si ostendisset suis leui &
parabili cultu corporis se esse contentum) des-
cendit in flumen, vixq; ingressi subito horrore
artus rigere cœperunt: pallor deinde suffusus
est, & totum propemodum corpus vitalis calor
liquit. expiranti similè ministri manu excipiûnt,
nec satis compotè mentis in tabernaculum de-
ferunt. Ingens sollicitudo, & pènè iam luctus in
castris erat, flentes querebantur, in tanto impe-
tu cursuq; rerû, omnis ætatis ac memoriæ cla-
rissimum regem, non in acie saltem, non ab ho-
ste deiectû, sed abluentem aqua corpus ereptû
esse, & extinctum: instare Darium, victorè antè,
quam vidisset hostè: sibi easdem terras quas vi-
ctoria peragrassent, repetèdas: omnia aut ipsos.

aut hostes populos. per vastas solitudines, etiam si nemo insequi velit, euntes fame atq; inopia debellari posse, quem signum daturū fugientibus? quem ausurū Alexandro succedere? Iā, ut ad Hellespontum fuga penetrarent: classē, qua transeant, quem preparaturum? Rursus in ipsum regem misericordia versa: illum florem iuventutis, illam vim animi, eundem regē, & cōmilitionem diuelli à se, & abrumpi, inmemores lui querebantur. Inter hæc liberius meare spīritus coeperat, adleuabatq; rex oculos, & paulatim redeunte animo circumstantes amicos agnouerat: laxataq; vis morbi hoc solum videbatur, quia magnitudinem mali sentiebat. Animi autem ægritudo corpus vigeat, quippe Dariū quinto die in Ciliciam fore nuntiabatur. Vinctum ergo se tradi, & tantam victoriam eripi sibi ē manibus, obscuraq; & ignobili morte in tabernaculo exstingui se querebatur, admissisque amicis pariter ac medicis; *In quo me, inquit, articulo rerum mearum fortuna deprehenderit, cernitis, strepitum hostium armorum exaudire mihi videor: &, qui ultro intuli bellum, iam prouocor Darius ergo cum tam superbas litteras scriberet, fortunam meam in cōsilio habuit. sed nequicquam, si mihi arbitrio meo curari licet. lenta remedia, & segnes medicos non expectant tempora mea, vel mori strenue, quā tarde conualescere mihi melius est. Proinde, si quid opis, si quid artis in medicis est, sciant, me non tantæ mortis, quam belli remedium querere. Ingenitem omnibus incusserat curam tam præceptis meritas. Ergo pro se quisque precari coepit, ne*

ne festinatione periculū augeret: sed esset in potestate medentium. inexperta remedia haud iniuria ipsis esse suspecta, cum ad perniciē eius etiam à latere ipsius pecunia sollicitaret hostis: quippe Darius mille talenta interfectori Alexandri daturū se pronuntiare iusserat. Itaque ne ausurum quidem quenquā arbitrabantur expectari remedium, quod propter nouitatem posset esse suspectum. Erat inter nobiles medicos ex Macedonia regem sequutus Philippus, natione Acarnan, fidus admodum regi puero comes, & custos salutis datus: non ut regem modò, sed etiam ut alumnū eximia caritate diligebat. Is non princeps se, sed strenuum remedium afferre, tantūq; vim morbi potione medicata leuaturum esse promissit. Nulli promissum eius placebat, præter ipsum, cuius periculo pollicebatur. omnia quippe facilius, quā moram, perpeti poterat. arma, & acies in oculis erant, & victoriā in eo positā esse arbitrabatur, si tantum ante signa stare potuisset: id ipsum, quod post diem tertium medicamentum sumpturus esset (ita enim medicus prædixerat) agrē ferens. Inter hæc à Parmenione fidissimo purpuratorum litteras accipit: quibus ei denūciabat, ne salutē suā Philippo cōmitteret: mille talentis à Dario, & spe nuptiarum sororis eius esse corruptum. Ingente animo sollicitudinē litteræ incusserant; & quicquid in utrāq; partem aut metus, aut spes subiecerat, secreta æstimatione pensabat. Biberet perseuerem? ut si venenū datū fuerit, ne immeritò quidem, quicquid acciderit, euenisse videatur? damnem medici fidem? in tabernaculo ergo me opprimi patiar? At satius est, alieno me mori scelere, quā metu nostro. Diu animo in di-

aut hostes populos. per vastas solitudines, etiam si nemo insequi velit, euntes fame atq; inopia debellari posse, quem signum daturū fugientibus? quem ausurū Alexandro succedere? Iā, ut ad Hellespontum fuga penetrarent: classē, qua transeant, quem pręparaturum? Rursus in ipsum regem misericordia versa: illum florem iuuentę, illam vim animi, eundem regē, & cōmilitionem diuelli à se, & abrumpi, immemores lui querebantur. Inter hæc liberius meare ipiritus coeperat, adleuabatq; rex oculos, & paulatim redeunte animo circumstantes amicos agnouerat: laxataq; vis morbi hoc solum videbatur, quia magnitudinem mali sentiebat. Animi autem ægritudo corpus vrgebat, quippe Dariū quinto die in Ciliciam fore nuntiābatur. Vincitum ergo se tradi, & tantam victoriam eripi sibi ē manibus, obscuraq; & ignobili morte in tabernaculo exstingui se querebatur, admissisque amicis pariter ac medicis; *In quo me, inquit, articulo rerum mearum fortuna deprehenderit, cernitis, strepitum hostium armorum exaudire mihi videor: &, qui ultro intuli bellum, iam prouocor Darius ergo cum tam superbas litteras scriberet, fortunam meam in cōsilio habuit. sed nequicquam, si mihi arbitrio meo curari licet. lenta remedia, & segnes medicos non expectant tempora mea, vel mori strenue, quā tarde conalescere mihi melius est. Proinde, si quid opus, si quid artis in medicis est, sciant, me non tam mortis, quā belli remedium querere. Ingen-tem omnibus incusserat curam tam pręcepta temeritas. Ergo pro se quisque precari cōfē-*
re, ne

re, ne festinatione periculū augetet: sed esset in potestate medentium. in experta remedia haud iniuria ipsis esse suspecta, cum ad perniciē eius etiam à latere ipsius pecunia sollicitaret hostis: quippe Darius mille talenta interfectori Alexandri daturū se pronuntiari iusserat. Itaque ne ausurum quidem quenquā arbitrabantur experiri remedium, quod propter nouitatem posset esse suspectum. Erat inter nobiles medicos ex Macedonia regem sequutus Philippus, natione Acarnan, fidus admodum regi puero comes, & custos salutis datus: non vt regem modò, sed etiam vt alumnum eximia caritate diligebat. Is non preceps se, sed strennum remedium afferre, tantanq; vim morbi potione medicata leuaturum esse promisit. Nulli promissum eius placebat, præter ipsum, cuius periculo pollicebatur. omnia quippe facilius, quam moram, perpeti poterat. arma, & acies in oculis erant, & victoriā in eo positā esse arbitrabatur, si tantum ante igna stare potuisset: id ipsum, quod post diem eritium medicamentum sumpturus esset (ita enim medicus prædixerat) ægrè ferens. Inter hæc Parmenione fidissimo purpuratorum litteras accipit: quibus ei denūciabat, ne salutē suā Philippo cōmitteret: mille talentis à Dario, & spectu sororis eius esse corruptum. Ingenio animo sollicitudinē litteræ incusserant; & quicquid in utrāq; partem aut metus, aut spes obiecerat, secreta æstimatione pensabat. Bibe-
perseuerem? vt si venenū datū fuerit, ne im-
eritò quidem, quicquid acciderit, euenisse vi-
atur? damnem medici fidem? in tabernaculo
gome opprimi patiar? At satius est, alieno me-
ori scelere, quā metu nostro. Diu animo in di-



meabat, nec Philippus quicquam inexpertum
 omisit. Ille fomenta corpori admouit: ille tor-
 pentem nunc cibi, nunc vini odore excitauit.
 atque ut primum mentis compotem esse sensit,
 modò matris sororumq; in modò appropinquan-
 sis tantæ victoriæ admonere non destitit. Vt ve-
 rò medicamentum se diffudit in venas, & sen-
 sim toto corpore salubritas percipi potuit: pri-
 mum animus vigorem suum, deinde corpus quo-
 que expectatione maturius recuperauit: quip-
 pe post tertium diem, quam in hoc statu fuerat,
 in conspectum militum venit, nec auidius ipsum
 regem, quam Philippum intuebatur exercitus.
 pro se quisque dextram eius amplexi, grates ha-
 bebât velut præsenti deo. namq; haud facile di-
 ctu est, præter ingenitam illi genti erga reges
 suos venerationem, quantum huius utiq; regis
 vel admiratione dediti ei fuerint, vel caritate
 flagrauerint. Iam primum nihil sine diuina o-
 pe aggredi videbatur. nam cum præstò esset v-
 biq; fortuna, temeritas in gloriam cesserat, etas
 quoque vix tantis matura rebus, sed abunde
 sufficiens, omnia eius opera honestabat: & quæ
 leuiores haberi solent, plerumque militari gra-
 tiora vulgo sunt. Exercitatio corporis inter
 ipsos, cultus, habitusque paulum à priuato ab-
 horrens, militaris vigor, quis ille vel ingenij
 totibus, vel animi artibus, ut pariter carus ac
 venerandus esset, effecerat.

 ARGUMENTVM.

*Arius properat in Ciliciam, Alexander Solos
 recipit, ludos celebrat, latum nuncium*

de Myndijs, Caunijsque accipit, Mallon, Castabalum, Isson capit, atque Darium expectat.

CAP. II. **A**T Darius nuncio de aduersa va-
letudine eius accepto; celeritate,
quantā capere tā graue agmen poterat, ad Eu-
phratē contendit. Iunctoq; eo pontibus, quinque;
tamen diebus traiecit exercitū, Ciliciam occu-
pare festinans. Iam Alexander viribus corporis
receptis, ad urbē Solos peruenerat; cuius po-
titus, ducentis talentis multæ nomine exactis,
arci præfidiū militū imposuit. Vota deinde pro
salute suscepta per ludū atq; otium reddens, o-
stēdit quanta fiducia Barbaros sperneret: quip-
pe Aesculapio, & Mineruæ ludos celebrauit.
Spectanti nuntius latus affertur Halicarnasso,
Persas acie à suis esse superatos: Myndios quo-
que, & Caunios, & pleraq; tractus eius suæ fa-
cta ditionis. Igitur edito spectaculo ludicro, ca-
strisq; motis, & Pyramo amne ponte iuncto, ad
urbem Mallon peruenit. Inde alteris castris ad
oppidum Castabalum. Ibi Parmenio regi oc-
currit, quem præmiserat ad explorandum iter
saltus, per quem ad urbem, Isson nomine, pene-
randum erat. Atque ille angustijs eius occu-
patis, & præsidio modico relicto, Isson quoque
desertam à Barbaris ceperat. Inde progressus,
deturbatis qui interiora montium obsidebant,
præfidijs cuncta firmavit: occupatoque itinere,
sicut paullo antè dictum est, idem & auctor
& nuntius venit. Isson deinde rex copias ad-
mouit: ubi consilio habito vtrumne ultra pro-
grediendum foret, an ibi opperiendi essent no-

hi milites, quos ex Macedonia aduentare constabat: Parmenio non alium locum prælio aptiorem esse censebat: quippe illic vtriusque regis copias numero futuras pares, cum angustiae multitudinem non caperent: planitiem ipsis, camposque esse vitandos: vbi circuiiri, vbi anticipi acie opprimi possent, timere, ne non virtute hostium, sed lassitudine sua vinceretur: Perfas recentes subinde successuros, si laxius stare potuissent. Facile ratio tam salubris consilij accepta est. Itaque inter angustias saltus hostem opperiri statuit.

ARGUMENTVM.

Sisenes Perses perfuga, propter litteras Nabarzanis falsâ suspitione oppressus, iussu regis occiditur.

CAP. 12. **E**Rat in exercitu regis Sisenes Perses, quondâ à Prætorè Aegypti missus ad Philippum, donisque, & omni honore cultus exiliû patria sede mutauerat, secutus deinde in Asiam Alexandrum, inter fideles socios habebatur. Huic epistolâ Cretensis miles obsignatam anulo, cuius signum haud sanè notum erat, tradidit. Nabarzanes prætor Darij miserat eam, hortabaturque Sisenem, vt dignum aliquid nobilitate, atque maioribus suis ederet: magno id ei apud regem honori fore. Has litteras Sisenes, vtpotè innoxius, ad Alexandrum sæpè deferre tentauit. sed cum tot curis, apparatuque belli regem videret vrgeri, aptius subinde tempus expectans, suspicionem in iniuste celesti consi-

ij præbuit. Namque epistola priusquam ei red-
deretur, in manus Alexandri peruenerat, le-
ctamq; eam ignotia uuli sigillo impresso Siseni
dari iusserat, ad æstimandam fidē Barbari. Qui
quia per complures dies non adierat regem,
scelesto consilio eam visus est suppressisse, & in
agmine à Cretensisibus haud dubiè iussu regis
occisus est.

ARGVMENTVM.

*Thymondas peregrini militis ductor, suadet Da-
rio, vt retrò abeat in Mesopotamiam, quod
consilium illi, copysque Græcis propè exitio
fuit, dum à Sarrapis proditor iudicatur. Ab
Dario seruatur, consilium tamen eius cur
ipse non sequatur rationem adfert, impe-
diment a Damascum mittit, ipse Ciliciam
petit.*

CAP. 13. **I**Amq; Græci milites, quos Thymon-
das à Pharnabazo acceperat, præci-
pua spes & propemodum vnica, ad Dariū per-
uenerant. Hi magnopere fundebant, vt retro a-
biret, spatiososq; Mesopotamiæ campos repe-
teret. Si id consilium damnaret, at ille diuide-
ret saltē copias innumerabiles, neq; sub vnum
fortunæ ictum totas vires regni cadere patere-
tur. Minus hoc regi, quam purpuratis eius di-
splicebat: ancipitem fidem, mercede venalem
proditionem imminui & diuidi non ob aliud
copias velle, quā vt ipsi in diuersa digressi, si
quid

id commissum esset, traderent Alexandro. Nil tutius fore, quàm circumdatos eos exercitu toto obrui telis, documentum non inultæ perfidiæ futuros. At Darius, vt erat sanctus & iustus, se verò tantum facinus negat esse futurum, vt suam secutos fidem, suos milites iubeat rucidari. Quem deind amplius nationum exterarum salutem suam crediturum sibi, si tot militum sanguine imbuisset manus? Neminem tolidum consilium capite luere debere. defuturos, qui suaderent, si suasisse, periculum esset. denique ipsos quotidie ad se vocari in consilium; variasq; sententias dicere: nec tamen melioris fidei haberi, qui prudentius suaserit. Itaque Græcis nunciare iubet, ipsum quidem beneuolentiæ illorum gratias agere; ceterum, si retrò ire pergat, haud dubiè regnum hostibus traditurum. fama bella stare: & eum, qui recedat, fugere credi. Trahendi verò belli vix vllam esse rationem, tantæ enim multitudini, vti que cùm iam hyems instaret, in regione vasta, & inuicem à suis, atq; hoste vexata, non suffectura alimenta, ne diuidi quidem copias posse, seruatò more maiorum, qui vniuersas vires discrimini bellorum semper obtulerint. Et herclè terribilem anteà regem, & absentia sua ad vanam fiduciam elatum, postquàm aduentare se senserit cautum pro temerario factum. delituisse inter angustias saltus, ritu ignobilium ferarum, quæ, strepitu prætereuntium audito, siluarum latebris se occulerent. Iam etiam multitudinis simulatione frustrari suos milites: sed non amplius ipsum esse passurum detrectare certamen. in illo specu, in quem pauidi recessissent, oppressurum esse cunctantes. Hæc magni-

nificentius iactata, quàm verius. Ceterùm pecunia omni, rerumque pretiosissimis Damascum Syriæ cum modico præsidio militum missis, reliquas copias in Ciliciam duxit, insequentibus more patrio agmen coniuge ac matre: virgines quoque cum paruo filio comitabantur patrem.

ARGVMENTVM.

Alexander ad Syriæ portas, Darius eadem nocte ad pylas Amanicas peruenit, ille vt exiret, hic vt intraret Ciliciam, qui Isson occupat, deprehensos ibi Macedones crudeliter aut truncat, aut trucidat, tergisque fugientium hæret, Alexandrum quasi fugientem affecuturus, qui simul cognouit Darium adesse, conuerso itinere constitit, paratusque Dario occurrit.

CAP. I 4. FORTÈ eadem nocte & Alexander ad fauces, quibus Syriâ aditur, & Darius ad eū locū, quem Amanicas Pylas vocant, peruenit. nec dubitauere Persæ, quin Issō relicta, quā ceperant, Macedones fugerent. nam etiam faucibus quidā & inualidi, qui agmen non poterant persequi, excepti erant. quos omnes instinctu purpuratorum barbara feritate sæuentiū, præcisis; adustisq; manibus circumduci, vt copias suas noscerent: satisque omnibus spectatis nuntiare; quæ vidissent, regi suo iussit. Mortis ergo castris, superat Pinarum amnem, intergis, vt credebat, fugientiū hæsurus. At illi, quorum

imputauerat manus, ad castra Macedonum
 erant, Darium quanto maximo cursu pos-
 equi, nuntiantes. Vix fides habebatur. ita
 speculatores in maximas regiones præ-
 los explorare iubet, ipse ne adesset, an præ-
 torum aliquis speciem præbisset vniuersi
 nientis exercitus. Sed cum speculatores re-
 rterentur, procul ingens multitudo conspe-
 ct est. Ignes deinde totis campis collucere cœ-
 runt, omniaque velut continenti incendio
 dere visa, cum incondita multitudo maxime
 propter iumenta laxius tenderet. Itaque eo ip-
 so loco metari suos castra iusserat, latus, quod
 omni expetierat voto, in illis potissimum an-
 gustijs decernendum fore.

ARGVMENTVM.

*Acstuat curis Alexander, nocte qua prælum an-
 teceßit, sacrificat, manè instructo milite
 in hostem pergit, aciemq, ad prælum dispo-
 nit.*

CAP. II. CETERUM, vt solet, cum vltimi dis-
 criminis tempus aduentat, in soli-
 tudine versa fiducia est. illam ipsam fortunam,
 qua aspirante res tam prospere gesserat, vere-
 batur, nec iniuria. ex his quæ tribuisset sibi, quæ
 mutabilis esset, reputabat. vnā superesse no-
 tē, quæ tanti discriminis moraretur euen-
 tum. Rursus occurrebant maiora periculis præ-
 mia. & sicut dubium esset an vinceret, ita illud

viti.

nec ad vnum intentus imperium, vario tumultu cuncta turbauerat. Darius initid iugum montis cum parte copiarum occupare statuit, & à fronte, & à tergo circuiturus hostem. à mari quoq; quo dexterum eius cornu tegebatur, alios obiecturus, vt vndique vrgeret. Præter hæc viginti millia præmissa cum sagittariorum manu, Pinarum amnem, qui duo agmina interfluebat, transire, & obijcere sese Macedonum copijs iusserat. Si id præstare non possent, retrocedere in montes, & occultè circuire ultimos hostium. Ceterum destinata salubriter omni ratione potentior fortuna discussit: quippe alij præ metu imperium exsequi non audebant, alij frustra exsequebantur: quia vbi partes labant, summa turbatur.

CAPVT XVI.

ARGVMENTVM.

Darius aciem ad pugnam instruit.

Acies autem hoc modo stetit: Nabarzanes equitatu dexterum cornu tuebatur, additis funditorum sagittariorumque viginti ferme millibus; in eodem Thymodes erat, Græcis peditibus mercede conductis triginta millibus præpositus. Hoc erat haud dubie robore exercitus, par Macedonicæ phalangi acies. In læuo cornu Aristomedes Thessalus viginti millia Barbarorum peditum habebat. In subsidijs pugnacissimas locauerat gentes. Ipsum regem in eodem cornu dimicaturum tria millia deiektorum equitum assueta corporis custodias & pedestris acies XL. millia sequebantur. Hyrcani

C

dcia

deinde, Medique equites, his proximi cæterarum gentium vltra eos dextra, læuaque dispositi. Hoc agmen, sicut dictum est, instructum, sex millia iaculatorum, funditorumque antecede-
bant. Quicquid in illis angustiis adiri poterat, impleuerant copiarum: cornuaque hinc abiugo, illinc à mari stabant: vxorem, matremque regis, & alium feminarum gregem in medium agmen acceperant.

C A P V T X V I I I .

A R G V M E N T V M .

Alexander ita militem collocavit, vti nulla ratione posset circuiiri aut concludi.

Alexander phalangem, qua nihil apud Macedonas validius erat, in fronte constituit: dextrum cornu Nicanor Parmenionis filius tuebatur: huic proximi stabant Cœnos, & Perdicas, & Meleager, & Ptolemæus, & Amyntas, sui quisque agminis duces. In læuo, quod ad mare pertinebat, Craterus, & Parmenio erant: sed Craterus Parmenioni parere iussus. Equites ab utroque cornu locati, dextrum Macedones Thessalis adiunctis, læuum Peloponneses tuebantur. Ante hanc aciem posuerat funditorum manum sagittariis admixtis. Thraces quoque & Cretenses ante agmen ibant, & ipsi leuiter armati. At ijs, qui præmissi ab Dario iugum montis insederant, Agrianos opposuit, ex Græcia nuper aduectos, Parmenioni autem præceperat, vt quantū posset, agmen ad mare extenderet, quò longius abesset acies montibus, quos occupauerant Barbari. At illi neque ob stare venientibus

bus, nec circuire prætergressos ausi, funditorum maximè aspectu territi profugerant, eaque res Alexandro tutum agminis latus, quod ne supernè incessetur, timuerat, præstitit. Triginta & duo armatorum ordines ibant: neque enim latius extendi aciem patiebantur angustiae. Paulatim deinde laxare se sinus montium, & maius spatium aperire coeperant, ita ut non pedes solum pluribus ordinibus incedere, sed etiam lateribus circumfundi posset equitatus.

CAPUT XIX.

ARGUMENTVM.

Clamor tollitur ingens ab vtraque parte, Alexander suos hortatur ad praelium.

IAM in conspectu, sed extra teli iactum vtraque acies erat, cum priores Persæ inconditum & truem sustulere clamorem. Redditur & à Macedonibus maior exercitus numero, iugis montium, vastisque saltibus repercussus: quippe semper circumiecta nemora, petraeque quantamcunque acceperere, vocem multiplicato sono referunt. Alexander ante prima signa ibat, identidem manu suos inhibens, ne impensius ob nimiam festinationem concitato spiritu capefferent proelium. Cumque agmini obequicaret, varia oratione, ut cuiusque animis aptum erat, milites alloquebatur. *Macedones, tot bellorum in Europa victores, ad subigendam Asiam, atque vltima Orientis, non ipsius magis, quam suo ductu profectos, inueterata vir-*

tutis admonebat. illos terrarum orbis liberato-
res, emensosque olim Herculis, & Liberi patris
terminos, non Persis modo, sed etiam omnibus gen-
tibus imposituros iugum. Macedonum Bactra, &
Indos fore: minima esse, qua nunc tuerentur, sed
omnia victoria aperiri, nō in præruptis petris Il-
lyricorum, & Thraciæ saxis sterilem laborem fo-
re: spolia totius Orientis offerri. vix gladio futu-
rum opus. totam aciem suo pauore fluctuantem
vmbonibus posse propelli. Victor adhuc Athenien-
sium Philippus pater inuocabatur, domitq; nuper
Bæotia, & vrbis in ea nobilissima ad solum di-
ruta species representabatur animis: iam Grani-
cum amnem, iam tot vrbes aut expugnatas, aut in
fidem acceptas, omniaq; , qua post tergum erant
strata, & pedibus ipsorum subiecta memorabat.
Cum adierat Græcos, admonebat, ab ijs gentibus
illata Græciæ bella Darij prius, deinde Xerxis in-
solentia, aquam ipsam, terramq; populantium, vt
neq; fontium haustum, nec solitos cibos relinque-
rent. dedita deis templa ruinis & ignibus esse de-
leta: vrbes eorum expugnatas, fœdera diuini hu-
maniq; iuris violata, referebat. Illyrios verò, &
Thracas, raptò viuere assuetos, aciem hostium,
auro purpurq; fulgentem, intueri iubebat, præ-
dam non arma gestantem. irent, & imbellibus fe-
minis aurum viri eripereut, aspera montium suo-
rum iuga, nudosq; colles, & perpetuo rigentes
gelu, ditibus Persarum campis, agrisque muta-
rent.

CAPVT XX.

ARGVMENTVM.

Pralium patrat, utriusq; summa ope certatur.

IAm ad teli iactum peruenerant, cum Persarum equites ferociter in læuum cornu hostium inuecti sunt: quippe Darius equestri proelio decernere optabat, phalangem Macedonici exercitus robore esse coniectans. iamque etiam dextrum Alexandri cornu circuibatur, quod ubi Macedo conspexit, duabus alis equitum ad iugum montis iussis subsistere, ceteros in medium belli discrimen strenuè transfert. Subductis deinde ex acie Thessalis equitibus præfectum eorum occultè circuire tergum suorum iubet, Parmenionique coniungi, & quod is imperasset, impigrè exsequi. Iamque ipsi in medium Persarum undique circumfusi egregiè se tuebantur: sed conferti, & quasi cohærentes tela vibrare non poterant. simul erant emissæ, in eodem concurrentia implicabantur, leuique & vano ictu pauca in hostem, plura in humum innoxia cadebant. Ergo comminus pugnam coacti conferere, gladios impigrè stringunt. Tum verò multum sanguinis fusum est: duæ quippe acies ita cohærebant, ut armis arma pulsarent, mucrones in ora dirigerent: non timido, non ignauo cessare tum licuit: collato pede quasi singuli inter se dimicarent, in eodem vestigio stabant, donec vincendo locum sibi facerent. Tum demum ergo promouebant gradum, cum hostem prostrauerant. At illos nouus excipiebat aduersarius fatigatos. nec vulnerati, ut aliàs

foient, acie peterant excedere, cùm hostis instaret à fronte, à tergo sui vrgerent.

CAPVT XXI.

ARGVMENTVM.

Alexander vrget Darium, illiusq; iugulo imminet, quem frater defendit, ingens circa Darij currum fit cædes. Darius primus omnium fugit, quem strenuè sequitur miles. Thessaliam laborant, quorum alâ vnâ fusâ, altera circumacta vincit. Ita victor ubiq; euadit Alexander.

Alexander non ducis magis, quàm militis munia exsequebatur, opimum decus cæso rege expetens: quippe Darius curru sublimis eminebat, & suis ad se tuendum, & hostibus ad incesendum, ingens incitamentum. Ergo frater eius Oxathres cùm Alexandrum instare ei cerneret, equites quibus præerat, ante ipsû currum regis obiecit, armis & robore corporis multum super ceteros eminens; animo verò, & pietate in paucissimis, illo utiq; prælio clarus: alios improvidè instantes prostrauit, alios in fugam auertit. At Macedones, ut circa regem erant, mutua adhortatione firmati, cum ipso in equitum agmen irrumpunt. Tum verò similis ruinæ strages erat. circa currum Darij iacebant nobilissimi duces, ante oculos regis egregia morte defuncti, omnes in ora proni, sicut dimicantes procubuerant, aduerso corpore vulneribus acceptis. Inter hos Atizyes & Rheomithres, & Sataces prætor Aegypti, magnorum exercituum præfecti, nō citabantur: circa eos cummulata erant peditum, equitumq;

ob-

obscurior turba. Macedonum quoque non quidem multi, sed promptissimi tamen cæsi sunt. inter quos Alexandri dextrum femur leniter mucrone perstrictum est. Iamq; qui Dariū vebant, equi confossi hastis & dolore efferati iugum quatere, & regem curru excutere cœperant: cū ille, veritus ne viuis veniret in hostium potestatem, desilire, & in equum, qui ad hoc ipsum sequebatur, imponitur, insignibus quoque imperij, ne fugam proderet, indecore abiectis. Tum verò cæteri dissipantur metu, & qua cuique ad fugam patebat via erumpunt, arma iacentes, quæ paullò antè ad tutelam corporum sumserant. adeò paupor etiam auxilia formidat. Instabat fugientibus eques à Parmenione missus, & fortè in illud cornu omnes fuga abstulerat. At in dextro, Persæ Thessalos equites vehemèter vrgebant, iamq; vna ala ipso impetu proculcata erat, cum Thessali strenuè circumactis equis dilapsi, rursus in præliū redeunt, sparsosq; & in compositos victoriæ fiducia Barbaros ingenti cæde prosternunt. Equi pariter equitesq; Persarum, serie laminarum graues agmen ægrè moliebantur: quippe in circūagendis equis suis Thessali (quod genus celeritate maxime constat) multos occupauerant.

CAPVT XXII.

ARGUMENTVM.

Alexander persequitur fugientes, Græci soli sensim se subduxere à Persis, ex quibus alij cæsi, alij Dariū secuti, quatuor millia, cū Amynta euasere. Castra inde hostiū ab Alexandri milite occupata, capti filius, mater,

vxor, filia Darij, toto pralio casi Persarum centum millia peditum, decem millia equitum, Macedonum duo & triginta pedites, centum quinquaginta equites non amplius desiderati.

HAc tam prospera pugna nuntiata, Alexander non antè ausus persequi Barbaros, vtrunque iam victor instare fugientib. cœpit. Haud amplius regem, quàm mille equites sequebantur, cùm ingens multitudo hostiũ caderet. Sed quis aut in victoria, aut in fuga copias numerat? Agebantur ergo à tam paucis pecorum modo, & idem metus, qui cogebat fugere, fugientes morabatur. At Græci, qui in Darij partibus steterant, Amynta duce, (prætor hic Alexandri fuerat, tunc transfuga,) abrupti à ceteris, haud sanè fugientibus similes euaserat. Barbari longe diuersam fugam intenderunt, alij quã rectum iter in Persidẽ ducebat, quidam circuitu rupes, saltusq; montiũ occultos petiuere, pauci castra Darij. Sed iam illa quoque hostis victor intrauerat, omni quidẽ opulentia ditia. ingens auri, argentiq; pondus, non belli, sed luxuriæ apparatus diripuerant milites. cũq; plus raperent, passim strata erant itinera vilioribus sarcinis, quas in comparatione meliorum auaritia contẽplerat. Iamq; ad feminas peruentũ erat: quibus, quò cariora ornamenta sunt, violentius detrahebantur: nec corporib. quidẽ vis, ac libido parcebat. omnia planctu, tumultuque, prout cuiq; fortuna erat, castra repleuerat: nec vlla facies mali deerat, cum per omnes ætates ordinesque victoris crudelitas, ac licetia vagaretur. Tunc verò impotētis fortunæ species cōspici

spici potuit, cum ij, qui cum Dario tabernaculum exornauerant omni luxu & opulentia instructum, eadē illa Alexandro, quasi veteri dono reservabant, namq; id solum intactum omiserant milites, ita tradito more, vt victorē victi regis tabernaculo exciperent. Sed omnium oculos, animosq; in semet auerterant captivæ mater, coniunxque Darij: illæ non maiestate solum, sed etiam ætate venerabilis: hæc formæ pulchritudine, nec illa quidem sorte corrupta, acceperat in sinum filium, nondum sextum annum ætatis egressum, in spem tantæ fortunæ, quantam pater eius paullò antè amiserat, genitum. At in gremio anus auiæ iacebant adultæ duæ virgines, non suo tantum, sed etiam illius moerore confectæ. Ingens circa eam nobilium feminar ūrba constiterat, laceratis crinibus, abscessaque veste, pristini decoris immemores, reginas, dominasque veris quondam, tunc alienis nominibus inuocantes. Illæ suæ calamitatis oblitæ, vtro cornu Darius stetisset, quæ fortuna discriminis fuisset, requirebant, negabant se captas, si viueret rex, sed illum equos subinde mutantem longiùs fuga abstulerat. In acie autem cæsa sunt Persarum peditum centum milia, decem equitum. At ex parte Alexandri ad quatuor, & quingenti faucij fuere, triginta omnino & duo ex peditibus desiderati sunt, equitum centum quinquaginta interfecti.

Tantulo impendio ingens
victoria stetit.

ARGVMENTVM.

*Alexander desperato capi posse Darium, reuer-
sus in castra Darij conuiuium celebrat,
Leonnattus mittitur ad solandas capti-
uas.*

REx, diu Darium persequendo fatigatus, postquam & nox appetebat, & con-
sequendi spes non erat, in castra paullo ante
à suis capta, peruenit. Inuitari deinde ami-
cos, quibus maxime assueuerat, iussit: quippe
summa duntaxat cutis in femine perstricta, nō
prohibebat interesse conuiuii: cū repente è
proximo tabernaculo lugubris clamor barbaro
vlulatu planctuque permixtus, epulantes con-
terrui. Cohors quoque, quæ excubabat ad ta-
bernaculum regis, verita, ne maioris motus
principium esset, armare se cœperat. Causa su-
biti pauoris fuit, quod mater, vxorque Darij
cum captiuis nobilibus regem, quem interfe-
ctum esse credebant, ingenti gemitu, eiulatuque
deslebant. Vnus namq; de captiuis spadonibus,
qui forte ante ipsarum tabernaculum steterat,
amiculum, quod Darius (sicut paullo ante dictū
est) ne cultu proderetur, abiecerat, in manibus
eius, qui repertum ferebat, agnouit: ratusque,
interfecto detractum esse, falsum nuntium mor-
tis eius attulerat. Hoc mulierum errore com-
perto, Alexander fortunæ Darij, & pietati earū
illacrimasse fertur. Ac primo Mithrenem, qui
Sardis tradiderat, peritum Persicæ linguæ, ire
ad con-

ad consolandas eas iusserat : veritus deinde ne proditor captiuarum iram, doloremque renouaret: Leonnatum ex purpuratis suis misit, iussum indicare, falsò lamentari eas viuum. Ille cum paucis armigeris in tabernaculum, in quo captivæ erant, peruenit, missumque se à rege nuntiare iubet. At ij, qui in vestibulo grant, vt armatos conspexere, rati, actum esse de dominis, in tabernaculum currunt, vociferantes adesse supremam horam, missosque qui occiderent captas. Itaque, vt quæ nec prohibere possent, nec admittere auderent, nullo responso dato, tacitè opperiebantur victoris arbitrium. Leonnatus, expectato diu qui se introduceret, postquam nemo procedere audebat, relictis in vestibulo satellitibus, intrat in tabernaculum, eà ipsa res turbauerat feminas, quòd irrupisse non admissus videbatur. Itaque mater & coniunx prouolutæ ad pedes orare cœperunt, vt prius quam interficerentur, Darij corpus ipsis patrio more sepelire permetteret: functas supremo in regem officio se impigrè morituras. Leonnatus & viuere Darium, & ipsas non incolumes modò, sed etiam apparatu pristinæ fortunæ reginas fore. Tum demum Darij mater alleuari se passa est.

CAPVT XXIV.

ARGVMENTVM.

Alexander visitat captiuas, colloquitur cum Sisygambe Darij matre, qua optimè precatur hosti ob clementiam, qui regiam omnium fortunam conseruat, pudorem singularum singulari cura tuetur, laudatur ab Curtio Alexander ob continentiam, quam omnibus eius operibus meritò anteposit.

Alexander postero die, cum cura sepul-
tis militibus, quorum corpora inue-
nerat: Persarum quoque nobilissimis eun-
dem honorem haberi iubet: matrique Darij
permitti, quos vellet, patrio more sepeliret. Il-
la paucos arta propinquitate cōiunctos pro ha-
bitu præsentis fortunæ humari iussit, apparatus
funerū, quo Persæ suprema officia celebrarent,
inuidiosum fore existimans, cum victores haud
pretiosè cremarentur. Iamq; iustis defunctorū
corporibus solutis, præmittit ad captiuas, qui
nuntiaret ipsum venire, inhibitaque comitan-
tium turba tabernaculum cum Hephæstione
intrat. Is longè omnium amicorum carissimus
erat regi, cum ipso pariter educatus, secretorū
omnium arbiter: libertatis quoque in admo-
nendo eo non alius ius habebat, quod tamen
ita vlsurpabat, vt magis à rege permilsum, quā
vindictum ab eo videretur. & sicut ætate par
erat regi, ita corporis habitu præstabat. Ergo
regi-

ginæ illum regem esse ratæ, suo more venera-
e sunt. Inde ex captiuis spadonibus, quis Ale-
xander esset, monstrantibus, Sisygambis aduo-
cata est pedibus eius, ignorationem numquam
antea visi regis excusans. quam manu alleuans
rex, Non errasti, inquit, mater: nam & hic Ale-
xander est. Equidem hac continentia animi si
ad vltimum vitę perseuerare potuisset, felicio-
rem fuisse crederem, quam visus est esse, cum
Liberi patris imitaretur triumphum, vsque ab
Helle ponto ad Oceanum omnes gentes victo-
ria emensus: si vicisset profectò, superbiam at-
que iram, mala iniuncta: Si abstinuisset inter e-
pulas cædibus amicorum, egregiosq; bello vi-
ros, & tot gentium secum domitores indicta
causa veritus esset occidere. Sed nondū fortuna
se animo eius superfuderat. Itaq; orientē eam
moderatē, & prudenter tulit, ad vltimum ma-
gnitudinem eius non cepit: tum quidem ita se
gessit, vt omnes ante eum reges & continētia,
& clementia vinceret. Virgines reginas excel-
lentis formæ tam sanctē habuit, quā si eodem,
quo ipse, parente genitæ forent. Coniugē eius-
dem, quam nulla ætatis suæ pulchritudine cor-
poris vicit, aded ipse non violauit, vt summam
adhibuerit curam, ne quis captiuo corpori il-
luderet. Omnem cultum reddi feminis iussit,
nec quicquam ex pristinæ fortunæ magnifi-
centia captiuis, præter fiduciam, defuit.
Itaque Sisygambis, Rex, inquit, mereris, vt ea
precemur tibi, qua Darto nostro quondam preca-
ta sumus: & (vt video) dignus es, qui tantum
regem non felicitate solum, sed etiā æquitatē su-
peraueris. Tu quidem matrem me, & reginam

VOCAL

vocas: sed ego me tuam famulam esse confiteor. & praterita fortuna fastigium capio, & præsens iugum pati possum. Tua interest, quantum in nos licuerit, si id potius clementia, quàm sauitia vis esse testatum. Rex bonum animum habere eas iussit. Darij deinde filium collo suo admo-
nit. Atque nihil ille conspectu tum primum à se visi contritus, ceruicem eius manibus amplectitur. Motus ergo rex constantia pueri, Hephæstionem intuens, *Quam vellem,* inquit, *Darius aliquid ex hac indole hausisset.*

C A P V T X X V.

A R G V M E N T V M.

Alexander aris pugna monumento (nam trophaa Macedones non fixere) positu, Syriam petit. Parmenio Damascum proditione cū thesauro regio & gynaceis capit, proditoris caesi caput ad Darium fertur.

TVM tabernaculo egressus, tribus aris in ripa Pinari amnis, Ioui, atque Herculi Mineruæque sacratis, Syriam petit, Damascum, vbi regis gaza erat, Parmenione præmisso. Atque is, cum præcessisse Darij satrapam comperisset, veritus ne paucitas suorum sperneretur, accersere maiorem manū statuit. Sed fortè in exploratores ab eo præmissos incidit nazione Mardus, qui ad Parmenionē perductus, litteras ad Alexandrum à præfecto Damasci missas tradit ei: nec dubitare eum, quin omnē regiam supellecti-

lectilē, cum pecunia traderet. Parmenio asseruari eo iusso, litteras aperit, inquis erat scriptū, ut maturē Alexander aliquem ex ducibus suis mitteret cum manu exigua. Itaque Mardum datis comitibus ad proditorem remittit. Ille ē manibus custodientium lapsus, Damascum antē lucem intrat. Turbauerat ea res Parmenionis animum insidias timentis, & ignotum iter sine duce non audebat ingredi: felicitati tamē regis sui confusus, agrestes, qui duces itineris essent, excipi iussit. Quibus celeriter repertis, quarto die ad urbē peruenit, iam metuentes prefecto, ne sibi fides habita nō esset. Igitur quasi parum munimentis oppidi fidens, ante solis ortū pecuniā regiam, (gazam Persæ vocant) cum preciosissimis rerum efferri iubet, fugam simulans; reuera ut prædam hosti offerret. Multa millia virorum, feminarumq; excedentem oppido sequebantur, omnibus miserabilis turba, præter eum, cuius fidei commissa erat. quippe quō maior proditiōnis merces foret, obijcere hosti parabat gratiorem omni pecunia prædam, nobiles viros, prætorum Darij coniuges, liberosque: præter hos Græcarum urbium legatos, quos Darius velut in arce tutissima, in proditoris reliquerat manibus. Gangabas Persæ vocant humeris onera portantes. Ii cū frigus tolerare non possent (quippe & procella subitō niuem effuderat, & flumens rigebat gelus) tum astrictas vestes, quas cum pecunia portabant auro, & purpura insignes induunt, nullo prohibere auso, cū fortuna regis etiam humillimis in ipsum licentiam faceret. Præbuere ergo Parmenioni non spernendi agminis speciem: qui intentiore cura suos quasi ad iustum præ-

proe-

proelium paucis adhortatus, equis calcaria iurbet subdere, & acri impetu in hostem euehi. At illi qui sub oneribus erant, omisis per metum capessunt fugam. Armati quoque, qui eos prosequerantur, eodem metu arma iactare, ac nota diuerticula petere coeperunt. Præfectus quasi & ipse conterritus simulans, cuncta pauore compleuerat. Iacebant totis campis opes regiæ. Illa pecunia stipendio ingenti militum præparata. Ille cultus tot nobilium virorum, tot illustrium feminarum, aurea vasa, aurci freni, tabernacula regali magnificentia ornata, vehicula quoque à suis destituta gentis opulentia plena, facies etiam prædantibus tristis, si qua res auaritiam moraretur: quippe tot annorum incredibili, & fidem excedente fortuna cumulatæ, tunc alia stirpibus dilacerata, alia in coenum demersa eruebantur: non sufficebant prædantium manus prædæ. jamque etiam ad eos, qui primi fugerant, ventum erat. fæminæ pleræque paruos trahentes liberos ibant: inter quas fuere tres virgines Ochi, qui ante Darium regnauerat, filia, olim quidem ex fastigio paterno, rerum mutatione detractæ, sed dum sortem earum crudelius aggrauante fortuna: in eodem grege vxor quoque eiusdem Ochi fuit, Oxythrisq; (frater hic erat Darij) filia, & coniunx Artabazi principis purpuratorum: & filius, cui Ilioneo fuit nomen. Pharnabazi quoque, cui summum imperium maritimæ oræ rex dederat, vxor cum filio excepta est. Mentoris filia tres, ac nobilissimi ducis Memnonis coniunx, & filius. Vixq; vlla domus purpurati fuit tantæ cladis expers. Lacedæmonij quoque, & Athenien-

ienſes, ſocietatis fide violata, Perſas ſecuti,
 riſtogiton & Dropides, & Iphicrates, inter
 thenienſes genere famaſque longe clariffimi.
 acedæmonij Perſiſſippus, & Onomaſtorides
 um Omaio, & Callicratide. Hi quoque domi
 robiles. Summa pecuniæ ſignatæ fuit talento-
 rum duo millia & ſexcenta: facti argenti pon-
 dus quingenta æquabat. Præterea XXX. millia
 hominum cum ſeptem millibus iumentorum
 dorſo onera portantium capta ſunt. Ceterum
 diſſi tantæ fortunæ proditorem celeriter cum
 debita poena perſecuti ſunt. Namque vnus eſt
 conſcijs eius, credo, regis vicem etiam in illa
 forte reueritus, interfecti proditoris caput ad
 Darium tulit, opportunum ſolatiūm prodito,
 quippe & vltus inimicum erat, & nondum in
 omnium animis memoriam maiestatis
 ſuæ exoleuiſſe cernebat.

(::)

D

Q. CVR

Q. CVRTH RVFI
 HISTORIARVM
 ALEXANDRI MA-
 GNI MACEDONIS
 LIBER QVARTVS.

SYNOPSIS HVIVS LIBRI.

Alexander respondet litteris Darÿ, Cæle-
 Syriam & Phœniciam inuadit. Abdalony-
 mum Sidonis, ex auctorato Stratone, no-
 uum regem dat. Tyrum septem mensibus obse-
 sam continenti iungit & expugnat, Gazam ca-
 pit, Aegyptum recipit, ad Hammonis templum
 penetrat, Deus salutatur, condit Alexandriam,
 Luna hebescit, Darius iterum ac tertio frustra
 conditiones pacis fert Alexandro: latas ab Ale-
 xandro respuit: decernitur pralio ad Gaugamela
 haud procul Arbelis, Darius victus more suo au-
 xilium à pedibus quarit.

CAPVT

CAPVT I.

ARGVMENTVM.

Darij fugam exequitur Curtius. Alexander Parmenione Syriae praefecto Aradum insulam cum rege Stratone in deditiorem accipit, ad Marathon urbem castra mouet, vbi literas ab Dario superbe scriptas accipit, pariq; stilo & atrocius etiam respondet.

DARIVS tanti modo exercitus rex, qui triumphantis magis, quàm dimicantis more curru sublimis inierat praeliū, per loca, quæ prope immensis agminibus impleuerat, iam inania & ingenti solitudine vasta fugiebat. pauci regem sequebantur. Nam nec eodē omnes fugam intenderant, & deficientibus equis cursum eorum, quos rex subinde mutabat æquare non poterāt. Onchas deinde peruenit: vbi excepere Græcorum quatuor millia. cum quibus ad Euphratem contendit: id demum credens fore ipsius, quod celeritate præcipere potuisset. At Alexander Parmenionem, per quem apud Damascum recepta erat præda, iussu eam ipsam & captiuos diligenti asseruare custodia, Syriae quàm Coelen vocant præfecit, Nouum imperium Syri non dum belli cladibus satis domiti aspernabantur: sed celeriter subacti obediēter imperata fecerunt. Aradus quoque insula deditur regi. Maritimam tum oram & pleraque longius etiam à mari recedentia rex eius insulæ Strato possidebat: quo in fidem accepto castra mouit ad urbem Marathon. Ibi illi litteræ à

Dario redduntur, quibus, vt superbè scriptis vehementer offensus est. Præcipuè cum mouit, quod Darius sibi regis titulum, nec eundem Alexandri nòmini ascripserat. Postulabat autem magis quàm petebat: vt accepta pecunia quantamcunque tota Macedonia caperet, matrem sibi ac coniugem liberosq; restitueret. De regno, æquo, si vellet, Marte contenderet. Si saniora consilia tandem paci potuisset, contentus patrio, cederet alieni imperij finibus, socius amicusque esset: in ea se fidem & dare paratum & accipere. Contra Alexander in hunc maximè modum rescripsit. *Rex Alexander Dario. Ille, cuius nomen sumfisti Darius, Græcos, qui oram Hellespontis tenent, coloniasque Græcorum Ionias omni clade vastauit, cum magno deinde exercitu mare traiecit, illato Macedonia & Græcia bello. Rursus Xerxes gentis eiusdem, ad oppugnandos nos cum immanium barbarorum copiis venit: qui nauali pralio victus, Mardonium tamen reliquit in Græcia, vt absens quoque popularetur vrbes, agros vreret. Philippum verò parentem meum quis ignorat ab his interfectum esse, quos intentis pecunia spe sollicitauerant vestri? Impia enim bella suscipitis, & cum habeatis arma, licemini hostium capita: sicut tu proximè talentis mille tanti exercitus rex percussorem in me emere voluisti. Repello igitur bellum, non infero. Et dñs quoque pro meliore stantibus causa, magnam partem Asia in ditionem redegei meam: te ipsum acie vici: quem & si nihil à me impetrare oportebat, vt potè qui ne belli quidem in me iura seruaueris: tamen, si veneris, supplex, & matrem,*

trem, & coniugem, & liberos sine precio recepturum esse promitto. Et vincere & consulere vobis scio. Quod si te committere nobis times, dabitur fides impunè venturum. De cetero, cum mihi scribes, memento non solum regite, sed etiam tuo scribere. Ad hanc perferendam Therfippus missus.

CAPVT II.

ARGVMENTVM.

Alexander in Phœnicia Babilon & Sidonem deditas seruat, Stratonem regem abdicat, Abdalonimum regia stirpe ortum in regium fastigium extollit.

Iple in Phœnicem descendit: & oppidum Babilon traditum recepit. Inde ad Sidonem ventum est, urbem vetustate famaue conditorum inclytam. Regnabat in ea Strato Darij opibus adiutus: sed quia deditioem magis popularium, quàm sua sponte fecerat, regno visus indignus: Ephæstionique permissum, ut quem eo fastigio Sidonis dignissimum arbitraretur, constitueret & regem. Erant Hephæstioni hospites clari inter suos iuuenès, qui facta ipsis potestate regnandi, negauerunt quemquam patrio more in id fastigium recipi, nisi regia stirpe ortum. Admiratus Hephæstion magnitudinem animi spernentis, quod alij per ignes feruntque peterent: *Vos quidem facti virtute, inquit, estote, qui primi intellexistis, quanto maius esset regnum fastidire quam accipere. Ceterum date aliquem regie stirpis, qui memineris à*

vobis acceptum habere se regnum. Atq; illi cum multos imminere tantæ spei cernerent, singulis amicorum Alexâdri ob nimiam regni cupiditatem aduantes, statuunt neminem esse potiorē:quàm Abdalonymum quendam, longa quidem cognatione stirpi regiæ annexum, sed ob inopiam suburbanum hortum exigua colentem sūpe. Causa ei paupertatis sicut plerisque probitas erat, intentusque operi diurno, strepitum armorum, qui totam Asiam concusserat, non exaudiebat. Subito deinde, de quibus ante dictum est, cum regiæ vestis insignibus hortum intrant:quem fortè steriles herbas eligens Abdelonymus repurgabat. Tum rege eo salutato, alter ex his; *Habitus, inquit, quem cernis in manibus meis cum isto squalore permutandus est: ablue corpus illuue, veterinoq; & sordibus squalidum: cape regis animum, & in eâ fortunâ, qua dignus es, istam continentiam perfer, & cum in regali solio residebis, vita necisque omnium civium dominus, caue obliuiscaris huius status, in quo accipis regnum, imò herculè, propter quem, Somnio similis res Abdalonymo videbatur. Interdum satis ne sani essent, qui tam proteruè sibi illuderent, percunctabatur. Sed ut cunctanti squalor ablatus est, & iniecta vestis purpura auroque distincta, & fides à iurantibus facta, serò iâ rex iisdem comitaniibus in regiam peruenit. Fama deinde (vt solet) strenuè tota vrbe discurret, aliorum studiū, aliorum indignatio eminebat: Ditissimus quisque humilitatem inopiæ; eius apud amicos Alexandri criminabatur. Admitti eum rex protinus iussit, diuq; contemplatus, *Corporis, inquit, habitus fama generis nō repug-**

repugnat: sed libet scire, inopiam qua patientia ruleris? Tum ille, utinam, inquit, eodem animo regnum pati possim. Ha manus suffecere desiderio meo: nihil habenti, nihil defuit. Magnæ indolis specimen ex hoc sermone Abdalonymi cepit. Itaque non Stratonis modò regiam supellectilem attribui ei iussit, sed pleraque etiam ex Persica præda: regionem quoque vrbi appositam ditioni eius adiecit.

CAPVT III.

ARGVMENTVM.

Perfidus Amyntas, & transfuga cum suis quatuor millibus primùm Tripolim venit, inde Cyprū, dein Aegyptū, quā conatus occupare ad Mēphim primum victor, mox victus cum suis deletur.

[Nterea Amyntas, quem ad Persas ab Alexandro transfugisse diximus, cum quatuor millibus Græcorum ipsum ex acie persecutis fuga Tripolim peruenit. Inde in naues militibus impositis Cyprum transmisit: & cum in illo statuerum id quemque quod occupasset habiturum arbitraretur, velut certo iure possessum, Aegyptum petere decreuit: vtriq; regi hostis, & semper ex ancipiti mutatione temporum pendens: portatusq; milites ad spem tantæ rei, docet Sacæ prætorem Aegypti cecidisse in acie: Persarum præsidium & sine duce esse & inualidū. Aegyptios sēper prætorib. eorū infensos, pro sociis non pro hostib. æstimaturos. Omnia ex iri necessitas subigebat: quippe cum primas fortuna destituit, futura præsentibus vidē esse potiora. Igitur conclamant, duceret o videretur. Atque ille vtendum animis dū calerent ratus, ad Pelusij ostium penetrat, si-

mulans à Dario se esse præmissum. Potius ergo Pelusij Memphim copias promouit: ad cuius famam Aegyptij vana gens, & nouandis quam gerendis aptior rebus, ex suis quisque vicis vrbibusq; hoc ipsum concurrunt ad delenda præsidia Persarum: qui territi tamen spem retinendi Aegyptum non omiserunt. Sed eos Amyntas proelio superatos in urbem compellit, castrisq; positis, victores ad populandos agros velut in medio positis hostium cunctis agebantur. Itaque Mazaces quanquam infelici proelio suorum animos territos esse cognouerat; tamen palantes & victoriæ fiducia incautos ostentans perpulit, ne dubitarent ex vrbe erumpere, & res amissas recuperare. Id consilium non ratione prudentius, quam euentu felicius fuit. Ad vnum omnes cum ipso duce occisi sunt. Has poëuas Amyntas vtriq; regi dedit, nihilo magis ei, ad quem transfugerat, fidus quam illi, quem deferuerat.

C A P V T I V.

A R G V M E N T V M.

Darij prætores ex acie Issica superstites, recuperare Lydiam tentantes fundit Antigonus. Describuntur dein varia bella inter duces. Darij & Alexandri gesta. Agis quoque rex Lacedæmoniorum Antipatro bellum fecit.

DArii prætores, qui proelio apud Isson superfuerant, cum omni manu, quæ fugientes secuta erat, assumpta etiam Cappadocum & Paphlagonum iuuentute Lydiam recuperare tentabant. Antigonus prætor Alexandri Lydiæ præerat: qui quanquam plerosque militum ex præsidijs ad regem dimiserat, tamen barbaris

ris spretis in aciem suos eduxit. Eadem illic quoque fortuna partium fuit: tribus prælijs alia atque alia regione commissis Persæ funduntur. Eodem tempore classis Macedonum ex Græcia accita, Aristomenem, qui ad Helleis ponti oram recuperandam à Dario erat missus, captis eius aut demersis nauibus superat. A Milesijs deinde Pharnabazus præfectus Persicæ classis pecunia exacta, & præsidio in urbem Chium introducto, centum nauibus Andrum, & inde Syphnum petijt. has quoque insulas præsidijs occupat, pecunia mulctat. Magnitudo belli, quod ab opulentissimis Europæ Asiæq; regibus in spem totius orbis occupandi gerebatur, Græciæ quoque & Cretæ arma commouerat. Agis Lacedæmoniorum rex octo millibus Græcorum, qui ex Cilicia profugi domos repetierāt, contractis, bellum Antipatro Macedonia præfecto moliebatur. Cretenses has aut illas partes secuti nunc Spartanorum, nunc Macedonum præsidijs occupantur. Sed leuiora inter illos fuere discrimina: vnum certamen, ex quo cetera pendebant, intuentem fortuna.

CAPUT V.

ARGVMENTVM.

Tyri law, donum Tyriorum Alexandro missum, Alexander prohibetur urbis aditu, descriptio maris Tyrj & urbis.

IAm tota Syria, iam Phœnicæ quoque excepta Tyro, Macedonum erat: habebatque rex castra in continenti, a quo urbem angustum

fretum dirimit: Tyrus & magnitudine & claritate ante omnes vrbes Syriæ Phœnicesque memorabilis; facilius societatem Alexandri acceptura videbatur; quam imperium. Coronâ igitur auream legati donum afferebant, comatusq; largè & hospitaliter ex oppido aduexerât. Ille dona vt ab amicis accipi iussit, benignèq; legatos allocutus, Herculi (quē præcipuè Tyrij colerēt) sacrificare velle se dixit: Macedonum reges credere ab illo deo ipsos genus ducere: se verò vt id faceret etiam oraculo monitū. Legati respondēt, esse templum Herculis extra urbē, in ea sede quem Palætyron ipsi vocant: ibi regē deo sacrum ritè facturum. Nō tenuit iram Alexander: cuius alioquin potens nō erat. Itaq; vos quidem, inquit, fiducia loci, quod in insulam incolitis, pedestrem hūc exercitum spernitis: sed breui ostendam in continenti vos esse, Proinde sciatis licet, aut intraturum me urbem, aut oppugnaturum. Cum hoc responso dimissos monere amici cœperunt, vt regem quem Syria, quem Phœnice recepisset, ipsi quoq; urbem intrare paterentur: at illi loco satis fissi obsidionē ferre decreuerunt. Namq; urbem à continenti quatuor stadiorum fretum diuidit, Africo maxime obiectum, crebros ex alto fluctus in litus euoluit, nec accipiendo operi, quo Macedones continenti insulam iungere parabant, quidquam magis quàm ille ventus obstabat: quippe vix leni & tranquillo mari moles agi possunt. Africanus verò prima quæq; congesta pulsu maris illisa subruit: nec vlla tam firma moles est, quam non exedant. Unde, & per enixus operum mauantes, & vbi acrior flatus existit, summi

operis fastigio superfusa. Præter hanc difficultatem haud minor alia erat: muros turresque urbis præaltum mare ambiebat. Non tormenta nisi è nauibus procul excussa mitti, non scalæ pœnibus applicari poterant: præceps in salum furus, pedestre interceperat iter: naues nec habebat rex, & si admouisset, pendentes & inabiles missilibus arceri poterant.

CAPVT VI.

ARGVMENTVM.

Carthaginensium legati firmant Tyrios contra Alexandrum. prodigia vrbi exitium portendentia.

INTER quæ haud parua dictu res Tyriorum fiducia accendit. Carthaginensium legati ad celebrandum sacrum anniuersarium more patrio tunc venerant: quippe Carthaginem Tyrij condiderunt, semper parentum loco culti; hortari ergo Pœni cœperunt, vt obsidionem fortianimo paterentur, breui Carthagine auxilia ventura; namque ea tempestate magna ex parte Punicis classibus maria obsidebantur. Igitur bello decreto per muros turresque tormenta disponūt: arma iunioribus diuidūt opifices, quorū copia vrbs abundabat, in officinas distribuunt: omnia belli apparatu strepunt: ferreæ quoque manus (harpagonas vocant) quas operibus hostium iniicerent, coruiq; & alia tuendis vrbibus excogitata, præparabantur. Sed

cum

cum fornacibus ferrum, quod excudi oportebat, impositum esset, ad motisq; follibus igne flutu accenderent, sanguinis riuui sub ipsis flammis extitisse dicuntur: idque omen in Macedonum metum verterunt Tyrij. Apud Macedones quoque cum fortè panem quidam militū frangerent, manantis sanguinis guttas notauerunt: territoque rege Aristander peritissimus vates si extrinsecus cruor fluxisset, Macedonibus id triste futurum ait: contrà cum interiore parte manauerit, vrbi, quàm obsidere destinaissent, exitium portendere,

CAPVT VII.

ARGVMENTVM.

Tyrij Alexandri legatos de pace missos occidunt, difficultas obsidionis, desperatio militis, Alexandri hortatio.

Alexander cum & classẽ procul haberet, & longam obsidionem magno sibi ad cætera impedimento videret fore, caduceatores, qui ad pacem eos compellerent, misit: quos Tyrij contra ius gentium occisos præcipitauerunt in altum. Atque ille suorum iam indigna nece commotus, urbem obsidere statuit. Sed antè iacienda moles erat, quæ continenti urbem committeret. Ingens ergo animis militum desperatio incessit: profundum mare, quod vix diuina ope posset impleri: quæ saxa tam vasta, quas tam proceras arbores posse reperiri? exhau-

exhauriendas esse regiones, ut illud spatium aggeraretur: exæstuare semper fretum: quoque artius volutetur inter insulam & continentem, hoc acrius furere. At ille haud quam rudis tractandi militares animos, *speciem sibi Herculis in somno oblatam esse pronuntiat, dextram porrigentis: illo duce, illo apertiente, in urbem intrare se visum.* Inter hac caduceatores interfectos, gentium iure violatore crebat. Vnam esse urbem: quæ cursum victoris honorari ausa esset. Ducibus deinde negotium datur, ut suos quisque castiget: satisque omni-
us stimulis opus orsus est.

CAPUT VIII.

ARGUMENTUM.

incipit aggerem iacere per mare, Tyrj obnituntur, Expeditio interim in Arabes.

Agna vis saxorum ad manum erat Tyro vetere: materies ex libanō monte ratibus turribus faciendis aduehebatur. Iamque à rido maris in altitudinem modicam opus exuerat, nondum tamen aquæ fastigium æquabat: & quo longius moles agebatur à litore, e magis quidquid ingerebatur, præ altum orbebat mare: cum Tyrj paruis navigijs aditis per ludibrium exprobebant, illos armis tyros dorso sicut iumenta onera gestare: inogabant etiam, num maior Neptuno Alexander

xander esset. Hæc ipsa insectatio alacritate militum accendit. Iamq; paulum moles aqua eminebat: & simul aggeris latitudo crescebat: vrbique admouebatur: cum Tyrîj magnitudinis molis, cuius incrementum eos ante fefellerat conspecta, leuibus nauigijs nondum commissum opus circuire cœperunt: missilibus eoque quoque, qui pro opere stabant, incessere. multi ergo impune vulneratis, cum & remouere, & appellere scaphas in expedito esset: ad curam semetiplos tuendi ab opere conuerterant: Igitur munientibus coria velaque iussit obtendi, vt extra teli iactam essent: duasque turres ex capite molis erexit: è quibus in subeuntes scaphis tela ingeri possent. Contra Tyrîj nauigia procul à conspectu hostium litori appellant, expositisque militibus, eos, qui saxa gestabant, obtruncant. In Libano quoque Arabum agrestes in compositos Macedonas adorti, triginta fere interficiunt, paucioribus captis. Ea res Alexandrum diuidere copias coegit. Et ne segniter assidere vni vrbi videretur, operi Perdiccam Crateronque præfecit: ipse cum expedita manu Arabiam petijt.

C A P V T I X.

A R G V M E N T V M.

Stratagemia Tyrîorum, clades Macedonum, operis euersio, restitutio aggeris, varia Tyrîorum artes.

Inter

INter hæc Tyrij nauem magnitudine eximia
 saxis harenaque à puppi oneratam, ita vt
 multum prora emineret, bitumine ac sulphure
 illitam remis concitauerunt, & cum magnam
 vim venti vela quoque concepissent: celeriter
 ad molem successit. tum prora eius accensa re-
 miges defluere in scaphas, quæ ad hoc ipsum
 præparatæ sequebantur. Nauis autem igne cō-
 cepto latius fundere incēdiū cœpit: quod pri-
 usquā posset occurri, turres & cetera opera in
 capite molis posita comprehendit. At qui defl-
 uerāt in parua nauigia, faces, & quidquid alē-
 do igni erat in eadem opera ingerunt. Iamque
 non modo Macedonū turres, sed etiam summa
 tabulata conceperant ignem: cū ij, qui in tur-
 ribus erant, partim laurirenter incendio, par-
 tim armis omisis in mare semetipsi immitte-
 rent. At Tyrij, qui capere eos, quā interficere
 voluerūt, natantiū manus stipitibus saxisq; la-
 cerabant, donec debilitati impune nauigijs ex-
 cipi possent: nec incendio solū opera consum-
 pta, sed fortè eodem die vehementior ventus
 motū ex profundo mare illisit in molē, crebris-
 que fluctibus compages operis verberatæ laxa-
 re, saxaq; interluens vnda medium opus ru-
 pit. Prorutis igitur lapidū cumulis, quibus in-
 ecta terra sustinebatur, præceps in profundū
 iuit, tantæque molis vix vlla vestigia inuenit
 b Arabia rediens Alexander. Hic (quod in ad-
 uersis rebus solet) alius in alium culpam refe-
 ebant, cū omnes verius de sēuitia maris que-
 i possent. Rex noui operis molem orsus, in ad-
 er sum ventū non latere, sed recta fronte dire-
 it, ea cetera opera velut sub ipsa latētia tueba-
 ar. Latitudinem quoq; aggeri adiecit, vt tur-
 res

res in medio excitata procul teli iactu abessent. Totas autem arbores cum ingentibus ramis in altum iaciebant; deinde laxis onerabant. Rursusq; cumulo eorum alias arbores iniiciebant. Tum humus aggerabatur, super quæ alia strues saxorum arborumq; cumulata, velut quodam nexu continens opus iunxerant. Nec Tyrij quicquid ad impediendam molem excogitari poterat, segniter exsequebantur. Præcipuum auxilium erat, qui procul hostium conspectu subibant aquam, occultoque lapsu ad molem usq; penetrabant, falcibus palmites arborum eminentium ad se trahentes, quæ ubi secutz, pleræque secum in profundum dabant: tum levatos onere stipites truncosque arborum haud ægrè moliebantur. Deinde totum opus, quod stipitibus fuerat innixum, fundamento lapso sequebatur.

CAPUT X.

ARGUMENTVM.


Classis Alexandri ad Tyrum oppugnandam, comparata, quam tempestas vexat.

AEgro animi Alexandro, nec perseveraret, an abiret, satis certo, classis Cypro advenit, eodemque tempore, Cleander cum Græcis militibus in Asiam nuper aduectis, centum & nonaginta navium classem in duo diuidit cornua. Lauum Pythagoras rex Cypriorum cum Cratero tuebatur: Alexandrum in dextro quinque-

queremis regia vehebat. Nec Tyrij, quamquam classem habebant, ausi nauale inire certamen: res omnino naues ante ipsa moenia opposuerunt: quibus rex inuectus ipsas demersit. Postea die ad moenia classe admota, vndique torrentis, & maximè arietum pulsu, muros quatit: quos Tyrij raptim obstructis saxis refecerunt. Interiorem quoq; murum vt si prior fellerisset, illo se tueretur vndiq; orsi. Sed vndiq; is malus vrgebat: moles intra teli iactum erat: lassae moenia circuibat: terrestri simul naualique clade obruebantur: quippe binas quadriremes Macedones inter se ita iunxerant, vt prope cohærent puppes intervallo, quantū carere poterant, distarent: hoc puppium intervallo, antennis assensibusq; validis deligatis, superq; eos pontibus stratis, qui militem sustinerent, impleuerāt. Sic instructas remis ad vragebant: inde missilia in propugnātes intrebantur tuto, quia prorsus miles tegebatur. Media nox erat, cum classem (sicuti dictum est) peratam, circuire muros iubet. Iamque naues bi vndique admoueantur, & Tyrij desperatione torpebant, cum subitò spissa nubes incidere se cælo, & quidquid lucis interniteret, effusa caligine extinctum est: Tum inhorrens mare paulatim leuari, deindè acriori vento concitatum fluctus ciere, & inter se nauia collidere. Iamque scindi cæperant vinculis quibus connexæ quadriremes erant, ruere iulata, & cum ingenti fragore in profundum cum milites trahere. Neque enim conferta regia vlla ope in turbido regi poterant. Ministeria nautarum, remex militis officia dabat: & quod in eiusmodi casu accidit;

B

petit



periti ignaris parebant: quippe gubernatores
aliàs imperare soliti; tum metu mortis iussa ex-
sequebantur. Tandem remis pertinacius euer-
beratum mare ; veluti eripientibus nauigia
classicis cecidit, appulsaque sunt litori lacerata
pleraque.

CAPVT XI.

ARGVMENTVM.

*Legati Carthaginiensium negant parentibus di-
xilium. Tyrÿ imbellem turbam Cartha-
ginem mittunt. Prodigium Apollinis ape-
ritur, Legati suadent, vt sacrum, hominis
hostia fiat. Tyrÿ sacrilegium horrent.*

Hisdem fortè diebus Carthaginiensium le-
gati xxx. superueniunt: magis obseffis so-
latium quàm auxilium: quippe domestico bel-
lo Poenos impediri, nec de imperio, sed pro
salute dimicare. Syracusani tum Africam vre-
bant; & haud procul Carthaginis muris locaue-
rant castra. Non tamen defecere animis Tyrÿj.
quanquam ab ingenti spe destituti; sed coniu-
ges liberosq; deuehendo Carthaginē tradide-
runt, fortius quidquid accideret laturi, si caris-
simam sui partē extra sortē communis periculi
habuissent. Cumq; vnus è ciuibz concioni in-
dicasset, oblatam esse per somnum sibi speciem
Apollinis, quē eximia religione colerent, vrbe
deferentis, molemq; à Macedonibus in salo a-
ctam in siluestrem saltum esse mutatam: quan-
quam auctor leuis erat, tamen ad deteriora cre-
denda

fretum dirimit: Tyrus & magnitudine & claritate ante omnes vrbes Syriae Phoenicesque memorabilis; facilius societatem Alexandri acceptura videbatur; quam imperium. Coronam igitur auream legati donum afferebant, com-
 meatusque largè & hospitaliter ex oppido ad-
 uexerant. Ille dona ut ab amicis accipi iussit, be-
 nigneque legatos allocutus, Herculi (quæ præci-
 pue Tyrij colerent) sacrificare velle se dixit: Ma-
 cedonum reges credere ab illo deo ipsos genus
 ducere: se verò ut id faceret etiam oraculo mo-
 nitum. Legati respondēt, esse templum Herculis
 extra urbem, in ea sede quem Palætyron ipsi vo-
 cant: ibi regem deo sacrum ritè facturum. Nō te-
 nuit iram Alexander: cuius alioquin potens nō
 erat. Itaque, *vos quidem, inquit, fiducia loci, quod
 insulam incolitis, pedestrem hūc exercitum sper-
 nitis: sed breui ostendam in continenti vos esse,
 Proinde sciatis licet, aut intraturum me urbem,
 aut oppugnaturum.* Cum hoc responso dimissos
 monere amici coeperunt, ut regem quem Syria,
 quem Phænice recepisset, ipsi quoque urbem in-
 trare paterentur: at illi loco satis fisi obsidione
 ferre decreuerunt. Namque urbem à continenti
 quatuor stadiorum fretum diuidit, Africo ma-
 ximè obiectum, crebros ex alto fluctus in litus
 euoluit, nec accipiendo operi, quo Macedones
 continenti insulam iungere parabant, quid-
 quam magis quam ille ventus obstabat: quippe
 vix leni & tranquillo mari moles agi possunt.
 Africus verò prima quæque congesta pulsu ma-
 ris illisa subruit: nec vlla tam firma moles est,
 quam non exedant unde, & per enixus ope-
 rum manantes, & vbi acrior flatus existit, sum-
 mi

peris fastigio superfusa. Præter hanc diffi-
 atem haud minor alia erat: muros turresq;
 is præaltum mare ambiebat. Non tormenta
 è nauibus procul excussa mitti, non scalæ
 enibus applicari poterant: præceps in salum
 rus, pedestre interceperat iter: naues nec
 ebat rex, & si admouisset, pendentes & in-
 oiles missilibus arceri poterant.

CAPVT VI,

ARGVMENTVM,

*Carthaginiensium legati firmant Tyrios contra
 Alexandrum. prodigia vrbi exitium por-
 tendentia.*

Inter quæ haud parua dictu res Tyriorum fi-
 duciam accendit. Carthaginiensium legati
 d celebrandum sacrum anniuersarium more
 patrio tunc venerant: quippe Carthaginem
 Tyrij condiderunt, semper parentum loco cul-
 i; hortari ergo Pœni cœperunt, vt obsidionem
 forti animo paterentur, breui Carthagine au-
 cilia ventura: namque ea tempestate magna ex
 parte Punicis classibus maria obsidebantur. I-
 gitur bello decreto per muros turresque tor-
 menta disponūt: arma iunioribus diuidūt opi-
 fices, quorū copia vrbs abundabat, in officinas
 distribuunt: omnia belli apparatu strepunt: fer-
 reæ quoque manus (harpagonas vocant) quas
 operibus hostium iniicerent, coruiq; & alia tu-
 endis vrbus excogitata, præparabantur. Sed
 cum

cum fornacibus ferrum, quod excudi oportebat, impositum esset, ad motisq; follibus ignem flutu accenderent, sanguinis riuus sub ipsis flammis extitisse dicuntur: idque omen in Macedonum metum verterunt Tyrij. Apud Macedonas quoque cum fortè panem quidam militum frangerent, manantis sanguinis guttas notauerunt: terroreque rege Aristander peritissimus vatum, si extrinsecus cruor fluxisset, Macedonibus id triste futurum ait: contra cum interiore parte manauerit, urbi, quam obsidere destinassent, exitium portendere.

CAPVT VII.

ARGVMENTVM.

Tyrij Alexandri legatos de pace missos occidunt, difficultas obsidionis, desperatio militis, Alexandri hortatio.

Alexander cum & classem procul haberet, & longam obsidionem magno sibi ad catera impedimento videret fore, caduceatores, qui ad pacem eos compellerent, misit: quos Tyrij contra ius gentium occisos præcipitauerunt in altum. Atque ille suorum iam indigna nece commotus, urbem obsidere statuit. Sed antè iacienda moles erat, quæ continenti urbem committeret. Ingens ergo animis militum desperatio incessit: profundum mare, quod vix diuina ope posset impleri: quæ saxa tam vasta, quas tam proceras arbores posse reperiri?

exhau-

exhauriendas esse regiones, ut illud spatium aggeraretur: exæstare semper fretum: quoque artius volutetur inter insulam & continentem, hoc acrius furere. At ille haud quam rudis tractandi militares animos, *speciem sibi Herculis in somno oblatam esse pronuntiat, dextram porrigentis: illo duce, illo aperiante, in urbem intrare se visum. Inter hac caduceatores interfectos, gentium iure violatore ferebat. Vnam esse urbem: qua cursum victoris morari ausa esset.* Ducibus deinde negotium datur, ut suos quisque castiget: satisque omnibus stimulis opus orsus est.

CAPUT VIII.

ARGUMENTUM.

Incipit aggerem iacere per mare, Tyrj obnituntur, Expeditio interim in Arabes.

Magna vis faxorum ad manum erat Tyro vetere: materies ex libano monte ratibus & turribus faciendis aduehebatur. Iamque à fundo maris in altitudinem modicam opus excreuerat, nondum tamen aquæ fastigium æquabat: & quo longius moles agebatur à litore, hoc magis quidquid ingerebatur, præaltum absorbebat mare: cum Tyrj paruis nauigijs admotis per ludibrium exprobrabant, illos armis inclytos dorso sicut iumenta onera gestare: interrogabant etiam, num maior Neptuno Alexander

xander esset. Hæc ipsa insectatio alacritatem militum accendit. Iamq; paulum moles aquam eminebat: & simul aggeris latitudo crescebat, vrbique admouebatur: cum Tyrij magnitudinem molis, cuius incrementum eos ante fefellerat, conspecta, leuibus nauigijs nondum commissum opus circuire coeperunt: missilibus eos quoque, qui pro opere stabant, incessere. multis ergo impunè vulneratis, cum & remouere, & appellere scaphas in expedito esset: ad curam semetiplos tuendi ab opere conuerterant: Igitur munientibus coria velaque iussit obtendi, vt extra teli iactam essent: duasque turres ex capite molis erexit: è quibus in subeuntes scaphis tela ingeri possent: Contra Tyrij nauigia procul à conspectu hostium litori appellunt, expositisque militibus, eos, qui saxa gestabant, obruncant. In Libano quoque Arabum agrestes incompósitos Macedonas adorti, triginta fere interficiunt, paucioribus captis. Ea res Alexandrum diuidere copias coegit. Et ne segniter assidere vni vrbi videretur, operi Perdiccam Crateronque præfecit: ipse cum expedita manu Arabiam petijt.

C A P V T I X.

A R G V M E N T V M.

Stratagemata Tyriorum, clades Macedonum, operis euersio, restitutio aggeris, varia Tyriorum artes.

Inter

INter hæc Tyrij nauem magnitudine eximia
 saxi harenaque à puppi oneratam , ita vt
 multum prora emeretur, bitumine ac sulphure
 illitam remis concitauerunt, & cum magnam
 vim venti vela quoque concepissent: celeriter
 ad molem successit. tum prora eius accensa re-
 miges defluere in scaphas, quæ ad hoc ipsum
 præparatæ sequebantur. Nauis autem igne cō-
 cepto latius fundere incēdiū cœpit: quod pri-
 usquā posset occurri, turres & cetera opera in
 capite molis posita comprehendit. At qui defi-
 luerāt in parua nauigia, faces, & quidquid alē-
 do igni erat in eadem opera ingerunt. Iamque
 non modo Macedonū turres, sed etiam summa
 tabulata conceperant ignem: cū ij, qui in tur-
 ribus erant, partim laurirenter incendio, par-
 tim armis omisis in mare semetipsi immitte-
 rent. At Tyrij, qui capere eos, quā interficere
 voluerūt, natantiū manus stipitibus saxiq; la-
 cerabant, donec debilitati impune nauigijs ex-
 cipi possent: nec incendio solū opera consum-
 pta, sed fortē eodem die vehementior ventus
 motū ex profundo mare illisit in molē, crebris-
 que fluctibus compages operis verberatæ laxa-
 uere, saxaq; interluens vnda medium opus ru-
 pit. Prorutis igitur lapidū cumulis, quibus in-
 iecta terra sustinebatur, præceps in profundū
 ruit, tantæque molis vix vlla vestigia inuenit
 ab Arabia rediens Alexander. Hic (quod in ad-
 uersis rebus solet) alius in alium culpam refe-
 rebant, cū omnes verius de scuitia maris que-
 ri possent. Rex noui operis molem orsus, in ad-
 uersum ventū non latere, sed recta fronte dire-
 cit, ea cetera opera velut sub ipsa latētia tueba-
 tur. Latitudinem quoq; aggeri adiecit, vt tur-

res in medio excitata procul teli iactu abessent. Totas autem arbores cum ingentibus ramis in altum iaciebant; deinde saxis onerabant. Rursusq; cumulo eorum alias arbores iniiciebant. Tum humus aggerebatur, super quæ alia strue faxorum arborumq; cumulata, velut quodam nexu continens opus iunxerant. Nec Tyrij quicquid ad impediendam molem excogitari poterat, segniter exsequebantur. Præcipuum auxilium erat; qui procul hostium conspectu subibant aquam, occultoque lapsu ad molem usq; penetrabant, falcibus palmites arborum eminentium ad se trahentes, quæ ubi secutæ, pleraque secum in profundum dabant: tum leuatos onere stipites truncosque arborum haud ægrè moliebantur. Deinde totum opus, quod stipitibus fuerat innixum, fundamento lapso sequebatur.


CAPVT X.

ARGVMENTVM.

Classis Alexandri ad Tyrum oppugnandam, comparata, quam tempestas vexat.

AEgro animi Alexandro, nec perseueraret, an abiret, satis certo, classis Cypro aduenit, eodemque tempore, Cleander cum Græcis militibus in Asiam nuper aduectis, centum & nonaginta nauium classem in duo diuidit cornua. Læuum Pythagoras rex Cypriorum cum Crætero tuebatur: Alexandrum in dextro quinque-

queremis regia vehebat. Nec Tyrij, quamquam classem habebant, ausi nauale inire certamen: tres omnino nauēs ante ipsa moenia opposuerunt: quibus rex inuectus ipsas demersit. Postera die ad moenia classe adnota, vndique tormentis, & maximè arietum pulsu, muros quatit: quos Tyrij raptim obstructis saxis resecerunt. Interiorem quoq; murum vt si prior fessellisset, illo se tueretur vndiq; orsi. Sed vndiq; vis mali vrgebat: moles intra teli iactum erat: classis moenia circuibat: terrestri simul naualique clade obruebantur: quippe binas quadriremes Macedones inter se ita iunxerant, vt proræ cohærent puppes intervallo, quantū capere poterant, distarent: hoc puppiū intervallo antennis assèribusq; validis deligatis, superq; eos pontibus stratis, qui militem sustinerent, impleuerāt. Sic instructas remis ad urbem agebant: inde missilia in propugnātes ingerebantur tuto, quia proris miles tegebatur. Media nox erat, cum classem (sicuti dictum est) paratam, circuire muros iubet. Iamque naues vrbi vndique admoueantur, & Tyrij desperatione torpebant, cum subitò spissæ nubes intendere se cælo, & quidquid lucis internitebat, effusa caligine extinctum est: Tum inhorrescens mare paulatim leuari, deindè acriori vento concitatum fluctus ciere, & inter se nauigia collidere. Iamque scindi cæperant vincula, quibus connexæ quadriremes erant, ruere tabulata, & cum ingenti fragore in profundum secum milites trahere. Neque enim conferta nauigia vlla ope in turbido regi poterant. Miles ministeria nautarum, remex militis officia turbabat: & quod in eiusmodi casu accidit,



periti ignaris parebant: quippe gubernatores
aliàs imperare soliti, tum metu mortis iussa ex-
sequebantur. Tandem remis pertinacius euer-
beratum mare, veluti eripientibus nauigia
classicis cecidit, appulsaque sunt litori lacerata
pleraque.

CAPVT XI.

ARGVMENTVM.

*Legati Carthaginensium negant parentibus di-
xilium. Tyrj imbellem turbam Cartha-
ginem mittunt. Prodigium Apollinis ape-
ritur, Legati suadent, vt sacrum, hominis
hostia fiat. Tyrj sacrilegium horrent.*

Hildem fortè diebus Carthaginensium le-
gati xxx. superueniunt: magis obsessis so-
latium quàm auxilium: quippe domestico bel-
lo Pœnos impediri, nec de imperio, sed pro
salute dimicare. Syracusani tum Africam vre-
bant; & haud procul Carthaginis muris locau-
rant castra. Non tamen defecere animis Tyrj:
quanquam ab ingenti spe destituti; sed coniun-
ges liberosq; deuehendo Carthaginē tradide-
runt; fortius quidquid accideret laturi, si caris-
simam sui partē extra fortè communis periculi
habuissent. Cumq; vnus è ciuibz concioni in-
dicasset, oblatam esse per somnum sibi speciem
Apollinis, quē eximia religione colerent, yrbe
deferentis, molemq; à Macedonibus in salo a-
ctam in siluestrem saltum esse mutam: quan-
quam auctor leuis erat, tamen ad deteriora cre-

denda proni metu, aurea catena dēuinxere simulacrum, aræq; Herculis, cuius numini urbē dicauerant, inferuere vinculum, quasi illo deo Apollinem retenturi. Syracusis id simulacrum deuexerant Pœni, & in maiore locauerant patria: multisque alijs spolijs urbium à semet captarum non Carthaginem magis quam Tyrum ornauerant. Sacrum quoque, quod equidem dijs minimè cordi esse crediderim, multis sæculis intermissum repetendi auctores quidam erant, vt ingenuus puer Saturno immolaretur: quod sacrilegium veriùs quàm sacrum Carthaginenses conditoribus traditum, vsque ad excidium urbis suæ fecisse dicuntur: ac, nisi seniores obstitissent, quorum consilio cuncta agebantur, humanitatem dirà superstitio vicisset.

CAPVT XII.

ARGVMENTVM.

Tyrū tam acriter oppugnationem defendunt, vt rex desperabundus de soluenda obsidione iterum deliberet, à qua, fama sinistra deterratur.

Ceterum efficacior omni arte necessitas non visitata modò præsidia, sed quædam etiam noua admouit. Namque ad implicanda nauigia, quæ muros subibant, validis asseribus coruos & ferreas manus illigauerant: vt cum tormento asseres promouissent, subito laxatis funibus inijcerent. Vnci quoque & falces exjisdem asseribus dependentes, aut propugnatores,

aut ipsa nauigia lacerabant. Clypeos verò æ-neos multo igne torrebant, quos repletos feruida harena coënoq; decocto è muris subito deuoluebant: nec vlla pestis magis timebatur: quippe vbi loricam corpusq; feruens harena penetrauerat, nec vlla vi excuti poterat, & quidquid attigerat, perurebat: iacentesq; arma laceratis omnibus quis protegi poterant, vulneribus inulti patebant: corui verò & ferreæ manus tormento emissæ plerosque rapiebant. Hic rex, fatigatus statuerat, soluta obsidione Aegyptum petere: quippe cum Asiam ingenti velocitate percurrisset: circa muros vnius vr-bis hærebat, tot maximarum rerum oportunitate dimissa. Ceterùm tam discedere irritum, quàm morari pudebat. Famam quoque qua plura quàm armis enerterat, ratus leuiorem fore, si Tyrum, quasi testem se posse vinci, reliquisset. Igitur nequid inexpertum omitteret, plures naues admoueri iubet, delectosque militum imponi.

CAPVT XIII.

ARGVMENTVM.

Prodigium à visa belua, quod vtrique in suam fortunam interpretantur.

ET fortè belua inusitata magnitudinis super ipsos fluctus dorso eminens ad molem quam Macedones iecerant, ingens corpus appliceuit, diuerberatisque fluctibus alleuans semet vtrinque conspecta est. Deinde à capite molis rursus alto immerfit, ac modò super vndas eminens magna sui parte, modò super fuis flucti-

cum fornacibus ferrum, quod excudi oportebat, impositum esset, ad motisq; follibus ignem flitu accenderent, sanguinis riuus sub ipsis flammis extitisse dicuntur: idque omen in Macedonum metum verterunt Tyrij. Apud Macedonas quoque cum fortè panem quidam militum frangerent, manantis sanguinis guttas notauerunt: territoque rege Aristander peritissimus vatum, si extrinsecus cruor fluxisset, Macedonibus id triste futurum ait: contra cum interiore parte manauerit, urbi, quàm obsidere destinaissent, exitium portendere.

CAPVT VII.

ARGVMENTVM.

Tyrj Alexandri legatos de pace missos occidunt, difficultas obsidionis, desperatio militis, Alexandri hortatio.

Alexander cum & classẽ procul haberet, & longam obsidionem magno sibi ad cetera impedimento videret fore, caduceatores, qui ad pacem eos compellerent, misit: quos Tyrij contra ius gentium occisos præcipitauerunt in altum. Atque ille suorum iam indigna nece commotus, urbem obsidere statuit. Sed antè iacienda moles erat, quæ continenti urbem committeret. Ingens ergo animis militum desperatio incessit: profundum mare, quod vix diuina ope posset impleri: quæ saxa tam vasta, quas tam proceras arbores posse reperiri? exhau-

auriendas esse regiones, ut illud spatium gereretur: exæstare semper fretum: quod artius volutetur inter insulam & continentem, hoc acrius furere. At ille haud quam rudis tractandi militares animos, *sciens sibi Herculis in somno oblatam esse pro-
sentiat, dextram porrigentis: illo duce, illo ape-
rente, in urbem intrare se visum. Inter hæc ca-
uceatores interfectos, gentium iure violatore-
rebat. Vnam esse urbem: quæ cursum victoris
honori causa esset.* Ducibus deinde negotium datur, ut suos quisque castiget: satisque omni-
bus stimulis opus orsus est.

CAPUT VIII.

ARGUMENTUM.

*Incipit aggerem iacere per mare, Tyrï obnitun-
tur, Expeditio interim in Arabes.*

Magna vis saxorum ad manum erat Tyro
veterum: materies ex libano monte ratibus
& turribus faciendis aduehebatur. Iamque à
fundo maris in altitudinem modicam opus ex-
creuerat, nondum tamen aquæ fastigium æqua-
bat: & quo longius moles agebatur à litore,
hoc magis quidquid ingerebatur, præaltum
absorbebat mare: cum Tyrï paruis nauigijs ad-
motis per ludibrium exprobrabant, illos armis
inclytos dorso sicut iumenta onera gestare: in-
terrogabant etiam, num maior Neptuno Ale-
xander

xander esset. Hæc ipsa insectatio alacritatem militum accendit. Iamq; paulum moles aquarum eminebat: & simul aggeris latitudo crescebat, vrbique admouebatur: cum Tyrij magnitudine molis, cuius incrementum eos ante fefellerat, conspecta, leuibus nauigijs nondum commissum opus circuire cœperunt: missilibus eos quoque, qui pro opere stabant, incessere. multis ergo impune vulneratis, cum & remouere, & appellere scaphas in expedito esset: ad eam semetiplos tuendi ab opere conuerterant: Igitur munientibus coria velaque iussit obtendi, vt extra teli iactam essent: duasque turres ex capite molis erexit: è quibus in subeuntes scaphis tela ingeri possent. Contra Tyrij nauigia procul à conspectu hostium litori appellant, expositisque militibus, eos, qui saxa gestabant, obtruncant. In Libano quoque Arabum agrestes in compositos Macedonas adorti, triginta fere interficiunt, paucioribus captis. Ea res Alexandrum diuidere copias coegit. Et ne segniter assidere vni vrbi videretur, operi Perdiccam Crateronque præfecit: ipse cum expedita manu Arabiam petijt.

C A P V T I X.

A R G V M E N T V M.

Stratagema Tyriorum, clades Macedonum, operis euersio, restitutio aggeris, varia Tyriorum artes.

Inter

INter hæc Tyrij nauem magnitudine eximia
 saxiis harenaque à puppi oneratam , ita vt
 multum prora emeretur, bitumine ac sulphure
 illitam remis concitauerunt, & cum magnam
 vim venti vela quoque concepissent: celeriter
 ad molem successit. tum prora eius accensa re-
 miges defluere in scaphas, quæ ad hoc ipsum
 præparatæ sequebantur. Nauis autem igne cõ-
 cepto latius fundere incēdiū cœpit: quod pri-
 usquā posset occurri, turres & cetera opera in
 capite molis posita comprehendit. At qui defi-
 luerāt in parua nauigia, faces, & quidquid alē-
 do igni erat in eadem opera ingerunt. Iamque
 non modo Macedonū turres, sed etiam summa
 tabulata conceperant ignem: cū ij, qui in tur-
 ribus erant, partim haurirenter incendio, par-
 tim armis omisis in mare semetipsi immitte-
 rent. At Tyrij, qui capere eos, quā interficere
 voluerūt, natantiū manus stipitibus saxiisq; la-
 cerabant, donec debilitati impune nauigijs ex-
 cipi possent: nec incendio solū opera consum-
 pta, sed fortè eodem die vehementior ventus
 motū ex profundo mare illisit in molē, crebris-
 que fluctibus compages operis verberatæ laxa-
 uere, saxaq; interluens vnda medium opus ru-
 pit. Prorutis igitur lapidū cumulis, quibus in-
 iecta terra sustinebatur, præceps in profundū
 ruit, tantæque molis vix vlla vestigia inuenit
 ab Arabia rediens Alexander. Hic (quod in ad-
 uersis rebus solet) alius in alium culpam refe-
 rebant, cū omnes verius de scuitia maris que-
 ri possent. Rex noui operis molem orsus, in ad-
 uersum ventū non latere, sed recta fronte dire-
 xit, ea cetera opera velut sub ipsa latētia tueba-
 tur. Latitudinem quoq; aggeri adiecit, vt tur-

res in medio excitata procul teli iactu abessent. Totas autem arbores cum ingentibus ramis in altum iaciebant; deinde laxis onerabant. Rursusq; cumulo eorum alias arbores iniiciebant. Tum humus aggeriebatur, super quæ alia strue faxorum arborumq; cumulata, velut quodam nexu continens opus iunxerant. Nec Tyrij quicquid ad impediendam molem excogitari poterat, segniter exsequebantur. Præcipuum auxilium erat, qui procul hostium conspectu subibant aquam, occultoque lapsu ad molem vsq; penetrabant, falcibus palmites arborum eminentium ad se trahentes, quæ vbi secutæ, pleræque secum in profundum dabant: tum leuatos onere stipites truncosque arborum haud ægrè moliebantur. Deinde totum opus, quod stipitibus fuerat innixum, fundamento lapso sequebatur.

CAPVT X.

ARGVMENTVM.


Classis Alexandri ad Tyrum oppugnandam, comparata, quam tempestas vexat.

AEgro animi Alexandro, nec perseueraret, an abiret, satis certo, classis Cypro aduenit, eodemque tempore, Cleander cum Græcis militibus in Asiam nuper aduectis, centum & nonaginta nauium classem in duo diuidit cornua. Læuum Pythagoras rex Cypriorum cum Cratæro tuebatur: Alexandrum in dextro quinque-

queremis regia vehebat. Nec Tyrij, quamquam classem habebant, ausi nauale inire certamen: tres omnino naues ante ipsa moenia opposuerunt: quibus rex inuectus ipsas demersit. Postera die ad moenia classe admota, vndique tormentis, & maximè arietum pulsu, muros quatit: quos Tyrij raptim obstructis saxis refecerunt. Interiorem quoq; murum vt si prior fessellisset, illo se tueretur vndiq; orsi. Sed vndiq; vis mali vrgebat: moles intra teli iactum erat: classis moenia circuibat: terrestri simul naualique clade obruebantur: quippe binas quadriremes Macedones inter se ita iunxerant, vt proræ cohærent, puppes intervallo, quantū capere poterant, distarent: hoc puppium intervallo, antennis asseribusq; validis deligatis, superq; eos pontibus stratis, qui militem sustinerent, impleuerāt. Sic instructas remis ad urbem agebant: inde missilia in propugnātes ingerebantur tuto, quia proris miles tegebatur. Media nox erat, cum classem (sicuti dictum est) paratam, circuire muros iubet. Iamque naues vrbi vndique admovebantur, & Tyrij desperatione torpebant; cum subito spissæ nubes intendere se cælo, & quidquid lucis internitebat, effusa caligine extinctum est: Tum inhorrescens mare paulatim leuari, deindè acriori vento concitatum fluctus ciere, & inter se nauigia collidere. Iamque scindi cæperant vincula, quibus connexæ quadriremes erant, ruere tabulata, & cum ingenti fragore in profundum secum milites trahere. Neque enim conferta nauigia vlla ope in turbido regi poterant. Milles ministeria nautarum, remex militis officia turbabat: & quod in eiusmodi casu accidit,

R

petit



periti ignaris parebant: quippe gubernatores
aliàs imperare soliti, tum metu mortis iussa ex-
sequebantur. Tandem remis pertinacius euer-
beratum mare, veluti eripientibus nauigia
classicis celsit, appulsaque sunt litori lacerata
pleraque.

CAPVT XI.

ARGVMENTVM.

*Legati Carthaginiensium negant parentibus dil-
xilium. Tyrj imbellem turbam Cartha-
ginem mittunt. Prodigium Apollinis ape-
ritur, Legati suadent, vt sacrum, hominis
hostia fiat. Tyrj sacrilegium horrent.*

Hildem fortè diebus Carthaginiensium le-
gati xxx. superueniunt: magis obfessis so-
latium quàm auxilium: quippe domestico bel-
lo Pœnos impediri, nec de imperio, sed pro
salute dimicare. Syracusani tum Africam vre-
bant, & haud procul Carthaginis muris locau-
rant castra. Non tamen defecere animis Tyrj:
quanquam abiugenti spe destituti; sed coniu-
ges liberosq; deuchendos Carthaginē tradide-
runt, fortius quidquid accideret laturi, si caris-
simam sui partē extra fortè communis periculi
habuissent. Cumq; vnus è ciuibz concioni in-
dicasset, oblatam esse per somnum sibi speciem
Apollinis, quē eximia religione colerent, vrbe
deserentis, molemq; à Macedonibus in salo a-
ctam in siluestrem saltum esse mutatam: quan-
quam auctor levis erat, tamen ad deteriora cre-

aut ipsa nauigia lacerabant. Clypeos verò æ-
neos multo igne torrebant, quos repletos fer-
uida harena coenoq; decocto è muris subito
deuoluebant: nec vlla pestis magis timebatur:
quippe vbi loricam corpusq; feruens harena
penetrauerat, nec vlla vi excuti poterat, &
quidquid attigerat, perurebat: iacentesq; arma
laceratis omnibus quis protegi poterant, vul-
neribus inultri patebant: corui verò & ferreæ
manus tormento emissæ plerosque rapiebant.
Hic rex, fatigatus statuerat, soluta obsidione
Aegyptum petere: quippe cum Asiam ingenti
velocitate percurrisset: circa muros vnus vr-
bis hærebat, tot maximarum rerum oportuni-
tate dimissa. Ceterum tam discedere irritum,
quàm morari pudebat. Famam quoque qua
plura quàm armis euenterat, ratus leuiorem
fore, si Tyrum, quasi testem se posse vinci, reli-
quisset. Igitur nequid inexpertum omitteret,
plures naues admoueri iubet, delectosque mi-
litum imponi.

CAPVT XIII.

ARGVMENTVM.

*Prodigium à visa belua, quod vtrique in suam
fortunam interpretantur.*

ET fortè belua inusitatæ magnitudinis super
ipsum fluctus dorso eminens ad molem quam
Macedones iecerant, ingens corpus applicuit,
diuerberatisque fluctibus alleuans semet vtrin-
que conspecta est. Deinde à capite molis rur-
sus alto immerfit, ac modò super undas emi-
nens magna sui parte, modò super fufis flucti-

bus condita, haud procul munimentis vrbis emerfit: Vtrisque lætus fuit beluæ aspectus: Macedones iter iaciendo operi monstrasſe eam augurabantur: Tyrij Neptunum occupati maris vindicem abripuiſſe beluam ad molem breui profecto ruituram, lætiq̃ue omine eo ad epulas dilapſi onerauere ſe vino: quo graues orto ſole nauigia conſcendunt redimita floribus coronisq̃ue: adeo victoriæ non omen modò, ſed etiam gratulationem præceperant.

C A P V T X I V.

A R G V M E N T V M.

Naumachia committitur Alexandro victore.

FORTÈ rex claſſem in diuerſam partem agi iuſſerat, xxx. minoribus nauigijs, relictis in litore: è quibus Tyrij duobus captis, cetera ingenti terruerunt metu, donec ſuorum clamore audito Alexander, claſſem litori, à quo fremitus acciderat, admouit. Prima è Macedonum nauibus quinqueremis velocitate inter ceteras eminens occurrit: quam vt conſpexere Tyrij, duæ ex diuerſo in latera eius inuectæ ſunt, in quarum alteram quinqueremis eadem concitata, & ipsa roſtro iccta eſt, & illam inuicem tenuit. Iamq̃; ea quæ non cohærebat, libero impetu euecta in aliud quinqueremis latus inuehebatur, cùm oportunitate mira triremis è claſſe Alexandri in eam ipſam, quæ quinqueremi imminebat, tantà vi impulſa eſt, vt Tyrius gubernator in mare excuteretur è puppi. Plures

res deinde Macedonum naues superueniunt, & rex quoque aderat, cum Tyrij inhibentes remos ægrè euellere nauem quæ hærebat, portumque omnia simul nauigia repetunt. Confestim rex insecutus, portum quidem intrare non potuit, cum præcul è muris missilibus submoueretur: naues autem omnes ferè aut demersit, aut cepit.

CAPVT XV.

ARGVMENTVM.

Tyrus vi capitur, excinditur, paucis parcitur, elogium Tyri.

BIduo deinde ad quietem dato militibus; iussisque & classem & machinas pariter admouere, & vndique territis instare, ipse in altissimam turrim ascendit ingenti animo, periculo maiore: quippe regio insigni & armis fulgētibus cōspiciuus, vnus præcipuè telis petebatur: & digna prorsus spectaculo edidit, multos è muris propugnātes hasta trāsfixit, quosdam etiā comminus gladio clypeoq; impulsos præcipitauit: quippe turris, ex qua dimicabat, muris hostium propemodū cohærebat. Iamque crebris arietibus saxorū cōpage laxata munimenta defecerant, & classis intrauerat portū, & quidam Macedonū in turres hostiū desertas euaserāt, cū Tyrij tot simul malis victi, alij supplices in templa cōfugiunt, alij foribus ædium obseratis occupant liberum mortis arbitriū, nonnulli ruunt in hostē, haud inultè tamen perituri. Magna pars summa tectorum obtinebat, saxa, & quod in manus fors dederat inge-

rentes subeuntibus. Alexander exceptis qui in templa confugerant, omnes interfici, ignemq; rectis iniici iubet. His per præcones pronuntiatis, nemo tamē armatus opem à dijs petere sustinuit. Pueri virginesq; templa compleuerant: viri in vestibulo suarum quisq; ædium stabant. parata sæuientibus turba. Multis tamen saluti fuere Sidonij, qui intra Macedonum præsidia erant. Hi urbem quidē inter victores intrauerāt, sed cognationis cū Tyrijs memores (quippe vtramq; urbem Agenorem condidisse) multos Tyriorum etiam protegentes ad sua perduxere nauigia, quibus occultati Sidona vecti sūt. xv. millia hoc furto subducta sæuitiæ sunt, quarumque sanguinis fuscum sit, vel ex hoc existimari potest, quod intra munimenta vr̄bis sex millia armatorum trucidata sunt. Triste deinde spectaculum victoribus ira præbuit regis: duo millia in quibus occidendis defecerat rabies, crucibus affixa, per ingens litoris spatiū pepēderunt. Carthaginensium legatis pepercit: addita denunciatione belli, quod præsentium rerum necessitas moraretur. Tyrus septimo mense, quam oppugnari cœpta erat, capta est: Vrbs & vetustate originis, & crebra fortunæ varietate ad memoriam posteritatis insignis: condita ab Agenore, diu mare non vicinū modò, sed quodcunq; classes eius adierunt, ditionis suæ fecit: & si famæ libet credere, hæc gens litteras prima aut docuit, aut didicit, Coloniae certē eius pænē toto orbe diffusæ sunt. Carthago in Africa: in Bœotia Thebæ: Gades ad Oceanū, credo libero commeantes mari, sæpiusq; abeundo cæteris incognitas terras elegerunt sedes iuuentuti, qua tunc abundabant, seu quia crebris

bris motibus terræ (nam hoc quoque traditur) cultores eius fatigati, noua & externa domicilia armis sibimet quærere cgebantur. Multis ergo casibus defuncta, & post excidium renata, nunc tamen longa pace cuncta refouente, sub tutela Romanæ mansuetudinis acquiescit.

CAPVT XXVI.

ARGVMENTVM.

Litteræ Darij ad Alexandrum, & huius responsum de filia ducenda, & dote.

Iisdem fermè diebus Darij litteræ allatæ sunt tandem, vt regi scriptæ. Petebat vri filiam suâ (Saptinæ erat nomen) nuptijs Alexander sibi adiungeret. Dotem fore omnem regionem inter Hellespontum & Alyn amnem sitam: inde orientem spectantibus terris contentum se fore. Si fortè dubitaret, quod offerretur accipere, nunquam diu eodem vestigio stare fortunam, semperque homines quantamcunque felicitatem habeant, inuidiam tamen sentire maiorem. Vereris se, ne auium modò, quas naturalis leuitas ageret ad sidera, inani ac puerili mentis affectu efferret. Nihil difficilius esse, quàm in illa atate tantam capere fortunam: multas se adhuc reliquias habere; nec semper inter angustias posse deprehendi. Transeundum esse Alexandro Euphratem, Tygrinique, & Araxen, & Hydaspem, magna munimenta regni sui. Veniendum in campos, vbi

paucitate suorum erubescendum sit. In Mediam, Hyrcaniam, Bactra, & Indos Oceani accolas, quando aditurum: vel Sogdianos, & Arachosios nomine tantum notos, ceterasque gentes ad Caucasum, & Tanaim pertinentes? Senescendum fore tantum terrarum vel sine praelio obeunti. Se verò ad ipsam vocare desineret, nãque illius exitio esse venturum Alexander his qui litteras attulerant, respondit: Darium sibi aliena promittere, quod totum amiserit, velle pariri, Dori sibi dari Lydiam, Ionas, Aeolidem,, Helle-sponti oram, victoria sua premia: leges autem à victoribus dici, accipi à victis. In vtro statu ambo essent, si solus ignoraret, quàm primum Morte decernere. Se quoque cum transiret mare non Ciliciam, aut Lydiam, quippe tanti belli exiguam hanc mercedem: sed Persopolim caput regni eius, Bactra, deinde Ecbatana, vltimiq, orientis oram imperio destinasse: quocunque ille fugere potuisset, ipsum sequi posse: desineret terrere fluminibus: quem sciret maria transisse. Reges quidem hæc inuicem scripserant.

CAPVT XVII.

ARGVMENTVM.

Alexander Gazan obsidet. Græci coronam mittunt victori. Prætores Alexandri rem bene gerunt.

SED Rhodij urbem suam portusque dedebant

bant Alexandro. Ille Ciliciam Socrati tradiderat. Philota regioni circa Tyrum iussu præsidere Syriam quæ Coele appellatur, Andromacho Parmenio tradiderat, bello, quod supererat interfuturus. Rex Ephæstione Phœnicis oram classe præteruehi iussu, ad urbem Gazam cum omnibus copijs venit. Iisdem ferè diebus solemne erat ludicrum Isthmiorum, quod conuentu totius Græciæ celebratur. In eo concilio, ut sunt Græcorum temporaria ingenia, decernunt, ut duodecim legarentur ad regem, qui ob res pro salute ac libertate Græciæ gestas, coronam auream donum victoriæ ferrent. Iidem paulo antè incertæ famæ captauerant auram, ut quocunque pendentes animos tulisset fortuna, sequerentur. Ceterum non ipse modo rex obibat vrbes, imperij iugum adhuc recusantes, sed prætores quoque ipsius egregij duces pleraque inuasérant; Calas Paphlagoniam, Antigonus Lycaoniam, Balacrus, Idarne prætorè Darij superato, Miletum cepit. Amphoterus & Hegilochus centum sexaginta nauium classe insulas inter Achaiam atque Asiam in ditionem Alexandri redegerunt. Tenedon quoque receptum, incolis ultro vocantibus. Statuerant & Chion occupare: sed Pharnabazus Darij prætor cūprehensis, qui res ad Macedonas trahebant, rursus Apollinidi & Athenagoræ suarum partium viris urbem cum modico præsidio militum tradidit. Præfecti Alexandri in obsidione vrbis perseverabant, non tam suis viribus, quàm ipsorum, qui obsidebantur voluntate: nec fefellit opinio: namque inter Apollinidē & duces militum orta seditio irrūpendi in urbem

bem occasionem dedit. Cumque porta effracta cohors Macedonum intrasset : oppidani olim consilio proditionis agitato, aggregant se Amphotero & Hegilocho: Persarumq; præsidio cesso. Pharnabazus cum Apollinide & Athenagora vincti. Traduntur XII. triremes cum suo milite ac remige, præter eas, triginta inanes, & piratici lembi, Græcorumque tria millia à Persis mercede conducta. His in supplementum copiarum suarum distributis, piratisque supplicio affectis, captiuos remiges adiecere classi suæ. Fortè Aristonicus Methymnæ oræ tyrannus cū piraticis nauibus ignarus omnium, quæ ad Chiū acta erant, prima vigilia ad portus claustra successit, interrogatusque à custodibus quis esset: Aristonicum ad Pharnabazum venire se respondit. Illi Pharnabazum quidem iam quiescere, & non posse tum adiri; ceterum patere socio atque hospiti portum, & postero die Pharnabazi copiam fore affirmant. Nec dubitauit Aristonicus primus intrare. Secuti sunt decem piratici lembi, ac dum applicant nauigia crepidini portus, obijcitur à vigilibus claustrum, & qui proximi excubabant, ab iisdem excitantur: nullo ex eis auso repugnare, omnibus catenæ iniectæ sunt. Amphotero deinde Hegilochoq; traduntur. Hinc Macedones transiere Michylenem, quàm Chares Atheniensis nuper occupatam duorum millium Persarum præsidio tenebat: sed cum obsidionem tolerare non posset, vrbe tradita, pactus vt incolumi abire liceret, Imbrum petit: deditis Macedones perpererunt.

CAPVT XVIII.

ARGVMENTVM.

Bellum reparat Darius, Bactrianos euocat cum Besso non gratis suspecto.

Darius desperata pace quam per litteras legatosque impetrare posse crediderat, ad reparandas vires, bellumque impigrè renouandum intendit. Duces ergo copiarum Babylonem conuenire, Bessum quoque Bactrianorum ducem perquam maximo posset exercitu coacto, descendere ad se iubet. Sunt autem Bactriani vt inter illas gentes promptissimi, horridis ingenijs, multumque à Persarum luxu abhorrentibus, siti haud procul Scytharum bellicosissima gente, & raptò viuere assueta: semper in armis erāt. Sed Bessus suspecta perfidia, haud sanè æquo animo in secundo se continens gradu regem terrebat. Nam cum regnum affectaret, proditio, qua sola id assequi poterat, timebatur.

CAPVT XIX.

ARGVMENTVM.

Gaza duobus mensibus obsessa tandem cum magno periculo regis expugnatur. Batis pratoris supplicium.

Ceterum Alexander, quam regionem Darius petiisset, omni cura vestigans, tamen explor-

plorare non poterat: more quodā Persarum arcana regū mira celantium fide: non metus, siōn spes elicit vocem, quā prodantur occulta: vetus disciplina regum silentium vitæ periculo sanxerat. Lingua grauius castigatur, quāvllum probrum: nec magnam rem magis sustineri posse credsit ab eo, cui tacere graue sit, quodd hominī facillimū voluerit esse natura. Ob hanc causam Alexander omnium, quæ apud hostem gerentur ignarus, urbem Gazam obsidebat. Præerat ei Batis eximix in regem suum fidei, modicoq; præsidio muros ingentis operis tuebatur. Alexander, æstimato locorum situ, agi cuniculos iussit, facili ac leui humo acceptante occultum opus: quippe multam harenā vicinū mare euomit, nec saxa cotesq; quæ interpellent specus obstant. Igitur ab ea parte, quā oppidani cōspicere non possent, opus orsus, vt à sensu eius auerteret, turres muris ad moueri iubet. Sed eadem humus mouendis inutilis turribus desidente sabulo agilitatem rotarum morabatur, & tabulata turrium perfringebat: multiq; vulnerabantur impunè, cū idem recipiendis, qui ad mouendis turribus, labor eos fatigaret. Ergo receptui signo dato, postero die muros coronæ circundari iussit: ortoq; Sole, priusquā admoueret exercitum, opem deum exposcens, sacrum patrio more faciebat. Fortè præteruolans coruus, glebam quam vnguibus ferebat, subitò omisit: quæ cum regis capiti incidisset, resoluta defluxit. (Ipsa autem auis in proxima turre cōsedit.) Illita erat turris bitumine ac sulphure: in qua alis hærentibus frustra se alleuare conatus à circumstantibus capitur. Dignæ res visa, de qua vates consulerentur: & erat nō

inta-

erfarum ar-
metus, non
sculta: vetus
riculo san-
vllum pro-
inéri posse
dod homini
nc causam
ngereren-
t. Prærat
modicoq;
atur. Ale-
cuniculos
occultum
are euo-
t specus
i cōspi-
eius a-
Sed ea-
desidē-
ur, & ta-
vulnera-
qui ad-
t. Ergo
corona
ā admō-
s, sacru
ns cor-
bitō o-
resolu-
ma tur-
ac sul-
alleua-
Digna
erat nō
ista-
D. 2. 2.

intactus ea superstitione mentis. Ergo Aristan-
der, cui maxima fides habebatur, vrbis quidem
excidium augurio illo portendi. Ceterum pe-
riculum esse, ne rex vulnus acciperet. Itaque
monuit, ne quid eo die inciperet. Ille quanquā
v nam vrbē sibi, quo minus securus Aegyptum
intraret, obstare agrē ferebat: tamen paruit va-
ti, signumq; receptui dedit. Hinc animus cre-
uit obsessis, egressiq; porta recedentib. inferūt
signa, cunctationem hostium suam fore occasio-
nem rati. Sed acrius quā constantius proelium
inierunt: quippe vt Macedonum signa circuma-
gī videre, repentē sistunt gradum. Iamque ad
regem proeliantium clamor peruenerat, cū
denuntiati periculi laud sanē memor, lorica
tamen, quā raro induebat, amicis orantibus
sumsit, & ad prima signa peruenit. Quo con-
specto Arabs quidam Darij miles maius fortu-
na sua facinus ausus, clypeo gladium regens
quasi transfuga genibus regis aduoluitur. Ille
assurgere supplicem recipique inter suos ius-
sit. At barbarus gladio strenuē in dextram
translato, ceruicem appetit regis: qui exigua
corporis declinatione euitato ictu, in vanum
manum barbari lapsam amputat gladio, denun-
tiato in illum diem periculo, vt arbitrabatur
ipse, defunctus. Sed (vt opinor) inenitabile est
fatum: quippe dum inter primores promptius
dimicat, sagitta ictus est, quam per lorica ad-
actam stantem in humero medicus eius Philip-
pus euellit: plurimus deinde sanguis manare
cœpit. omnibus territis, quia *quā alie pen-
trasset telum*, lorica obstante *non* cognouerant:
ipse ne oris quidem colore mutato, suppressi
sanguinem, & vulnus obligari iussit. Diu antē
ipsa

ipsa signa vel dissimulato, vel dicto dolore
 perstiterat, cum suppressus paulo ante sanguis
 medicamento, longius manare coepit, & vul-
 nus quod stupens adhuc, dolorem non mouerat,
 frigente sanguine intumuit. Linqui deinde ani-
 mo & submitti genu coepit: quem proximi
 exceptum in castra receperunt. Et Batis inter-
 fectum ratus, urbem ouans victoria repetit. At
 Alexandernondum percurato vulnere, agge-
 rem, quo moenium altitudinem equaret, extru-
 xit, & pluribus cuniculis muros subruui iussit.
 Oppidani ad pristinum fastigium murorum
 nouum exstruxere munimentum: sed ne id quide-
 turres aggeri impositas poterat aequare. Itaque
 interiora quoque urbis infesta telis erant. Ul-
 tima pestis urbis fuit cuniculo subrutus murus,
 per cuius ruinas hostis intrauit. Ducebat ipse
 rex antesignanos, & dum incautius subit, saxo
 crus eius affligitur. Innixus tamen telo nondum
 prioris vulneris obducta cicatrice inter pri-
 mores dimicat, ira quoque accensus, quod duo
 in obsidione urbis eius vulnera acceperat. Ba-
 tim, egregia edita pugna, multisque vulneribus
 confectum deseruerant sui: nec tamen segnius
 proelium capessebat, lubricis armis, suo pariter
 atque hostium sanguine: cum vndique telis cir-
 cumducto Alexander, alias virtutem etiam in
 hoste miratus, non ut voluisti, inquit, morieris
 Bati, sed quidquid in captiuum inueniri potest,
 passurum esse te cogita. Ille non interrito modo,
 sed contumaci quoque vultu intuens regem,
 nullam ad minas eius reddidit vocem. Tum
 Alexander: videtisne obstinatum ad tacendum?
 inquit, num genu posuit? num supplicem vo-
 cem misit? Vincam tamen silentium, & si nihil
 aliud

aliud certè gemitu interpolabo. Ità deinde vertit in rabiem : iam tum peregrinos ritus noua subeunte fortuna. Per talos enim spirantis lora traiecta sunt ; religatūque ad currum traxere circa urbem equi , gloriante rege ; Achillem à quo genus ipse deduceret, imitatum se esse poëna in hostem capiendā. Cecidere Persarum Arabumque circa decem milia : nec Macedonibus incruenta victoria fuit. Obsidio certè non tam claritate vrbis nobilitata est , quam geminato periculo regis : qui Aegyptum adire festinans, Amyntam cum decem triremibus in Macedoniam ad inquisitionem nouorum militum misit. Namque prelijs etiā secundis atterebantur tamen copiae : deuictarumque gentium militi minor quam domestico fides habebatur.

CAPVT XX.

ARGVMENTVM.

Aegypto expugnata Hammenis Iouis sedem cum magno periculo adit. Eiusdem loci descriptio.

AEgypti jolim Persarum opibus insensit: quippe auarè & superbè imperitatum sibi esse; ad ipem aduentus eius erexerant animos ut: potè qui Amyntam quoque transfugam , & cum precario imperio venientem læti recepissent. Igitur ingens multitudo Pelusium qua intraturus rex videbatur, conuenerat. Atque ille septimo die postquam à Gaza copias mouerat, in regionem Aegypti , quam nunc castra Alexandri vocant, peruenit. Deinde pedestribus copijs Pelusium petere iussis, ipse cum expedita dilectorum manu Nilo amne vectus est. Nec


F

susti-

† sustinuerē aduētum eius Persæ, defectione quorū
 que perterriti. Iamq; haud procul Memphi erat;
 in cuius præsidio Ataces prætor Darij relictus;
 Oron anne superato; octingenta talenta Ale-
 xandro, omnemque regiam supellectilem tra-
 didit. A Memphi eodem flumine vectus, ad in-
 teriora Aegypti penetrauit, compositisq; rebus,
 itavt nihil ex patrio Aegyptiorū more mutaret;
 adire Iouis Hamonis oraculum statuit. Iter ex-
 peditis quoq; & paucis vix tolerabile ingredi-
 endum erat: terra coeloq; aquarum penuria est:
 steriles harenæ iacent: quas vbi vapor solis ac-
 cendit, feruido solo exurente vestigia, intolera-
 bilis æstus existit: luctandumque est non tantum
 cum ardore & siccitate regionis, sed etiam cum
 tenacissimo sabulo, quod præaltum & vestigio
 cedēs agrè moliuntur pedes. Hæc Aegyptij ve-
 ro maiora iactabant. Sed ingens cupido animū
 stimylabat adeundi Iouem: quem generis sui
 auctorem haud contentus mortali fastigio, aut
 credebatur esse, aut credi volebat. Ergo cum ijs,
 quos ducere secum statuerat, secundo anne de-
 scendit ad Mareotim paludem. Eo legati Cyre-
 nensium dona attulere: pacē, & vt adiret vrbes
 suas, petentes. Ille donis acceptis, amicitiaque
 coniuncta, destinata exsequi pergit. Ac primo
 quidem & sequenti die tolerabilis labor visus:
 nondum tam vastis nudisq; solitudinibus adi-
 tis, iam tamen sterili & moriente terra. Sed vt
 aperuere se campi alto obruti sabulo, haud se-
 cus quàm profundum æquor ingressi, terram o-
 culis requirebant. Nulla arbor, pullum culti so-
 li occurrebat vestigium. Aqua etiam defecerat,
 quam vtribus cameli deuexerant, & in arido
 sole

solo ac feruido fabulo nulla erat. Ad hæc, sol omnia incenderat, siccaque & adusta erant ora: cum repente, siue illud deorum munus, siue casus fuit, obductæ cælo nubes cõdidere solem, ingens æstu fatigatis, etiamsi aqua deficeret, auxilium. Enimvero ut largum quoq; imbrẽ excusserunt procellæ, pro se quisq; excipere eũ, quidam ob sitim impotentes sui ore quoq; hiantes captare cœperunt. Quatriduum per vastas solitudines absumtum est. Iamque haud procul oraculi sede aberant, cum complures corui agmini occurrunt, modico volatu prima signa antecedentes: & modò humi residebant cum lentius agmen incederet, modo se pennis leuabant, antecedentium iterq; monstrantiũ ritu. Tandẽ ad sedẽ cõsecratam Deo ventũ est. Incredibile dictu, inter vastas solitudines, ita vndiq; ambiētibus ramis vix in densam vmbra cadente sole, cõtectæ est: multiq; fontes dulcib⁹ aquis passim manantibus alunt siluas. Cæli quoque mira temperies, verno tẽpori maximè similis, omnes anni partes pari salubritate percurrit. Accolæ sedis sunt ab oriente proximi Aethiopiam, meridiem versus Arabes, Trogloditis cognomẽ est: horũ regio vsq; ad rubrũ mare excurrit, at qua vergit ad occidentẽ, alij Aethiopes colũt, quos Symnos vocant: à septentrione Nasamones sunt, gens Syrtica nauigiorũ spolijs quæstiosa: quippe obsident litora: & æstu destituta nauigia notis sibi vadis occupant. Incolæ nemoris, quos Hammonios vocant, dispersis tugurijs habitant: medium nemus pro arce habent, triplici muro circumdarũ. Prima munitio Tyrannorum veterem regiam clausit, in proxima coniuges


Solis fons



eorum cum liberis & pellicibus habitant: hic quoque dei oraculum est. Ultima munimenta satellitum armigerorumq; sedes erant.* Est ibi & aliud Hammonis nemus: in medio habet fontem, solis aquam vocant: sub lucis ortum tepida manat: medio die, cuius vehementissimus est calor, frigida eadem fluit: inclinato in vespem, calefcit: media nocte feruida exstuat: quoque nox propius vergit ad lucem, multum ex nocturno calore decrefcit, donec sub ipsum diei ortum affueto tepore languefcat. Id quod pro deo colitur, non eandē effigiem habet,

Vmbilicus in numo areo Imp.

Antonini expressus.



quam vulgò dijs artifices aecommodauerunt. Vmbilico tenus arcti similis est, habitus sinaragdo & gemmis coagmetatus. Hunc, cum responsum petitur, nauigio aurato gestant sacerdotes: multis argenteis pateris ab utroq; nauigij latere pendentibus. Sequuntur matronæ virginesq;, patrio more inconditum quoddam carinen canentes, quo propitiari Iouem credunt, vt certum edat oraculum. Ac tum quidem regem propius adeuntem, maximus natus è sacerdotibus filium appellat, hoc nomen illi parentem Iouem reddere affirmās. Ille verò & accipere se ait, & agnoscere, humanæ fortis oblitus: consuluit deinde, an totius

orbis imperium satis sibi destinaret pater. Vates æquè in adulationem compositus, terrarum omnium rectorem fore ostendit. Posthæc institit quærere, an omnes parētis sui interfectores poenas dedissent. Sacerdos parentem eius negat vllius scelere posse violari; Philippi autem omnes interfectores luisse supplicia. Adiecit, inuictum fore donec excederet ad deos. Sacrificio deinde facto, dona & sacerdotibus & deo data sunt, permissumq; amicis, vt ipsi quoque consulerent Iouem. Nihil amplius quæsiuerunt, quàm an auctor esset sibi diuinis honoribus colendi suum regem. Hoc quoque acceptum fore Ioui vates respondit: vt ipsi victorem regem diuino honore colerēt. Verè & salubriter æstimanti fidem oraculi, vana profectò responsa videri potuissent. Sed fortunā quos vni sibi credere coegit, magna ex parte auidos gloriæ magis quàm capaces facit. Iouis igitur filium se non solum appellari passus est, sed etiam iussit: rerumq; gestarum famam dū augere vult, falli appellatione corrupit: Et Macedones assueti quidem regio imperio, sed in maiore libertatis vmbra, quam ceteræ gentes, immortalitatem contumacius quàm aut ipsis expediebat, aut regnauerat sunt. Sed hæc suo quæque tempore referuentur: nunc cetera exsequi pergam.

CAPVT XX I.

ARGVMENTVM.

*Alexandria non sine prodigijs conditur. Hector
Parmenionis F. Nilo perit. Vstulatus Andromachus
proles Samaria. tyrannorum suppli-*

cia. Legationes Græcorum. Cyprij reges donis culti. Amphoterus contra piratas mittitur. Herculi Tyrio Alexander operatur.

Alexander ab Hammone rediens vt ad Mareotin paludem haud procul insula Pharo sitam venit, contemplatus loci naturam, primum in ipsa insula statuerat urbem nouam condere. Inde, vt apparuit, magna sedis insulam haud capacem, eligit vrbi locum, vbi nunc est, Alexandria, appellationem trahens ex nomine auctoris: complexus quidquid soli est inter paludem & mare, octoginta stadiorum muri ambitum destinat: & qui ex ædificandæ vrbi præessent relictis, Memphin petit. Cupido haud iniusta quidem, ceterum intempestiua incesse- rat, non interiora modo AEgypti, sed etiam AEthiopiam inuisere. Memnonis Titoniq; celebrata regia cognoscendæ vetustatis audium trahabat poenè extra terminos solis. Sed imminens bellum, cuius multo maior supererat moles, ociosæ peregrinationi tempora exemerat. Itaq; AEgypto præfecit AESchylum Rhodiû, & Peucesten Macedonem, quatuor millibus militû in præsidium regionis eius datis: claustra Nili fluminis Polymenem tueri iubet. xxx. ad hoc triremes datæ, Africæ deinde quæ AEgypto iuncta est, præpositus Apollonius: vectigalibus eiusdè Africæ AEgyptique Cleomenes, ex finitimijs vrbib⁹ commigrare Alexandria iussis, nouâ Urbem magna magnitudine impleuit. Fama est, cum rex vrbis futuræ muris polentam, vt Macedonum mos est destinasset, animum greges aduolasse, & polentam esse depastas. Cumq; id omen

pro tristi à plerisq; esset acceptū: respōdisse vates, magnā illā urbē aduenarū frequentiā culturam, multisq; eam terris alimenta præbituram.

Genuina delineatio Alexandriae Aegypti.



Regem cum secundo anno deflueret, assequi cupiens Hector Parmenionis filius, eximio ætatis flore, in paucis Alexandro carus, par-

aium nauigium conscendit, pluribus quàm ca-
 pere posset impositis. Itaq; merfa nauis omnes
 destituit. Hector diu flumini obluctatus, cum
 madens vestis & astricti crepidis pedes natare
 prohiberēt, in ripā ramē semianimis euasit: &
 vt primū fatigatus spiritum laxauit, quem me-
 tus & periculum intenderant, nullo adiuuante,
 quippe in diuersum euaserant alij, exanimatus
 est. Rex amissi eius desiderio vehementer affli-
 ctus est, repertumq; corpus magnifico extulit
 funere, Onerauit hunc dolorē nuncius mortis
 Andromachi: quem præfecerat Syriæ: viuum
 Samaritæ cremauerant: ad cuius interitum
 vindicandum, quanta maximè celeritate po-
 ruit, contendit: aduenientiq; sunt traditi tanti
 sceleris auctores. Andromacho deinde Mem-
 nona substituit: affectisq; supplicio, qui prætorē
 interemerāt. Tyrannos inter quos Methymne-
 orum, Aristonicum & Chrysolaum populari-
 bus suis tradidit: quos illi ob iniurias tortos
 necauerūt. Atheniensium deinde Rhodiorumq;
 & Chiorum legatos audit. Atheniēses victori-
 am gratulabantur, & vt captiui Græcorum suis
 restituerentur, orabant. Rhodij & Chij de præ-
 sidio quærebantur. omnes æqua desiderare visi,
 impetrauerunt. Mitylenēis quoq; ob egregiam
 in partes fidem, & pecuniam quam in bellum
 impenderant reddidit, & magnam regionem
 finibus eorum adiecit. Cypriorum quoq; regi-
 bus, qui à Dario defecerant ad ipsum, & oppu-
 gnanti Tyrū miserant classem, pro merito ho-
 nos habitus. Amphoterus deinde classis præfe-
 ctus ad liberandam Cretam missus, (namq; &
 Persarum & piratarū armis plerq; eius insu-

læ obsidebantur) ante omnia mare à piraticis classibus vindicare iussus, quippe obnoxium prædonibus erat in bellum utroq; rege conuerso. His compositis, Herculi Tyrio ex auro crateram cum XXX. pateris dicauit, imminensque Dario iter ad Euphratem pronunciari iussit.

CAPVT XXII.

ARGVMENTVM.

Darius Babylone collectas copias & instructas mouet ad Tigrim, quem cum Lyco traiecit, & castra ad Bumellum ponit. Mazeus regionem vastat.

AT Darius cum Aegypto diuertisse in Africam hostem comperisset, dubitauerat, vtrum ne circa Mesopotamiam subsisteret, an interiora regni sui peteret, haud dubie potentior autor præsens futurus vltimis gentibus impigre bellum capeffendi, quas ægre per præfectos suos moliebatur. Sed vt idoneis auctoribus fama vulgauit, Alexandrum cum omnibus copijs, quamcumq; ipse adisset regionem, petiturum, haud ignarus quam cum strenuo res esset, omnia longinquarum gentium auxilia Babylonem contrahi iussit. Bactriani Schythæque & Indi conuenerant. Nam & ceterarum gentium copiarum partibus simul affuerunt. Ceterum cum dimidio ferme maior esset exercitus, quam in Sicilia fuerat, multis arma deerant: quæ summa cura comparabantur. Equitibus equisque tegumenta erant ex ferreis laminis serie inter se connexis. Quis antea præter iacula nihil dederat, scuta gladiique adijciabantur, equorumque domandi greges peditibus distributa sunt, vt maior pristino esset equitatus, ingensque (vt credide-

diderat) hostiū terror, ducentē falcata quadriga, vnicū illarum gentiū auxilium secutæ sunt.



Ex summo temone hastæ præfixæ ferro eminebant: Vtrinq; à iugo ternos direxerāt gladios, & inter faldios rotarum plura spicula eminebant in aduersum. aliæ deinde falcēs summis rotarū orbibus hærebant, &

aliæ in terrā demissæ, quicquid obuium concitaris equis fuisset, amputaturæ. Hoc modo instructo exercitu ac perarmato, Babylone copias mouit. A parte dextra erat Tigris nobilis fluminis, læuam tegebat Euphrates. agmen Mesopotamiæ campos implenerat. Tigri deinde superato, cum audisset hand procul abesse hostem, Satropacem equitum præfectum cum mille dilectis præmisit. Mazæo prætori sex millia data, quibus hostem transitu amnis arceret. Eidem mandatum, vt regionem quam Alexander esset aditurus, popularetur, atq; vreret: quippe credebat inopia debellari posse, nihil habentē nisi quod rapiendo occupasset. Ipsi autem commeatus alij terra, alij Tigri amne subuehebantur. Iam peruenerat Arbela vicum nobilem sua clade facturum. Hic commeatum sarcinarumque maiore parte deposita, Lycū amnem ponte iunxit, & per dies quinq; sicutantē Euphratē, traiecit exercitum. Inde octoginta fere stadia progressus,

gressus, ad alterum annum, Boumello nomen est, castra posuit. Opportuna explicandis copiis regio erat, equitabilis & vasta planities, ne stirpes quidem & breuia virgulta operiunt solū, liberq; prospectus oculorum etiam quæ procul recessere permittitur. Itaq; si qua campi eminebant, iussit æquari, totumq; fastigium extendi.

CAPVT XXIII.
ARGVMENTVM.

*Profectio Alexandri ad Euphratem & Tigrim,
cades Satrapæ.*

Alexandro, qui numerum copiarum eius, quantum procul coniectari poterat, æstimabant, vix fecerunt fidē, tot millibus cæsis maiores copias esse reparatas. Ceterū omnis periculi & maximè multitudinis contemptor, undecimis castris peruenit ad Euphratem: quo pontibus iuncto, equites primos ire, phalangē sequi iubet, Mazæo, qui ad inhibendum transitum cum sex millibus equitum occurrerat, nō auso periculum sui facere. Paucis deinde non ad quietem, sed ad præparandos animos diebus datis militi, strenuè hostem insequi coepit, metuens ne interiora regni sui peteret, sequēdusque esset per loca omni solitudine atque inopia vasta. Igitur quarto die præter Arbela penetrat ad Tigrim. Tota regio ultra amrē recenti fumabat incendio, quippe Mazæus quæcunque adierat, haud secus quàm hostis vrbat. Ac primo caligine, quā n̄ fumus effuderat, obscurante lucem, insidiarum metu substitit. Deinde ut speculatores præmissi tuta omnia nunciauerunt,

ruat,

sunt, paucos equitum ad tentandum vadū flu-
 minis præmisit. Cuius altitudo primo summa
 equorum pectora, mox ut in medium alueum
 ventū est, cervices quoq; equabat. Nec sanè ali-
 us ad Orientis plagam tam violētus inuehitur,
 multorum torrentium non aquas solum, sed et-
 iam saxa secum trahens. Itaq; à celeritate
 defluit, Tigris nomen est inditum, quia Persica
 lingua Tigrin sagittam appellāt. Igitur pedes
 velut diuisus in cornua circumdato equitatu,
 leuatis super capita armis hinc ægrè ad ipsum
 alueū penetrat. Primus inter pedites rex egres-
 sus in ripam, vadum militibus manu (quando
 vox exaudiri nō poterat) offendit. Sed gradum
 firmare vix poterant, cum modo saxa lubrica
 vestigiū fallerent, modo rapidior vnda subdu-
 ceret. Præcipuus erat labor eorum qui humeris
 onera portabant: quippe cum semet ipsos rege-
 re non possent, in rapidos gurgites incōmodo
 onere auferebātur. Et dum sua quisq; spolia cō-
 sequi ~~audet~~, maior inter ipsos quā cum ame-
 ne orta luctatio est, cumuliq; sarcinarum pas-
 sim fluitantes plerosq; perculerant. Rex mone-
 re, ut satis haberēt arma retinere, cetera se red-
 diturum, sed neque consilium, neq; imperium
 accipi poterat. Obstrepebant hinc metus, præ-
 ter hunc inuicem natantium mutuus clamor.
 Tandem quā leniore tractu amnis aperit vadū,
 emersere, nec quicquam præter pancas larcini-
 as desideratum est. ~~Dele~~ri potuit exercitus, si
 quis vincere ausus esset. Sed perpetua fortuna
 regis auertit inde hostem. Sic Granicum tot
 millibus equitum peditumq; in vltiore stan-
 tibus ripa superauit, sic angustis in Ciliciæ col-
 libus

libus tantam multitudinem hostium. Audacia quoque, qua maximè viguit, ratio minui potest, quia nunquam in discrimen venitan temerè fecisset. Mizeus, si transeuntibus flumen superuenisset, haud dubiè oppressurus fuit in-compositos in ripa: demum etiam perarmatos a-
 mitare cœpit. Mille admodum equites præmilerat: quorum paucitate Alexander explorata, deindè contenta, præfectum Pæonum equitum Aristona laxatis habenis inuehi iussit. Insignis eo die pugna equitum, & præcipuè Aristonis fuit. Præfectum equitatus Persarum Satropacem directâ in gutture hasta transfixit, fugientemq; per medios hostes consecutus, ex equo præcipitavit, & obluçtanti caput gladio demisit, quod relatum magna cum laude ante regis pedes posuit. Biduo ibi stativa rex habuit, in proximum deindè pronuntiari iussit.

CAPVT XXIV.

ARGVMENTVM.

*Defectio luna describitur, inde trepidatio exercitus & nutatio ac prope seditio. Ratio defectio-
 nis explicata, fausta portenta, profectio-
 ignis extinctio, copia frumenti reperta, explo-
 ratores capti vel cæsi.*

Sed prima ferè vigilia luna deficiens, primum nitorem sideris sui condidit, deinde sanguinis colore suffuso lumen omne foedavit, sollicitisque sub ipsum tanti discriminis casum ingens religio, & ex ea formido quædam incussa est. *Dys inuitis in ultimas terras trahi se. iam nec flumina posse adiri, nec sidera pri-*
sti.

stinum seruare fulgorem. Vastas terras, deserta omnia occurrere: ⁱⁿ vnus hominis iactatione tot millium sanguinem impendi. Fastidio esse patriam, abdicare Philippum patrem, calum vanus cogitationibus peti. Iam prope feditionem res erat, cum ad omnia interritus, duces principes militum frequētes adesse prætorio, Aegyptioque vates, quos cæli ac siderum peritissimos esse credebat, quid sentirent, exprimere iubet. At illi, qui satis scirent temporum orbis implere destinatus vices, lunamq; deficere, cum aut terram subiret, aut sole premeretur, rationem quidem ipsis præceptam, non edocent vulgus, ceterum affirmant. Solem Græcorum, Lunam esse Persarum: quociens illa deficiat, ruinam stragemque illis gentibus portendi. Veteraque exempla recentent Persidis regum, quos auersis dijs pugnasse Lunæ ostendisset defectio. Nulla res multitudinem efficacius regit, quam superstitio, alioquin impotens, sæua, mutabilis, vbi vana religione capta est, melius vatibus quam ducibus suis paret. Igitur edita in vulgus Aegyptiorum responsa, rursus ad spem & fiduciam erexere torpentes. Rex impetu animorum v-tendum ratus, secunda vigilia castra mouit: Dextra Tygrim habebat, læua montes, quos Gordyæos (vel Gordæos) vocant. Hoc ingresso iter, speculatores qui præmissi erāt sub lucis ortum Darium aduentare nunciauerunt. Instru-cto igitur milite, & composito agmine, antecede-
bat. Sed Persarū exploratores erāt mille ferme, qui specie magni agminis fecerant: quippe vbi explorari vera non possunt, falsa per metum augurantur. His cognitis rex, cum pacis suo-
rum

rum assecutus agmen refugientiū ad luos, alios cecidit, cepit alios, equitesq; præmisit simul speculatum, simul ut ignem quò Barbari cremauerant vicos, extinguerēt, quippe fugiētes raptim tectis acervisque frumētī iniecerant flāmas, quæ cū in summo hæssissent, ad inferiora nōdum pertraherant. Extincto igitur igne, plurimum humenti repertum est, copia aliarum quoq; rerum abundare cœperunt. Ea res ipsa militi ad persequendum hostem animum incendit: quippe vrente & populante eo terram, festinandum erat, ne incendio cuncta præriperet. In rationem ergo necessitas versa: quippe Mazæus qui ante per otium vicos incenderat, iam fugere contentus, pleraq; inuiolata hosti reliquit. Alexander hæud longius celtum quinquaginta stadijs Darium abesse compererat. Itaque ad satietatem quoq; copia com meatuum instructus, quatrīduo in eodem loco substitit.

CAPVT XXV.

ARGVMENTVM.

Darij insidiatrices litteræ deprehensæ. Mors vxoris Darij, & nuncius de ea ad Darium. Darij lachryma & precatio pro Alexandro casto & regio iuvene.

INterceptæ deinde Darij litteræ sunt, quibus Græci milites sollicitabantur, ut regem aut interficerent, aut proderent: dubitavitque an eas pro cōcione recitaret, satis consilijs Græcorum quoque.

quoque erga se benivolentiæ ac fidei. Sed Parmenio terruit, non esse talibus promissis imbuendas aures militum, patere vel vnius insidijs regem: nihil nefas esse avaritiæ. Secutus consilij autorem, castra mouit Iter facienti Spado ex captiuis qui Darij vxorem comitabantur, deferre eam nunciat, & vix spiritum ducere. Itineris continui labore, animique ægritudine fatigata, inter socrus & virginum filiarum manus collapsa erat, deinde & extincta. Id ipsum nunciatus alius superuenit. Et rex haud secus quàm si parentis mora nunciata esset, crebros edidit gemitus, lachrymisque obortis quales Darius profudisset, in tabernaculum, in quo mater erat Darij, defuncto assidens corpori, venit. Hic verò renouatus est mœror, vt prostratam humi vidit, recenti malo priorum quoq; admonitam, receperat in gremium adultas virgines, magna quidem mutui doloris solatia, sed quibus ipsa deberet esse solatio, In conspectu erat nepos paruulus, ob id ipsum miserabilis, quod nondum sentiebat, calamitatem maxima ex parte ad ipsum redundantem. Crederes Alexandrū inter suas necessitudines flere, & solatia nō adhibere, sed quærere. Cibo certè abstinuit, omnemque honorem funerali patrio Persarum more seruauit, dignus Hercule, qui nunc quoq; tantæ & mansuetudinis, & continentię ferat fructum. Semel omnino eam viderat, quo die capta est, nec vt ipsam, sed vt Darij matrem videret: eximiamque pulchritudinem, formæ eius non libidinis habuerat inuitamentum, sed gloriæ. E spadonibus, qui circa reginam erant, Tyriotes inter trepidationem lugentium elapsus, per eam portam, quæ quia ab hoste auersa erat,

pro tristi à plerisq; esset acceptū: respōdisse vates, magnā illā urbē aduenarū frequentiā culturam, multisq; eam terris alimenta præbituram.

Genuina delineatio Alexandriae Aegypti.



Regem cum secundo anno deflueret, assequi cupiens Hector Parmenionis filius, eximio ætatis flore, in paucis Alexandro carus, par-

rium nauigium conscendit, pluribus quàm capere posset impositis. Itaq; merſa nauis omnes deſtituit. Hector diu flumini obluētatus, cum madens veſtis & aſtricti crepidis pedes natare prohiberēt, in ripā tamē ſemianimis euasit: & vt primū fatigatus ſpiritum laxauit, quem metus & periculum intenderant, nullo adiuvante, quippe in diuerſum enaſerant alij, exanimatus eſt. Rex amiſſi eius deſiderio vehementer aſſictus eſt, repertumq; corpus magnifico extulit funere. Onerauit hunc dolorē nuncius mortis Andromachi: quem præfecerat Syriæ: viuum Samaritæ cremauerant: ad cuius interitum vindicandum, quanta maximē celeritate potuit, contendit: aduenientiq; ſunt tradiſi tanti ſcleris auctores. Andromacho deinde Memnona ſubſtituit: affectiſq; ſupplicio, qui prætorē interemerāt. Tyrannos inter quos Methymnorum, Ariſtonicum & Chryſolaum populiſuis tradidit: quos illi ob iniurias tortos necauerūt, Athenienſium deinde Rhodiorumq; & Chiorum legatos audit. Athenieſes victoriam gratulabantur, & vt captiui Græcorum ſuis reſtituerentur, orabant. Rhodij & Chij de præſidio quærebantur. omnes æqua deſiderare viſi, impetrauerunt. Mitylenæis quoq; ob egregiam in partes fidem, & pecuniam quam in bellum impenderant reddidit, & magnam regionem finibus eorum adiecit. Cypriorum quoq; regibus, qui à Dario defeceſerant ad ipſum, & oppugnantī Tyrū miſerant claſſem, pro merito honos habitus. Amphoterus deinde claſſis præfectus ad liberandam Cretam miſſus, (namq; & Perſarum & piratarū armis plerq; eius inſu-

læ obsidebantur) ante omnia mare à piraticis classibus vindicare iussus, quippe obnoxium prædonibus erat in bellum utroq; rege conuerso. His compositis, Herculi Tyrio ex auro crateram cum XXX. pateris dicauit, imminensque Dario iter ad Euphratem pronunciari iussit.


CAPVT XXII.

ARGVMENTVM.

Darius Babylone collectas copias & instructas mouet ad Tigrim, quem cum Lyco traiecit, & castra ad Bumellum ponit. Mazæus regionem vastat. cx

AT Darius cum Aegypto diuertisse in Africam hostem compèrisset, dubitauerat, vtrum ne circa Mesopotamiam subsisteret, an interiora regni sui peteret, haud dubiè potentior autor præsens futurus vltimis gentibus impigrè bellum capeffendi, quas ægrè per præfectos suos moliebatur. Sed vt idoneis auctoribus fama vulgauit, Alexandrum cum omnibus copijs, quamcunq; ipse adisset regionem, petiturum, haud ignarus quàm cum strenuo res esset, omnia longinquarum gentium auxilia Babylonem contrahi iussit. Bactriani Schythæque & Indi conuenerant. Nam & ceterarum gentium copiarum partibus simul affuerunt. Ceterum cum dimidio ferme maior esset exercitus, quàm in Ciddia fuerat, multis arma deerant: quæ summa cura comparabantur. Equitibus equisque tegumenta erant ex ferreis laminis serie inter se connexis. Quis antea præter iacula nihil dederat, scuta gladijque adijciabantur, equorumque domandi greges peditibus distributæ sunt, vt maior pristino esset equitatus, ingensq; (vt crede-

diderat) hostiū terror, ducentę falcata quadriga, vnicū illarum gentiū auxilium secutę sunt.



Ex summo temone hastę præfixę ferro eminebant: Vtrinque à iugo ternos direxerāt gladios, & inter fadios rotarum plura spicula eminebant in aduersum. alię deinde falcę summis rotarū orbitibus hærebant, &

alię in terrā demissę, quicquid obuium concitaris equis fuisset, amputaturę. Hoc modo instructo exercitu ac perarmato, Babylone copias mouit. A parte dextra erat Tigris nobilis fluuius, læuam tegebat Euphrates. agmen Mesopotamię campos implenerat. Tigri deinde superato, cum audisset hand procul abesse hostem, Satropacem equitam præfectum cum mille dilectis præmisit. Mazæo prætori sex millia data, quibus hostem transitu amnis arceret. Eidem mandatum, vt regionem quam Alexander esset aditurus, popularetur, atq; vreret: quippe credebatur inopia debellari posse, nihil habentē nisi quod rapiendo occupasset. Ipsi autem commeatus alij terra, alij Tigri amne subuehebantur. Iam peruenerat Arbela vicum nobilem sua clade factururus. Hic commeatum sarcinarumque maiore parte deposita, Lycū amnem ponte iunxit, & per dies quinq; sicut antē Euphratē, traiecit exercitum. Inde octoginta fere stadia progressus,

gressus, ad alterum annum, Boumello nomen est, castra posuit. Opportuna explicādis copijs regio erat, equitabilis & vasta planicies, ne stirpes quidem & breuia virgulta operiunt solū, liberq; prospectus oculorum etiam quæ procul recessere permittitur. Itaq; si qua campi eminebant, iussit æquari, totumq; fastigium extendi.

CAPVT XXIII.
ARGVMENTVM.

*Profectio Alexandri ad Euphratem & Tigrim,
cedes Satrapæ.*

Alexandro, qui numerum copiarum eius, quantum procul coniectari poterat, æstimabant, vix fecerunt fidē, tot millibus cæsis maiores copias esse reparatas. Ceterū omnis periculi & maximè multitudinis contemptor, undecimis castris peruenit ad Euphratem: quo pontibus iuncto, equites primos ire, phalangē sequi iubet, Mazæo, qui ad inhibendum transitum cum sex millibus equitum occurrerat, nō auso periculum sui facere. Paucis deinde nō ad quietem, sed ad præparādos animos diebus datis militi, strenuè hostem insequi cœpit, metuens ne interiora regni sui peteret, sequēdusque esset per loca omni solitudine atque inopia vasta. Igitur quarto die præter Arbela penetrat ad Tigrim. Tota regio ultra amrē recenti fumabat incendio, quippe Mazæus quæcunque adierat, haud secus quā hostis vrebatur. Ac primo caligine, quā n̄ fumus effuderat, obscurante lucem, insidiarum metu substitit. Deinde ut speculatores præmissi tuta omnia nunciaverunt,

runt, paucos equitum ad tentandum vadū fluminis præmisit. Cuius altitudo primo summa equorum pectora, mox ut in medium alueum ventū est, ceruices quoq; equabat. Nec sanè alius ad Orientis plagam tam violētus inuehitur, multorum torrentium non aquas solum, sed etiam saxa secum trahens. Itaq; à celeritate defluit, Tigris nomen est inditum, quia Persica lingua Tigrin sagittam appellāt. Igitur pedes velut diuisus in cornua circumdato equitatu, leuatis super capita armis hinc agrè ad ipsum alueū penetrat. Primus inter pedites rex egres-
 sus in ripam, vadum militibus manu (quando vox exaudiri nō poterat) ostendit. Sed gradum firmare vix poterant, cum modo saxa lubrica vestigū fullerent, modo rapidior vnda subdu-
 ceret. Præcipuus erat labor eorum qui humeris onera portabant: quippe cum semet ipsos regere non possent, in rapidos gurgites incōmodo onere auferebātur. Et dum sua quisq; spolia cōsequi *su*det, maior inter ipsos quā n cum am-
 ne orta luctatio est, cumuliq; sarcinarum passim fluitantes, plerosq; perculerant. Rex mone-
 re, ut satis haberēt arma retinere, cetera se red-
 diturum. sed neque consilium, neq; imperium accipi poterat. Obstrepebant hinc metus, præter hunc inuicem natantium mutuus clamor. Tandem quā leniore tractu amnis aperit vadū, emertere, nec quicquam præter paucas sarcinas desideratum est. *De*leri potuit exercitus, si quis vincere ausus esset. Sed perpetua fortuna regis auertit inde hostem. Sic Granicum tot millibus equitum peditumq; in vltiore stan-
 tibus ripa imperauit, sic angustis in Ciliciæ cal-
 libus

libus tantam multitudinem hostium. Audacia quoque, qua maximè viguit, ratio minui potest, quia nunquam in discrimen venit an temerè fecisset. Mazeus, si transeuntibus flumen superuenisset, haud dubiè oppressurus fuit incompósitos in ripa: demum etiam perarmatos agitare coepit. Mille admodum equites præmiserat: quorum paucitate Alexander explorata, deinde contempta, præfectum Pæonum equitum Aristonem laxatis habenis inuehi iussit. Insignis eo die pugna equitum, & præcipue Aristonis fuit. Præfectum equitatus Persarum Satropacem directâ in gutture hasta transfixit, fugientemq; per medios hostes consecutus, ex equo præcipitavit, & obluçtanti caput gladio demisit, quod relatum magna cum laude ante regis pedes posuit. Biduo ibi stativa rex habuit, in proximum deinde pronuntiari iussit.

CAPVT XXIV.

ARGVMENTVM.

Defectio luna describitur, inde trepidatio exercitus & nutatio ac prope seditio. Ratio defectiois explicata, fausta prætentata, profectionis extinctio, copia frumenti reperta, exploratores capti vel cæsi.

Sed prima ferè vigilia luna deficiens, primum nitorem sideris sui condidit, deinde sanguinis colore suffuso lumen omne fœdauit, sollicitisque sub ipsum tanti discriminis casum ingens religio, & ex ea formido quædam incussa est. *Dys inuitis in ultimas terras trahi se. iam nec flumina posse adiri, nec sidera præ-*
stare.

*finum seruare fulgorem. Vastas terras, deserta
 omnia occurrere: vnus hominis iactatione tot
 millium sanguinem impendi. Fastidio esse patri-
 am, abdicari Philippum patrem, calum vanis co-
 gitationibus peri.* Iam prope feditionem res e-
 rat, cum ad omnia interritus, duces principes
 militum frequētes adesse prætório, Aegyptio
 quē vates, quos cæli ac siderum peritissimos es-
 se credebat, quid sentirent, exprimere iubet. At
 illi, qui satis scirent temporum orbis implere
 destinatas viçes, lunamquē deficere, cum aut ter-
 ram subiret, aut sole premeretur, rationem qui-
 dem ipsis præceptam, non edocent vulgus, ce-
 terum affirmant Solem Græcorum, Lunam es-
 se Persarum: quoties illa deficiat, ruinam stra-
 gemque illis gentibus portendi. Veteraque ex-
 empla recensent Persidis regum, quos auersis
 dijs pugnasse Lunæ ostendisset defectio. Nulla
 res multitudinem efficacius regit, quam super-
 stitio, alioquin impotens, sæua, mutabilis, vbi
 vana religione capta est, melius vatibus quàm
 ducibus suis paret. Igitur edita in vulgus Aegy-
 ptiorum responsa, rursus ad spem & fiduciam
 erexere torpentes. Rex impetu animorum v-
 tendum ratus, secunda vigilia castra mouit:
 Dextra Tygrin habebat, læua montes, quos
 Gordyæos (vel Gordæos) vocant. Hoc ingresso
 iter, speculatores qui præmissi erāt sub lucis or-
 tum Darium aduentare nunciauerunt. Instru-
 cto igitur milite, & composito agmine, antece-
 debat. Sed Persarū exploratores erāt mille fer-
 me, qui speciē magni agminis fecerant: quippe
 vbi explorari verā non possunt, falsa per metum
 augurantur. His cognitis rex, cum pacis suo-
 rum

quoque erga se benivolentiæ ac fidei. Sed Parmenio terruit, non esse talibus promissis imbuendas aures militum, patere vel vnius insidijs regem: nihil nefas esse auaritiæ. Secutus consilij autorem, castra mouit Iter facienti Spado ex captiuis qui Darij vxorem comitabantur, describere eam nunciat, & vix spiritum ducere. Itineris continui labore, animique ægritudine fatigata, inter socrus & virginum filiarum manus collapsa erat, deinde & extincta. Id ipsum nuncians alius superuenit. Et rex haud secus quam si parentis mora nunciata esset, crebros edidit gemitus, lachrymisque obortis quales Darius profudisset, in tabernaculum, in quo mater erat Darij, defuncto assidens corpori, venit. Hic verò renouatus est moeror, vt prostratam humi vidit, recenti malo priorum quoque admonitum, receperat in gremium adultas virgines, magna quidem mutui doloris solatia, sed quibus ipsa deberet esse solatio, In conspectu erat nepos paruulus, ob id ipsum miserabilis, quod nondum sentiebat, calamitatem maxima ex parte ad ipsum redundantem. Crederes Alexandrū inter suas necessitudines flere, & solatia nō adhibere, sed quærere. Cibo certè abstinuit, omnemque honorem funeri patrio Persarum more seruauit, dignus Hercule, qui nunc quoque tantæ & mansuetudinis, & continentiae ferat fructum. Semel omnino eam viderat, quo die capta est, nec vt ipsam, sed vt Darij matrem videret: eximiamque pulchritudinem, formæ eius non libidinis habuerat inuitamentum, sed gloriæ. E spadonibus, qui circa reginam erant, Tyriotes inter trepidationem lugentium elapsus, per eam portam, quæ quia ab hoste auersa erat,

G

leuius

leuius custodiebatur, ad Darij castra peruenit; exceptusq; à vigilibus in tabernaculum regis perducitur, gemens, & veste lacerata: quem vt conspexit Darius, multiplici doloris expectatione commotus, & quid potissimum timeret incertus, *Vultus*, inquit, *tuus, nescio quod ingens malum praefert. sed caue miseri hominis auribus parcas. didici enim esse infelix, & saepe calamitatis solatium est, nosse sortem suam.* Num, quod maxime suspicor, & loqui timeo, ludibria meorum nunciaturus es mihi, & (vt credo) ipsis quoque omni tristiora supplicio? Ad hæc Tyriotes, *istud quædem procul abest*, inquit, *Quantuscunque enim reginis bonos ab ijs, qui parèt, haberi potest, tuis à victore seruatus est: sed vxor tua paulò ante excessit è vita.* Tum verò non gemitus modò, sed etiam eiulatus totis castris exaudiebatur: nec dubitauit Darius, quin interfecta esset, quia nequisset contumeliam perpeti. Exclamatque amens dolore: *Quod ego tantum nefas commisi Alexander? quem tuorum propinquorum necaui, vt hanc vicem sauitia mea reddas? odisti me non quidem prouocatus. Sed finge iustum intulisse bellum, cum sceminis ergò agere debueras?* Tyriotes affirmare per deos patrios, nihil in eam grauius esse consultum. Ingemuisse etiam Alexandrum morti, & non parcius fleuisse, quàm ipse lacrymaretur. Ob hæc ipsa amantis animus in solitudinem, suspicionemque reuolutus est, desiderium captivæ profectò à consuetudine stupri ortum esse coniectans. Submotis igitur arbitris, vno duntaxat Tyriote retento, iam non flens, sed suspirans: *Vides ne in te Tyriote lo-*

cum mendacio non esse? Tormenta iam hic erunt, sed ne expectaueris, per deos, si quid tibi tui regis reuerentia est: num quod & scire expeto, & querere pūdet, ausus & dominus, & iuuenis? Ille quæstioni corpus offerre, deos testes inuocare, castè sanctèque habitam esse reginam. Tandem, vt fides facta est, vera esse quæ affirmaret Spado; capite velato diu fleuit, manantibusque adhuc lacrymis, veste ab ore reiecta, ad cælum manus tendens, D. patrij (inquit) primum mihi stabilite regnum: deinde si de me iam transactum est? precor ne quis potius Asiæ rex sit, quam iste tam iustus hostis, tam misericors victor.

CAPVT XXVI.

ARGVMENTVM.

Vltima Darij legatio ad Alexandrum de pace. Permenionis consilium ad pacem inclinans propter aurum. Alexandri regia sponso se non esse mercatorem, questus de insidijs, Dario indicit bellum.

ITaque quanquā frustra pace, bis petita, omnia in bellum consilia conuerterat? victus tamen continentia hostis, ad nouas pacis condiciones ferendas, decem legatos cognatorū principes misit: quos Alexander concilio aduocato introduci iussit, è quib. maximus natus, Dariū, inquit, vt pacē à te iā tertio peteret, nulla vis subegit, sed iustitia & cōtinentia tua expressit. Matrē, cōiugē,

liberosque eius, nisi quod sine illo sunt, captos esse non sensimus, pudicitia, earum quæ super sunt curam, haud secus quam parens agens, reginas appellas, speciem pristinae fortune retinere pateris. **V**ultus tuum video, qualis Darius fuit cum dimitteremur ab eo: & ille tamen uxorem, tu hostem luges. Iam in acie staret, nisi cura te sepulturae eius moraretur. Et quid mirum est, si tam ab amico animo pacem petit? Quid opus est armis, inter quos odia sublata sunt? antea imperio tuo finem destinabat Alyn aminem, qui Lydiam terminat: nunc quicquid inter Hellepontum & Euphratem est, in dotem filiae offert. Tibi tradit Ochum filium, quem habet, pacis & fidei obsidem retine. Matrem & duas virgines filias redde, pro tribus corporibus XXX. millia talentum auri precatur accipias. Nisi moderationem animi tui notam haberem, non dicerem hoc esse tempus, quo pacem non dare solum, sed etiam occupare deberes. Respice quantum preste reliqueris, intueri quantum petas. Periculosum est prae graue imperium, difficile est, continere quod capere non possis. Vides ne ut nauigia quæ modum excedunt, regi nequeant? nescio an Darius ideo tam multa amiserit, quia nimia opes magna iactura locum faciunt, Facilius est quadam vincere, quàm tueri. Quàm bercule expeditius manus nostra rapiunt, quàm continent? ipsa mors uxoris Darii admonere potest, minus iam misericordia tua licet, quam licuit. Alexander legatis excedere tabernaculo iussit, quid placeret, ad consilium refert. Diu nemo quid sentiret,

ret, dicere ausus est, incerta regis voluntate. Tandem Parmenio, *Ante suavissem, ait*, ut captivos apud Damascum redimentibus redderes, ingentem pecuniam potuisse redigi ex iis, qui multi vincti virorum fortium occuparent manus. Et nunc magnoperè censerem, ut vnam animum, & duas puellas, itinerum agminumque impedimenta, XXX. M. talentum auri permutet. Optimum regnum occupari posse, conditione, non bello, nec quemquam alium inter Istrum & Euphratem, possedisse terras ingenti spatio intervalloq; desertas. Macedoniam potius respiceret, quàm Bactra & Indos intuereris. Ingrata oratio regi fuit. Itaque ut finem dicendi fecit, Et ego, (inquit) pecuniam quam gloriam mallet, si Parmenio essem, nunc Alexander, de paupertate securus sum, & me non mercatorem memini, sed regem. Nihil quidem habeo venale, sed fortunam meam utique non vendo. Captivos si placet reddi, honestius dono dabimus, quam pretio remitemus. Introductis deinde legatis, ad hunc modum respondit. Nunciate Dario, me, quæ fecerim clementer & liberaliter, non amicitia eius tribuisse, sed natura mea. Bellum cum captivis & feminis gerere non soleo. Armatus sit oportet, quem oderim. Quod si saltem pacem bona fide peteret, deliberarem forsitan an darem. Verum enimvero cum modo milites meos litteris ad prodicionem, modò amicos ad perniciem meam pecunia sollicitet, ad internecionem mihi persequendus est, non ut iustus hostis, sed ut percussor veneficus. Conditiones verò pacis

quas fertis , si accepero, victorem eum faciunt. Quæ post Euphratem sunt, liberaliter donat. Vbi igitur me affamini? nempe vltra Euphratem sum. Summum ergo dotis, quam promittit, terminum castra mea transeunt. Hinc me depellite , vt sciã vestrum esse quod ceditis. Eadem liberalitate dat mihi filiam suam: nempe quam scio alicui ser- uorum eius nupturam. Multum verò mihi præstat, si me Mazæo generum præponit. Ite, nunciate regi vestro, & quæ amisit, & quæ adhuc habet, præmia esse belli. Hoc regente vtriusque terminos regni, id quemque habiturum, quod proxima lucis assignatura fortuna est. Legati respondent, cum bellum in animo sit , facere eum simpliciter , quod spe pacis non frustraretur : ipsos petere, quam primum dimittantur ad regem ; eum quoque bellum parare debere : Dimissi nunciant adesse certamen. Ille quidem confestim Mazæum cum tribus equitum millibus ad itinera quæ hostis petiturus erat, occupanda, præmisit.

C A P V T XXVII.

A R G V M E N T V M.

*Alexander composito agmine pergit ad hostem.
Mazæus iter explorat. Darÿ copia recensetur.*

Alexander, corpori vxoris eius, iustis personis, omnique grauiore comitatu intra eadem munimenta cum modico præsidio relicto, ad hostem contendit. Duo cornua diuiserat pe-
ditum

ditum, vtrimque lateri equite circumdato. Impedimenta sequebantur agmen præmissum. Deinde cum Scythiis equitibus Menidam iubet explorare, vbi Darius esset. At ille cum Mazæus haud procul confedisset, non ausus ultra procedere, nihil aliud quam fremitum hominum, hinnitumq; equorum exaudisse nunciat. Mazæus quoque conspectis procul exploratoribus, in castra se recepit, aduentus hostium nuncius. Igitur Darius, qui in patentibus campis decernere optabat: armari militem iubet, aciemque disponit. In leuo cornu Bactriani ibant equites mille admodum, Dahæ totidem, & Arachosij Susiani que quatuor millia explebant. Hos centum falcati currus sequebantur. Proximus quadrigis erat Bessus cum viii. millibus equitum item Bactrianis. Massagetæ, ii. millibus agmen eius claudebant, pedites his plurium gentium non immixtos, s. d. suæ quisque nationis iunxerant copias. Persas deinde cum Mardis Sogdianisque Ariobarzanes & Oriobates ducebant, illi partibus copiarum, Orsines summæ præerat, à vii. Persis oriundus, ad Cyrum quoque nobilissimum regem originem sui referens. Hos aliæ gentes ne socijs quidem satis notæ sequebantur. Post quas quinquaginta quadrigas Phradatès magno Calpianorum agmine antecedebat. Indi, ceteriq; rubri maris accolæ, nomina verius quam auxilia, post currus erant. Claudebatur hoc agmen alijs falcatis curribus, quis peregrinum militem adiunxerat. Hunc Armenij, quos minores appellant Armenios, Babylonij, vtroisque Belitæ, & qui montes Cossæorum incolebant, sequebantur. Post hos ibant Cortæ, gentes quidem Euboicæ, Medos quon-

dam secuti, sed iam degeneres, & patrij moris ignari. Applicauerant his Phrygas & Cataonas, Parthienorum deinde gens, incolentiũ terras, quas nunc Parthi Scythia profecti tenent, claudabant agmen. Hæc sinistri cornus acies fuit. Dexterum tenebat natio maioris Armeniæ, Cadusijque & Cappadoces, & Syrii ac Medi. his quoque falcati currus quinquaginta erant, Summa totius exercitus equites XLV. millia, pedestri acies CC. millia expleuerat. Hoc modo instructi, decem stadia procedunt: iussique subsistere, armati hostem expectabant.

CAPVT XXVIII.

ARGVMENTVM.

Panicus timor militem Alexandri ex vana spæ cali inuadit, quam sua prudentia rex excussit.

Alexandri exercitum pauor, cuius causa non suberat, inuasit: quippe lymphati trepidare cœperunt, omnium pectora occulto metu percurrente. Cæli fulgor tempore æstiuo ardenti similis internitens, ignis præbuit speciem, flammæque ex Darij castris splendere velut latis tenderent præsidijs credebant. Quod si percussis Mazæis, qui præsidebat itineri, superuenisset, ingens clades accipi potuit. Nunc, dum ille segnis in eo, quem occupauerat, tumulo sedet, contentus non lacessi, Alexander cognito pauore exercitus, signum vt consisterent dari, ante ipsos arma deponere, ac leuare corpora iubet, admonens, nullam subiti causam esse terro-

roris,

roris, hostem procul stare. Tandem compotes
sui, pariter arma & animos recipere nec quic-
quam ex præsentibus tutius visum est, quam in
eodem loco castra inuigilare.

C A P V T XXIX.

A R G V M E N T V M.

*Mazæus cum Persis collem deserit, quem Macedo
occupat, atque ibi castra ponit, unde & aciem
hostium prospicit, fluctuat animo, de pugna
ratione deliberat, vnes contra omnes aperto
campo, claro sole, non nocturne latronum
in tenebris pugnandum statuit.*

Postero die Mazæus, qui cum dilectis equi-
tum in edito colle, ex quo Macedonum pro-
spiciebantur castra, confederat, siue metu, siue
quia speculari modo iussus erat, ad Darium re-
dijt. Macedones eum ipsum collem quem de-
seruerat, occupauerunt, nam & tutior planitie
erat, & inde acies hostium, quæ in campo expli-
cabatur, conspici poterat. Sed caligo, quam circa
humidi effuderant montes, vniuersam quidem
rei faciem non abstulit, ceterum agminum di-
scrimina, atque ordinem prohibuit perspicere.
Multitudo inundauerat campos, fremitusq; tot
millium etiam procul stantium aures impleue-
rat. Fluctuare animo rex, & modò suum, modò
Parmenionis consilium sera existimatione per-
pendere: quippe eò ventum erat, vnde recipi
exercitus nisi victor, aut sine clade non posset.
Itaque dissimulato pauore mercenarium equi-

rum assecutus agmen refugientiū ad suos, alios
 cecidit, cepit alios, equitesq; præmisit simul spe-
 culatum, simul vt ignem quò Barbari cremaue-
 rant vicos, extinguerēt, quippe fugiētes raptim
 tectis acervisque frumēti iniecerant flāmas, quæ
 cū in summo hæssissent, ad inferiora nōdum pe-
 trauerant. Extincto igitur igne, plurimum
 inuenienti repertum est, copia aliarum quoq; re-
 rum abundare cœperunt. Ea res ipsa militi ad
 persequendum hostem animum incendit: quip-
 pe vrente & populante eo terram, festinandum
 erat, ne incendio cuncta præiperet. In ratio-
 nem ergo necessitas versa: quippe Mazæus qui
 ante per otium vicos incenderat, iam fugere
 contentus, pleraq; inuiolata hosti reliquit. A-
 lexander hæud longius celtum quinquaginta
 stadijs Darium abesse compererat. Itaque ad sa-
 tietatem quoq; copia commeatumum instructus,
 quatrīduo in eodem loco substitit.

CAPVT XXV.

ARGVMENTVM.

*Darij insidiatrices litteræ deprehensæ. Mors vxo-
 ris Darij, & nuncius de ea ad Darium. Darij
 lachryma & precatio pro Alexandro casto &
 regio iuvene.*

INterceptæ deinde Darij literæ sunt, quibus
 Græci milites sollicitabantur, vt regem aut in-
 terficerent, aut proderent: dubitauitque an eas
 pro cōcione recitaret, satis consilijs Græcorum
 quoque

quoque erga se benivolentiæ ac fidei. Sed Parmenio terruit, non esse talibus promissis imbuendas aures militum, patere vel vnius insidijs regem: nihil nefas esse avaritiæ. Secutus consilij autorem, castra mouit Iter facienti Spado ex captiuis qui Darij vxorem comitabantur, deferre eam nunciat, & vix spiritum ducere. Itineris continui labore, animique ægritudine fatigata, inter focrus & virginum filiarum manus collapsa erat, deinde & extincta. Id ipsum nunciatus alius superuenit. Et rex haud secus quam si parentis mora nunciata esset, crebros edidit gemitus, lachrymisque obortis quales Darius profudisset, in tabernaculum, in quo mater erat Darij, defuncto assidens corpori, venit. Hic verò renouatus est mœror, vt prostratam humi vidit, recenti malo priorum quoq; admonitum, receperat in gremium adultas virgines, magna quidem mutui doloris solatia, sed quibus ipsa deberet esse solatio, In conspectu erat nepos paruulus, ob id ipsum miserabilis, quod nondum sentiebat, calamitatem maxima ex parte ad ipsum redundantem. Crederes Alexandrū inter suas necessitudines flere, & solatia nō adhibere, sed quærere. Cibo certè abstinuit, omnemque honorem funeri patrio Persarum more seruauit, dignus Hercule, qui nunc quoq; tantæ & mansuetudinis, & continentiae ferat fructum. Semel omnino eam viderat, quo die capta est, nec vt ipsam, sed vt Darij matrem videret: eximiamque pulchritudinem, formæ eius non libidinis habuerat inuitamentum, sed gloriæ. E spadonibus, qui circa reginam erant, Tyriotes inter trepidationem lugentium elapsus, per eam portam, quæ quia ab hoste auersa erat,

leuius custodiebatur, ad Darij castra peruenit; exceptusq; à vigilibus in tabernaculum regis perducitur, gemens, & veste lacerata: quem vt conspexit Darius, multiplici doloris expectatione commotus, & quid potissimum timeret incertus, *Vultus*, inquit, *tuus, nescio quod ingens malum praefert. sed caue miseri hominis auribus parcas. didici enim esse infelix, & saepe calamitatis solatium est, nosse sortem suam.* Num, quod maxime suspicor, & loqui timeo, ludibria meorum nunciaturus es mihi, & (vt credo) ipsis quoque omni tristiora supplicio? Ad hæc Tyriotes, istud quòdem procul abest, inquit, Quantuscunque enim reginis bonos ab ijs, qui parèt, haberi potest, tuis à victore seruatus est: sed vxor tua paulò ante excessit è vita. Tum verò non gemitus modò, sed etiam eiulatus totis castris exaudiebatur: nec dubitauit Darius, quin interfecta esset, quia nequisset contumeliam perpeti. Exclamatque amens dolore: *Quod ego tantum nefas commisi Alexander? quem tuorum propinquorum necavi, vt hanc vicem sauitia mea reddas? odisti me non quidem prouocatus. Sed finge iustum intulisse bellum, cum sceminis ergò agere debueras?* Tyriotes affirmare per deos patrios, nihil in eam grauius esse consultum. Ingemuisse etiam Alexandrum morti, & non parcius fleuisse, quàm ipse lacrymaretur. Ob hæc ipsa amantis animus in sollicitudinem, suspicionemque reuolutus est, desiderium captiuae profectò à consuetudine stupri ortum esse coniectans. Submotis igitur arbitris, vno duntaxat Tyriote retento, iam non flens, sed suspirans: *Vides ne in te Tyriote locum*

cum

cum mendacio non esse? Tormenta iam hic erunt, sed ne expectaueris, per deos, si quid tibi tui regis reuerentia est: num quod & scire expeto, & querere pudet, ausus & dominus, & iuuenis? Ille quæstioni corpus offerre, deos testes inuocare, castè sanctèque habitam esse reginam. Tandem, vt fides facta est, vera esse quæ affirmaret Spados; capite velato diu fleuit, manantibusque adhuc lacrymis, veste ab ore reiecta, ad cælum manus tendens, D. patrū (inquit) primum mihi stabilite regnum: deinde si de me iam transactum est? precor ne quis potius Asiæ rex sit, quàm iste tam iustus hostis, tam misericors victor.

CAPVT XXVI.

ARGVMENTVM.

Vltima Darij legatio ad Alexandrum de pace. Parmenionis consilium ad pacem inclinans propter aurum. Alexandri regia sponsio se non esse mercatorem, questus de insidijs, Dario indicit bellum.

ITaque quanquā frustra pace bis petita, omnia in bellum consilia conuerterat? victus tamen continentia hostis, ad nouas pacis condiciones ferendas, decem legatos cognatorū principes misit: quos Alexander concilio aduocato introduci iussit, è quib. maximus natus, Dariū, inquit, vt pacē à te iā tertio peteret, nulla vis subegit, sed iustitia & cōtinentia tua expressit. Matrē, cōiugē,

liberosque eius, nisi quod sine illo sunt, captos esse
 non sensimus, pudicitia, earum quæ super sunt cu-
 ram, haud secus quam parens agens, reginas ap-
 pellas, speciem pristinae fortuna retinere pateris.
 Vultus tuum video, qualis Darij fuit cum dimit-
 teremur ab eo: & ille tamen uxorem, tu hostem
 luges. Iam in acie staret, nisi cura te sepultura eius
 moraretur. Et quid mirum est, si tam ab amico a-
 nimo pacem petit? Quid opus est armis, inter quos
 odia sublata sunt? antea imperio tuo finem desti-
 nabat Alyn amnem, qui Lydiam terminat: nunc
 quicquid inter Hellepontum & Euphratem est, in
 dotem filia offert. Tibi tradit Ochum filium, quem
 habet, pacis & fidei obsidem retine. Matrem &
 duas virgines filias redde, pro tribus corporibus
 XXX. milliata talentum auri precatur accipias. Nisi
 moderatorem animi tui notam haberem, non di-
 cerem hoc esset tempus, quo pacem non dare solum,
 sed etiam occupare deberes. Respice quantum prest-
 te reliqueris, intueri quantum petas. Periculo-
 sum est prae graue imperium, difficile est, continere
 quod capere non possis. Vides ne ut nauigia qua
 modum excedunt, regi nequeant? nescio an Da-
 rius ideo tam multa amiserit, quia nimia opes
 magna iactura locum faciunt, Facilius est qua-
 dam vincere, quam tueri. Quam bercule expedi-
 tius manus nostræ rapiunt, quam continent? ipsa
 mors uxoris Darij admonere potest, minus iam
 misericordia tua licet, quam licuit. Alexander le-
 gatis excedere tabernaculo iussit, quid place-
 ret, ad consilium refert. Diu nemo quid senti-
 ret,

ret, dicere ausus est, incerta regis voluntate. Tandem Parmenio, Ante suassem, ait, ut captiuos apud Damascum redimentibus redderes, ingentem pecuniam potuisset redigi ex his, qui mul-
ti viri virorum fortium occuparent manus. Et nunc magnoperè censerem, ut vnam anum, & duas puellas, itinerum agminumque impedi-
ta, XXX. talentum auri permutet. Optimum regnum occupari posse, conditione, non bello, nec quemquam alium inter Istrum & Euphratem, possedisse terras ingenti spatio interualloq; deser-
tas. Macedoniam potius respiceres, quàm Baſtra & Indos intuereris. Ingrata oratio regi fuit. Itaque ut finem dicendi fecit, Et ego, (inquit) pecuniam quam gloriam mallem, si Parmenio essem, nunc Alexander, de paupertate securus sum, & me non mercatorem memini, sed regem. Nihil quidem habeo venale, sed fortunam meam utique non vendo. Captiuos si placet reddi, bonestius dono da-
bimus, quam pretio remittemus. Introductis de-
inde legatis, ad hunc modum respondit. Nun-
ciate Dario, me, quae fecerim clementer & libera-
liter, non amicitia eius tribuisse, sed natura mea. Bellum cum captiuis & foeminis gerere non soleo: Armatus sit oportet, quem oderim. Quod si saltem pacem bona fide peteret, deliberarem forsitan an darem. Verum enimvero cum modò milites meos litteris ad prodicionem, modò amicos ad perniciem meam pecunia sollicitet, ad internecio-
nem mihi persequendus est, non ut iustus hostis, sed ut percussor veneficus. Conditiones verò pacis

quas fertis, si accepero, victorem eum faciunt. Quæ post Euphratem sunt, liberaliter donat. Vbi igitur me affamini? nempe vltra Euphratem sum. Summum ergo dotis, quam promittit, terminum castra mea transeunt. Hinc me depellite, ut sciam vestrum esse quod ceditis. Eadem liberalitate dat mihi filiam suam: nempe quam scio alicui ser- uorum eius nupturam. Multum verò mihi præstat, si me Mazæo generum præponit. Ite, nunciate regi vestro, & quæ amisit, & quæ adhuc habet, præ- mia esse belli. Hoc regente vtriusque terminos re- gni, id quemque habiturum, quod proxima lucis assignatura fortuna est. Legati respondent, cum bellum in animo sit, facere eum simpliciter, quod spe pacis non frustraretur: ipsos petere, quam primum dimittantur ad regem: eum quoque bellum parare debere: Dimissi nunci- ant adesse certamen. Ille quidem confestim Ma- zæum cum tribus equitum millibus ad itinera quæ hostis petiturus erat, occupanda, præmisit.

C A P V T XXVII.

A R G V M E N T V M.

*Alexander composito agmine pergit ad hostem.
Mazæus iter explorat. Darÿ copia recensentur.*

Alexander, corpori vxoris eius, iustis perso-
lutis, omniq; grauiore comitatu intra ea-
dem munimenta cum modico præsidio relicto,
ad hostem contendit. Duo cornua diuiserat pe-
ditum

ditum, vtrunque lateri equite circumdato. Impedimenta sequebantur agmen præmissum. Deinde cum Scythis equitibus Menidam iubet explorare, vbi Darius esset. At ille cum Mazæus haud procul confedisset, non ausus ultra procedere, nihil aliud quam fremitum hominum, hinnitumq; equorum exaudisse nunciat. Mazæus quoque conspectis procul exploratoribus, in castra se recepit, aduentus hostium nuncius. Igitur Darius, qui in patentibus campis decernere optabat; armari militem iubet, aciemque disponit. In leuo cornu Bactriani ibant equites mille admodum, Dahæ totidem, & Arachosij Susianique quatuor millia explebant. Hos centum falcati currus sequebantur. Proximus quadrigis erat Bessus cum viii. millibus equitum item Bactrianis. Massageræ, ii. millibus agmen eius claudebant, pedites his plurium gentium non immixtos, sed suæ quisque nationis iunxerant copias. Persas deinde cum Mardis Sogdianisque Ariobarzanes & Oriobates ducebant, illi partibus copiarum, Orsines summæ præerat, à vii. Persis oriundus, ad Cyrum quoque nobilissimum regem originem sui referens. Hos aliæ gentes ne socijs quidem satis notæ sequebantur. Post quas quinquaginta quadrigas Phradatès magno Calpianorum agmine antecedebat. Indi, ceteriq; rubri maris accolæ, nomina verius quam auxilia, post currus erant. Claudebatur hoc agmen alijs falcatis curribus, quis peregrinum militem adiunxerat. Hunc Arinenij, quos minores appellant Armenios, Babylonij, vtroiq; Belitæ, & qui montes Cossæorum incolebant, sequebantur. Post hos ibant Cortæ, gentes quidem Euboicæ, Medos quon-

dam secuti, sed iam degeneres, & patrij moris ignari. Applicauerant his Phrygas & Cataonas, Parthienorum deinde gens, incolentiũ terras, quas nunc Parthi Scythia profecti tenent, claudabant agmen. Hæc sinistri cornus acies fuit. Dexterum tenebat natio maioris Armeniæ, Cadusijque & Cappadoces, & Syrii ac Medi. his quoque falcati currus quinquaginta erant, Summa totius exercitus equites XLV. millia, pedestri acies CC. millia expleuerat. Hoc modo instructi, decem stadia procedunt: iussique subsistere, armati hostem expectabant.

CAPVT XXVIII.

ARGVMENTVM.

Panicus timor militem Alexandri ex vana spe celi inuadit, quam sua prudentia rex excussit.

Alexandri exercitum pauor, cuius causa non suberat, inuasit: quippe lymphati trepidare cœperunt, omnium pectora occulto metu percurrente. Cæli fulgor tempore æstiuo ardenti similis internitens, ignis præbuit speciem, flammæque ex Darij castris splendere velut latis tenderent præsidijs credebant. Quod si percussis Mazæus, qui præsidebat itineri, supervenisset, ingens clades accipi potuit. Nunc, dum ille segnis in eo, quem occupauerat, tumulto sedet, contentus non lacessi, Alexander cognito pauore exercitus, signum ut consisterent dari, ante ipsos arma deponere, ac leuare corpora iubet, admonens, nullam subiti causam esse terroris,

roris, hostem procul stare. Tandem compotes
sui, pariter arma & animos recipere nec quic-
quam ex præsentibus tutius visum est, quam in
eodem loco castra mungere.

C A P V T XXIX.
A R G V M E N T V M.

*Mazæus cum Persis collem deserit, quem Macedo
occupat, atque ibi castra ponit, unde & aciem
hostium prospicit, fluctuat animo, de pugna
ratione deliberat, unus contra omnes aperto
campo, claro sole, non nocturne latronum
intenebris pugnandum statuit.*

POSTERO die Mazæus, qui cum dilectis equi-
tum in edito colle, ex quo Macedonum pro-
spiciebantur castra, confederat, siue metu, siue
quia speculari modo iussus erat, ad Darium re-
diit. Macedones eum ipsum collem quem de-
seruerat, occupauerunt. nam & tutior planitie
erat, & inde acies hostium, quæ in campo expli-
cabatur, conspici poterat. Sed caligo, quam circa
humidi effuderant montes, vniuersam quidem
rei faciem non abstulit, ceterum agminum di-
scrimina, atque ordinem prohibuit perspicere.
Multitudo inundauerat campos, fremitusq; tot
millium etiam procul stantium aures impleue-
rat. Fluctuare animo rex, & modò suum, modò
Parmenionis consilium sera existimatione per-
pendere: quippe eò ventum erat, unde recipi
exercitus nisi victor, aut sine clade non posset.
Itaque dissimulato pauore mercenarium equi-

tem expeonia præcedere iubet. Ipse phalangem (sicut antea dictum est) in duo cornua extenderrat. Vtrumque cornu equites tegebant. Iamque nitidior lux, discussa caligine, aciem hostium ostenderat. Et Macedones siue alacritate, siue tædio expectationis, ingentem pugnantium more edidere clamorem. Redditus & à Persis, nemo-
ra vallesque circumiectas terribili sono impleuerat. Nec iam contineri Macedones poterāt, quin cursu quoque ad hostem contenderent. Melius adhuc ratus Alexander in eodem tumulto castra munire, vallum iaci iussit: strenuèq; opere perfectò, in tabernaculum, ex quo tota acies hostium conspiciebatur, secessit. Tum verò vniversa futuri discriminis facies in oculis erat, armis insignibus equi virique splendebant, & omnia interiore cura præparari: sollicitudo Prætorum agmina sua interequitantium ostendebatur, ac pleraque inania sicut fremitus hominum, equorum huminitus, armorum internitentium fulgor, sollicitam expectatione mentem turbauerant. ¶ Igitur siue dubius animi, siue vt suos experiretur, concilium adhibet, quod optimum factu esset exquirens. Parmenio peritissimus inter duces artium belli, furto non proelio opus esse censebat: *intempesta nocte opprimi posse hostes, discordes moribus & linguis: ad hæc & somno & improviso periculo territos, quando in nocturna trepidatione coituros? At interdum primum terribiles occursum facies Scythiarum, Bactrianorumque: hirta illis ora, & intonsas comas esse: Præterea eximia in vastorum magnitudinem corporum; vanis & inanibus, mittere magis, quam iustis formidinis causis moueri:*
dein-

deinde tantam multitudinem circumfundi paucioribus posse. Non in Ciliciæ angustijs & inuicibus, sed in aperta & lata planitie dimicandum fore. Omnes ferme Parmenioni assentiebantur. Polypercon haud dubiè in eo consilio positam victoriam arbitrabatur: quem intuens rex (namque Parmenionem nuper acrius quam vellet increpatum, rursus castigare non sustinebat) Latrunculorum, inquit, & furum illa solertia est, quam praeitis mihi: quippe illorum votum unicum est, fallere. Mea verò gloria semper aut absentiam Darij, aut angustias locorum, aut furtum noctis ob stare non patiar. palam luce aggredi certum est. Malo me fortuna poeniteat, quam victoria pudeat. Ad hac illud quoque accedit. Vigiliis agere Barbaros, & in armis stare, ut ne decipi quidem possint. Itaque ad praelium vos parate. Sic incitatos, ad corpora curanda dimisit.

CAPUT XXX.

ARGUMENTUM.

Vtriusque regis suprema noctis, quæ pugnam præcessit, sollicitudo explicatur.

DArius id quod Parmenio suaserat, hostem facturum esse coniectans, frenatos equos stare; magnamque exercitus partem in armis esse, ac vigilias intentiore cura sernare iusserat. Ergo ignibus tota eius castra fulgebant. Ipse cum discibus propinquisque agmina in armis instantiù circuibat. Solem Mithren, sacrumque & æternū inuocans ignē, ut illis dignam vetere gloria, maio-

maiorumque monumentis fortitudinem inlpirarent. Et profectò si qua diuinæ opis auguria humana mente conspici possent, deos stare secum : illos nuper Macædonum animis subitam inculsissè formidinem : adhuc lymphatos ferri agique, arma facientes. Expetere præsides Persarum imperij debitas à vecordibus poëhas: nec ipsum ducem saniores esse : quippe ritu ferarum prædammodò quam expeteret, intuentem, in perniciem quæ ante prædam posita esset, incurrere. Similis apud Macedones quoque sollicitudo erat, noctemque velut in eam certamine edicto metu egerunt. Alexander non aliàs magis territus, ad vota & preces Aristandrum vocari iubet. Ille in candida veste verbenas manu præferens capite velato , præibat preces regi, Iouem Minervamque & Victoriæ propitiæ. Tunc quidem sacrificio ritè perpetrato, reliquum noctis acquieturus in tabernaculum redijt. Sed nec somnum capere , nec quietem pati poterat. modò è iugo montis aciem in dexterum Persarum cornu dimittere agitabat, modò recta fronte concurrere hostis, interdum hæsitare an potius in læuam detorqueret agmen. tandem grauatum animi anxietate corpus altior somnus oppressit.

CAPVT

CAPVT XXXI.

ARGVMENTVM.

Alexander alto somno pressus, & à Parmenione excitatus, caussas tam securæ quietis reddit, signum dari ad pugnam iubet, duces ad sua mania obeunda dimittit.

IAmque luce orta duces ad accipienda imperia conuenerant, insolito circa prætorium silentio attoniti: quippe alias accersere ipsos, & interdum morantes castigare assueuerat, tunc ne ultimo quidem rerum discrimine excitatum esse mirabantur: & non somno quiescere, sed pauore marcere credebant, non tamen quisquâ ex custodibus corporis intrare tabernaculum audebat, & iam tempus instabat, nec miles iniussu ducis aut arma capere poterat, aut in ordines ire. Diu Parmenio cunctatus, cibum ut caperent ipsi, pronunciat. Iamque exire necesse erat. tunc demum intrat tabernaculum, sæpiusq; nomine compellatum, cum voce non posset, tactu excitauit. *Multa lux, inquit, est. Instruam aciem hostis admouit, tum miles adhuc inermis expectat imperium. Vbi est vigor ille animi tui? nempe excitare vigilēs soles.* Ac hæc Alexander, *Crederes ne me prius somnum capere potuisse, quàm exonerare animum solitudine, quæ quietem morabatur? Signumque pugne tuba dari iussit.* Et cum in eadem admiratione Parmenio perseueraret, quod solutum securis somnum cepisse dixisset, *Minime, inquit, mirum est.*

Ego enim cum Darius terram videret, vicos exscinderet, alimenta corrumpere, potens mei non eram. Nunc vero quid metuum, cum acie decernere paret? Hercule, votum meum implevit, sed huius quoque consilij ratio postea reddetur. Vos ite ad copias quibus quisque præstis, ego iam adero, & quid fieri velim, exponam. Raro admodum admonitu amicorum, cum metus discriminis erat, uti solebat, tunc quoque munimento corporis sumto, processit ad milites.




C A P V T XXXII.

A R G V M E N T V M.

Alexander sola vultus hilaritate militem excitat ad spem victoriæ, copias in dæo cornua dissipat, singulis duces præficit, alis equitum latera firmat, subsidia opportunè collocat, aciem versatilem facit, impedimenta in colle seponit, ipse dextro, Parmenio sinistro cornu præest.

HAud aliàs tam alacrem viderant regem: & vultu eius interrito, certam spem victoriæ augurabantur: atq; ille proruto vallo exire copias iubet, aciemq; disponit. In dextero cornu locati sunt equites, quos agema appellabant. Præerat his Clytus, cui iunxit Philotæ turmas, ceterosque præfectos equitum lateri eius applicavit. Ultima Meleagri ala stabat, quam Phalanx sequebatur. Post Phalangem Argyraspides erant. His Nicanor Parmenionis filius præerat, in subsidijs cum manu sua Cenos; post eum Orestæ, Lyncestæq;. Post illos Polypercon dux peregrini

grini militis. Huius agminis Amyntas princeps erat. Phaligus Balacros regebat, in societatem nuper ascitos. Hæc dextericornus facies erat. In læuo Craterus Peloponnesium equites habebat, Acheorumq; & Locrensiū & Maleonturmis sibi adiunctis. hos Thessali equites claudabant, Philippo duce, peditum acies equitatu tegebatur: frons læui cornus hæc erat. Sed ne circuit: posset à multitudine, ultimum agmen valida manu cinxerat. Cornua quoq; subsidijs firmavit, non recta fronte, sed à latere positis: ut si hostis circumuenire aciem tentasset, parata pugna forent. Hic Agriani erant, quibus Attalus præerat, adiunctis sagittarijs Cretensibus. Ultimos ordines auertit à fronte, ut totam aciem orbe muniret: Illyrij hi erant adiuncto milite mercede conducto. Thracas quoque simul obiecerat leuiter armatos: adeoq; aciem versabilem posuit, ut qui ultimi stabant, ne circumirentur, verti tamen, & in frontem circumagi possent. Itaque non prima quàm latera, non latera munitiora fuere quam terga. His ita ordinatis præcepit, ut si falcatos currus cum fremitu Barbari emitterent, ipsi laxatis ordinibus impetum incurrentium silentio exciperent, haud dubius sine noxa transcurfuros, si nemo se opponeret. Sin autem sine fremitu immisissent, eos ipsi clamore terrerent, pauidosque equos telis vtrinque suffoderent. Qui cornibus præerant, extendere ea iussi, ita ut nec circumuenirentur si artius starent, nec tamen intimam aciem exinanirent. Impedimenta cum captiuis, inter quos mater liberique Darij custodiebantur, haud procul acie in edito colle constituit, modico præsidio



dio relicto. Leuum cornu, sicut alias, Parmenioni tuendum datum. Ipse in dextro stabat.

CAPVT XXXIII.

ARGVMENTVM.

Ante praelium Bion transfuga nunciat Alexandro tribulos ab hoste esse humi defossos contra equitatum. Alexander interequitat ordines, & singulos hortatur ad praelium.

Nondum ad teli iactum peruenerant, cum Bion quidam transfuga, quanto maximo cursu potuerat, ad regem peruenit, nuntians murices ferreos in terram defodisse Darium, quā hostem equites emissurum esse credebat: notatumque certo signo locum, ut fraus euitari a suis posset. Asseruari transfuga iussu, duces conuocat, expositoque quod nuntiatum erat, monet ut regionem monstratam declinent, equitemque periculum edoceant. Ceterū hoc tantus exercitus exaudire non poterat, vsum aurium intercipientem fremitu duorum agminum. Sed in conspectu omnium duces & proximum quemque interequitans alloquebatur. *Ementis tot terras, in spem victoria, de qua dimicandum foret, hoc vnum superesse discrimen. Granicum, hic amnem, Ciliciaq, montes, & Syriam Aegyptumq, prætereuntibus raptas, ingentia spei gloriaq, incitamenta referebat: reprehensos ex fuga Persas pugnatuos, quia fugere non possent: tertium diem iam metu exangues, armis suis oneratos, in eodem vestigio habere: nullum despe-*

rationis illorum maius indicium esse, quàm quòd
 vrbes, quòd agros suos vrerent, quicquid non cor-
 rupissent, hostium esse confessi. Nomina modò vana
 gentium ignotarum ne extimescerent. neq, enim
 ad belli discrimen pertinere, qui ex his Scythæ,
 quive Cadusij appellentur. Ob id ipsum, quòd ig-
 notissent, ignobiles esse. Nunquam ignorari viros
 fortes, at imbelles ex latebris suis erutos, nihil
 præter nomina asferre. Macedones virtute affec-
 tos, ne quis toto orbe locus esset, qui tales viros ig-
 noraret. Intuerentur Barbarorum inconditum ag-
 men. Alium nihil præter iaculum habere, alium
 funda saxa librare, paucis iusta arma esse: Itaque
 illinc plures stare, hinc plures dimicatu-
 ros. Nec postulare se ut fortiter capefferent prælium, ni
 ipse ceteris fortitudinis fuisset exemplum: se an-
 te prima signa dimicaturum: pro se spondere quot
 cicatrices, totidem corporis decora. si ire ipsos,
 vnum panem se prædæ communis exortem, in illis
 colendis oruandisq, vsurpare victoriæ præmia.
 Hac se fortibus viris dicere. Si qui dissimiles eo-
 rum essent, illa fuisse dicturum, peruenisse eos,
 vnde fugere non possent: tot terrarum spacia o-
 mensis, tot amnibus montibusque post tergum
 obiectis, iter in patriam & penates ma-
 nu esse faciendum. Sic duces, sic
 proximi militum instincti
 sunt.

CAPVT XXXIV.

ARGVMENTVM.

Darius sublimis curru prolixa oratione hortatur suos ad pralium, contemnit paucitatem hostis, omnia sibi favere, locum, equitatum, copias instructissimas, fugam quoque hosti (non sibi) praeclusos aditus. Rogat postremo Indigetes Deos, ut adesse praeliantibus velint, & Persarum regnum tueri.

DArius in læuo cornu erat, magno suorum agmine, dilectis equitum peditumque stipatus: contemferatque paucitatem hostis, vanam aciem esse extentis cornibus ratus. Ceterum sicut curru eminebat, dextera læuaque ad circumstantium agmina oculos manusque circumferens. *Terrarum, inquit, quas Oceanus hinc alluit, illinc claudit Hellespontus, paulò ante domini, iam non de gloria, sed de salute, & (quod saluti preponitis) libertate pugnandum est. hic dies imperium, quo nulla amplius vidit ætas, aut constituet, aut finiet, apud Granicum minima virium parte cum hoste certauimus. In Cilicia victos Syriam poterat excipere. Magna munimenta regni Tigrius atque Euphrates erant. Ventum est eo, unde pulsus ne fuga quidem locus est. Omnia tam diutino bello exhausta post tergum sunt. Non incolas suos vrbes, non cultores habent terra. Coniuges quoque & liberi sequuntur hanc aciem; parata hostibus præ-*

H 2

da,

da, nisi pro charissimis pignoribus corpora apponimus. Quod mearum fuit partium, exercitum, quem pene immensa planities vix caperet, comparavi: equos, arma distribui: commeatus, ne tanta multitudo deesset, providi: locum in quo acies congeriri posset, elegi. Cetera in vestra potestate sunt. Audete modo vincere, famamque, infirmissimum aduersus fortes viros telum, contemnite. Temeritas est, quam adhuc pro virtute timuistis: quae ubi primum impetum effudit, velut quaedam animalia amisso aculeo torpet. Hi verò campi deprehendere paucitatem, quam Cilicia montes absconderant. Videtis ordines raros, cornua extenta, mediam aciem vanam, exhaustam. Nam ultimi, quos locauit auersos, terga iam praebent. obtinere hercule equorum ungulis possunt, etiam si nil praeter falcatos currus emisero, & bello vicerimus, si vincimus praelio. Nam ne illis quidem ad fugam locus est. Hinc Euphrates, illinc Tigris prohibet inclusos: & quae antea pro illis erant, in contrarium versa sunt. Nostrum mobile & expeditum agmen est, illud praeda graue. Implicatos ergo spolijs nostris trucidabimus, eademque res & causa erit victoria, & fructus. Quod si quem è vobis nomen gentis mouet, cogitet Macedonum illius arma esse, non corpora. Multum enim sanguinem inuicem hausimus, & semper grauior in paucitate iactura est. Nam Alexander quantuscumque ignauis & timidus videri potest, vnum animal est, & si quid mihi creditis, temerarium & vecors, adhuc nostro pauore quam sua virtute felicius. Nihil autem

autem potest esse diuturnum, cui non subest ratio. Licet felicitas aspirare videatur, tamen ad ultimum temeritati non sufficit. Præterea breues & mutabiles vices rerum sunt, & fortuna numquam simpliciter indulget. Forsitan ita deorum fata ordinauerunt, vt Persarum imperium, quod secundo cursu per CCXXX. annos ad summum fastigium euexerant, magno motu concuterent magis quàm affligerent, admonerentque nos fragilitatis humanæ, cuius nimia in prosperis rebus obliuio est. Modo Græcis vltro bellum inferebamus, nunc in sedibus nostris propulsamus illatum, iactamur inuicem varietate fortunæ. Videlicet imperium, quia mutuo affectamus, vnagens non capit. Ceterum etiamsi spes non subesset, necesse est tamen stimulare deberet. Ad extrema peruentum est. Matrem meam, duas filias, Ochum in spem huius imperij genitum, illos principes, illam sobolem regni stirpis, duces vestros regum instar, victos habet: nisi quid in vobis, ipse ego maiore parte captiuus sum. Eripite viscera mea ex vinculis, restituite mihi pignora, pro quibus ipse mori non recusabo. Parentem, liberos (nam coniugem in illo carcere amisi) credite nunc omnes tendere ad vos manus, implorare patrios deos: opem vestram, misericordiam, fidem exposcere, vt compedibus, vt seruitute, vt precario victu ipsos liberetis. An creditis æquo animo ijs seruire, quorum reges esse fastidiunt? Video admoueri hostium aciem: sed quo propius discrimen accedo,

H

3.

hoc

hoc minus his quæ dixi, possum esse contentus. Per ego vos deos patrios; æternumque ignem qui præfertur altaribus, fulgoremque solis intra fines regni mei orientis, per æternam memoriam Cyri, qui ademptum Medis Lydisque imperium primus in Persidem intulit, vindicate ab ultimo dedecore nomen gentemque Persarum. Ite alacres, & spiritus pleni, ut quam gloriam accepistis à maioribus vestris, posteris relinquatis. In dextris vestris iam libertatem, opem, spem futuri temporis geritis. Effugit mortem quisquis contempserit, timidissimum quemque consequitur. Ipse non patrio more solum, sed etiam ut conspici possim, curru vehor: nec recusato quominus imitemini me, siue fortitudinis exemplum, siue ignavia furo.

CAPVT XXXV.

ARGVMENTVM.

Alexander in Darium, hic in Alexandrum ducit agmen, in quem simul & falcatos currus non sine strage inmittit. Mazæus Persæ Alexandri impedimenta inuadit, quæ negligenda Alexander in præsens edicit. Frudentia Syssigambis laudatur.

Interim Alexander ut demonstratum à transfuga insidiarum locum circuiret, & Dario, qui lævum cornu tuebatur, occurreret, obliquum agmen incedere iubet. Darius quoque eodem suum obvertit, Bello admonito, ut Massagæ-

fagetas equites in leuum Alexandri cornu à latere inuehi iuberet. Ipse ante se falcatos currus habebat, quos signo dato vniuersos in hostem effudit. Ruebant laxatis habenis aurigæ, quo plures nondum fatis prouiso impetu obterrerent. Alios ergo hastæ multum vltra temonem eminentes, alios ab utroque latere demissæ falces lacerauere. Nec sensim Macedones cedebant, sed effusa fuga turbauerant ordines. Mæxus quoque percussis metum incussit mille equitibus ad diripienda hostis impedimenta circumuehi iussis, ratus captiuos quoque, qui simul asseruabantur, rupturos vincula, cum suos appropinquantes vidissent. Non fefellerat Parmenionem, qui in læuo cornu erat. Propter igitur Polydamanta mittit ad regem, qui & periculum ostenderet, & quid fieri iuberet consuleret. Ille audito Polydamante, *ahi, nuncia*, inquit, *Parmenioni, si acie vicerimus, non nostra solum nos recuperaturos, sed etiam quæ hostium sunt, occupaturos. Proinde non est quod virum quicquam subducatur ex acie; sed ut me, ut Philippo patre dignum, contento sarcinarum damno fortiter dimicet.* Interim Barbari impedimentaturbauerant, cæsisque plerisque custodum, captiui vinculis ruptis, quicquid obuium erat quo armari possent, corripiunt, & aggregati suorum equitibus, Macedones ancipiti circumuentos malo inuadunt, læti que circa Syfigambim, vicissè Darium, ingenti cæde prostratos hostes, ad vltimum etiam impedimentis exutos nunciant: quippe eandem fortunam vbique esse credebant, & victores Perlas ad prædam discurrisse. Syfigambis hortantibus, captiuis ut

animum à inœrore alleuaret, in eodem quo antea fuit, perseuerauit. Non vox vlla excidit ei, non oris color vultusue mutatus est, sed sedit immobilis, credo præco^{que} gaudio verita irritare fortunam, aded vt quid mallet, intuentibus eam fuerit incertum.

C A P V T XXXVI.

A R G V M E N T V M.

Ad impedimenta Alexandri ingens certamen est, Menidas à Scythis fugatur, cui Aretes succurrit. Falcati currus cum aurigis præter paucos superati, vltimam tamen aciem Alexandri lacerant. Aretes à Bactrianis in fugam vertitur, qui triumphum ante victoriam canunt. Alexander dextrum cornu Darij inuadit, prope circumuentus, defenditur ab Agrianis, pugnatur vtrunque summa ope, summis viribus. Alexandro felix omen aquila obijciatur. Auriga Darij occiditur, lauo eius cornu in fugam verso, & ipse deliberat de fuga aut nece sibi inferenda, quam imminente Alexandro, fugæ præstponit, quem persequitur Macedo, nec assequitur.

Amintas

INter hæc Menidas præfectus equitum Alexandri, cum paucis turmis opem impedimentis laturus aduenerat, & incertum suo ne consilio an regis imperio. Sed non sustinuit Caucasiorum Scytharumq; impetum: quippe vix tentato certamine refugit ad regem, amissorum impe-

impedimentorum testis magis quàm vindex. Iam consilium Alexandri vicerat dolor : & ne cura recuperandi sua, militem à prælio auerteret, non immerito verebatur. Itaque Aretem ducem hastatorum, Sarissophoros vocabant, aduersus Scythas mittit. Inter hæc currus, qui circa prima signa turbauerant aciem, in Phalangem inuecti erant. Macedones confirmatis animis in medium agmen accipiunt. Vallo similis acies erat. Iunxerant hastas, & ab utroque latere temerè incurrentium ilia suffodiebant. Circuire deinde currus, & propugnatores præcipitare coeperunt. Ingens ruina equorum aurigarumque aciem compleuerat. Hi territos regere non poterant, equi crebra iactatione ceruicem non iugum modo excusserant, sed etiam currus euerterant. Vulnerati interfectos trahabant. Nec consistere territi, nec progredi debiles poterant. Pauca tamen euasere quadrigæ, in ultimam aciem, ijs quibus inciderunt, miserabili morte consumptis. Quippe amputata virorum membra humi iacebant, & quia calidis adhuc vulneribus aberat dolor, trunci quoque & debiles, arma tamen non omittebant, donec multo sanguine effuso examinati procumberent. Interim Aretes, Scytharum, qui impedimenta diripiebant, duce occiso, grauius territis instabat. Superuenere deinde à Dario Bactriani, pugnaque vertere fortunam. Multi ergo Macedonum primo impetu obtriti sunt, plures ad Alexandrum refugerunt. Tum Persæ clamore sublato, qualem victores solent edere, ferociter in hostem quasi vbique profligatum incurrunt.

H s

Alc-

Alexander terribiles castigare, adhortari, proelium, quod iam elanguerat, solus accendere: confirmatique tandem animis ire in hostem iubet. Rarior acies erat in dextero cornu Persarum. namque inde Bactriani decesserant ad opprimenda impedimenta. Itaque Alexander laxatos ordines inuadit, & multa cæde hostium inuehitur. At qui in læuo cornu erant Persæ, spe posse eum includi, agmen suum à tergo dimicantis opponunt. Ingenusque periculum in medio hærens adisset, ni equites Agriani calcaribus subditis circumfusus regi Barbaros adorti essent, auersosque cædendo in se obuerti coegissent. Turbata erat vtraque acies. Alexander & à fronte & à tergo hostem habebat, qui auerso ei instabant, ab Agrianis equitibus premebantur. Bactriani impedimentis hostium direptis reuersi, ordines suos recuperare non poterant. Plura simul abrupta à ceteris agmina. Vbi cumque alium alij fors miscuerat, dimicabant. Duo reges iunctis prope agminibus prælium accendebant. Plures Persæ cadebant, par ferme vtrinque numerus vulnerabatur. Currum Darius, Alexander equo vehebatur. Vtrunque delecti tuebantur, sui immemores: quippe amisso rege nec volebant salui esse, nec poterant, ante oculos sui quisque regis mortem occumbere ducebant egregium. Maximum tamen periculum adibant, qui maximè tuebantur: quippe sibi quisque cæsi regis expetebat decus. Ceterum siue ludibrium oculorum, siue vera species fuit, qui circa Alexandrum erant, vidisse crediderunt paulum super caput regis placidè volantem aquilam, non sonitu armorum, non gemitu morientium terribam. diuque circa equum Alexandri pendenti magis

ti magis quam volanti similis apparuit. Certè vates Aristander alba veste indutus, & dextera præferens lauream, militibus in pugnam intentis auem monstrabat, haud dubium victoriæ auspiciū. Ingens ergo alacritas ac fiducia paulo ante territos accendit ad pugnam, utique postquam auriga Darij, qui ante ipsum sedens equos regebat, hasta transfixus est. Nec aut Persæ, aut Macedones dubitauere, quin ipse rex esset occisus. Lugubri ergo ululatu & incondito clamore gemituque totam ferè aciem adhuc æquo Marte pugnantium turbauere cognati Darij: & armigeri læuam tuentes in fugam effusi destituerant currum, quem à dextera parte stipati in medium agmen receperunt. Dicitur acinace stricto Darius dubitasse, an fugæ dedecus honesta morte vitaret. Sed eminens curru nondum omnem suorum aciem prælio excedentem destituere erubescēbat: dum inter spem & desperationem hæsitat, sensim Persæ cedebant, & laxauerant ordines. Alexander mutato equo, quippe plures fatigauerat, resistentium ora fodiebat, fugientium terga: Iamque non pugna, sed cedes erat, cum Darius quoque currum suum in fugam vertit, hærebat in tergis fugientium victor. sed prospectum oculorum nubes pulueris, quæ ad cælum ferebatur, abstulerat. Ergo haud secus quam in tenebris errabant, ad sonum notæ vocis, ut signum subinde coeuntes. Exaudiebant tamen strepitus habenarum, quibus equi currum vehentes identidem verberabantur: hæc sola fugientis vestigia excepta sunt.

CAPVT XXXVII.
ARGVMENTVM.

Parmenionis laeuum cornu à Mazæo adèd vrgetur, vti fugam iam circumspēctet, petit auxilium ab Alexandro, qui Darium fugientem persequebatur. Sistit agmen indignabundus. Mazæus intellecto Darium fugere, remittit pugnam, & ipse perculsus metu tergum vertit. Darius media nocte Arbela peruenit. Describitur inde clades & strages cadentium, fugientium, persequentium, & immensa hostium sitis.

AT in læuo Macedonum cornu, quod Parmenio (sicut ante dictum est) tuebatur, longè alia fortuna vtriusque partis res gerebatur, Mazæus cum omni suorum equitatu vehementer inuectus, vrgebat Macedonum alas. Iamque abundans multitudine aciem circumuehi cœperat. tum Parmenio equites nunciare iubet Alexandro, in quo discrimine ipsi essent: ni maturè subueniretur, non posse sisti fugam. Iam multum viæ processerat rex imminens fugientium tergis, cum à Parmenione tristis nuncius venit: refrenare equos iussit, qui vehebantur: agmenque constitit: frendente Alexandro eripi sibi victoriam è manibus, & Darium felicius fugere, quàm sequi se. Interim ad Mizæam superati regis fama peruenerat. Itaque quanquam validior erat, tamen fortuna partium territus, perculsus languidius instabat. Parmenio ignorabat

rabat quidem causam sua sponte pugnae remissae,
sed occasione vincendi strenue est usus. Thes-
salos equites ad se vocari iubet. *Ecquid videris, in-*
quit, istos, qui ferociter modo instabant, pedem referre,
subito pauore perterritos? Nimirum nobis quicque regis
nostri fortuna vicit: omnia Persarum eade strata sunt.
quid cessatis? an ne fugientibus quidem pares esis? Vera
dicere videbatur, & spes languentes quoque
erexerat: subditis calcaribus proruere in ho-
stem: & illi iam non sensim, sed citato gradu re-
cedebant; nec quicquam fugae, nisi quod terga
nondum verterant, deerat. Parmenio tamen ig-
narus quanam in dextro cornu fortuna regis es-
set, repressit suos. Mazæus dato fugae spatio,
non recto itinere, sed maiore, & ob id tutiore
circuitu Tigrim superat, & Babylonem cum re-
liquis deuicti exercitus intrat: Darius paucis
fugae comitibus ad Lycum amnem contende-
rat: quo traiecto dubitauit an solueret pon-
tem: quippe hostem iam affore nunciabatur.
Sed tot millia suorum, quae nondum ad amnem
peruenerant, ponte reciso, praedam hostis fore
videbat. Abeuntem, cum intactum sineret pon-
tem, dixisse constat, Malle insequentibus iter
dare, quam auferre fugientibus. Ipse ingens
spatium fuga emensus, media fere nocte Arbela
peruenit. Quis tot ludibria fortunae, ducum, ag-
minum, caedem multiplicem, deuictorum fu-
gam, clades nunc singularum, nunc vniuerso-
rum, aut animo assequi queat, aut oratione
complecti? Propemodum seculi res in vnum il-
lum diem fortuna cumulauit. Alij quā breuissi-
mum patebat iter, alij diuersos saltus, & igno-
tos sequentibus calles petebant. Eques pedesque
confusi sine duce, armatis inermes, integris
debiles

debiles implicabantur. Deinde misericordia in metum versa, qui sequi non poterant, inter mutuos gemitus deserebantur. Sitis præcipuè fatigatos & faucios exurebat, passimque omnibus rivis prostrauerant corpora, præterfluentem a quam hianti ore captantes : quam cum auidè turbidam hausissent, tendebantur extemplo præcordia premente limo, resolutisque & torpentibus membris, cum superuenisset hostis, novis vulneribus excitabantur. Quidam occupatis proximis rivis diverterant longius, ut quidquid occulti humoris usquam manaret, exciperent. Nec vlla adeò arida & sicca lacuna erat, ut vestigantium sitim falleret. E proximis verò itineri vicis ululatus senum, feminarumque exaudiebantur, barbaro ritu Darium adhuc regem clamantium.

CAPVT XXXIIX.

ARGUMENTVM.

*Per se per fugam Lyco merfi, tantum aqua hauerunt, uti plerique nunquam amplius siti-
rent. Alexander suos cohibet porro sequi volentes, parceret ferro, servarent vires meliori fortune, vertitque aciem ad Parmenionem, quem laborare acceperat. ipse in ipso reditu ultimum incurrit periculum, quod sola virtute, fufis hostibus qui se conglobauerant, euasit. Parmenio interim & ipse vicit. Numerantur utrinque casi, laudatur Alexander, & soli*

*soli propè victoria tribuitur, nec tacentur
præcipui duces, Ephestio, Canos, Perdiccas,
Menides. Additur epiphonema, regem dig-
num tali milite, & militem tali rege.*

Alexander (vt supra dictum est) inhibito
suorum impetu, ad Lycum amnem perue-
nerat, vbi ingens multitudo fugientium onera-
uerat pontem, & plerique, cum hostis vrgeret,
in flumen se præcipitauerant, grauesque armis,
& prælio ac fuga defatigati, gurgitibus hau-
riebantur. Iamq; non pons modò fugientes, sed
ne amnis quidè capiebat agmina sua impro-
uidè subinde cumulantes, quippe vbi intrauit
animos pauor, id solum metuunt, quod primum
formidare cœperunt. Alexander instantib. suis,
impunè abeuntem hostem permetteret sequi,
hebetia esse tela, & manus fatigatas, tantoque
cursu corpora exhausta, & præceps in noctem
diei tempus causatus est: reuera de leuo cornu,
quod adhuc in acie stare credebat, sollicitus, re-
uertì ad ferendam opè suis statuit. Iamq; signa
cōuerterat, cū equites à Parmenione missi illius
quoq; partis victoriā nunciant. Sed nullū eo die
maius periculū adiit, quam dū copias reducit
in castra. Pauci eum & incompolti sequebantur
ouantes victoria: quippe oēs hostes, aut in fugā
effusos, aut in acie cecidisse credebant; cum re-
pentè ex aduerso apparuit agmen equitum, qui
primò inhibuere cursum, deinde Macedonum
paucitate conspecta, turmas in obuios concita-
uerunt. Ante signa rex ibat dissimulato magis
periculo quàm spreto. Nec defuit ei perpetua
in dubijs rebus felicitas. Namque præfectum e-
quitatus audum certaminis, & ob id ipsum in-
cautius

cautius in se ruentem, hasta transfixit. Quo ex equo lapso proximum, ac de in plures eodē telo confodit. Inuasere turbatos amici quoque, nec Persæ inulti cadebant. Quippe non vniuersæ acies, quam hæ tumultuariæ manus vehementius iniere certamen. Tandem barbari, cum obscura luce fuga tutior videretur esse, quam pugna, diuersi agminibus abiere. Rex extraordinario periculo defunctus incolumes suos reduxit in castra. Cecidere Persarum, quorum numerum victores, inire potuerunt, millia XL. Macedonū minūs quàm CCC. desiderati sunt. Ceterū hāc victoriam rex maiore ex parte virtuti suæ debuit. Animo, non (vt antea) loco vicit. Nam & aciem peritissimè instruxit, & promptissimè ipse pugnauit, & magno consilio iacturam farcinarum impedimentorumq; contempsit, cum in ipsa acie summæ rei videret esse discrimen; dubioq; adhuc pugnae euētu, pro victore se gessit: perculsos deinde hostes fudit: fugiētes, quod in illo ardore animi vix credi potest, prudētius quàm auidius persecutus est. Nam si parte exercitus adhuc in acie stante, instare cedentib; persequerasset, aut sua culpa victus esset, aut aliena virtute vicisset. Iam si multitudinem equitū occurrentium extimuisset, victori aut tōdē fugiendum, aut miserabiliter cadendum fuit. Nec duces quidem copiarum sua laude fraudandi sunt, quippe vulnera quæ quisq; excepit, indicia virtutis sunt. Hephæstionis brachium hasta ictū est. Perdicas, ac Coenos & Menides sagittis propè occisi. Et si verè æstimare Macedones, qui tunc erant, volumus, fatebimur & regē talibus ministris, & illos tanto rege fuisse dignissimos.

Q. CVRTII RVFI

HISTORIA RVM
MAGNI ALEXAN-
DRI MACEDONIS

LIBER QVINTVS.

SYNOPSIS HVIVS LIBRI.

DArius in Mediam cum suis profugit, Alexander Arbelis potitur, Babylonem à Mazæo deditam cum Mazæo in fidem accipit. Babylon vrbs & vrbis mores describuntur. Amyntas Andromenis, supplementum militum ex Gracia adducit. Rex ludos militares committit. Susa deduntur, vbi thesaurus Darÿ exhaustus, tricies millies centena millia Philippæorum: vt barbari vocant, triginta milliones talentorum, Rex Sisygambem solatur, & illius deprecatu victis Vxijs parcat. Per fidem intrare conatus ab Ariobarzane Satrapa repellitur, vbi Alexandri deprehensa hæsit felicitas. Duce tamen Lycio per inuia & aqua penetrat. Araxem amnem superat, supplices Græcos & captiuos liberat, captam Persèpolim exhaurit, septuagies bis millies centena millia iureorum in ararium redigit, quibus ex Parsæadis tricies sexies centena millia addit. Summam totius prædæ ex toto Oriente capta, suo loco edemus.

edemus, inde Mardos subit:redit Persepolim, vrbemque cum regia, suasu Tbaidis, incendio delet. Hinc Mediam accepto supplemento intrat. Darius Echbatanis pugna ferur sum accingit, ad quam suos hortatur. Nabarzanes & Bessus in Darij exitium coniurant. Græcus miles regem tueri conatur, capitur rex, vulneratur, destituitur à suis, à Macedone spirans reperitur, extinguitur, quod in Curtio deletum est.

C A P V T I.

A R G V M E N T V M.

Dilatationum rerum in Europa gestarum narratione, fugam & consilia Darij explicat.

QUæ interim ductu imperioque Alexandri vel in Græcia, vel Illyrijs ac Thracia gesta sunt, si suis quæque temporibus reddere voluerō, interrumpendæ sunt res Asiæ, quas vtique ad fugam, mortemque Darij vniuersas in conspectum dari, & sicut inter se cohærent, ita opere ipso coniungi. haud paulo aptius videri potest. Igitur quæ proelio apud Arbela coniuncta sunt, ordiar dicere. Darius media fere nocte Arbela peruenerat; eodemque magnæ partis amicorum eius ac militum fugam fortuna compulerat: quibus conuocatis exponit, *haud dubitare se, quin Alexander celeberrimas vrbes agrosq; omni copia rerum abundantes petiturus esset, prædam opimam paratamq; ipsum & milites eius spectare. Id suis rebus tali in statu salu-*

*Salutifore, quippe se desertacum expedita manu
 Periturum. Ultima regni adhuc intacta esse, inde
 bello vires haud agre reparaturum, Occuparet
 sane Gazam avidissima gens, & ex longa fame
 satiaret se auro, mox futuram praeda sibi: usu se di-
 dicisse pretiosam suppellectilem, pellicesq, &
 spadonum agmina nihil aliud fuisse, quam onera
 & impedimenta. Eadem trahentem Alexan-
 drum, quibus rebus antea vicisset, inferiorem fore:
 Plena omnibus desperationis videbatur oratio:
 quippe Babylonem urbem opulentissimam de-
 di, iam Susa, iam cetera ornamenta regni, cau-
 samq; belli victorem occupaturum. At ille do-
 cere pergit, non speciosa dictu, sed usu necessa-
 ria in rebus aduersis sequenda esse. Ferro geri
 bella, non auro: viris, non urbium tectis: omnia se-
 qui armatos. Sic maiores suos perculosos in prin-
 cipio rerum celeriter pristinam reparasse fortu-
 nam. Igitur siue confirmatis eorum ani-
 mis, siue imperium magis quam consi-
 lium sequentibus, Mediæ fines ingressus
 est.*

CAPUT II.

ARGUMENTVM.

*Præde bello capta, & Tigris & Euphrata flumi-
 num descriptio.*

Paulò post Alexandro Arbela traduntur re-
 gia suppellectili ditique gaza repleta. qua-

tuor millia talentum fuere, præterea pretiosæ vestes, totius (vt supra dictum est) exercitus opibus in illam sedem congestis. Ingentibus deinde morbis, quos odor cadauerum totis iacentium campis vulgauerat, maturius castra mouit. Euntibus aperit se à læua Arabia odorum fertilitate nobilis regio: Campestre iter est inter Tigrim & Euphratem tam vberis & pinguis soli, vt à pastu repelli pecora dicantur, ne satietas perimat. Causa fertilitatis est humor, qui ex vtroq; amne manat, toto ferè solo propter venas aquarum resudante. Ipsi amnes ex Armeniæ montibus profluunt, ac magno deinde aquarum diuortio iter quod cæpere percurrunt. Duo millia & D. stadia mensi sunt, qui amplissimum interuallum circa Armeniæ montes notauerunt. Idem cum Mediæ & Cordiæ norum terras secare cœperunt, paulatim in arctius coeunt, & quo longius manant, hoc angustius inter se spatium terræ relinquunt. Vicini maximè sunt his campis, quos incolæ Mesopotamiam appellant. Mediam namque ab vtroque latere cludunt. Idem per Babyloniorum fines in rubrum mare prorumpunt. Alexander quartis castris ad Mennin urbem peruenit. Cauerna ibi est, ex qua fons ingentem vim bituminis effundit, aded vt satis constet Bibylonios muros ingentis operis, huius fontis bitumine interlitos fuisse.

CAPVT III.

ARGVMENTVM.

Alexander Babylonem deditam ingreditur.

Ceterum Babylonem procedenti Alexandro Mazæus, qui ex acie in eam urbem confugerat, cum adultis liberis supplex occurrit, urbem, seque dedens. Gratus aduentus eius regi fuit, quippe magni operis futura obsidio tam munitæ urbis. Ad hoc vir illustris, & manu promptus, fama que etiam proximo proelio celebris, & ceteros ad deditiorem sui incitaturus exemplo videbatur. Igitur hunc quidem benignè cum liberis excepit. Ceterum quadrato agmine, quod ipse ducebat, velut in aciem irent, ingredi suos iubet. Magna pars Babyloniorum constitit in muris, auida cognoscendi novum regem. Plures obuiam egressi sunt: inter quos Bago-phanes arcis & regie pecuniæ custos, ne studio à Mazæo vinceretur, totum iter floribus coronisque constrauerat, argenteis altaribus utroque latere dispositis, quæ non thure modo, sed omnibus odoribus cumulauerat. Dona eum sequebantur, greges pecorum, equorumque: scæones quoque & pardales caueis præferiebantur. Magi deinde suo more carmen canentes. Post hos Chaldæi, Babyloniorumque non vates modo, sed etiam artifices cum fidibus sui generis ibant. Laudes ipsorum regum canere soliti. Chaldæi siderum motus, & statas vires temporum ostendere. Equites deinde Babylonij suo equorumque cultu ad luxuriam magis, quam ad magnificentiam exacto,

ultimi ibant. Rex armatis stipatus, oppidanorum turbam post ultimos pedites ire iussit. Ipse cum curru urbem, ac deinde regiam intrauit. Postero die suppellectilem Darij, & omnem pecuniam recognouit.


C A P V T I V.

A R G V M E N T V M.

Babylonis descriptio.

Ceterum ipsius urbis pulchritudo ac vetustas non regis modò, sed etiam omnium oculos in semet haud immerito conuertit. Semiramis eam condiderat, vel (ut plerique credidere) Belus: cuius regia ostenditur. Murus laterculo coctili, bitumine interlitus, spatium xxx. & duorum pedum latitudinem amplectitur, quadrigæ inter se occurrentes sine periculo commeari dicuntur, Altitudo muri L. cubitorum eminet spatio. Turres denis pedibus quàm murus altiores sunt. Totius operis ambitus CCC LXVIII. stadia complectitur. singulorum stadiorum structuram singulis diebus perfectam esse memoriæ proditum est. Aedificia non sunt admota muris, sed ferè spatium ingeri vnius absunt. Ac ne totam quidem urbem tectis occupauerunt; per Lxxx. stadia habitabatur, nec omnia continua sunt, credo, quia tutius visum est pluribus locis spargi. Cetera serunt coluntque, ut si externa vis ingruat, obsessis alimenta ex ipsius urbis solo subministrant. Euphrates interfluit, magnæque molis crepidinibus coercetur. Sed omnium operum magnitudinem circum.

Circumueniunt cauernæ ingentes in altitudinem pressæ ad accipiendum impetum fluminis: quod ubi appositæ crepidinis fastigium excessit, vrbis tecta corriperet, nisi essent specus lacusque qui exciperent. Coctili laterculo structi sunt: totum opus bitumine astringitur. Pons lapideus flumini impositus iungit urbem, hic quoque inter mirabilia Orientis opera numeratus est: quippe Euphrates altum litum vehit, quo penitus ad fundamenta iacienda egesto, vix fuleiando operi firmum reperiunt solum. Arenæ autem subinde cumulatae, & saxis quibus pons sustinetur, annexæ, morantur amnem, qui retentus, acrius quàm si libero cursu mearet, illiditur. Arcem quoque ambitu xx. stadia complexam habet; xxx. pedes in terram turrium fundamenta demissa sunt: ad Lxxx. summum munimenti fastigium peruenit. Super arcem vulgatum Græcorum fabulis miraculum pensiles horti sunt, summum murorum altitudinem æquantes, multarumq; arborum vmbra & proceritate amœni. Saxea pilæ, quæ totum onus sustinent, instructæ sunt. Super pilas lapide quadrato solum stratum est, patiens terræ quam altam iniiciunt, & humoris quo rigant. adeoque validas arborum sustinent moles, ut stipites earum viii. cubitorum spatium crassitudine æquent, in L. pedum altitudinem emineant, & frugifera æquè sint, ac si terra sua alerentur. Et cum vetustas non opera solum manu facta, sed etiam ipsam naturam paulatim exedendo perimat, hæc moles, quæ tot arborum radicibus premitur, tantique nemoris pondere onerata est, inuiolata durat: quippe xx. lati parietes sustinent, xi. pedum intervallo ut pro peris



procul visentibus siluæ montibus suis imminere videantur. Syriæ regem Babylone regnantem hoc opus esse molitum memoriæ proditum est, amore coniugis victum, quæ desiderio neminem siluarumque in campestribus locis, virum compulit naturæ genium amœnitate huius operis imitari.

CAPUT V.

ARGUMENTVM.

Mores Babyloniorum corruptissimos exponit.

Dutius in hac vrbe, quàm vsquam constitit rex, nec vllus locus disciplinæ militari magis nocuit. Nihil vrbis eius corruptius moribus, nihil ad irritandas illiciendasque immodicas cupiditates instructius. Liberos coniugesque cum hospitibus stupro coire, modò pretium flagitij detur, parentes maritque patiuntur. Conuiuiales ludi tota Perside regibus purpuratisque cordi sunt. Babylonij maxime in vinum, & quæ ebrietatem sequuntur, effusi sunt. Fœminarum conuiuia ineuntium in principio modestus est habitus, dein summa quæque amicula exuunt, paulatimque pudorem profanant. Ad vltimum (honos auribus sit) ima corporum velamenta proijciunt; nec meretricum hoc de decus est, sed matronarum virorumque, apud quos comitas habetur vulgati corporis vilitas. Inter hæc flagitia exercitus ille domitor Asia per xxxiv. dies saginatus, ad ea quæ sequebantur discrimina haud dubiè debilior futurus fuit, si hostem habuisset.

CAPVT VI:

ARGVMENTVM.

Copias auget, regnum Babylonis Satrapie & prætoribus administrandum committit, chiliarchas creat, militarem disciplinam mutat.

Ceterum, quo minus damnum sentiret, identidem incremento renouabatur. Namq; Amyntas Andromenis ab Antipatro, Macedonũ peditum sex millia adduxit. Dc. præterea eiusdẽ generis equites; cum his Dc. Thracas, adiunctis peditib. suæ gentis III. millib. & D. & ex Pelopõneso mercenarius miles ad quatuor millia aduenerat, cum CCC LXXX. equitib. Idem Amyntas adduxerat L. principum Macedoniae liberos adultos, ad custodiam corporis: quippe inter epulas hi sunt regis ministri, iidemq; equos ineunti proelium admouent, venantemq; comitantur, & vigiliarum vices ante cubiculi fores seruāt, magnorumq; præfectorum & ducum hæc incrementa sunt & rudimenta Igitur rex arci Babylonis Agathone præsidere iussit, cū Dcc. Macedonum, CCC. q. mercede conductis, prætores, qui regioni Babylonie & ciuitati præessent, Menetem & Apollodorum reliquit. Duo his millia peditum cum mille talentis data. Vtriq; præceptum, vt in supplementũ milites legeret. Mazæum transfugam Satrapia Babylonie donat. Bagophanem, qui arcem tradiderat, sequi iussit. Armenia Mythreni Sardium proditori data est. Ex pecunia deinde Babylonie Macedonibus equi-

ibus sexcenti denarij tributj, peregrinus e-
 quingenos accepit. Duceni pedestrium sti-
 lium mensum. His ita compositis, in regio-
 nem quæ Satrapene vocatur, peruenit. fertilis
 terra, copia rerum & omni com meatu abun-
 dans. Itaque diutius ibi substitit: ac ne desides
 remitterent animos, iudices dedit, præ-
 laque proposuit de virtute militari certanti-
 bus. Octo, qui fortissimi iudicati essent, singulis
 militum millibus præfuturi erant. Chiliarchas
 vocabant, tum primum in hunc numerum co-
 horts distributis. Namq; antea quingenariæ co-
 hortēs fuerant, nec fortitudinis præmia cesse-
 rant. Ingens militum turba conuenerat, egregio
 interfutura certamini, testis eadem cuiusque
 factorum, & de iudicibus lata sententiam:
 quippe vero ne an falso honos cuiq; haberetur,
 ignorari non poterat. Primus omnium virtutis
 causa donatus est Adarchias senior, qui omis-
 sum apud Alicarnasson à iunioribus proelium vnus
 maximè accenderat. Proximus ei Antigenes vi-
 sus est. Tertium locum Philotas Angæus obti-
 nuit, quartus Amyntæ datus. Post hos Antigo-
 nus, & ab eo Lyncestes Amyntas fuit: septimum
 locum Theodotus, vltimum obtinuit Hellani-
 cus. In disciplina quoque militaris rei ple-
 raque à maioribus sumpta vtiliter muta-
 uit. Nam cum antè equites in suam quis-
 que gentem describerentur seorsum à ce-
 teris; exempto nationum discrimine, præfe-
 ctos non, vtique suarum gentium, sed dele-
 ctos attribuit. Tuba, cum castra mouere vel-
 let, signum dabat: cuius sonus plerum-
 que tumultuantium fremitu exoriente,
 haud

haud satis exaudiebatur. Ergo perticam, quæ undique conspici posset, supra prætorium statuit, ex qua signum eminebat pariter omnibus conspicuum. Obseruabatur ignis noctu, fumus interdiu.

CAPVT VII.

ARGVMENTVM.

Susa cum thesauro traduntur.

IAmq; Susa adituro Abulites regionis eius præfectus, siue Darij iussu, vt Alexandrum præda retineret, siue sua sponte, filium obuiam misit, traditurum se urbem promittens, Benignè iuuenem excepit Rex, & eodem duce ad Choaspen amnem peruenit, delicatam (vt fama est) vehentem aquam. Hic Abulites cum donis regalibus opulentia occurrit. Dromades cameli inter dona erant, velocitatis eximia, XII. Elephantia à Dario ex India acciti, iam non terror (vt sperauerat) Macedonum, sed auxilium, opes victi ad victorem transferente fortuna. Vt verò urbem intrauit, incredibilem ex thesauris summam pecuniæ egeffit. L. millia talentum argenti, non signati forma, sed rudi pondere. Multi reges tantas opes longa ætate cumulauerant liberis posterisque, vt arbitrabantur; quas vna hora in externi regis manus intulit. Consedit deinde in regia sella multo excelsiore, quàm pro habitu corporis. Itaque cum pedes imum gradum non contingerent, vnus ex regijs pueris mensam subdidit pedibus; & cum spadonem qui Darij fuerat, ingemiscientem conspexisset

rex,

iussam mœstitiæ requisivit. Ille indicat,
 im vesci in ea solitum, seque sacram eius
 am ad ludibrium recidentem sine lachry-
 onspicere non posse. Subijt ergo regem
 cundia violandi hospitales deos : jamque
 luci iubebat, cum Philotas, *Minimè verò fe-*
s rex, sed omen quoque accipe, mensam ex
libavit hostis epulas, tuis pedibus esse subie-
m.

CAPVT VIII.

ARGVMENTVM.

Sisygambim cum præsidio Susis relinquit, eique ve-
stes Macedonicas cum tela donat, qua filias
occuparet. Mastam ex dono & dicto, serui-
tutis indice præsens solatur.

REX Persidis fines aditurus, Susa urbem Ar-
 chelao, & præsidium III. millium tradidit.
 Xenophilo arcis cura mandata est. Mille Macedo-
 num ætate grauib. præsidere arcis custodiæ
 iussis. Thesaurorum Callicrati tutela permissa,
 Satrapea regionis Susianæ restituta Abulitæ.
 Matrem quoque Darij & liberos in eadem vrbe
 deponit. Ac fortè Macedonicas vestes multam-
 quæ purpuram dona ex Macedonia sibi missa
 cum ijs qui confecerant, tradi Sisygambi iubet.
 Omni namque honore eam, & filij quoque pie-
 tate prosequebatur. Admoherique iussit, vt si
 cordi quoque vestis esset, conficere eam neptes
 suas assuefaceret, donoque doceret dare. Ad
 hanc vocem lachrymæ obortæ, prodidere ani-
 mum

tuor millia talentum fuere, præterea pretiosæ vestes, totius (vt supra dictum est) exercitus opibus in illam sedem congestis. Ingentibus deinde morbis, quos odor cadauerum totis iacentium campis vulgauerat, maturius castra mouit. Euntibus aperit se à læua Arabia odorum fertilitate nobilis regio: Campestre iter est inter Tigrim & Euphratem tam vberis & pinguis soli, vt à pastu repelli pecora dicantur, ne satietas perimat. Causa fertilitatis est humor, qui ex vtroq; amne manat, toto ferè solo propter venas aquarum resudante. Ipsi amnes ex Armeniæ montibus profluunt, ac magno deinde aquarum diuortio iter quod cæpere percurrunt. Duo millia & D. stadia mensi sunt, qui amplissimum interuallum circa Armeniæ montes notauerunt. Idem cum Mediæ & Cordiæ norum terras secare cœperunt, paulatim in artius coeunt, & quo longius manant, hoc angustius inter se spatium terræ relinquunt. Vicini maximè sunt his campis, quos incolæ Mesopotamiam appellant. Mediam namque ab vtroque latere cludunt. Idem per Babyloniorum fines in rubrum mare prorumpunt. Alexander quartis castris ad Mennin urbem peruenit. Cauerna ibi est, ex qua fons ingentem vim bituminis effundit, aded vt satis constet Babylonios muros ingentis operis, huius fontis bitumine interlitos fuisse.

CAPVT III.

ARGVMENTVM.

Alexander Babylonem deditam ingreditur.

Ceterum Babylonem procedenti Alexandro Mazæus, qui ex acie in eam urbem confugerat, cum adultis liberis supplex occurrit, urbem, seque dedens. Gratus aduentus eius regi fuit, quippe magni operis futura obsidio tam munitæ urbis. Ad hoc vir illustris, & manu promptus, fama que etiam proximo proelio celebris, & ceteros ad deditionem sui incitaturus exemplo videbatur. Igitur hunc quidem benignè cum liberis excepit. Ceterum quadrato agmine, quod ipse ducebat, velut in aciem irent, ingredi suos iubet. Magna pars Babyloniorum constiterrat in muris, avida cognoscendi novum regem. Plures obuiam egressi sunt: inter quos Bago-phanes arcis & regis pecuniæ custos, ne studio à Mazæo vinceretur, totum iter floribus coronisque constrauerat, argenteis altaribus utroque latere dispositis, quæ non thure modò, sed omnibus odoribus cumulauerat. Dona eum sequebantur, greges pecorum, equorumque: *Sc*ones quoque & pardales caueis præferebantur. Magi deinde suo more carmen canentes. Post hos Chaldæi, Babyloniorumque non vates modò, sed etiam artifices cum fidibus sui generis ibant. Laudes ipsorum regum canere soliti. Chaldæi siderum motus, & statas vices temporum ostendere. Equites deinde Babylonij suo equorumque cultu ad luxuriâ magis, quàm ad magnificentiam exacto,

ultimi ibant. Rex armatis stipatus, oppidanorum turbam post ultimos pedites ire iussit. Ipse cum curru urbem, ac deinde regiam intrauit. Postero die suppellectilem Darij, & omnem pecuniam recognovit.


C A P V T I V.

A R G V M E N T V M.

Babylonis descriptio.

CEterum ipsius urbis pulchritudo ac vetustas non regis modò, sed etiam omnium oculos in semet haud immerito conuertit. Semiramis eam condiderat, vel (ut plerique credidere) Belus: cuius regia ostenditur. Murus laterculo coctili, bitumine interlitus, spatium xxx. & duorum pedum latitudinem amplectitur, quadrigæ inter se occurrentes sine periculo commeari dicuntur, Altitudo muri L. cubitorum eminet spatio. Turres denis pedibus quàm murus altiores sunt. Totius operis ambitus CCC LXVIII. stadia complectitur. singulorum stadiorum structuram singulis diebus perfectam esse memoriæ proditum est. Aedificia non sunt admota muris, sed ferè spatium iugeri vnius absunt. Ac ne totam quidem urbem tectis occupauerunt; per Lxxx. stadia habitabatur, nec omnia continua sunt, credo, quia tutius visum est pluribus locis spargi. Cetera ferunt coluntque, ut si externa vis ingruat, obsessis alimenta ex ipsius urbis solo subministrent. Euphrates interfluit, magnæque molis crepidinibus coercetur. Sed omnium operum magnitudinem circum.

circumueniunt cauernæ ingentes in altitudinem pressæ ad accipiendum impetum fluminis: quod ubi appositæ crepidinis fastigium excessit, vrbs tecta corripere, nisi essent specus lacusque qui exciperent. Coctili laterculo structi sunt: totum opus bitumine astringitur. Pons lapideus flumini impositus iungit urbem, hic quoque inter mirabilia Orientis opera numeratus est: quippe Euphrates altum limum vehit, quo penitus ad fundamenta iacienda egesto, vix fulciendo operi firmum reperiunt solum. Arenæ autem subinde cumulatae, & saxi quibus pons sustinetur, annexæ, morantur amnem, qui retentus, acrius quàm si libero cursu mearet, illiditur. Arcem quoque ambitu xx. stadia complexam habet; xxx. pedes in terram turrium fundamenta demissa sunt: ad Lxxx. summum munimenti fastigium peruenit. Super arcem vulgatum Græcorum fabulis miraculum pensiles horti sunt, summum murorum altitudinem æquantes, multarumq; arborum vmbra & proceritate amoeni. Saxæ pilæ, quæ totum onus sustinent, instructæ sunt. Super pilas lapide quadrato solum stratum est, patiens terræ quam altam iniiciunt, & humoris quo rigant. adeoque validas arborum sustinent moles, ut stipites earum viii. cubitorum spatium crassitudine æquent, in L. pedum altitudinem emineant, & frugiferæ æquæ sint, ac si terra sua alerentur. Et cum vetustas non opera solum manu facta, sed etiam ipsam naturam paulatim exedendo perimat, hæc moles, quæ tot arborum radicibus premitur, tantique nemoris pondere onerata est, inuiolata durat: quippe xx. lati parietes sustinent, xi. pedum intervallo ut pro



procul visentibus siluæ montibus suis imminere videantur. Syriæ regem Babylone regnantem hoc opus esse molitum memoriæ proditum est, amore coniugis victum, quæ desiderio nemorum silvarumque in campestribus locis, virum compulit naturæ genium amœnitate huius operis imitari.

CAPUT V.

ARGUMENTVM.

Mores Babyloniorum corruptissimos exponit.

Dutius in hac vrbe, quàm vsquam constitit rex, nec vllus locus disciplinæ militari magis nocuit. Nihil vrbis eius corruptius moribus, nihil ad irritandas illiciendasque immodicas cupiditates instructius. Liberos coniugesque cum hospitibus stupro coire, modò pretium flagitij detur, parentes maritiq; patiuntur. Conuiuiales ludi tota Perside regibus purpuratisq; cordi sunt; Babylonij maxime in vinum, & quæ ebrietatem sequuntur, effusi sunt. Fœminarum conuiuia ineuntium in principio modestus est habitus, dein summa quæque amicula exuunt, paulatimque pudorem profanant. Ad vltimum (honos auribus sit) ima corporum velamenta proijciunt; nec meretricum hoc de decus est, sed matronarum virorumq; apud quos comitas habetur vulgati corporis vilitas. Inter hæc flagitia exercitus ille domitor Asia per xxxiv. dies saginatus, ad ea quæ sequebantur discrimina haud dubiè debiliior futurus fuit, si hostem habuisset.

CAPVT VI:

ARGVMENTVM.

Copias auget, regnum Babylonis Satrapia & prætoribus administrandum committit, chiliarchas creat, militarem disciplinam mutat.

CEterùm, quo minùs damnum sentiret, eundem incremento renouabatur. Namq; Amyntas Andromenis ab Antipatro, Macedonũ peditum sex millia adduxit. De. præterea eiusdẽ generis equites; cum his De. Thracas, adiunctis peditib. suæ gentis III. millib. & D. & ex Pelopõneso mercenarius miles ad quatuor millia aduenerat, cum CCC LXXX. equitib. Idem Amyntas adduxerat L. principum Macedoniæ liberos adultos, ad custodiam corporis: quippe inter epulas hi sunt regis ministri, iidemq; equos ineunti prælium admouent, venientemq; comitatur, & vigiliarum vices ante cubiculi fores seruât, magnorumq; præfectorum & ducum hæc incrementa sunt & rudimenta Igitur rex arci Babylonis Agathone præsidere iussit, cū DCC. Macedonum, CCC. q. mercede conductis, prætores, qui regioni Babylonis & ciuitati præessent, Menetem & Apollodorum reliquit. Duo his millia peditum cum mille talentis data. Vtriq; præceptum, vt in supplementũ milites legeret. Mazæum transfugam Satrapia Babylonis donat. Bagophanem, qui arcem tradiderat, sequi iussit. Armenia Mythreni Sardium proditori data est. Ex pecunia deinde Babylonis Macedonibus equi-

equitibus sexceni denarij tributi, peregrinus eques quingenos accepit. Duceni pedestrium stipendium mensum. His ita compositis, in regionem quæ Satrapene vocatur, peruenit. fertilis terra, copia rerum & omni com meatu abundans. Itaque diutius ibi substitit: ac ne desides otio remitterent animos, iudices dedit, præmiaque proposuit de virtute militari certantibus. Octo, qui fortissimi iudicati essent, singulis militum millibus præfuturi erant. Chiliarchas vocabant, tum primum in hunc numerum copijs distributis. Namq; antea quingenariæ cohortes fuerant, nec fortitudinis præmia cessarent. Ingens militum turba conuenerat, egregio interfutura certamini, testis eadem cuiusque factorum, & de iudicibus latura sententiam: quippe vero ne an falso honos cuiq; haberetur, ignorari non poterat. Primus omnium virtutis causa donatus est Adarchias senior, qui omissum apud Alicarnasson à iunioribus proelium vnus maximè accenderat. Proximus ei Antigènes visus est. Tertium locum Philotas Angæus obtinuit, quartus Amyntæ datus. Post hos Antigonus, & ab eo Lyncestes Amyntas fuit: septimum locum Theodotus, vltimum obtinuit Hellanicus. In disciplina quoque militaris rei pleraque à maioribus sumpta vtiliter mutauit. Nam cum antè equites in suam quisque gentem describerentur seorsum à ceteris; exempto nationum discrimine, præfectos non vtique suarum gentium, sed delectos attribuit. Tuba, cum castra mouere vellet, signum dabat: cuius sonus plerumque tumultuantium fremitu exoriente, haud

haud satis exaudiebatur. Ergo perticam, quæ undique conspici posset, supra prætorium statuit, ex qua signum eminebat pariter omnibus conspicuum. Observabatur ignis noctu, fumus interdiu.

CAPVT VII.

ARGVMENTVM.

Susa cum thesauro traduntur.

IAmq; Susa adituro Abulites regionis eius præfectus, siue Darij iussu, vt Alexandrum præda retineret, siue sua sponte, filium obuiam misit, traditurum se urbem promittens, Benignè iuuenem excepit Rex, & eodem duce ad Choaspen amnem peruenit, delicatam (vt fama est) vehentem aquam. Hic Abulites cum donis regalis opulentia occurrit. Dromades cameli inter dona erant, velocitatis eximia, XII. Elephantia à Dario ex India acciti, iam non terror (vt sperauerat) Macedonum, sed auxilium, opes victi ad victorem transferente fortuna. Vt verò urbem intrauit, incredibilem ex thesauris summam pecuniæ egeffit. L. millia talentum argenti, non signati forma, sed rudi pondere. Multi reges tantas opes longa ætate cumulauerant liberis posterisque, vt arbitrabantur; quas vna hora in externi regis manus intulit. Confedit deinde in regia sella multo excelsiore, quàm pro habitu corporis. Itaque cum pedes inimum gradum non contingerent, vnus ex regijs pueris mensam subdidit pedibus; & cum spadonem qui Darij fuerat, ingemiscentem conspexisset rex,

ussam moestitiæ requisivit. Ille indicat,
 m vesci in ea solitum, seque sacram eius
 am ad ludibrium recidentem sine lachry.
 onspicere non posse. Subijt ergo regem
 undia violandi hospirales deos : jamque
 aci iubebat, cum Philotas, *Minimè verò fe-
 rex, sed omen quoque accipe, mensam ex
 ibavit hostis epulas, tuis pedibus esse subie-*

CAPUT VIII.

ARGUMENTVM.

*Sisygambim cum præsidio Susis relinquit, eique ves-
 tes Macedonicas cum tela donat, qua filias
 occuparet. Mastam ex dono & dicto, servi-
 tutis indice præsens solatur.*

Ex Persidis fines aditurus, Susa urbem Ar-
 chelao, & præsidium III millium tradidit.
 enophilo arcis cura mandata est. Mille Mace-
 onum ætate grauibz præsidere arcis custodiæ
 ussis. Thesauroz Callicrati tutela permissa,
 atrapea regionis Susianæ restituta Abulitæ.
 Matrem quoque Darij & liberos in eadem vrbe
 leponit. Ac fortè Macedonicas vestes multam-
 què purpuram dona ex Macedonia sibi missa
 cum ijs qui confecerant, tradi Sisygambi iubet.
 Omni namque honore eam, & filij quoque pie-
 tate prosequebatur. Admoneri iussit, vt si
 cordi quoque vestis esset, conficere eam neptes
 suas assuefaceret, donoque doceret dare. Ad
 hanc vocem lachrymæ obortæ, prodidere ani-
 mum

mum aspernantis id manus : quippe non aliud magis in contumeliam Persarum femina accipiunt, quàm ad mouere laeae manus : Nunciant, qui dona tulerant, tristem esse Sisygambim. Digna que res & excusatione & solatio visa. Ipse ergo peruenit ad eam, & *Mater*, (inquit) *hanc vestem, qua indutus sum, sororum non donum solum, sed etiam opus vides: nostri decipere me mores. Caue obsecro, ne in contumeliam acceperis ignorat: onem meam. Quae tui moris esse cognoui (ut spero) abundè seruata sunt. Scio apud vos filio in conspectu matris nefas esse considerare, nisi cum illa permisit. Quotiescunque ad te veni, donec ut considerem annueres restiti. Procumbens venerari me saepe voluisti, inhibui. Dulcissima matri Olympiadi nomen debitum, tibi reddo. Mitigato animo eius rex quartis castris peruenit ad Tigrim fluium.*

C A P V T IX.

A R G V M E N T V M.

Pasi-tigrim describit, Alexander Vxios subigit, Madari praetori Vxiorum, deprecante Sisygambe, ignoscit.

Pasi-Tigrim incolae vocat, oritur in montibus Vxiorum, & per M. stadia siluestribus ripis praecipit inter saxa deuoluitur. Accipiunt deinde eum campi, quos clementiore alueo praeterit; iam nauium patiens, DC. stadia sunt mollioris soli, per quod leni tractu aquarum Persi-

to mari se insinuat. Alexander amne superato cum ix. millibus peditum & Agrianis Satrianisque Græcorum mercenariorum, III. millibus; additis M. Thracum, in regionem Vxiorum peruenit. Finitima Susis est, & in primam Persidem excurrit, artum inter se & Susianos aditum relinquens. Madates erat regionis præfectus, haud sanè temporum homo: quippe vltima pro fide experiri decreuerat. Sed periti locorum Alexandrum docent occultum iter esse per calles, & auersum ab vrbe. Si paucos misisset leniter armatos, super capita hostium euasuros. Cùm consilium placuisset, ijdem itinerum fuerunt duces M. & D. mercede conducti, & Agriani ferè M. Tauroni præfecto dati, ac post solis occasum iter ingredi iussi. Ipse tertia vigilia castris motis, circa lucis ortum superat angustias, cæsaq; materia cratibus & pluteis faciendis, ut qui turres ad mouerent, extra teli iactum essent, urbem obsidere cœpit. Prærupta erant omnia saxis & cotib. Multis ergo vulnerib. depulsi, ut quibus non cū hoste solū, sed etiam cū loco dimicandum esset. subibant tamen, quia rex inter primos constiterat, interrogans, an rot vrbium victores non erubescerent hæere in obsidione castelli exigui & ignobilis: simul iam admonens inter hæc eminus petebatur, cum testudine obiecta milites, quem ut inde cederet, propellere nequiuerant, tuebantur. Tandem Tauron super arcem vrbis se cum suo agmine ostendit: ad cuius conspectum & animi hostium labare, & Macedones acrius proeliū inire cœperunt. Anceps oppidanos malū vrgebat, nec sisti vis hostiū poterat. Paucis ad moriendū, plurib. ad fugā animus

mus

mus fuit. Magna pars in arcem concessit. Inde xxx. oratoribus missis ad deprecandum, triste responsum à rege redditur, non esse veniæ locum. Itaque suppliciorum quoq; metu perculsi, ad Sisygambim Darij matrem occulto itinere, ignotoque hostibus mittunt, qui peterent ut ipsa regem mitigaret, haud ignari parentis eam loco diligi colique. Et Madates sororis eius filiam secum matrimonio iunxerat, Darium propinqua cognatione contingens. Diu Sisygambis supplicum precibus repugnauit, abnuens deprecationem pro illis, conuenire fortunæ in qua esset: adiecitq; metuere sese ne victoris indulgentiam fatigaret: sæpiusque cogitare captiuam esse se, quam reginam fuisse. Ad vltimum victa, litteris Alexandrum ita deprecata est, ut id ipsum excusaret, quod deprecaretur, petere se ut illis quoque, si minus, sibi ignosceret: pro necessario ac propinquo suo iam non hoste, sed supplice tantum vitam precari. Moderationem clementiamque regis quæ tunc fuit, vel vna hæc res possit ostendere. Non Mandati modò ignouit, sed omnes & deditos & captiuos libertate atq; immunitate donauit; urbem reliquit intactam, agros sine tributo colere permisit. A victore Dario plura mater non impetrasset.

CAPUT X.

ARGVMENTVM.

*fidem petit, regredi cum clade cogitur; alia
via intrat. Persidis descriptio, ingressus in re-
gionem, cades Ariobarzanis.*

Xiorum deinde gentem subactam Susiano-
rum satrapæ contribuit; diuisisq; cum Par-
nionē copijs illum campestri itinere pro-
lere iubet, ipse cum expedito agmine iugum
montium cepit, quorum perpetuum dorsum in-
fidem excurrit. Omni hac regione vastata,
tertio die Persidem, quinto angustias (quas illi
idas Pylas vocant) intrat. Ariobarzanes has
mxx. millibus peditum occupauerat, rupes
scissas, & vndique præruptas: in quarum ca-
minibus extra tellus iactum Barbari stabant,
industria quieti, paudentibus similes; donec
arctissimās fauces penetraret agmen. Quod
i contemptu sui pergere vident: tum verò
gentis magnitudinis saxa per montium pro-
deuoluunt, quæ incussa sæpius subiacentibus
tris maiore vi incidebant, nec singulos mo-
sed agmina proterebant. Fundis quoque
cussi lapides, & sagittæ vndique ingereban-
tur. Nec id miserrimum fortibus viris erat,
quod intuiti ferarum ritu veluti in fouea de-
hensi caderentur. Ira igitur in rabiem versa,
inuentia saxa complexi, vt ad hostem perue-
rent, alius alium leuantes conabantur ascen-
dere. Ea ipsa multorū simul manibus conuulsa,

in eos qui commouuerant, recidebant. Nec stare ergo poterant, nec niti, nec testudine quidem protegi, cui tantæ molis onera propellerent Barbari. Regem non dolor modò, sed etiam pudor temerè in illas angustias coniecti exercitus angebat. Inuictus ante eam diem fuerat, nihil frustra ausus: impune Ciliciæ fauces intrauerat: mari quoque nouum iter in Pamphiliam aperuerat: tunc hæsitabat deprehensa felicitas. nec aliud remedium erat, quam reuerti quæ uenerat. Itaque signo receptui dato, densatis ordinibus, scutisque super capita consertis, retro euadere ex angustijs iubet. xxx. fuere stadia quæ remensi sunt. Tum castris vndique aperto loco positis, non consultare modò quid agendum esset, sed vates quoque adhibere cœpit. à superstitione animi. Sed quid tunc prædicere Aristæder, cui tum plurimum credebatur, ex vatibus poterat? Itaque damnatis intempestiuus sacrificijs, peritos locorum conuocari iubet. medium iter ostendebant, tutum, apertumque. Sed rex deferere milites intepultos erubescibat, ita tradito more, vt vix vllum militiæ tantum solemne esset munus, quàm humãdi suos. Captiuos ergo, quos nuper exceperat, vocari iubet: inter quos erat quidam Græcæ Persicæque linguæ peritus, qui frustra eum in Persidem montium dorso exercitum ducere affirmat: siluestres esse calles, vix singulis peruios, omnia contegi frondibus, implexosque arborum ramos siluas committere. Namque Persis ab altero latere perpetuis montium iugis cluditur, quod in longitudinem M. DC. stadia, in latitudinem CLXX. procurrit. Hoc dorsum à Caucaaso monte ad rubrum mare pertinet, quaque defe-

cit

cit mons, aliud munimentum fretum obiectum est. Planicies deinde sub radicibus montium spatiosa procumbit, fertilis terra, multisque vicis atque urbibus frequens. Araxes annis per hos campos multorum aquas torrentium euoluit in Medum. Medus à mare ad meridiem versus, minor annis eo quem accipit, euehitur; gignendæq; herbae non alius est aptior, quicquid alluit, floribus vestiens. Platani quoque & populi contegunt ripas, ita ut procul visentibus continuata videantur montibus nemora riparum: quippe obumbratus annis pressio in solum dilabitur alueo, imminetque colles ipsi quoque frondibus læti, radices humore lubeunte. Regio non alia tota Asia salubrior temperat cælum: hinc perpetuum iugum opacum & vmbrosum, quod æstus leuat; illinc mare adiunctum, quod modico tepore terras fouet. His captiuus expositis, interrogatur à rege auditu ne an oculis comperta haberet, quæ diceret; pastorem se fuisse, & omnes eos calles percurrisse respondit; bis captum, semel à Persis in Lycia, iterum ab ipso. Subit animum regis memoria oraculo editæ sortis: quippe consulenti responsum erat ducem, in Persidem ferentis viæ Lycium, ciuem fore. Igitur promissis quanta & præsens necessitas exigebat, & ipsius fortuna capiebat oneratum, armari iubet Macedonum more, &, quod bene verteret, monstraret iter, quamuis arduum & præceps, euasurum se esse cum paucis: nisi forte crederet, qua ipse pecoris causa isset, Alexandrum pro gloria & perpetua laude ire non posse. Etiam atque etiam docere captiuus, quam difficile iter esset, maximè armatis.

Tum rex, Prædem me, inquit, accipe, neminem meorum qui sequuntur, recusaturum ire quæduces. Cratero igitur ad custodiam castrorum relicto, cum peditibus quis assueuerat, & ijs copijs quas Meleager ducebat, & sagittarijs equitibus M. præcepit, ut castrorum specie manente, plures de industria ignes fieri imperaret, quod magis Barbari crederent ipsum regem in castris esse. Ceterum si fortè Ariobarzanes cognouisset, per callium anfractus intrare, & ad occupandum iter suum partem copiarum tentasset opponere; Craterus eum illito terrore retineret, ad propius periculum conuersurum agmen. Sin autem ipse hostem fefellisset, & salutum occupasset, cum trepidantium Barbarorum tumultum exaudisset, relegere id ipsum iter, quo pridie pulsi fuerant, ne dubitaret: quippe vacuum fore hostibus in semet auersis. Ipse tertia vigilia silenti agmine, ac ne tuba quidem dato signo, pergit ad demonstratum iter calliū. Tridui alimenta portare militem iussit, leuiter armatum. Sed præter inuias rupes, ac prærupta saxa vestigium subinde fallentia, nix cummulata vento, ingredientiæ fatigabat: quippe velut in foueas delati hauriebantur, & cum à commilitonibus alleuarentur, trahebant magis adiuvantes, quam sequebantur. Nox quoque & ignota regio, ac dux, incertum an satis fidus, multiplicabant metum. Si custodēs fefellissent, quasi feras bestias ipsos posse deprehendi. Ex vnius captiui vel fide vel anima pendere & regis salutem & suam. Tandem venere in iugum. A dexterā iter ad ipsum Ariobarzanem erat. hic Philotam & Coenon cum Amynta & Polyperconte expeditam habentes manum reliquit, monitos,

nitos, ut quia eques pediti erat mixtus, quā
pinguissimum esset solum, & pabuli fertile;
sensim procederent. Duces itineris de captivis
dati. Ipse cum armigeris & ala quam Agema
appellabant, ardua semita, sed longius à statio-
nibus hostium remota, multa cum vexatione
processit. Medius erat dies, & fatigatis necessa-
ria quies; quippe tantundem itineris supererat,
quantum emensi erant, sed minus præcipitis at-
que ardui. Itaque refectis cibo, somnoque militi-
bus, secunda vigilia surgit, & cetera quidem
haud ægrè præterit: ceterum quā se montium
jugum paulatim demittit, ingens vorago con-
cursu cauta torrentium iter ruperat. Ad hoc
arborum rami alius alio implicati, & cohæren-
tes, ut perpetuam obiecerant sepem. Despera-
tio igitur ingens, addidit ut vix lachrymis absti-
nerent, incesserat; præcipue obscuritas terrori
erat. Nam etiam si qua sidera internitebant, con-
tinenti fronde arbores conspiciere prohibebant.
Ne aurium quidem usus supererat, silvas quatien-
te vento, quæ concurrentibus ramis maiorem
quàm pro flatu sonum edebant. Tandem expe-
ctata lux, omnia quæ terribiliora nox fecerat,
minuit. Circuii brevi spatio poterat eluies, &
sibi quisque dux itineris coeperat fieri. Euadunt
ergo in editum verticem, ex quo hostium sta-
tione conspecta, strenuè armati a tergo se ostē-
dunt, nihil tale metuentibus; quorum pauci, qui
congregari ausierant, cæsi sunt. Itaque hinc mo-
rientium gemitus, hinc ad suos recurrentium
miserabilis facies, integros quoque antea quàm
discrimen experirentur, in fugam auertit. Fre-
mitu deinde in castris quis Craterus præsidebat
illato ad occupandas angustias, in quibus pridie
hæsita-

hæsitabat, miles educitur. Simul & Philotas cum Polyperconte Amyntaque & Cœno diuersum iter ingredi iussus, alium terrorem intulit Barbaris. Undique ergo Macedonum armis fulgentibus, ancipiti malo oppressi, memorabile tamen prælium edunt: ut opinor, ignauiam quoque necessitas acuit, & sæpe desperatio spei causa est. Nudi complectebantur armatos, & ingenti corporum mole secum ad terram detrahentes, ipsorum telis plerosque fodiebant. Ariobarzanes tamen XL. ferme equitibus, & V. peditem millibus stipatus, per mediam aciem Macedonum cum multo suorum atque hostium sanguine erupit, Persæpolim urbem, caput regionis occupare festinans. Sed à custodibus urbis exclusus consecutus strenuè hostibus cum omnibus fugæ comitibus renouato prælio cecidit. Craterus quoque raptim agmine acto superuenit.

CAPUT XL.

ARGUMENTVM.

Persæpolim preperat Alexander, cuius mira ab auctore celeritas prædicatur.

REx eodem in loco quo hostium copias fuderat, castra communit. Quamquam enim undique fugati hostes victoriam concesserant, tamen præaltæ præcipientesque fossæ pluribus locis obiectæ abruperant iter, lenisquæ & cautè progrediendum erat, iam non hostium, sed locorum fraude suspecta. Procedenti ei
lit-

litteræ redduntur à Tyridate eustode pecuniæ regię, indicantes eos qui in vrbe essent, audito eius aduentu diripere velle thesauros: properaret occupare thesauros ditissimos, expeditum iter esse, quamquam Araxes amnis interfluat. Nullam virtutem regis istius, quàm celeritatem laudauerim: relictis pedestribus copijs, tota nocte cum equitibus itineris tanto spatio fatigatis ad Araxem prima luce peruenit. Vici erant in propinquo, quibus dirutis pontem ex materia eorum subditis saxis strenuè induxit.

CAPVT XII.

ARGVMENTVM.

Græci mutili & captiui petunt agrum ab Alexandro.

IAmq; haud procul vrbe erant, cum miserabile agmen inter pauca fortunæ exempla memorandum regi occurrit. Captiui erant Græci ad quatuor ferè millia, quos Persæ vario suppliciorum modo affecerant. Alios pedibus, quosdam manibus auribusque amputatis, inuistisque barbararum literarum notis in longum sui ludibrium reseruauerant, & cum se quoq; alienæ ditionis esse cernerent, volètes regi occurrere, non prohibuerant. Inusitata simulacra, non homines videbantur, nec quicquam in illis præter vocem poterat agnosci. Plures igitur lachrymas commouere, quàm profuderant ipsi: quippe in tam multiplici variaque fortuna singulorum intuentibus similes quidem, sed tamen dispares poenas, quis maximè miserabilis esset, liquere non poterat. Omnes pari

supplicio affecti sibi videbantur. Vt verò Iouem illi tandem Græciæ ultorem, aperuisse oculos conclamauere, rex absterfis quas profuderat lacrymis, bonum habere animum iubet, visuros vrbes suas coniugesque; & castra inde duo ab vrbe stadia communit. Græci excesserant vallo, deliberaturi quid potissimum à rege peterent. Cumq; alijs sedes in Asia rogare, alijs reuerti domos placeret, Euctemon ita locutus ad eos fertur: Nos, qui modo etiam ad opem petendam ex tenebris & carcere procedere erubuimus, vt nunc est, supplicia nostra, quorum nos pudeat magis, an poeniteat, incertum est, ostentare Græcia velut latum spectaculum cupimus? Atqui optimè miseras ferunt, qui abscondunt: nec vlla est tam familiarum infelicibus patria, quàm solitudo, & status prioris obliuio. Nam qui multum in suorum misericordia ponant, ignorant quàm celeriter lachryma inarescant. Nemo fideliter diligit, quem fastidit. nam & calamitas querula est, & superba felicitas. Ita suam quisque fortunam in consilio habet, cum de aliena deliberat: nisi mutæ miserii essemus, olim alius aliū potuissimus esse fastidio. Quid mirum est, fortunatos sibi met semper parem querere? Obsecro vos, olim vita defuncti, quaramus locum in quo hac semesa membra obruamus. Ingrati prorsus coniugibus, quas inuenies duximus, reuertemur. Liberi in flore & aetatis & rerum vt patres agnoscent ergastuli detrimenta? & quota pars nostri tot obire terras potest? Præcul Europa in vltima orientis relegati, senes, debiles, maiore membrorum parte multati,

tele-

tolerabimus scilicet, quæ armatos & victores fatigarunt. Coniuges deinde, quæ captis fors & necessitas vnicum solatium applicuit, paruosq; liberos trahimus nobiscum, an relinquimus? Cum his venientes nemo agnoscere volet. Relinquemus ergo præsentia pignora, cum incertum sit an visuri sumus illa quæ petimus? Inter hos latendum est, qui nos miseros nosse cœperunt. Hæc Euctemon; contra Thætetus Atheniensis orsus est dicere; Neminem pium habitu corporis suos aestimaturum, utiq; sacra hostis, non natura calamitosos. Dignum esse omni malo, qui erubesceret fortuita. tristitem eum de mortalitate ferre sententiam, & desperare misericordiam quam ipse alteri denegaturus sit. Deos (quod ipsi nunquam ausi ferret optare) offerre patriam, coniuges liberos, & quicquid hominis vel vita aestimant, vel morte redimunt: quin illi ex hoc carcere erumperent. Alium domi esse calidum, alium lucis aspectum. Mores, sacra, lingua commercium etiam à Barbaris expeti, quæ ingentia ipsi omissuri sint sua sponte, non ob aliud tam calamitosi, quam quod illis carere coacti essent: se certè rediturum ad penates, & in patriam, tantoque beneficio regis usurum. Si quos contubernij liberorumq; , quos servitus coegisset agnoscere, amor detineret, manerent, reliqui irent, quibus nil patria carius est. Pauci huius sententiæ fuere; ceteros consuetudo natura potentior vicit. Consenserunt petendum esse à rege, ut aliquam ipsis attribueret sedem; Centum ad hoc lecti sunt; quos Alexander ratus, quod ipse præstare cogitabat, petituros. Iumen-

ta, inquit, assignaui, quæ vos veherent, & singulis vestrum mille denarium dari iussi: Cum redieritis in Græciam, præstabo, ne quis statum suum, si hæc calamitas absit, vestro credat esse meliorem. Illi obortis lachrymis terram intuebantur, nec aut erigere vultus, aut loqui audebant. Tandem rege tristitiæ causam exigente, Euctemon similia ijs quæ in consilio dixerat, respondit. Atque ille non fortunæ solum eorum, sed etiam poenitentiae misertus, terna millia denarium singulis dari iussit. Denæ vestes adiectæ sunt, & armenta cum pecoribus ac frumento data, ut coli serique attributus ijs ager posset.

C A P V T XII.

A R G V M E N T V M.

Capta Persæpolis, præda magnitudo, hostium cades, euersa vrbs, excepta regia.

Postero die conuocatos duces copiarum docet nullam infestiorē urbem Græcis esse, quam regiam veterum Persidis regum. Hinc illa immensa agmina infusa, hinc Dariū prius, deinde Xerxem Europæ impium intulisse bellum. Excidio illius parentandum esse maioribus. Iamq; Barbari deserto oppido, quemq; metus agebat, diffugerāt, cum rex phalangem nil cunctatus inducit. Multas vrbes refertas opulentia regia partim expugnauerat, partim in fidem acceperat: sed vrbs huius diuitiæ vicere præterita. in hanc totius Persidis opes congeslerant Barbari, aurum argentumq; cumulatū erat: vestis ingens modus; supellex non

non ad vsum , sed ad ostentationem luxus comparata, itaque inter ipsos victores ferro dimicabatur: pro hoste erat, qui preciosiorem occupauerat prædam, & cum omnia quæ reperiebantur, capere non possent (nam res non occupabantur, sed æstimabantur) lacerabant regias vestes, ad se quisque partem trahentes: dolabris preciosæ artis vasa cædebant. nihil neque intactum erat, nec integrum ferebatur. Abrupta simulacrorum membra, vt quisque auellerat, trahebat. neque auaritia solum, sed etiam crudelitas in capta vrbe grassata est. Auro argentoque onusti, vilia captiuorum corpora trucidabant, passimque obuij cædebantur, quos antea precium sui miserabiles fecerat. Multi ergo hostium manus voluntaria morte occupauerunt, preciosissima vestium induti è muris semet ipsos cum coniugibus ac liberis in præceps iactantes. Quidam ignes, quod paulò post facturus hostis videbatur, subiecerant ædibus, vt cum suis viui cremarentur. Tandem suos rex, corporibus & cultu feminarum abstinere iussit. Ingens pecuniæ captiuę modus traditur, prope vt fidem excedat. Ceterum aut de alijs quoque dubitabimus, aut credemus in huius vrbis gaza fuisse c. & xx. millia talenta, ad quæ vehenda (namque ad vltius belli secum portare decreuerat) iumenta & camelos & à Susis & à Babylone contrahi iussit.

CAPVT

CAPVT XIV.

ARGVMENTVM.

*Captio Pasargadae, prada noua reperta, excursio,
& vastatio Persidis, Mardi subacti.*

Acceffere ad hanc pecuniae summam captis Pasargadis vi. millia talentum. Cyrus Pasargadam urbem condiderat, quam Alexandro praefectus eius Globalis tradidit. Rex arcem Persepolis iii. millibus Macedonum praesidio relictis, Nicarthiden tueri iubet. Tyridati quoque qui gazam tradiderat, seruatus est honos, quem apud Darium habuerat: magnaue exercitus parte & impedimentis ibi relictis, Parmenionem Craterumque praefecit. Ipse cum mille equitibus peditumque expedita manu interiorẽ Persidis regionem sub ipsum Vergiliarum sidus petijt, multisque imbribus, & propẽ intolerabili tempestate vexatus, procedere tamen quo intenderat, perseuerauit. Ventum erat ad iter perpetuis oblitum niuib, quas frigoris vis gelu astrinxerat: locorumque squalor & solitudines inuiae fatigatum militem terrebant, humanarum rerum terminos se videre credentem. Omnia vasta, utque sine vllõ humani cultus vestigio attoniti intuebantur: & autem quam lux quoque & coelum ipsos deficerent: reuerti iubebant. Rex castigare territos supersedit. Ceterum ipse equo desiliit, pedesque per niuem & concretam glaciem ingredi coepit. Erubuerunt non sequi primum amici, deinde copia-

copiarum duces, ad vltimum milites: priusq;
rex dolabra glaciem perfringēs, iter sibi fecit.
Exemplum regis ceteri imitati sunt. Tandem
propemodum inuias siluas emensi, humani cul-
tus rara vestigia, & passim errantes pecorum
greges reperere: & incolæ, qui sparsis tugurijs
habitant, cum se callibus inuijs septos esse
credidissent, vt conspexere hostium agmen; in-
terfectis, qui fugientes comitari non poterant,
deuios montes & obsitos niuibz petiuerunt.
Inde per colloquia captiuorum paulatim feriti-
tate mitigata, tradidere se regi: nec in deditos
grāuius consultum. Vastatis dein agris Persidis,
vicisque compluribus redactis in potestatem,
ventum est in Mardorum gentem bellicosam, &
multum à ceteris Persis cultu vitæ abhorren-
tem, specus in montibus fodiunt, in quos seque
ac coniuges & liberos condunt: pecorum aut
ferarum carne vescuntur. Nec feminis quidem
pro naturæ habitu molliora ingenia sunt. Co-
mæ prominent hirtæ, vestis super genua est,
funda vinciunt frontem: hoc & ornamentum ca-
pitis, & telum est. Sed hanc quoque gentem i-
dem fortunæ impetus domuit. Itaque trigesimo
die postquam à Persicopoli profectus erat, eo-
dem redit. Dona deinde amicis cæterisque pro
cuiusque merito dedit, propemodum om-
nia quæ in ea vrbe ceperat,
distributa.

rum conuiuæ, & ministri pellicesque. Multa cetero ædificata erat regia, quæ celeriter igne concepto late fudit incendium. Quod ubi exercitus, qui haud procul vrbe tendebat, conspexit, fortuitum ratus, ad opem ferendam concurrir. Sed ut ad vestibulum regię ventum est, vident regem ipsum adhuc aggerentem faces. Ommissa igitur, quam portauerant, aqua, aridam materiam in incendium iacere cœperunt. Hunc exitum habuit regia totius Orientis, vnde tot gentes ante iura petebant, patria tot regum, vnicus quondam Græciæ terror, molita mille nantium classem, & exercitus, quibus Europa inundata est, contabulato mari molibus, perfossisque montibus, in quorum specus fretum immissum est. Ac ne tam longa quidem ætate, quæ excidium eius secuta est, surrexit. Alias vrbes habuere Macedonum reges, quas nunc habet Parthi. Huius vestigium non inueniretur, nisi Araxes amnis ostenderet. Haud procul moenibus fluxerat. Inde urbem fuisse viginti stadijs distantem credunt magis quam sciunt accolæ. Pudebat Macedones tam præclaram urbem à comessabundo rege deletam esse. Itaque res inferium versa est, & imperauerunt sibi, ut crederent illo potissimum modo fuisse delendam. Ipsum, ut primum grauata ebrietate mentem quies reddidit, poenituisse constat, & dixisse maiores pœnas Græcis Persas daturos fuisse, si ipsum in folio regiaque Xerxis conspiceret coacti essent. Postero die Lycio itineris quo Persidem intrauerat, duci, triginta talenta dono dedit.

C A P V T XVI.
A R G V M E N T V M.

*Mediam intrat, supplementum accipit, Darius
Ecbatanae se ad ultimum praelium parat. syl-
labus copiarum eius.*

HInc in regionem Mediæ transijt; vbi supple-
mentum nonorum militum è Cilicia occur-
rit. Peditum erant quinque millia, equites mil-
le: vtrisque Plato Atheniensis præerat. his co-
pijs auctus, Darium persequi statuit. Ille iam
Ecbatana peruenerat, caput Mediæ. Urbem hanc
tenent Parthi: eaque æstiva genti sedes. Adire
deinde Bactra decreuerat; sed veritus ne cele-
ritate Alexandri occuparetur, consilium iterq;
mutauit. Aberat ab eo Alexander stadia M. D.
sed iam nullum intervallum aduersus velocita-
tem eius satis longum videbatur. Itaque proelio
magis quam fugæ se præparabat xxx. millia pe-
ditum sequebantur, in quibus Græcorum erant
ii. millia, fide erga regem ad ultimum inui-
cta. funditorum quoque & sagittariorum manus
iii. millia expleuerat, præter hos ii. millia &
ccc. equites erant, maximè Bactrianorum. His
Bessus præerat Bactrianæ regionis præfectus.
Cum hoc agmine, Darius paulum declinavit
via militari; iussis præcedere laxis im-
pedientorum custo-
diis.

C A P V T

CAPVT XVII.

ARGVMENTVM.

Oratio Darij qua Satrapas suos ad extremum praelium adhortatur.

Concilio deinde aduocato. Si me cum ignauis, inquit, & pluris qualemunque vitam honesta morte aestimantibus fortuna iunxisset, tacerem potius, quàm frustra verba consumerem: sed maiore quàm vellem documento & virtutē vestrā & fidem expertus, magis etiam conniti debeo, vt dignus talibus amicis sim, quàm dubitare an vestri similes adhuc sitis. Ex tot millibus, quæ sub imperio fuerunt meo; bis victum me, bis fugientem persecuti estis. Fides vestra & constantia, vt regem me esse credam, facit. Proditores & transfuga in vrbibus meis regnant, non Hercule quia tanto honore digni habentur, sed vt premijs eorum vestri sollicitentur animi. Meam fortunam tamen quàm victoris maluistis sequi: dignissimi quibus, si ego non possim, dii pro me gratiam referant: & me Hercule referent. Nulla erit tam surda posteritas, nulla tam ingrata fama, quæ non in cælum vos debitis laudibus ferat. Itaque etiam si consilium fugæ, à qua multum abhorret animus, agitaßem, vestra tamen virtute fretus obuium issem hosti. Quousque enim in regno exelabo, & per fines imperij mei fugiam externum & aduenam

L

uenam regem , cū liceat experto belli fortunam,
aut reparare quæ amisi, aut honesta morte defungis
nisi fortè satius est expectare victoris arbitrium, &
Mazæi & Methrenis exemplo precarium accipere
regnum nationis vnius, vt iam malit ille gloria sua,
quàm ira obsequi. Nec dii siuerint , vt hoc detus mei
capitis, aut demere mihi quisquam, aut condonare
possit, nec hoc imperium viuus amittam. Idem erit
regni mei, qui & spiritus finis. Si hic animus, si hæc
lex , nulli non parata libertas est: nemo è vobis fasti-
dium Macedonum , nemo vultum superbum ferre
cogetur. Sua cuiq; dextera aut vltionem tot malo-
rum pariet, aut finem. Equidem quam versabilis
fortuna sit, documentum ipse sum. Nec immerito
mitiores vices eius expecto. Sed si iusta ac pia bella
dij auersantur, fortibus tamen viris licebit honestè
mori. Per ego vos decora maiorum , qui totius ori-
entis regna cum memorabili laude tenuerunt , per
illos viros quibus stipendium Macedonia quondam
tulit, per tot nauium classes in Græciam missas , per
tot tropæa regum oro & obtestor , vt nobilitate ve-
stra gentisque dignos spiritus capiatis , vt eadem
constantia animorum, qua præterita tolerastis , ex-
periamini quicquid deinde fors tulerit. Me
certè in perpetuum aut victoria egre-
gia nobilitabit , aut
pugna.

ARGVMENTVM.

*Desperatio cum horrore Ducum ex oratione Darij
concepta: Artabazifides, Nabarzanis & Bessi
coniuratio.*

HAec dicente Dariö, præsentis periculi species omnium simul corda animosque horrore perstrinxerat, nec aut consilium suppeditabat, aut vox; cum Artabazus vetustissimus amicorum, quem hospitem fuisse Philippi sæpe diximus. Nos verò, inquit, pretiosissimam vestem induti, armisque quanto maximo cultu possumus adornati, regem in aciem sequemur, ea quidem mente, vt victoriam speremus, mortem non recusemus. Assensu exceperet ceteri hanc vocem. Sed Nabarzanes, qui in eodem consilio erat; cum Bessio, inauditi antea facinoris societate inita, regem suum per milites, quibus ambo præerant, comprehendere & vincere decreuerant, ea mente, vt si Alexander ipsos insecutus foret, trahito rege viuo, inirent gratiam victoris, magno profecto cepisse Darium æstimaturi: si autem eum effugere potuissent, interfecto Dariö, regnum ipsi occuparent, bellumque renouarent. Hoc patricidium cum diu volutassent. Nabarzanes adiutum nefariæ spei præparans. Scio me, inquit, sententiam esse dicturum prima specie haudquaquam auribus tuis gratam: sed medici quoque, grauioribus asperis remediis curant, & gubernator ubi naufragium timet, iactura quicquid seruari potest, redi-

mit. Ego tamen non vt damnum quidem facias
 suadeo : sed vt te ac regnum tuum salubri ratione
 conserues. Dijs auersis bellum inimus, & pertinax
 fortuna Persas vrgeri non desinit. Nouis inicijs &
 ominibus opus est. Auspiciū & imperium alij inte-
 rim trade, qui tamdiu rex appelletur, donec Asia
 decedat hostis : victor deinde regnum tibi reddat.
 hoc autem breui futurum ratio promittit : Bactra
 intacta sunt, Indi & Saga in tua potestate : tot po-
 pulos, tot exercitus, tot equitum peditumque millia
 ad renouandas vires parata habes, vt maior belli
 moles supersit, quam exhausta sit. Quid ruimus
 belluarū ritu in perniciem non necessariam? For-
 tium virorū est, magis mortē contemnere, quam o-
 disse vitam. Sape tadio laboris ad vilitatem sui cō-
 pelluntur ignaui, at virtus nihil inexpertum omit-
 tit. Vtique vltimum omnium mors est, ad quam
 non pigre ire satis est. Proinde si Bactra, quod
 tutissimum receptaculum est, petimus, prae-
 fectum regionis eius Bessum, regem temporis gratia
 statuamus. Compositis rebus iusto regi
 tibi fiduciarium restituet
 imperium.

CAPVT XIX.
ARGVMENTVM.

*Darius sentit infidias, quas exire tamen non potuit,
Artabazi fides in eundem. Artabazus pro rege
administrat castra.*

HAud mirum est Darium non temperasse animo, quamquam tam impiæ voci quantum nefas subesset, latebat. Itaque, *Pessimum*, inquit, *mancipium, reperisti exoptatum tibi tempus, quo parricidium aperires?* strictoque acinace interfecturus eum videbatur, ni properè Bessus Bactrianique tristium specie, ceterum si perseveraret, vincituri circumstetissent. Nabarzanes interim elapsus, mox & Bessus consecutus, copias quibus præerant, à cetero exercitu secedere iubent, secretum inituri consilium. Artabazus conuenientem præsentī fortune sententiam orsus, mitigare Darium, temporum identidem admonens, coepit. *Ferret aquo animo qualiumcunque, suorum tamen, vel stultitiam vel errorem. Instare Alexandrum, grauem, etiam si omnes præsto essent, Quid futurum, si persecuti fugam ipsius, alienentur à rege?* Aegrè paruit Artabazo, & quamquam mouere castra statuerat, turbatis tamen omnium animis eodem in loco substitit. Sed attonitus mœstitia simul & desperatione, tabernaculo se inclusit. Ergo in castris, quæ nullius regebantur imperio, varij animorum

L 3.

rum.

rum motus erant , nec in commune , vt antè , consulebatur. Dux Græcorum militum Patron arma capere suos iubet, paratosq; esse ad exequendum imperium. Persæ secesserant. Bessus cum Bactrianis erat , tentabatq; Persas abducere, Bactra, & intactæ regionis opulenta , simulque quæ manentibus instarent pericula, ostentans. Persarum omnium eadem ferè fuit vox, nefas esse deferi regem. Inter hæc Artabazus omnibus imperatorijs fungebatur officijs. Ille Persarum tabernacula circuire , hortari, monere nunc singulos, nunc vniuersos: nec antè destitit , quam satis constaret imperata facturos. Idem ægrè à Dario impetrauit, vt cibum caperet, animumq; regis.

CAPVT XX.

ARGVMENTVM.

Coniurati simulant pœnitentiam , recipiuntur in gratiam.

AT Bessus & Nabarzanes olim agitatum scelus exsequi statuunt , regni cupiditate accensi. Dario autem incolumi tantas opes sperare non poterant: quippe in illis gentibus regum eximia maiestas est: ad nomen quoq; Barbari conueniunt , & pristina veneratio fortunæ sequitur aduersam. Inflabat impios animos regio cui prærant, armis virisq; , & spatio locorum nulli gentium secunda : tertiam partem Asiæ tenet, multitudo iuniorum , exercitus,

tus, quos amiserat Darius, æquabat. Itaque non illum modo, sed etiam Alexandrum spernebant: inde vires imperij repetituri, si regionis potiri contigisset. Diu omnibus cogitatis placuit per milites Bactrianos ad omne obsequiū destinatos regem comprehendere, mittique nunciū ad Alexandrum, qui indicaret viuum asseruari. Si, id quod timebāt, proditorem aspernatus esset, occisuri Darium, & Bactra cum suarum gentium manūpetituri. Ceterū pro palam comprehendere Darius non poterat, tot Persarum millibus laturis opem regi. Græcorum quoq; fides timebatur. Itaq; quod non poterant vi fraude assequi tentant. Poenitentiam secessionis simulare decreuerant, & excusare apud regem consternationem suam. Interim, qui Persas sollicitarent, mittuntur: hinc spē, hinc metu militares animos versant, ruinæ rerum subdere illos capita, in perniciem trahi, cū Bactra pateant, exceptura eos donis & opulentia quantam animis concipere non possint. Hæc agitantib. Artabazus superuenit, siue regis iussu, siue sua sponte, affirmans mitigatum esse Darium, & eundem illis amicitiae gradum pateri apud regē. Illi lachrymantes nunc purgare se, nunc Artabazū orare, ut causam ipsorum tueretur, precesq; perferret. Sic peracta nocte, sub lucis exortu Nabarzenes cū Bactrianis militibus in vestibulo prætorij aderat, titulum solennis officij occulto scelere præferens. Darius signo ad eundem dato, currū pristino more conscendit. Nabarzenes ceteriq; parricidæ procumbentes humi, quem paullo post in vinculis habituri erant, sustinere venerari: lachry-

chrymas etiam poenitentiae indices profuderunt: ad eò humanis ingenijs, parata simulatio est. Preces deinde suppliciter admotæ, Darii natura simplicem & mitem non credere modò quæ affirmabant, sed etiam flere coegerunt. Ac ne tum quidem cogitari sceleris poenituit, cum intuerentur qualem & regem & virum fallerent. Ille quidem securus periculi quod instabat, Alexandri manus quas solas timebat, effugere properabat.

C A P V T X X I.

A R G V M E N T V M.

Patron Græci militis mercede conducti prator, aperit Dario coniuratorum simulatam poenitentiam, & certas insidias:

PATRON autem Græcorum dux præcepit suis, ut arma quæ in sarcinis antea ferebantur, induerent, ad omne imperium suum parati, & intenti. Ipse currum regis sequebatur, occasione imminens alloquendi eum; quippe Bessi facinus præsenferat. Sed Bessus id ipsum metuens, custos verius quàm comes à curru non recedebat. Diu ergo Patron cunctatus, ac sæpius sermone reuocato, inter fidem timoremque hæsitans, regem intuebatur: qui ut tandem aduertit oculos, Bubacen spadonem inter proximos currum sequentem percontari iubet, numquid ipse velit dicere. Patron se verò, sed
remo-

remotis arbitris, (loqui velle cum eo) respondit: iussusque propius accedere, sine interprete (nam haud rudis Græcæ linguae Darius erat) Rex, inquit, ex quinquaginta millibus Græcorum supersumus pauci: omnis fortuna tua comites, & in hoc tuo statu iidem qui florentē te fuimus, quascumque terras elegeris, pro patria & domesticis rebus perituri. Secunda aduersaque res tua copulauere nos tecum. Per hanc fidem inuictam oro & obtestor, in nostris castris tibi tabernaculum statue, nos corporis tui custodes esse patiaris. Omisimus Græciam, nulla Bactra sunt nobis, spes omnis in te, vtinam & ceteris esset. Plura dici non attinet, Custodiam corporis tui externus, & alienigena non deposcerem, si crederem alium posse prestare. Bessus, quanquam erat Græci sermonis ignarus, tamen stimulan- te conscientia, indicium profecto Patronem detulisse credebat: & interpretis Græci relato sermone, exempta dubitatio est. Darius autem, quantum ex vultu conspici poterat, haud sanè territus, percontari Patrona causam consilij quod afferret. Ille non ultra differendum ratus, Bessus, inquit, & Nabarzanes insidiantur tibi, in ultimo discrimine es & fortuna tua, & vi- te. Hic dies aut parricidis, aut tibi futurus vltimus. Et Patron quidem egregiam conseruati regis gloriam tulerat. Eludant licet, quibus fortè ac temerè humana negotia volui agique persua- sum est; equidem æterna constitutione credi- derim nexuque causarum latentium, & multo ante destinatarum, suum quæque ordinem im- mutabili lege percurrere. Darius certè re-

spondit, quamquam sibi Græcorum militum fides nota sit, nunquam tamen à popularibus suis recessurum: difficius sibi esse damnare, quàm decipi, quidquid fors tulisset, inter suos perpeti malle, quam transfugam fieri. Serò se perire, si saluum esse sui nollent. Patron desperata salute regis, ad eos quibus præerat, redijt, omnia pro fide experiri paratûs.

CAPVT XXII.

ARGVMENTVM.

Bessi parricide simulata excusatio.

AT Bessus occidendi protinus regis impetum ceperat. Sed veritus ne gratiam Alexandri, ni vinum eum tradidisset, inire non posset, dilato in proximam noctem sceleris cōsilio, agere gratias incipit, quod perfidi hominis insidias iam Alexandri opes spectantis prudenter cauteque vitasset. donum eum hosti laturum fuisse regis caput, nec mirari hominem mercede, conductum omnia habere venalia, sine pignore, sine sare, terrarum orbis exulem, ancipitem hostem, ad nutum licentium circumferri. Purganti deinde se, deosque patrios testes fidei suæ inuocanti Darius vultu assentiebatur, haud dubius quin vera deferrentur à Græcis: sed eo rerum ventum erat, vt tam periculosum esset non credere suis, quam decipi. tri-

pi. triginta millia erant, quorū inclinata in scelus leuitas timebatur : quatuor millia Patron habebat , quibus si credidisset salutem suam, damnata popularium fide , parricidio excusationem videbat offerri. Itaq; præoptabat immerito, quam iure violari. Besso tamen insidiarum consilium purganti respondit ; *Alexandri sibi non minus iustitiam , quam virtutem esse perspectam. Falli eos, qui prodicionis ab eo premium expectent. Violata fidei neminem acriorem fore vindicem, ultoremque.*

CAPVT XXIII.

ARGVMENTVM.

Darius vltimum salutato Artabazo, dilapsis custodibus, dimisis spadonibus per noctem à Besso vincitur, & captiuus à suis curru abducitur.

IAmque nox appetebat, cum Persæ more solito armis positis , ad necessaria ex proximo vico ferenda discurrunt. At Bactriani (vt imperatum erat à Besso) armati stabant. Inter hæc Darius Artabazum acciri iubet , expositisque quæ Patron detulerat, haud dubitare Artabazus, quin transeundum esset in castra Græcorum: Persas quoque periculo vulgato secuturos. Destinatus forti suæ , & iam nullius salubris consilij patiens, vnicam in illa fortuna opem Artabazum vltimum illum visurus amplectitur: persususque mutuis lachrymis, inherentem sibi auelli iubet, capite deinde velato, ne inter gemitus digredientē velut à tergo intueretur , in humum prouum corpus abiecit. Tum vero custodiæ eius assueti, quos regis salutem

Intem vel periculo vitę tueri oportebat, dilapsi sunt: armatis, quos iam aduentare credebant, haud rati se futuros pares. Ingens ergo in tabernaculo solitudo erat, paucis spadonibus, quia quò discederent, non habebant, circumstantibus regem. At ille remotis arbitris, diu aliud atque aliud consiliũ animo volutabat. Tumque solitudinem, quam paullo ante pro solatio petierat, perosus, Bubacem vocari iubet: quem intuens. *Ite, (inquit) consulite vobis, ad vltimum regi vestro (vt decebat) fide exhibita. Ego hic legem fati mei exspecto. Forsitan mireris, quòd vitam non finiam: alieno scelere, quàm meo mori malo.* Post hanc vocem spado gemitu non modo tabernaculum, sed etiam castra compleuit. Irrupere deinde alij, laceratisque vestibus, lugubri & barbaro ululatu regem deplorare coeperunt. Persæ ad illos clamore per-
 Ito, attoniti metu, nec arma capere, ne in Bactrianos inciderent, nec quiescere audebant, ne impiè deserere regem viderentur. Varius ac dissonus clamor sine duce ac sine imperio totis castris referebatur. Besso & Nabarzani nuncianterant sui, regem à semetipso interemptum esse. plinctus eos deceperat. Itaq; citatis equis aduolant, sequentibus quos ad ministeriũ sceleris delegerant: & cum tabernaculum intrassent, quia regem viuere spadones indicabant, comprehendere vincirique iusserunt. Rex curru paullo antè vectus, & deorũ à suis honorib. cultus, nulla externa vi admota, captiuº fernorum suorum, in sordidum vehiculũ pelli-
 bus vndiq; contactũ imponitur. Pecunia regis
 & su-

& supellex quasi iure belli diripitur, onustiq; præda per scelus ultimum parta, fugam intendunt. Artabazus cum ijs qui imperio parebant, Græcisque militib. Parthyenen petebat, omnia tutiora parricidarū contuitu ratus. Persæ promissis Bessi onerati, maximè quia nemo alius erat quem sequerentur, coniungere se Bactrianis, agmè eorum tertio assecuti die. ne tamen honos regi non haberetur, aureis compedibus Darium vinciunt, noua ludibria subinde excogitâte fortuna. Et ne fortè culture regio posset agnosci, sordidis pellibus vehiculum intererant ignoti iumenta agebant, ne percontantibus in agmine monstrari posset, custodes procul sequebantur.

CAPVT XXIV.

ARGVMENTVM.

Alexander persequitur Darium.

Alexander audito Darium mouisse ab Ec-
batanis, omisso itinere, quod patebat in
Mediam, fugientē insequi pergit strenuè. Rha-
gz oppidum est in Parætacene vltima. Ibi trās-
fugæ nuntiât præcipitè fuga Bactrâ petere Da-
rium. Certiora deinde cognoscit ex Megistane
Babyloniz, non equidem vincitum regem, sed
in periculo esse aut mortis, aut vinculorū. Rex
ducibus conuocatis: *Maximum, inquit, opus, sed
labor breuissimus superest. Darius haud procul de-
stitutus à suis, aut oppressus est. In illo corpore posita
est victoria nostra, & tanta res celeritatis est præ-
mium.* Omnes pariter conclamant paratos ipsū
sequi,

sequi, nec labori, nec periculo parceret. Igitur
 raptim agmen cursus magis quàm itineris mo-
 do ducit, nec nocturna quidem quiete diurnum
 laborem relaxante. Itaq; quingenta stadia pro-
 cessit, peruentumq; erat in vicum, in quo Da-
 rium Bessus comprehenderat. Ibi Melon Darij
 interpres excipitur, corpore æger, non potue-
 rat agmen adsequi : & deprehensus celeritate
 regis, transfugam se esse simulabat. Ex hoc acta
 cognoscit, sed fatigatis necessaria quies erat.
 Itaq; dilectis equitum, vi. millibus, trecentos
 quos Dinachas appellabant, adiungit : dorso hi
 grauiora arma portabant : ceterum equis vehe-
 bantur : cum res locusq; posceret, pedestris acies
 erat. Hæc agentem Alexandrum adeunt Orsil-
 los & Mythræenes, Bessi parricidiū exosi trās-
 fugerant, nunciabantq; stadia D. abesse Persas,
 ipsos breuius iter monstraturos. Gratus regi
 aduentus transfugarum fuit. Itaq; prima vel-
 pera ducib. ijsdem cum expedita equitū manu
 monstratam viam ingreditur, phalange, quantū
 festinare posset, sequi iussa. Ipse quadrato ag-
 mine incedens, ita cursum regebat, vt primi cō-
 iungi vltimis possent. ccc. stadia processerant,
 cum occurrit Brocubelus Mazæi filius, Syriæ
 quondā prætor. Is quoq; transfuga nunciabat
 Bessum haud amplius quàm cc. stadia abesse : exer-
 citum, vt potè qui nihil præcaueret, incompoti-
 tum inordinatumq; procedere. Hyrcaniā vide-
 ri petiituros, si festinaret sequi, palantib. super-
 uenturum. Darium adhuc viuere. Strénuo, alio-
 quin cupiditate n. consequēdi transfuga inie-
 cerat. Itaq; calcarib. subditis effuso cursu eū.
 Itaq; fremitus hostium iter ingredientium
 exau-

exaudiebatur; sed prospectum ademerat pulueris nubes. Paulisper ergo inhibuit cursum, donec consideret puluis.

C A P V T XXV.

A R G V M E N T V M.

Barbari fugiunt cum Besso, qui Darium vulneratum relinquit, quem Alexander assequitur.

IAmq; conspecti à Barbaris erant, & abeuntiū agmen conspexerant, nequaquā futuri pares, si Besso tantum animi fuisset ad prælium, quantum ad parricidiū fuerat. Namq; & numero Barbari præstabant, & robore. Ad hoc refecti cum fatigatis certamen inituri erant. Sed nomen Alexandri, & fama, maximū in bello vtiq; momentum, pauidos in fugam auerit. Bessus verò & ceteri facinoris eius participes vehiculum Darij assecuti cœperunt hortari eum, conscenderet equū, & se hosti fuga eriperet. Ille deos ultores adesse testatus, & Alexādrī fidē implorans, negat se parricidas velle comitari. Tū verò ira quoq; accensū tela coniiciunt in regem; multiq; confossum vulneribus relinquunt. Iumenta quoq; ne longius prosequi possent, cōuulnerant, duobus seruis, qui regē comitabantur occisis Hoc edito facinore, vt vestigia fugæ spargerent, Nabarzines Hyrcaniam, Bessus Barātra patris equitū comitantib petebant. Barbari ducib. destituti, quā quēq; aut ipes ducebat, aut pauor, dissipabantur. Tantū equites cōgregauerāt se, incerti adhuc resistere melius esset, an fugere. Alexāder hostiū trepidatione cōperta, Nicanorē cū equitū parte ad inhibendā fugā emittit. Ipse cū ceteris sequitur. r. ferme milia resistentium

stentium occisa sunt ; reliquum agmen more pecudum intactum agebatur, iubente rege ut cædibus abstineretur. Nemo captiuorum erat, qui monstrare Darij vehiculum posset: singuli, ut quæque prehenderant, scrutabantur : nec tamen vllum vestigium fugæ regis extabat. Festinantem Alexandrum vix tria millia equitum persecuta sunt. At in eos qui lætius sequebantur, incidebant vniuersa fugentium agmina. Vix credibile dictu, plures captiui, quam qui caperent, erant: adeò omnem sensum territis fortuna penitus excusserat, ut nec hostiū paucitatem, nec multitudinem suam satis cernerent. Interim iumenta quæ Darium vehabant, nullo regente decesserant militari via, & errore delata per iv. stadia, in quadam valle constiterant, æstuque, simul & vulneribus fatigata. Haud procul erat fons, ad quem monstratum à peritis Polystratus Macedo siti maceratus accessit. Ac dum galea haustam aquam forbet, tela iumentorum deficientium corporibus infixæ conspexit: miratusque confossa potius, quam abiecta esse, seminiui

Quæ hic desiderantur, ex Iustini vndecimo, Diodori Siculi XVII. Arriani III. Plutarchi Alexandro, Orosij III. & alijs peti possunt.

Q. CVR.

Q. CVRTII RVFI
HISTORIARVM
MAGNI ALEXAN-
DRI MACEDONIS

LIBER SEXTVS.

SYNOPSIS HVIVS LIBRI.

AGIS Lacedæmoniorum rex ab Antipatro bello vincitur. Alexander hortatur militem ad reliquam Asiam subigendam. Fluius Zioberis describitur. Nabarzanes cum alijs satrapis veniam impetrat, Alexander Gracis Davianis parcit: in mores Persarum abit: Bessum bello persequitur, Coniuratio Philotæ & aliorum detegitur, Philotas tortus cum coniuratis occiditur.

CAPVT I.
ARGVMENTVM.

Deest principium de bello Lacedæmoniorum cum Antipatro praside Macedonia gesto, in quo victor Antipater, cæsus Agis rex Lacedæmoniorum. Victi legatos mittunt ad Alexandrum.

M

Anti-

*Antipater cautè & modeste vtitur victoriâ,
ne se oneret inuidia apud Alexandrum.*

HOC pugnae discrimen immisit, obtruncatisque qui promptius resistebant, magnam partem hostium propulit. Coeperant fugere victores: & donec audius sequentes in plenum deduxere, inulti cadebant; sed ut primum locus in quo stare possent, fuit, æquis viribus dimicatum est. Inter omnes tamen Lacedæmonios rex eminebat, nō armorū modo & corporis specie, sed etiam magnitudine animi, quo vno vinci non potuit. Vndique nunc cominus, nunc eminus petebatur: diuque arma circumferens, alia tela clypeo excipiebat, corpore alia vitabat, donec hasta femina perfossa plurimo sanguine effuso destituere pugnantem. Ergo clypeo suo exceptum armigeri raptim in castra referebant, iactationem vulnerrum haud faciliè tolerantem. Non tamen omisere Lacedæmonij pugnam, & ut primum sibi quàm hosti æquiores locum capere potuerunt, densatis ordinibus, effuse, fluentem in se aciem excepere. non aliud discrimen vehementius fuisse memoriæ proditum est. Duarum nobilissimarum bello gentium exercitus pari Marte pugnant. Lacedæmonij vetera, Macedones præsentia decora intuebantur. Illi pro libertate, hi pro dominatione pugnant. Lacedæmonijs dux, Macedonibus locus deerat. Diei quoque vnius tam multiplex casus modò spem, modò metum vtriusque partis augebat, velut de industria inter fortissimos viros certamen æquante fortuna. Ceterum angustia

gustia loci in quo hæserat pugna, non patiebantur totis congrediviribus. Spectabant ergo plures, quam inierant prælium; & qui extra teli iactum erant, clamore inuicem suos accendebant. Tandem Laconum acies languescere, lubrica arma sudore vix sustinens: pedem deinde referre, ac urgente hoste aperte fugere. Insequebatur dissipatos victor, & emensus omne spatium quod acies Laconū obtinuerat, ipsum Agim persequabatur. Ille ut fugā suorum, & proximos hostium conspexit, deponi se iussit: expertusque membra an impetum animi sequi possent, postquam deficere sensit, poplitibus semet excepit, galeaq; strenuè sumta, clypeo protegens corpus, hastam dextra vibrabat, vltro vocans hostem, si quis iacenti spolia demere auderet. nec quisquā fuit, qui sustineret cominus congredi. Procul missilibus appetebatur, ea ipsa in hostē retorquens, donec lancea nudo pectori infixæ est; qua ex vulnere euulsa, inclinatum ac deficiens caput clypeo paulisper excepit. Deinde linquēte spiritu pariter ac sanguine moribundus in arma procubuit. Cecidere Lacedæmoniorum quinque millia & ccc. ex Macedonibus haud amplius M. Ceterum vix quisquam nisi saucius reuertit in castra. Hæc victoria non Spartam modò, sociosque eius, sed etiam omnes qui fortunam bellispectauerant, fregit. Nec fallebat Antipatrum; dissentire ab animis gratulantium vultus; sed bellum finire cupienti opus erat decipi: & quamquam fortuna rerum placebat, inuidiam tamen, quia maio-

res res erant, quàm quas præfecti modus caperet, metuebat: quippe Alexander hostes vinci voluerat, Antipatrum vicisse, ne tacitus quidem, indignabatur, suæ demtum gloriæ existimans, quidquid cesseret alienæ. Itaque Antipater, qui probè nosset spiritus eius, non est ausus ipse agere arbitria victoriæ, sed concilium Græcorum, quid fieri placeret, consuluit: à quo Lacedæmonij nihil aliud quàm vt oratores mittere ad regem liceret, precati veniam defectionis præter auctores impetrauerunt. Megalopolitanis, quorum vrbs obsessa erat à defectione Achæis & Aelæis cxx. talenta dare iussis. Hic fuit exitus belli, quod repentè ortum, prius tamen finitum est, quàm Darium Alexander apud Arbella superaret.

CAPVT II.

ARGVMENTVM.

Alexander victor Gentium, à suis ipse vitijs, ebrietate, superbia, libidine vincitur. regia tamen stirpis captiuis parcit. Fratrem Darij inter amicos rescribit, Oxidatem Media præficit.

SED vt primùm instantibus curis laxatus est animus, militarium rerum, quàm quietis otijque patientior, exceperunt eum voluptates: & quem arma Persarum non fregerant, vitia vicerunt. Intempestiua conuiuia & perpotandi peruigilandique insana dulcedo, ludique,

que, & greges pellicum, omnia in externum
lapsa morem: quem æmulatus quasi potio-
rem suo, ita popularium animos oculosque pari-
ter offendit, ut à plerisque amicorum pro ho-
ste haberetur. Tenaces quippe disciplinæ suæ,
solitosque parco ac parabili victu ad imple-
nda naturæ desideria defungi, in peregrina &
victarum gentium mala impulerat. Hinc sæ-
pius comparatæ in caput eius insidiæ, secessio
militum, & liberior inter mutuas querelas
dolor. Ipsius deinde nunc ira, nunc suspiciones,
quas excitabat inconsultus pavor, ceteraque
his similia, quæ deinde dicentur. Igitur cum
intempestivis conuiuijs dies pariter noctes-
que consumeret, satietatem epularum ludis
interpolabat, non contentus artificum, quos
è Græcia exciuerat turba; quippe captivæ iu-
bebantur suo ritu canere inconditum & ab-
horrens peregrinis auribus carmen. Inter
quas vnam rex ipse conspexit moestio-
rem quàm ceteras, & producentibus eam verecun-
dè reluctantem. Excellens erat forma, & for-
mam pudor honestabat. deiectis in terram o-
culis, & quantum licebat ore velato, suspicio-
nem præbuit regi nobiliorem esse, quàm ut
inter coniuales ludos deberet ostendi. Ergo
interrogata quænam esset, neptem se Ochi,
qui nuper regnasset in Persis, filio eius geni-
tam esse respondit; uxorem Histapsis fuisse.
Propinquus hic Darij fuerat, magni & ipse ex-
ercitus prætor. Adhuc in animo regis tenues
reliquiæ pristini moris hærebant. Itaque for-
tunam regia stirpe genitæ, & tam celebre
nomen reueritus, non dimitti modo capti-
uam,

nam, sed etiam restitui ei suas opes iussit : virum quoque requiri, v[er]o reperto coniugem redderet. Postero autem die præcepit Hephæstioni, v[er]t omnes captiuos in regiam iuberet adduci, vbi singulorum nobilitate spectata, secrevit à vulgo, quorum eminebat genus: M. hi fuerunt, inter quos repertus est Oxatres Darij frater, non illius fortuna, quàm indole animi sui clarior. Oxidates etiam nobilis Perses, à Dario capitali supplicio destinatus, cohibebatur in vinculis. Huic liberato Satrapeam Mediæ attribuit, fratremque Darij recepit in cohortem amicorum, omni vetustæ claritatis honore seruato. xxvi. millia talentum proxima præda redacta erant, è quib[us], xii. millia in congiarium militum absumpta sunt. Par huic pecuniæ summa custodum fraude subtracta est.

C A P V T I I I . A R G V M E N T V M .

Rex Parthienen, quam postea Scythæ occuparunt ingressus, tumultuantem militem oratione sedat, & patriam spectantem ad noua bella parat.

HInc in Parthienen peruentum est, tunc ignobilem gentem, nunc caput omnium qui post Euphratem, & Tigrim amnes siti rubro mari terminantur. Scythæ regionem campestem ac fertilem occupauerunt, gnauim adhuc agricolæ, sedes habent & in Europa & in Asia. Qui super Bosphorum colunt,

colunt, adscribuntur Asiæ. At qui in Europa sunt, à læuo Thraciæ latere ad Boristhenen, atque inde ad Tanaim alium jamnem recta plaga pertinent. Tanais Europam & Asiam medius interfuit; nec dubitatur quin Scythæ, qui Parthos condidere, non à Bosphoro, sed ex Europæ regione penetrauerint. Vrbs erat ea tépestate clara Hecatompylos, condita à Græcis. Ibi statua rex habuit, cōmeatibus vndique aduectis. Itaq; rumor otiosi militis vitiū, sine auctore percrebuit, regem contentum rebus quas gessisset, in Macedoniam protinus redire statuisse. Discurrunt lymphatis similes in tabernacula, & itineri sarcinas aptant: signum datum, crederes, vt vasa colligerent. Totis castris tumultus hinc contubernales suos requirunt, hinc onerantium plaustra perfertur ad regem. Fecerant fidē rumori temere vulgato Græci milites redire iussi domos: quorum equitibus singulis denariorū sena millia dono dederat. Ipsis quoq; finem militiæ adesse credebant. Haud secus quàm par erat, territus Alexander, qui Indos, atque vltima Orientis peragrarē statuisset, præfectos copiarum in prætorium contrahit: obortisque lachrymis, ex mediogloriæ spatio reuocari se, victi magis quàm victoris fortunam in patriam relaturum conquestus est: nec sibi ignauiam militum obstare, sed deum inuidiam, qui fortissimis viris subitum patriæ desiderium admouissent, paullo post in eandem cum maiore laude famaue reductoris. Tum verò pro se quisque operam suam offerre,

difficillima quæque poscere, polliceri militum quoque obsequium, si animos eorum leni & apta oratione permulcere voluisset. Nunquam infractos & abiectos recessisse, quoties ipsius alacritatem, & tanti animi spiritus haurire potuissent. ita se facturum esse respondet, illi modo aures præparent sibi, satisque omnibus quæ in rem videbantur, compositis, vocari ad concionem exercitum iussit, apud quem talem orationem habuit.

CAPVT IV.

ARGVMENTVM.

Rex Parthienus, quam postea Scythæ occuparunt ingressus, tumultuantem militem oratione sedat, & patriam spectantem ad noua bella parat.

Magnitudinem rerum quas gessimus milites, intuentibus vobis, minime mirum est, & desiderium quietis, & satietatem gloriæ occurrere. vt omittam Illyrios, Triballos, Bæotiam, Thraciam, Spartam, Achaos, Peloponnesum, quorum alia ductu meo, alia imperio auspicioque perdomui: ecce orbi bellum ab Hellesponte, Ionas, Aeoliden seruitio Barbariæ impotentis eximimus. Cariam, Lydiam, Cappadociam, Phrygiam, Phalagoniam, Pamphiliam, Pisidas, Ciliciam, Syriam, Phœnicen, Armeniam, Persidem, Medos, Parthienus habemus in potestate. Plures
prouin-

prouinciæ complexus sum, quàm alij vrbes ceperunt: & nescio an enumeranti mihi quadam ipsarum rerum multitudo subduxerit. Itaque si crederem satis certam esse possessionem, terrarum quas tanta velocitate domuinus, ego verò milites ad penates meas, ad parentem, sororesque, & ceteros ciues vel retinentibus vobis erumperem, ut ibi potissimum paria vobiscum laude & gloria fruerer, vbi nos vberriima victoria præmia expectant, liberorum, coniugum parentumque lætitiæ, pax, quies rerum per virtutem partiarum securæ possessio. Sed in nouo, & (si verum fateri volumus) precario imperio, adhuc iugum eius rigida ceruice subeuntibus Barbaris, tempore milites opus est, dum mitioribus ingenijs imbuuntur, & efferatos melior consuetudo permulcet. Fruges quoque maturitatem statuto tempore expectant: adeo etiam illa sensus omnis expertia, tamen sua lege mitescunt. Quid? creditis tot gentes alterius imperio ac nomini assuetas, non sacris, non moribus, non commercio lingua nobiscum coherentes, eodem pralio dominas esse, quo victæ sunt? Vestris armis continentur, non suis moribus. & qui præsentem metuunt absentes, hostes erunt. Cum feris bestijs res est, quas captas & inclusas, quia ipsarum natura non potest, longior dies mitigat. Et adhuc sic ago, tanquam omnia subacta sint armis, quæ fuerunt in ditione Darij. Hyrcania Nabarzanes occupauit. Bactra non possidet solum parricida

Bessus, sed etiā minatur. Sogdiani, Dabæ, Massagetae, Sagæ, Indi sui iuris sunt. Omnes hi simul terga nostra viderint, sequentur. Illi enim eisdem nationis sunt, nos alienigenæ & externi. Suis quisq; autem placidius paret, etiam cum is præest, qui magis timeri potest. Proinde, aut quæ cepimus, omittenda sunt: aut quæ non habemus, occupanda. Sicut in corporibus agris, milites, nihil quod nociturum est, medici relinquunt: sic nos quidquid obstat imperio, recidamus. Parua sæpè scintilla contemta magnum excitavit incendium. Nil tunc in hoste despicitur; quem spreveris, valentiorē negligentia facies. Ne Darius quidem hereditarium Persarum accepit imperium, sed in sedem Cyri beneficio Bagæ castrati hominis admissus: ne vos magni labore credatis Bessum vacuum regnum occupaturum. Nos verò peccavimus milites, si Darium ob hoc vicimus, ut seruo eius traderemus imperiū; qui ultimū ausus scelus, regē suū etiā æternæ opus egentē, certè cui nos victores pepercissemus, quasi captivū in vinculis habuit ad ultimū, ne à nobis cōservari posset, occidit. Hunc vos regnare patiemini? quem equidem cruci adfixum videre festino, omnibus regibus gentibusq; & fidei, quam violavit, meritis pœnas soluentem. At Hercule si mox eundem Græcorum vrbes aut Hellepontū vastare nuntiatum erit vobis, quo dolore afficiemini, Bessum præmia vestra occupasse victoriæ? Tunc ad repetendas res festinabitis, tunc arma capietis. Quanto autem

tem

tem præstat, territum adhuc, & vix mentis sua
 compotem opprimere? Quatridui nobis iter su-
 perest, qui tot proculcauimus nives, tot amnes su-
 perauimus, tot montium iuga transcurrimus:
 non mare illud quod exæstuans iter fluctibus oc-
 cupat, euntes nos moratur: non Cilicia fauces, &
 angustia includunt: plana omnia & prona sunt:
 in ipso limine victoria estamus. Pauci nobis fugi-
 tiui; & domini sui interfectores super sunt. Egre-
 gium me hercule opus, & inter prima gloria ve-
 stræ numerandum, posteritatis famaq; tradetis;
 Darij quoque hostis finito post mortem eius odio,
 parricidas esse vos ultas: neminem impium effu-
 gisse vestras manus. Hoc perpetrato, quanto cre-
 ditis Persas obsequetiores fore, cū intellexerint
 vos piabella suscipere; & Bessi sceleri, non nomi-
 ni suo irasci?

CAPVT V. ARGVMENTVM.

*Rex mouet castra versus Hyrcaniam, describi-
 tur mirum Zioberis fluminis ingenium.*

SUMMA militum alacritate iubentium, quo-
 cumq; vellet duceret, oratio excepta est,
 nec rex moratus impetum: tertioq; per Par-
 thienē die ad fines Hyrcaniæ penetrat, Cra-
 tero relicto cum ijs copijs quibus præerat, &
 ex manu quam Amyntas Jucebat, additis
 DC. equitibus, & totidem sagittarijs, vt
 ab incursione Barbarorum Parthienē
 tuere-

tueretur. Erigynum impedimenta modico præsidio dato, campestri itinere ducere iubet. Ipse cum phalange & equitatu C L. stadia emensus, castra in valle, qua Hyrcaniam adeunt communit. Nemus præaltis densisque arboribus ymbrosum est, pingue vallis solum rigan-
tibus aquis, quæ ex petris imminentibus manant. Ex ipsis radicibus montium Zoberis amnis effunditur, qui tria fere stadia in longitudinem vniuersus fluit: deinde saxo, quod alueolum interpellat, percussus duo itinera velut dispensatis aquis aperit. inde torrens, & saxorum per quæ incurrit, asperitate violentior, terram præceps subit. per CCC. stadia conditus labitur, rursusque velut ex alio fonte conceptus editur, & nouum alueum intendit, priore sui parte spatiosior: quippe in latitudinem XIII. stadiorum diffunditur; rursusque angustioribus coercitus ripis iter cogit: tandem in alterum amnem cadit, Rhidago nomen est. Incolæ affirmabant, quæcunque dimissa essent in cauernam quæ propior est fontem, rursus vbi aliud os amnis aperitur, existere. itaque Alexander duos tauros, quæ subeunt aquæ terram, præcipitari iubet: quorum corpora, vbi rursus erumpunt, expulsa videre, qui missi erant vt exciperent.

CAPVT VI.

ARGVMENTVM.

Nabarzani Bess, socio supplici promittit veniam & publicam fidem.

CAPVT

Quartum iam diem eodem loco quietem militi dederat, cum litteras Nabarzanis, qui Darium cum Besso interceperat accipit, quarum sententia hæc erat; *Se Darion non fuisse inimicum, imò etiam quæ credidisset utilia esse, suavisse: & quia fidele consilium regi dedisset, prope occisum ab eo. Agitasse Darium custodiam corporis sui contra ius fasque peregrino militi tradere, damnata popularium fide, quam per CC & XXX. annos inuiolatam regibus suis præstitissent Persæ. Se in præcipiti & lubrico stantem, consilium à præsentī necessitate repetisse, Darium quoque cum occidisset Bagoam; hac excusatione satisfacisse popularibus, quod infidantem interemisset. Nihil esse miseris mortalibus spiritu charius. Amore eius ad ultimam esse propulsum: sed ea magis esse secutum, quæ coegisset necessitas, quàm quæ optasset. In communi calamitate suam habere fortunam. Si venire se iuberet, sine metu esse venturum. Non timere ne fidem datam tantus rex violaret; Deos à deo falli non solere. Ceterum si cui fidem daret, videretur indignus; multa exsilia patere fugienti. Patriam esse, ubicunque vir fortis sedem sibi legerit. Nec dubitavit Alexander, fidem, quo Persæ modo accipiebant, dare, inuiolatum, si venisset fore.*

CAPVT VII.
ARGVMENTVM:

Hyrcaniam ingreditur, quàm Curtius cum Caspio mari describit.

QVADRATO tamen agmine & composito ibat, speculatores subindè præmittens, qui explorarent loca. Leuis armatura ducebat agmen; phalanx eam sequebatur; post pedites erant impedimenta: & gens bellicosa, & natura situs difficilis aditu, curam regis intenderat. Namque perpetua vallis iacet vsque ad mare Caspium patens. Duo terræ eius velut brachia excurrunt, media flexu modico finum faciunt lunæ maximè similem, cùm eminent cornua nondum totum orbem fidere implente. Cercetæ, & Mossini, & Chalybes à leua sunt: ab altera parte Leucosyri, & Amazonum campi: & illos quæ vergit ad Septentrionem, has ad occasum conuersa prospectat. Mare Caspium dulcius ceteris, ingentis magnitudinis serpentes alit: piscium in eo longè diuersus ab alijs color: quidam Hyrcanium appellant. alij sunt qui Mæotim paludem in id cadere putent, & argumentum afferunt, aquam, quod dulcior sit quam cetera maria. infuso paludis humore mitescere. Ad Septentrionem ingens in litus mare incumbit, longèque agit fluctus, & magna parte exæstiuans stagnat. Idem alio cæli statu recipit se in fretum, eodemque impetu quo effusum est, relabens, terram naturæ suæ reddit: & quidam

dā credidere, non Caspiū mare esse, sed ex India in Hyrcaniam cadere, cuius fastigium (ut supra dictum est) perpetua valle submittitur. Hinc rex viginti stadia processit, semita prope modum inuia, cui filua imminerebat; torrentesq; & eluuiēs iter morabantur, nullo tamen hoste obuio penetrant; tandemque ad cultiora peruentum est. Præter alios commeatus, quorum tum copia regio abundabat, pomorum quoque ingens modus nascitur, & vberimum gignendis vuis solum est. Frequens arbor faciem quercus habet, cuius folia multo melle tinguntur: sed nisi solis ortum incolæ occupaerint, vel modico tepore succus extinguitur.

CAPVT VIII. ARGVMENTVM.

Satrapas Persarum supplices in fidem accipit. Artabazo etiam dextram porrigit. Gracis ignoscit præterquam Lacedæmonijs in custodiam datis. Democrates Atheniensis ius sibi gladio dicit.

TRiginta hinc stadia processerat, cum Phrathernes ei occurrit, seq; & eos qui post Darij mortē profugerant, dedēs: quibus benignè exceptis, ad oppidum Aruas peruenit. Hic ei Craterus & Erigyus occurrunt, præfectum Taurorū gentis Phradatē adduxerant. Hic quoque in fidem receptus, multis exemplo fuit experiendi clementiam regis. Satrapem deinde Hyrcaniæ dedit Menapim. exsul hic regnāte Ocho ad Philippū peruenērat. Taurorum quoque gen-

gentem Pharadati reddit. Iamque vltima Hyrcanix intrauerat, cum Artabazus, quem Dario fidissimum fuisse suprà diximus, cum propinquis Darij, ac suis liberis, modacac; Græcorum militum manu occurrit; dexteram venienti obtulit rex: quippe & hospes Philippi fuerat; cum Ocho regnante exsularet; & hospitij pignora in regem suum ad vltimum fides conseruata vincebat. Comiter igitur exceptus, *Tu quidem, inquit, rex deos queso perpetua felicitate floreas: ege ceteris latus, hoc vno torqueor, quod præcipiti senectute diu frui tua bonitate non possum.* xc. & quintum annum agebat: No- uem iuuenes omnes eadem matre geniti patrẽ comitabantur. Hos Artabazus dextræ regis admouit, precatus vt tamdiu viueret, donec utiles Alexandro essent. Rex pedibus iter plerũq; faciebat. Tunc admoueri sibi & Artabazo equos iussit, ne ipso ingrediente pedibus, senex equo erubesceret. Vt deinde castra sunt posita, Græcos quos Artabazus adduxerat; conuocari iubet. At illi, nisi Lacedæmonijs quoque fides daretur, respondent, se quid agendum ipsis foret, deliberaturos. Legati erant Lacedæmoniorum missi ad Darium, quo victo applicauerant se Græcis mercede apud Persas militantibus. Rex omisis sponsonum fideiq; pignoribus, venire eos iussit, fortunam, quam ipse dedisset, habituros. Diu cunctantes; plerisque consilia variantibus, tandem venturos se pollicentur. At Democrates Atheniensis, qui maximè Macedonum opibus semper obstiterat; desperata venia, gladio se transfigit. Ceteri (sic

cuc

cut constituerant) ditioni Alexandri se ipsos
permittunt. MD. milites erant. Præter hoc le-
gati ad Darium missi xc. In supplementum di-
tributus miles: ceteri remissi domum; præter
Lacedæmonios, quos tradi in custodiam iussit.

CAPVT IX.

ARGVMENTVM.

Mardos feram gentem domat.

Mardorum erat gens confinis Hyrcaniæ;
cultu vitæ aspera, & latrocinij afflueta.
Hæc sola nec legatos miserat, nec videbatur
imperata factura. Itaque rex indignatus, si vnâ
gens posset efficere ne inuictus esset; impedi-
mentis cum præsidio relictis, inuicta manu co-
mitante procedit. Noctu iter fecerat, & pri-
ma luce hostis in cōspectu erat. Tumultus ma-
gis quàm prælium fuit. Deturbati ex collibus;
quos occupauerant, barbari, profugiunt; pro-
ximique vici ab incolis deserti capiuntur. In-
teriora regionis eius haud sanè adiri sine ma-
gna vexatione exercitus, poterant: Iuga mon-
tium præaltæ silvæ rubesq; iniuriæ sepiunt: ea
quæ plana sunt; nouo munimenti genere im-
pediērant Barbari. Arbores densæ sunt de in-
dustria consitæ, quarum teneros adhuc ramos
manu flectunt, quos intortos rursus inserunt
terræ. Inde velut ex alia radice lætiores virent
trunci. hos, quâ natura fert, adolescere non si-
nunt: quippe alium alij quasi nexu conserunt:
qui vbi multa fronde vestiti sunt, operiunt ter-
ram. Itaq; occulti, ramorum velut laquei per-
petua sepe iter cludunt. Vna ratio erat ceden-

do, aperire saltum. Sed hoc quoq; magni op̄-
ris: crebri namq; nodi durauerant stipites, &
in se implicati arborum rami suspēsis circulis
similes lento vimine frustrabantur ictus. Inco-
læ autem ritu ferarum virgulta subire soliti, tū
quoq; intrauerant saltum, occultisq; telis ho-
stem laceſcebant. Ille venantium modo latibu-
la scrutatus, plerosq; confodit: ad vltimum cir-
cuire saltum milites iubet, vt si qua pateret, ir-
rumperēt. Sed ignotis locis pleriq; oberrabāt,
exceptiq; sunt quidam, inter quos equus regis,
Bucephalam vocabant, quem Alexander non
eodem quo ceteras pecudes animo æstimabat;
namq; ille nec in dorso insidere suo patiebatur
aliū: & regem, cū vellet ascendere, sponte
genua submittebat, credebaturq; ſē-
tīre quem veheret. Maiore ergo quā dece-
bat ira simul ac dolore stimulatus equum vesti-
gari iubet, & per interpretem pronunciari, ni
reddidissent, neminem eſſe victurum. Hac de-
nunciatione territi, cū ceteris donis equum
adducunt. Sed ne ſic quidem mitigatus cædi,
filias iubet, aggeſtaq; humo ē montibus plani-
ciem ramis impeditam exaggerari. Iam in ali-
quantulum altitudinis opus creuerat, cū
Barbari deſperato, regionem quam occupaue-
rant, poſſe retineri, gentem ſuam dedidere.
Rex obſidibus acceptis Phradati tradere eos
iuſſit. Inde quinto die in ſtatiua reuertitur:
Artabazum deinde geminato honore, quem
Darius habuerat ei, remittit domum.

CAPVT X.

ARGVMENTVM.

Nabarzani præsidi Hyrcania in Bagoa gratiam ignoscit. Thalestris Amazonum regina (vt olim regina Saba ad Salomonem) Alexandrum adit, liberisque conceptis post XIII. dies redit ad suos.

Iam ad urbem Hyrcaniæ, in qua regia Darij fuit, ventum erat. ibi Nabarzanes accepta fide occurrit, dona ingentia ferens. Inter quæ Bagoas erat specie singulari spado, atque in ipso flore pueritiæ, cui & Darius fuerat assuetus, & mox Alexander assuevit: eiusque maximè precibus motus Nabarzani ignouit. Erat (vt supra dictum est) Hyrcaniæ finitima gens Amazonum, circa Thermodoonta amnem Themiscyræ incolentium campos. Reginam habebant Thalestrin, omnibus inter Caucasum montem & Phasin amnem imperitantem. Hæc cupidine visendi regis accensa, finibus regni sui excessit, & cum haud procul abesset, præmisit indicantes venisse reginam adeundi eius cognoscendiq; auidam. Protinus facta potestate veniendi, ceteris iussis subsistere, ccc. feminarum comitata processit. Atq; ut primum rex in conspectum fuit, equo ipsa desiluit, duas lanceas, dextra præferens. Vestis non toto Amazonum corpore obducitur, nam læua pars ad pectus est nuda, cetera inde velantur; nec tamen sinus vestis, quem nodo colligunt, infra genua descendit. Altera papilla intacta seruatur, qua muliebris sexus liberos al-

N 2

lant;

lant. aduritur dextra, vt arcus facilius inten-
dant, & tela vibrent, interrito vultu regem Tha-

THALESTRIS AMAZON.



lestris inuebatur, habitum eius haudquaquam
rerum famæ parem oculis perlustrans :quippe
•omnibus barbaris in corporum maiestate ve-
neratio

neratio est, magnorumq; operum non alios capaces putant, quam quos eximia specie donare natura dignata est. Ceterum interrogata num aliquid petere vellet, haud dubitauit fateri, ad communicandos cum rege liberos se venisse, dignam ex qua ipse regni generaret hæredes. Fæminei sexus retenturam, marem reddituram patri. Alexander, an cum ipso militare vellet, interrogat: & illa causata sine custode regnum reliquisse, petere perseuerabat, ne se irritam spei abire pateretur. Acrior ad Venerem feminae cupido quam regis, ut paucos dies subsisteret, perpulit, tredecim dies in obsequium desiderij eius absumti sunt. Tum illa regnum suum, rex Parthienem, petiuerunt.

CAPVT XI.

ARGVMENTVM.

Alexander mutat leges patrias, totûsque à se abit in vitia.

Hic verò palàm cupiditates suas soluit, continentiamq; & moderationem in altissima quaque fortuna eminentia bona in superbiam ac lasciuiam vertit. Patrios mores, disciplinamq; Macedonum regum salubriter temperatam, & ciuile habitum velut leuiora magnitudine sua ducens, Persicæ regis par deorû potestatis fastigiû æmulabatur. Iacere humi venerabundos ipsum, paulatimq; seruilibus ministris tot victores gentium imbuere, & captiuis pares facere expetebat. Itaque purpureum diadema distinctum albo, quale Darius habuerat, capiti circumdedit, vestemque Persicam

sumsit, ne omen quidem veritus, quod à victoris insignibus in deuicti transfret habitum. & ille se quidem spolia Persarum gestare dicebat, sed cum illis quoque mores induerat: superbiamque habitus animi insolentia sequebatur. Litteras quoque quas in Europam mitteret, veteris anuli gēma obsignabat: ijs quas in Asiam scriberet, Darij anulus imprimebatur, vt apparet, vnum animum duorum non capere fortunam. Amicos verò & equites, his vnaq; principes militū aspernantes quidem, sed recusare non ausos, Persicis onerauerat vestibus. Pellices ccc. & Lx. totidem quot Darij fuerant, regiam implebant, quas spadonum greges, & ipsi muliebria pati assueti, sequebantur. Hæc luxu & peregrinis infecta moribus veteres Philippi milites, rudis natio ad voluptates palam auersabatur; totisq; castris vnus omnium sensus ac sermo erat, plus amissū victoria, quàm bello esse quæsitum. Tum cum maximè vinci ipsos, dedi q; alienis moribus & externis quos tantæ moræ precium domos quasi in captiuo habitu reuersuros; pudere iam sui regem, victis quàm victoribus similiore, ex Macedoniæ imperatore Darij Satrapen factum. Ille nō ignarus & principes amicorum & exercitum grauitè offendi, gratiam liberalitate donisq; recuperare tentabat. Sed opinor liberis precii seruitutis ingratum est. Igitur ne in seditione res verteretur, otium interpellandum erat bello, cuius materia opportunè alebatur.

CAPVT XII.

ARGVMENTVM.

In Bessum mouet castra, Satibarzanem in fidem accipit, eundem mox deficientem persequitur. Rupem expugnat, Artacacnam occupat, ciuibus ignoscit.

Namque Bessus veste regia sumpta Artaxerxen appellari se iusserat, Scythasque & ceteros Tanais accolae contrahebat. Hæc Satibarzanes nunciabat, quem receptum in fidem, regioni quam antea obtinuerat, præfecit. Et cum grauis spolijs apparatuque luxuriæ agmen vix moueretur, suas primùm, deinde totius exercitus sarcinas, exceptis admodum necessarijs, conferri iussit in medium. Planicies spaciola erat, in quam vehicula onusta perduxerant. Expectantibus cunctis quid deinde esset imperaturus, iumenta iussit abduci, suisque primum sarcinis face subdita, ceteras incendi præcepit. Flagrabant exurentibus dominis; quæ ut intacta ex urbibus hostium raperent, sæpè flammæ restinxerant, nullo sanguinis pretium audente deslere, cum regias opes idem ignis exureret. Breuis deinde oratio mitigauit dolorem, habilesque militiæ & ad omnia parati latabantur sarcinarum potius quam disciplinæ fecisse iacturam. Igitur Bactrianam regionem petebant. sed Nicanor Parmenionis filius subita morte correptus, magno desiderio sui affecerat cunctos. Rex ante omnes moestus cupiebat quidem subsistere funeri affuturus,

sed penuria commeatuum festinare cogebat. Itaq; Philotas cum duobus millibus & Dc. relictus, vt iusta fratri persolueret; ipse contendit ad Bessum. Iter facienti litteræ afferuntur à finitimis Satraparum, è quibus cognoscit, Bessum quidem hostili animo occurrere cum exercitu: ceterum Satibarzanem, quem Satrapen Ariorum ipse præfecisset, defecisse ab eo. Itaq; quamquam Besso imminebat, tamen ad Satibarzanem opprimendum præuerti optimū ratus, leuem armaturam, & equestres copias educit; totaque nocte strenuè itinere facto, improuisus hosti superuenit. Cuius cognito aduentu Satibarzanes cum 11. millibus equitum (nec plures subito contrahi poterant) Bastra perfugit; ceteri proximos montes occupauerunt. Prærupta rupes erat, quæ spectat Occidentem. Eadem quæ vergit ad Orientem, leniore submissa fastigio, multis arboribus obsita, perennem habet fontem, ex quo largæ aquæ manant. Circuitus eius duo & triginta stadia comprehendit. In vertice herbidus campus. In hoc multitudinem imbellium considerare iubent: ipsi quæ rupes federat, arborum truncos & saxa obmolitur: tredecim millia armata erant. in quorum obsidionem Cratero relicto, ipse Satibarzanem sequi festinat. Et quia longius abesse eum cognouerat, ad expugnandos eos qui edita montium occupauerant, redit. Ac primo repurgari iubet quidquid ingredi possent: deinde vt occurrebāt inuixæ cotes, præruptaq; rupes, irritus labor videbatur obstante natura. Ille vt erat animi semper obluantibus difficultatibus, cum & progredi arduum, & reuer-

& reuerti periculosum esset, versabat se ad omnes cogitationes, aliud atque aliud ita ut solet, ubi prima quæq; damnamus, subiciente animo. hæsianti, quod ratio non potuit, fortuna consilium subministravit. Vehemens Fauonius erat, & multam materiam ceciderat miles, aditum per saxa molitus. Hæc vapore torrida iam inaruerat. Ergo aggerari alias arbores iubet, & igni dare alimenta: celeriterq; stipitibus cumulatis fastigium montis æquatū est. Tunc undique ignis iniectus cuncta comprehendit: flammam in ora hostium ventus ferebat: fumus ingens velut quadam nube absconderat cælum. Sonabant incendio siluæ, atq; ea quoq; quæ non incenderat miles, concepto igne proxima quæque adueiebant. Barbari suppliciorum ultimum, si quæ intermoreretur ignis, effugere tentabant: sed quæ flamma dederat locum, hostis obstabat. Varia igitur clade consumti sunt. Alij in medios ignes, alij in petras præcipitauere, quidam manibus hostium se obtulerunt, pauci semiuulati venere in potestatem. Hinc ad Craterum, qui Artacacnam obsidebat, redit. Ille omnibus præparatis regis expectabat aduentum, captæ urbis titulo (sicut par erat) cedens. Igitur Alexander turres admo-ueri iubet: ipsoque adspectu territi barbari, è muris supinas manus tendentes, orare cœperunt, ut iram in Satibarzanem defectionis auctorem reseruaret, supplicibus semet dedentibus parceret. Rex data venia, non obsidionem modo soluit, sed omnia sua incolis reddidit.

CAPVT XIII.

ARGVMENTVM.

*Supplementum accipit. Drangas adit, quorum
prator Barzaëtes fugit.*

AB hac vrbe digressio supplementum nouorum militum occurrit. Zoilus D. equites ex Græcia adduxerat, tria millia ex Illyrico Antipater miserat. Thessali equites centum & triginta cum Philippo erant. Ex Lydia duo millia & Dc. peregrinus miles, aduenerat. ccc. equites gentis eiusdem sequebantur. Hac manu adiecta Drangas peruenit. Bellicosa natio est. Satrapes erat Barzaëtes, sceleris in regē suum particeps Bessio. Is suppliciorum, quæ meruerat, metu profugit in Indiam.

CAPVT XIV.

ARGVMENTVM.

*Coniuratio in Alexandrum per Nicomachum &
Ceballinum detegitur. Dymnus se ipsum ferro
induit.*

Iam nonum diem statiuæ erant, cū externa vi nō inuictus modò rex, sed tutus, intestino facinore petebatur. Dymnus modicæ apud regem auctoritatis & gratiæ exoleti, cui Nicomacho erat nomen, amore flagrabat, obsequio vni sibi dediti corporis victus. Is, quod ex vultu quoque perspicui poterat, similis attonito, remotis arbitris cum iuvene secessit in templum, arcana se & silenda asserre præfatus: suspensumque expectatione, per mutuam

charitatē, & pignora vtriusq; animi rogat, vt affirmet iureiurando, quæ commisisset, silentio esse tecturum. Et ille ratus nihil quod etiā cum periurio detegendum foret, indicaturum, per præsentēs deos iurat. Tum Dymnus aperit in tertium diem insidias regi comparatas, seq; eius cōsiliij fortibus viris & illustribus esse participem, quis iuuenis auditis, se verò fidem in parricidium dedisse constanter abnuat, nec vlla religione, vt scelus regat, posse constringi. Dymnus & amore & metu amens, dextrā exoleti cōplexus, & lachrymās, orare primū, vt particeps consilij operisq; fieret. Si id sustinere non posset, attamen ne proderet se, cuius erga ipsum beneuolentiæ præter alia hoc quoq; haberet fortissimum pignus, quòd caput suum permisisset fidei adhuc inexpertæ. Ad vltimum auersari scelus perseuerantem, mortis metu terret. Ab illo capite coniuratos pulcherrimū facinus inchoaturos. Alias deinde effeminatū, & muliebriter timidum, aliàs proditorē amatoris appellans; nunc ingentia promittens, interdumq; regnum quoq;, versabat animum tanto facinore procul abhorrentem. strictum deinde gladium modò illius, modò suo admouens iugulo, supplex idem & infestus expressit. vt tandem non solum silentium, sed etiam operam polliceretur. namq; abundè constantis animi, & dignus qui pudicus esset, nihil ex pristina voluntate mutauerat: sed captum Dymni amore simulabat nihil recusare. Sciscitari inde pergit cum quibus tantæ rei societatem inisset. Plurimum referre, quales viri tam memorabili operi admoturi manus essent. Ille &
amore

amore & scelere maleficus, simul gratias agit, simul gratulatur, quòd fortissimus iuuenum nò dubitasset se adiungere, Demetrio corporis custodi, Peucolao, Nicanori. Adijcit his Apheberum, Loceum, Diogonum, Archepolim, Amyntam. Ab hoc sermone dimissus. Nicomachus, ad fratrem (Ceballino erat nomen) quæ acceperat, defert. Placet ipsum subsistere in tabernaculo, ne si regiam intrasset, non assuetus adire regē, cōiurati proditos se esse resciscerent. Iple Ceballinus ante vestibulū regię (neque enim propius aditus ei patebat) consistit, operiens aliquem ex prima cohorte amicorū, vt introduceretur ad regem. Fortē cæteris dimissis, vnus Philotas Parmenionis filius, incertum quam ob causam, substiterat in regia. Huic Ceballinus ore confuso magnæ perturbationis notas præ se ferēs, aperit quæ ex fratre compererat, & sine dilatione nūciare regi iubet. Philotas conlaudato eo protinus intrat ad Alexandrum; multoq; inuicē de alijs rebus sermone consumto, nihil eorum quæ ex Ceballino cognouerat, nunciat. Sub vesp̄eram eum prodeuntem in vestibulo regię excipit iuuenis, an mandatū exsecutus foret, requirens. Ille non vacasse sermoni suo regem causatus discessit. Postero die Ceballinus venienti in regiam præsto est, intrantemque admonet pridie communicatæ cum ipso rei. Ille curæ sibi esse respondet; ac ne tum quidem regi quæ audierat aperit. Ceperat Ceballino esse iussuspectus. Itaq; nò vltra interpellandum ratus, nobili iuueni (Metron erat nomē) super armamentarium posito, quod scelus pararetur indicat. Ille

Ceb

Ceballino in armamētario abscondito, protinus regi corpus fortè curanti, quid index detulisset, ostendit. Rex ad comprehendendum Dymnum missis satellitibus, armamentarium intrat. Ibi Ceballinus gaudio elatus, habeo te, inquit, incolumen ex impiorum manibus ereptum. Percontatus deinde Alexander quæ noscenda erant, ordine cuncta cognoscit. Rursusque institit quærere quotus dies esset, ex quo Nicomachus ad eum detulisset indicium. Atque illo fatente iam tertium esse, existimans haud incorrupta fide tanto post deferre quæ audierat, vinciri eum iussit. Ille clamitare, eodè temporis momento quo audisset, ad Philotam decurrisse, ab eo percontaretur. Rex iterum quærens an Philotā adisset, an institisset ei, ut pertinirent ad se, perseverante eo affirmare quæ dixerat, manus ad cælum tendens, manatibus lachrymis hanc sibi à charissimo quondā amicorum relati gratiam querebatur. Inter hæc Dymnus haud ignarus, quā ob causam accerferetur à rege, gladio, quo fortè erat cinctus, grauius se vulnerat, occursumque satellitū inhibitus perfertur in regiam. Quem intuens rex; *Quod, inquit, in te Dymne tātum cogitavi nefas, ut tibi Macedonum regno dignior Philotas me quoque ipso videretur?* Illum iam defecerat vox. Itaque edito gemitu, vultuque à conspectu regis auerso, subinde collapsus exstinguitur.

CAPVT XV.
ARGVMENTVM.

*Philotas Parmenionis F. primum suspectus de
coniuratione omittitur, Mox amicorum con-
silio comprehenditur.*

REX Philota venire in regiam iusso, Cebal-
linus, inquit, ultimum supplicium meritus
si in caput meum preparatas infidias biduo
textit, huius criminis Philotam reum substituit,
ad quem protinus indicium detulisse se affirmat:
quo propiore gradu amicitia me contingis, hoc
maius est dissimulationis tuae facinus: & ego
Ceballino magis quàm Philotæ id conuenire
fateor. Fauentem habes iudicem, si quod ad-
mitti non oportuit, saltem negari potest. Ad
hæc Philotas haud sanè trepidus, si animus
vultu æstimaretur, Ceballinum quidem scorti
sermonem ad se detulisse, sed ipsum tam leui
auctori nil credidisse respōdit; veritū, ne iur-
gium inter amatorem & exoletum non sine
risu aliorum detulisset. Cū Dymnus semet
interemerit, qualiacumq; erant, non fuisse re-
ticenda, complexusque regem orare cōepit,
ut præteritam vitam potius quàm culpā, silen-
tij tamen, non facti vilius, intueretur. Haud
facile dixerim, ceciderit ne ei rex, an altius
iram suppresserit: dextram reconciliatę gratię
pignus obtulit, & contemnam magis quàm
celatum indicium esse videri sibi dixit. Aduo-
cato tamen consilio amicorum, cui tum Phi-
lotas adhibitus non est: Nicomachum introdu-

ci iubet. Is eadem quæ detulerat ad regem, ordine exposuit. Erat Craterus regi charus in paucis, & eò Philotæ ob æmulationem dignitatis aduersus. Neque ignorabat sæpè Alexandri auribus nimia iactatione virtutis atq; operæ grauem fuisse, & ob ea non quidē sceleris, sed contumaciæ tamen esse suspectum. Non aliam premendi inimici occasionem aptiorem futuram ratus, odio suo pieratis præferens speciem: *Vtinam*, inquit, *in principio quoq; huius rei nobiscum deliberasses: suasissemus, si Philotæ velles ignoscere, paterere potius ignorare eum quantum deberet tibi, quam vsque ad mortis metum adductum sæpius de periculo suo, quàm de tuo cogitare beneficio.* Ille enim semper insidiari tibi poterit, tu non semper Philotæ poteris ignoscere. Nec est quod existimes eū qui tantum facinus ausus est, venia posse mutari. Scit eos qui misericordiam consumserunt, amplius sperare non posse. At ego, etiam si ipse vel pœnitentia vel beneficio tuo victus quiescere volet, patrem eius Parmenionem tanti ducem exercitus, & inueterata apud milites tuos auctoritate, haud multum infra magnitudinis tuæ fastigium positum, scio non a quo animo salutem filij sui debituram tibi. Quædam beneficia odimus. Meruisse mortem confiteri pudet. Superest, vt malit videri iniuriam accepisse, quàm vitam. Proinde scio tibi cum illis de salute esse pugnandum. Satis hostium superest, ad quos persequendos ituri sumus.

*Latus à domesticis hostibus muni. Hos si submō-
ues, nihil metuo ab externo.* Hæc Craterus. Nec
ceteri dubitabant, quin cōiurationis indicium
suppressurus non fuisset, nisi auctor aut parti-
ceps. Quam enim piam & bonæ mentis, non
amicum modò, sed ex vltima plebe, auditis
quæ ad eum delata erant, non protinus ad re-
gem fuisse cursurum? Nec Ceballini quidem
exemplo, qui ex fratre comperta ipsi nuncias-
set. Parmenionis filium præfectum equitatus,
omnium arcanorum regis arbitrum, simulasse
etiam non vacasse sermoni suo regem, ne in-
dex alium internuncium quæreretur. Nicoma-
chum religione quoque deum adstrictum, cō-
scientiam suam exonerare properasse: Philo-
tam consumto per ludum iocumque penè to-
tò die, grauatum esse pauca verba pertinentia
ad caput regis tam longo & forsitan superua-
cuo inferere sermoni. Etenim non credidisse
talia deferentibus pueris; cur igitur extraxis-
set biduum, tanquam indicio haberet fidem?
Dimittendum fuisse Ceballinum; si delatio-
nem eius damnabat. In suo quemque periculo
magnum animum habere: cum de salute regis
timeretur, credulos esse debere, vana quoque
deferentes admittere. Omnes igitur quæstio-
nem de eo, vt participes sceleris indicare co-
geretur, habendam esse decernunt. Rex admo-
nitos vt consilium silentio premerent, dimit-
tit. Pronunciare deinde iter in posterum ru-
bet, ne qua noui initi consilij daretur nota.
Inuitatus est etiam Philotas ad vltimas ipse-
pulas: & rex non cœnare modò, sed etiam fa-
miliariter conloqui cum eo quem damnaue-
rat,

rat, sustinuit. Secunda deinde vigilia luminibus extinctis, cum paucis in regiam coeūt Hephæstion, & Craterus, & Coenus; & Erigyus. Hi ex amicis. Ex argimeris autem Perdiccas & Leonatus. Per hos impetratum, ut qui ad prætoriū excubabāt, armati vigilarēt. Iam ad omnes aditus dispositi equites, itinera quoque obsidere iussi, ne quis ad Parmenionē, qui tum Mediæ magnisq; copijs præerat, occultus eaderet. Attarras aut cum trecētis armatis intraverat regiam. huic decem satellites traduntur: quorum singulos deni armigeri sequebantur. hi ad alios coniuratos comprehendendos distributi sunt. Attarras cum trecentis ad Philotam missus, clausum aditum domus moliebatur, L. iuvenum promptissimis stipatus. Nam ceteros cingere vndiq; domum iusserat, ne occulto aditu Philotas posset elabi. Illum siue securitate animi, siue fatigatione resolutum somnus oppresserat: quem Attarras torpentem adhuc occupat. Tandem ei sopore discusso cum iniicerentur catenæ; *Vicit, inquit, bonitatē tuam rex inimicorum meorum acerbitas*, nec plura locutum; capite velato in regiam adducūt.

CAPUT XVI.

ARGUMENTVM.

Rex Philotam apud milites coniurationis accusat.

POSTERO die rex edixit, omnes armati coirent. 6 millia ferè militum venerant: præterea turba lixarum calonumque impleuerant

O

re-

regiam. Philotam armigeri agmine suo tegebant, ne antè conspici posset à vulgo quàm rex allocutus milites esset. De capitalibus rebus vetusto Macedonum modo inquirebat exercitus : in pace erat vulgi. nihil potestas regum valebat, nisi prius valuisset auctoritas. Igitur Dymni primùm cadaver inferitur : plerisque quid patrasset, quove casu extinctus esset, ignaris. Rex deinde in concionem procedit, vultu præferens dolorem animi. Amicorum quoque moestitia expectationem hand parvam rei fecerat. Diu rex demisso in terram vultu, attonito stupentique similis stetit. Tandè recepto animo, *Pene, inquit, milites, hominum scelere vobis ereptus sum. Deum providetia & misericordia vivo: conspectusque vestri venerabilis coëgit, ut vehementius parricidus irascerer, quoniam spiritus, imò vnus vnica mea fructus est, tot fortissimus viris & de me optimè meritis referre adhuc gratiam posse.* Interrumpitque orationem militum gemitus, obortæque sunt omnibus lachrymæ. Tum rex, *Quanto, inquit, maiorem in animis vestris motum excitabo, cum tanti sceleris auctores ostendero, quorum mentionem adhuc reformido, & tanquam salui possint, nominibus abstineo? Sed vincenda est memoria pristinae charitatis, & coniuratio impiorum ciuium detegenda. Quomodo autem tantum nefas si eam? Parmenio illa aetate, tot meo, tot parentis mei meritis deuinctus, omnium nobis amicorum vetustissimus, ducem se sceleri tanto præbuit. Minister eius Philotas Peucolaum, & Deme-*
trium,

trium, & hunc Dymnum, cuius corpus aspiciatis,
 ceterosq; eiusdem amentia in caput meū subor-
 nauit. Fremitus vndiq; indignantiū querenti-
 umq; tota concione obstrepebat, qualis solet
 esse multitudinis, & maximè militaris, vbi aut
 studio agitur, aut ira. Nicomachus deinde, &
 Metrō, & Ceballinus producti, quæ quisq; de-
 tulerat exponū: nullius eorū indicio Philotas
 particeps destinabatur. Itaque indignatione
 pressa, vox indicū silētio excepta est. Tum rex.
*Qualis, inquit, ergo animi vobis videtur, qui hu-
 ius rei delatum indicium id ipsum suppressit?
 quod non fuisse vanum Dymni exitus declarat.
 Incertam rem deferens, tormenta non timuit
 Ceballinus, Metrō ne momentū quidem temporis
 distulit exonerare se, vt eo, vbi lauabat, irrum-
 peret. Philotas solus nihil timuit, nihil credidit.
 O magni animi virū, iste regis si periculo cōmoue-
 retur, vultū non mutaret? indicem tantæ rei sol-
 licitus non audiret? Subest nimirum silētio faci-
 nus, & audax spes regni præcipitem animum ad
 vltimum nefas impulit. Pater Media præest. Ip-
 se apud multos copiarum duces meis præpotens
 viribus maiora quàm capit spirat. Orbitas quæ-
 que mea, quòd sine liberis sum, spernitur. Sed
 errat Philotas. In vobis liberos, parentes, consan-
 guineos habeo. Vobis saluus orbis esse nō possum.
 Epistolam deinde Parmenionis interceptam,
 quam ad filios Nicanorem & Philotam scri-
 pserat, recitat, haud sanè indicium gra-*

uioris consilij præferentem. Namque summa eius hæcerat: Primùm vestri curam agite, deinde vestrorum, sic enim quæ destinauimus, efficiemus. Adiecitq; rex, sic esse scriptam, ut siue ad filios peruenisset, à conscijs posset intelligi: siue intercepta esset, falleret ignaros. Etenim Dymnus cum ceteros participes sceleris indicaret, Philotam non nominauit. Hoc quidem illius non innocentia, sed potentia indicium est, quod sic ab ijs timetur etiam, à quibus prodipote, ut cum de se fateantur, illum tamen celent. Ceterum Philotam ipsius indicat vita. Hic Amynta, qui mihi consobrinus fuit, & in Macedonia capiti meo impias comparauit insidias, socium se & conscium adiunxit. Hic Attalo, quo grauiorem inimicum non habui, sororem suam in matrimonium dedit. Hic, cum scripsssem ei pro iure tam familiaris vsus atq; amicitiae, qualis fors edita esset Iouis Hammonis oraculo; sustinuit rescribere mihi, se quidem gratulari quod in numerum deorum receptus essem: ceterum misereri eorum, quibus viuendum esset sub eo, qui modum hominis excederet. Hæc sunt etiam pridem animi alienati à me, & inuidenti gloriæ meæ indicia: quæ equidem milites, quamdiu licuit, in animo meo preßi. Videbar enim mihi partem viscerum meorum abrumperè, si in quos tam magna contuleram, viliores mihi facerem. Sed iam non verba puniendæ sunt, lingua temeritas peruenit ad gladios.

Hos

Hos (si mihi creditus) Philotas in me acuit. si ipsum dimisero, quod me conferam milites? cui caput meum credam? Equitavi optima exercitus parti, principibus nobilissima iuuentutis vnum praefeci: salutem, spem, victoriam meam fides eius tuteleque commisi: patrem in idem fastigium, in quo me ipsi posuisti, admovi. Mediam, qua nulla opulentior regio est, tot civium sociorumque millia imperio eius ditionique subieci. Unde praesidium petieram, periculum existit. Quam feliciter in acie occidissem potius hostis praeda, quam civium victima. Nunc servatus ex periculis, qua sola timui, in hac incidi, qua timere non debui. soletis identidem à me milites petere, quod suadetis, ut faciam. Ad vestras manus, ad vestra arma confugio, inuitis vobis saluus esse nolo; volentibus non possum, nisi vindicor. Tum Philotam religatis post tergum manibus, obsoleto amiculo velatum iussit induci.

CAPVT XVII.

ARGVMENTVM.

Miles aspectu Philotæ vincti ad commiserationem motus, ab Amynta, & Ceno ad indignationem inflammatur.

Facile apparebat motos esse tam miserabili habitu, non sine invidia paulo antè conspecti. Ducem equitatu pridie viderant, sciebant regis interfuisse conuiuio. Repentè non reum modo, sed etiam damnatum, vinctum intuebantur. Subibat animos Parmenionis

quoq; tanti ducis, tam clari ciuis fortuna; qui modò duobus filijs Hectore & Nicanore orbat, cum eo quem reliquum calamitas fecerat, absens diceret causam. Itaque Amyntas regis prætor inclinantem ad misericordiam cōcionem, rursus aspera in Philotam oratione commouit. *Proditos eos esse Barbaris; neminem ad coniugem suam, neminem in patriā, & ad parentes fuisse rediturū: velut truncum corpus, de mto capite, sine spiritu, sine nomine, in aliena terra ludibrium hostis futuros.* Haudquaquam pro re ipsius Amyntæ oratio grata regi fuit, quod cōiugum, quod patriæ admonitos, pigriores ad cetera munia exsequenda fecisset. Tunc Cœnus quamquam Philotæ sororem matrimonio secum coniunxerat, tamen acrius quàm quisquam in Philotam inuectus est. parricidam esse regis, patriæ, exercitus, clauitans: saxumque, quod fortè ante pedes iacebat, arripuit, emissurus in eum, vt pleriq; credidere, tormētis subtrahere cupiens: sed rex manum eius inhibuit, dicēdæ prius causæ debere fieri potestātē reo, nec aliter iudicari passurum se affirmans.

CAPVT XVIII.

ARGVMENTVM.

Philotas primum exanimatus, mox recepto animo causam suam, absente rege defendit, & omnia egis argumenta diluit.

TV M dicere iussus Philotas, siue conscientia, seu periculi magnitudine amens & attonitus, nō attollere oculos, non hiscere audebat.

bat. Lachrymis deinde manantibus, linquente animo, in eum à quo tenebatur, incubuit; absterfisq; amiculo eius oculis, paulatim recipiens spiritum ac vocem, dicturus videbatur. Iamque rex intuens eum: *Macedones*, inquit, *de te iudicaturi sunt, quæro an patrio sermone sis apud eos vsurus?* Tum *Philotas*: *Præter Macedones*, inquit, *pleriq; adsunt, quos facilius, quæ dicam, percepturos arbitror, si eadem lingua fuero vsus quæ tu egisti, non ob aliud credo, quàm ut oratio tua intelligi possët à pluribus.* Tū rex; *Ecquid videris odio etiam sermonis patrij Philotam teneri?* Solus quippe fastidit eo dicere. *Sed dicat sanè utcumque cordi est, dum memineritis æquè illum à nostro more atque sermone abhorрere.* Atque ita concione excessit. Tum *Philotas*; *Verba*, inquit, *innocenti reperire facile est, modum verborū misero tenere difficile.* itaq; *inter optimam conscientiam & iniquissimam fortunam destitutus, ignoro quo modo & animo meo & tempori paream.* Abest quidem optimus causa mea iudex, qui cur me ipse audire noluerit, non me Hercule excogito, cum illi utiq; cognita causa tam damnare me liceat, quàm absolvere; nō cognita verò liberari ab absente nō possū, qui à presente dānatus sum. Sed quanquā viri et hominis nō inuisa solū, sed etiam superuacua defensio est, quæ iudicē nō docere videtur, sed arguere: tamē ut cunq; licet dicere, memet ipse non deserā, nec committā ut dānatus etiā mea sententiā videar. Equidem cuius criminis reus sim, non

video. Inter coniuratos nemo nominat. De me Nicomachus nihil dixit. Ceballinus plus quam audierat, scire non potuit. Atqui coniurationis caput me fuisse, credit rex. Potuit ergo Dymnus eum praterire, quem sequebatur? praesertim cum quarenti socios, vel falsò fuerim nominandus, quo facilius qui tentabatur, posset impelli. non enim detecto facitore nomen meum praterit, ut posset videri socio pepercisse. Sed Nicomacho, quē taciturū arcana de semetipso credebat, confessus, alijs nominati me vnum subtraherebat. Quaso commilitones, si Ceballinus me non adisset. nihil me de coniuratis scire voluisset, nū hodie dicerem causam nullo me nominante? Dymnus sanè & vinat adhuc, & velit mihi parcere: quid cateri, qui de se confitebuntur, me videlicet subtrahent? Maligna est calamitas, & ferè noxius, cum suo supplicio cruciatur, acquiescit alieno. Tot conscy ne in equuleo quidem positi verum fatebuntur? Atqui nemo parcat morituro, nec cuiquam moriturus, ut opinor. Ad verum crimen, & ad vnum prauertendum mihi est. Cur rem delatam ad te, tacuisti? cur tam securus audisti? Hoc, qualecunque est, confesso mihi, vbicunq; es Alexander, remisisti: dextram tuam amplexus reconciliati pignus animi, conuiuium quoq; intersui. Si credidisti mihi, absolutus sum: si pepercisti, dimissus. Vel iudicium tuum serua. quid hac proxima nocte, qua digressus sum à mensa tua, feci? quod nouum facinus delatum ad te, mutauit animum tuum? graui sopore
acqui-

acquiescebam, cum me malis indormientem me-
is, viniendo excitauerunt Undè & parricida &
proditio tam alti quies somni? Scelerati, consci-
entia obstrepente, condormire non possunt; agitant
eos furia, non consummatio modo, sed cogitato
parricidio. At mihi securitatem primum inno-
centia mea, deinde tua dextra attulerat. Non ti-
mui ne plus alienæ crudelitati apud te liceret,
quàm clementiæ tuæ. Sed ne te mihi credidisse pœ-
niteat, res ad me deferebatur à puero, qui non te-
stem, nō pignus indicij exhibere poterat, impletu-
rus oēs metu si cœpisset audiri. Amatoris & scor-
ti iurgio interponi aures meas credidi infelix,
& fidem eius suspectam habui, quod non ipse de-
ferret, sed fratrem potius subornaret. Timui ne
negaret mandasse se Ceballino, & ego viderer
multis amicorum regis fuisse periculi causa. Sic
quoq; cum laeserim neminem, iuveni qui mallet
perire me, quàm incolumem esse. Quid inimici-
tiarum creditis excepturum fuisse, si insontes la-
cessissem? Etenim Dymnus se occidit. Num igi-
tur facturum eum hoc diuinare potui? Ita quod
solum indicio fidem fecit, id me cum à Ceballino
interpellatus sum, mouere non potuit. At hercule
si conscius Dymno tanti sceleris fuisset, bi duo illo
proditos esse nos, dissimulare non debuim. Ceballi-
nus ipse tolli de medio nullo negotio potuit. deniq;
post delatū indicij, quod opperiturus eram? Cebal-
liculum regis solum intraui, ferro quidem cinctus.
Cur distuli facinus? An sine Dymno non sum au-
sus? Ille igitur princeps coniurationis fuit. Sub

illius umbræ Philotas latebam, qui regnum Macedonum affecto. Et quis è vobis corruptus est donis? quem ducem, quem præfectum impensius colui? Mihi quidem obicitur, quod societatem patrij sermonis asperner, quod Macedonum mores fastidiam. Sic ego imperio, quod dedignor, imminuo? Iam pridem natiuus illi sermo commercio aliarum gentium exoleuit: tam victoribus, quam victis peregrina lingua discenda est. Non me hercule ista me magis ledunt, quam quod Amyntas Perdicca filius insidiatus est regi; cum quo quod amicitia fuerit mihi, non recusato defedere, si fratrem regis non oportuit diligi à nobis. Sin autem in illo fortuna gradu positum etiam venerari necesse erat, iterum quaeso, quod non diuinaui, reus sum? An impiorum amicis in fontibus quoque moriendum est? Quod si æquum est, cur tam diu uiuam? si iniustum, cur nunc demum occidor? At enim scripsi, misereri me eorum quibus viuendum esset sub eo qui se Iouis filium crederet. Fides amicitia, veri consilij periculosa libertas, vos me decipistis: vos, quæ sentiebam, ne reticerem impulistis. Scripsisse me hoc fateor regi, non de rege scripsisse, non enim faciebam inuidiam, sed pro eo timebam. Dignior mihi Alexander videbatur, qui Iouis stirpem tacitus agnosceret, quam qui predicatione iactaret. Sed quoniam oraculi fides certa est, sit deus causæ meæ testis. Retinete me in vinculis, dum consulitur Hammon in arcanum & occultum scelus. Interim qui regem nostrum dignatus est filium, neminem eorum qui stirpi suæ insidiati sunt, late-

re patietur. Si certiora oraculis creditis esset or-
mēta, ne hanc quidē exhibenda veritatis fidē de-
precor. Solent rei capitis exhibere vobis parentes.
Deos fraïres ego nuper amisi: patrem nec possum
ostendere, nec invocare audeo, cum & ipse tanti
criminis reus sit. Parum est tot modo liberorum
parentem, in vñico filio acquiescentem, eo quoq;
orbati, ni ipse in regum meum imponitur. Ergo
charissime pater, & propter me morieris, & me-
cum? Ego tibi vitam adimo, ego senectutem tu-
am extinguo. Quid enim me procreabas infeli-
cem aucterantibus dñs? an ut hos ex me fructus
perciperes, qui te manent? Nescio adolescentia
mea miserior sit, an senectus tua. Ego in ipso ro-
bore etatis eripior; tibi carnifex spiritū adimet,
quem si fortuna expectare voluisset, natura repo-
scebat. admonuit me patris mei mentio, quā
timidē & cunctanter, quā Ceballinus detule-
rat ad me, indicare debuerim. Parmenio enim
cū audisset venenum à Philippo medico regi
parari, deterrere voluit eum epistola scripta,
quo minus medicamentum biberet, quod medi-
cus dare constituerat. Num creditum est pa-
tri meo? Num vllam auctoritatem eius littera
habuerunt? Ego ipse quotiens quā audieram de-
tuli, & cum ludibrio crudelitatis repulsus sum?
Si & cum iudicamus, inuiſi, & cum tacemus, su-
specti sumus, quid facere nos oportet? Cumque
vnus ē circumstantium turba exclamasset. Be-
ne meritis non infidiari: Philotas, recte, inquit,
quisquis es, dicis. itaq; si infidiatus sum pater-
nam

regiam. Philotam armigeri agmine suo tegebant, ne antè conspici posset à vulgo quàm rex allocutus milites esset. De capitalibus rebus vetusto Macedonum modo inquirebat exercitus : in pace erat vulgi. nihil potestas regum valebat, nisi prius valuisset auctoritas. Igitur Dymni primùm cadaver infertur : plerisque quid patrasset, quoque casu extinctus esset, ignaris. Rex deinde in concionem procedit, vultu præferens dolorem animi. Amicorum quoque moestitia expectationem haud parvam rei fecerat. Diu rex demisso in terram vultu, attonito stupentique similis stetit. Tandè recepto animo, *Pene, inquit, milites, hominum scelere vobis ereptus sum. Deum providetia & misericordia viuo: conspectusque vestri venerabilis coëgit, ut vehementius patridis irascerer, quoniam spiritus, imò vnus vnica mea fructus est, tot fortissimus viris & de me optimè meritu referre adhuc gratiam posse.* Interrupitque orationem militum gemitus, obortæque sunt omnibus lachrymæ. Tum rex, *Quanto, inquit, maiorem in animis vestris motum excitabo, cum tanti sceleris auctores ostendero, quorum mentionem adhuc reformido, & tanquam salui possint, nominibus abstineo? Sed vincenda est memoria pristinae charitatis, & coniunctio impiorum ciuium deregenda. Quomodo autem tam vnum nefas si eam? Parmenio illa etate, tot meo, tot parentis mei meritis deuinctus, omnium nobis amicorum vetustissimus, ducem se scelere tanto præbuit. Minister eius Philotas Peucolaum, & Deme-*

trium,

trium, & hunc Dymnum, cuius corpus aspiciatis, ceterosq; eiusdem amentia in caput meū subornauit. Fremitus vndiq; indignantiū querentiumque tota concione obstrepebat, qualis solet esse multitudinis, & maximè militaris, vbi aut studio agitur, aut ira. Nicomachus deinde, & Metro, & Ceballinus producti, quæ quisq; detulerat exponūt: nullius eorū indicio Philotas particeps destinabatur. Itaque indignatione pressa, vox indicū silētio excepta est. Tum rex. *Qualis, inquit, ergo animi vobis videtur, qui huius rei delatum indicium id ipsum suppressit? quod non fuisse vanum Dymni exitus declarat. Incertam rem deferens, tormenta non timuit Ceballinus, Metro ne momentū quidem temporū distulit exonerare se, vt eo, vbi lauabat, irrumperet. Philotas solus nihil timuit, nihil credidit. O magni animi virū, iste regis si periculo cōmoueretur, vultū non mutaret? indicem tantæ rei sollicitus non audiret? Subest nimirum silētio facinus, & auida spes regni præcipitem animum ad vltimum nefas impulit. Pater Media præest. Ipse apud multos copiarum duces meis præpotens viribus maiora quàm capit spirat. Orbis quæque mea, quòd sine liberis sum, spernitur. Sed errat Philotas. In vobis liberos, parentes, consanguineos habeo. Vobis saluis orbis esse nō possum.* Epistolam deinde Parmenionis interceptam, quam ad filios Nicanorem & Philotam scripserat, recitat, haud fanè indicium gra-

uioris consilij præferentem. Namque summa eius hæcerat: Primùm vestri curam agite, deinde vestrorum. sic enim quæ destinauimus, efficiemus. Adiecitq; rex, sic esse scriptam, ut siue ad filios peruenisset, à conscijs posset intelligi: siue intercepta esset, falleret ignaros. Etenim Dymnus cùm ceteros participes sceleris indicaret, Philotam non nominauit. Hoc quidem illius non innocentia, sed potentia indicium est, quod sic ab ijs timeretur etiam, à quibus prodi potest, ut cùm de se fateantur, illum tamen celent. Ceterum Philotam ipsius indicat vita. Hic Amynta, qui mihi consobrinus fuit, & in Macedonia capiti meo impias comparauit insidias, socium se & conscium adiunxit. Hic Attalo, quo grauiorem inimicum non habui, sororem suam in matrimonium dedit. Hic, cùm scripisssem ei pro iure tam familiaris vsus atq; amicitia, qualis fors edita esset Iouis Hammonis oraculo; sustinuit rescribere mihi, se quidem gratulari quod in numerum deorum receptus essem: ceterum misereri eorum, quibus viuendum esset sub eo, qui modum hominis excederet. Hæc sunt etiam pridem animi alienati à me, & inuidenti gloriæ meæ indicia: quæ equidem milites, quamdiu licuit, in animo meo preßi. Videbar enim mihi partem viscerum meorum abrumperè, si in quos tam magna contuleram, viliores mihi facerem. Sed iam non verba puniendæ sunt, lingua temeritas peruenit ad gladios.

Hos

Hos (si mihi creditu) Philotas in me acuit. si ipsum dimisero, quod me conferam milites? cui caput meum credam? Equitavi optima exercitus parti, principibus nobilissima iuuentutis unum praefeci: salutem, spem, victoriam meam fidei eius tutelaeque commisi: patrem in idem fastigium, in quo me ipsi posuisti, admoui. Mediam, qua nulla opulentior regio est, tot civium sociorumque millia imperio eius ditionique subieci. Unde praesidium petieram, periculum existit. Quam feliciter in acie occidissem potius hostis prada, quam civium victima. Nunc servatus ex periculis, qua sola timui, in hac incidi, qua timere non debui. soletis identidem à me milites petere, quod suadetis, ut faciam. Ad vestras manus, ad vestra arma confugio, inuitis vobis saluus esse nolo; volentibus non possum, nisi vindicor. Tum Philotam religatis post tergum manibus, obsoleto amiculo velatum iussit induci.

CAPUT XVII.

ARGUMENTVM.

Miles aspectu Philotæ vincti ad commiserationem motus, ab Amynta, & Ceno ad indignationem inflammatur.

FAcilè apparebat motos esse tam miserabili habitu, non sine invidia paulo antè conspecti. Ducem equitatu pridie viderant, sciebant regis interfuisse conuiuio. Repentè non reum modo, sed etiam damnatum, vinctum intuebantur. Subibat animos Parmenionis

quoq; tanti ducis, tam clari ciuis fortuna; qui modò duobus filijs Hectore & Nicanore orbat, cum eo quem reliquum calamitas fecerat, absens diceret causam. Itaque Amyntas regis prator inclinantem ad misericordiam cōcionem, rursus aspera in Philotam oratione commouit. *Proditos eos esse Barbaris; neminem ad coniugem suam, neminem in patriā, & ad parentes fuisse rediturū: velut truncum corpus, deincto capite, sine spiritu, sine nomine, in aliena terra ludibrium hostis futuros.* Haudquaquam pro re ipsius Amyntæ oratio grata regi fuit, quod cōiugum, quòd patriæ admonitos, pigriores ad cetera munia exsequenda fecisset. Tunc Cœnus quamquam Philotæ sororem matrimonio secum coniunxerat, tamen acrius quàm quisquam in Philotam inuectus est. parricidam esse regis, patriæ, exercitus, clauitans: saxumque, quod fortè ante pedes iacebat, arripuit, emissurus in eum, vt pleriq; credidere, tormētis subtrahere cupiens: sed rex manum eius inhibuit, dicēdæ prius causæ debere fieri potestatem reo, nec aliter iudicari passurum se affirmans.

CAPVT XVIII.

ARGVMENTVM.

Philotas primum exanimatus, mox recepto animo causam suam, absente rege defendit, & omnia egis argumenta diluit.

TVM dicere iussus Philotas, siue conscientia, seu periculi magnitudine amens & attonitus, nō attollere oculos, non hīscere audebat.

bat. Lachrymis deinde manantibus, linquente animo, in eum à quo tenebatur, incubuit; absterfisq; amiculo eius oculis, paullatim recipiens spiritum ac vocem, dicturus videbatur. Iamque rex intuens eum: *Macedones*, inquit, *de te iudicaturi sunt, quæra an patrio sermone sis apud eos vsurus?* Tum *Philotas*: *Præter Macedones*, inquit, *pleriq; adsunt, quos facilius, quæ dicam, percepturos arbitror, si eadem lingua fuero vsus quæ tu egisti, non ob aliud credo, quàm ut oratio tua intelligi posset à pluribus.* Tū rex; *Ecquid videtis odio etiam sermonis patrî Philotam teneri?* Solus quippe fastidit eo dicere. *Sed dicat sanè utcumque cordi est, dum memineritis æquè illum à nostro more atque sermone abhorрere.* Arque ita concione excessit. Tum *Philotas*; *Verba*, inquit, *innocenti reperire facile est, modum verborum misero tenere difficile.* Itaq; inter optimam conscientiam & iniquissimam fortunam destitutus, ignoro quo modo & animo meo & tempori paream. Abest quidem optimus causa mea iudex, qui cur me ipse audire noluerit, non me Hercule excogito, cum illi utiq; cognita causa tam damnare me liceat, quàm absoluerè; nō cognita verò liberari ab absente nō possū, qui à presente dānatus sum. Sed quanquā viri et hominis nō inuisa solū, sed etiam superuacua defensio est, quæ iudicē nō docere videtur, sed arguere: tamē ut unq; licet dicere, memet ipse non deserā, nec committā ut dānatus etiā mea sententia videar. Equidem cuius criminis reus sim, non

video. Inter coniuratos nemo nominat. De me Nicomachus nihil dixit. Ceballinus plus quam audierat, scire non potuit. Atqui coniurationis caput me fuisse, credit rex. Potuit ergo Dymnus eum praterire, quem sequebatur? praesertim cum quarenti socios, vel falsò fuerim nominandus, quo facilius qui tentabatur, posset impelli. non enim detecto facinore nomen meum praterijt, ut posset videri socio pepercisse. Sed Nicomacho, quē taciturū arcana de semetipso credebat, confessus, alijs nominatū me vnum subtraherebat. Quaso commilitones, si Ceballinus me non adisset. nihil me de coniuratu scire voluisset, nū hodie dicerem causam nullo me nominante? Dymnus sanē & viuat adhuc, & velit mihi parcere: quid ceteri, qui de se confitebuntur, me videlicet subtrahent? Maligna est calamitas, & ferē noxius, cum suo supplicio cruciatur, acquiescit alieno. Tot conscj ne in equuleo quidem positi verum fatebuntur? Atqui nemo parcat morituro, nec cuiquam moriturus, ut opinor. Ad verum crimen, & ad vnum praeuertendum mihi est. Cur rem delatam ad te, tacuisti? cur tam securus audisti? Hoc, qualecunque est, confesso mihi, vbicunq; es Alexander, remisisti: dextram tuam amplexus reconciliati pignus animi, conuiuium quoq; interfui. Si credidisti mihi, absolutus sum: si pepercisti, dimissus. Vel iudicium tuum serua. quid hac proxima nocte, qua digressus sum à mensa tua, feci? quod nouum facinus delatum ad te, mutauit animum tuum? graui sopore acqui-

acqui-

acquiescebam, cum me malis indormientem meis, viniendo excitauerunt. Unde & parricida & proditor tam alti quies somni? Scelerati, conscientia obstrepente, condormire non possunt; agitant eos furia, non consummatio modo, sed cogitato parricidio. At mihi securitatem primum innocentia mea, deinde tua dextra attulerat. Non timui ne plus aliena crudelitati apud te liceret, quam clementia tua. Sed ne te mihi credidisse poeniteat, res ad me deferebatur à puero, qui non restem, non pignus indicij exhibere poterat, impleturus oēs metu si cepisset audiri. Amatoris & scortii iurgio interponi aures meas credidi infelix, & fidem eius suspectam habui, quod non ipse deferret, sed fratrem potius subornaret. Timui ne negaret mandasse se Ceballino, & ego viderer multis amicorum regis fuisse periculi causa. Sic quoque cum laeserim neminem, iuveni qui mallet perire me, quam incolumem esse. Quid inimicitarum creditis exceptarum fuisse, si insontes lacessissem? Etenim Dymnus se occidit. Num igitur facturum eum hoc diuinare potui? Ita quod solum indicio fidem fecit, id me cum à Ceballino interpellatus sum, mouere non potuit. At hercule si conscius Dymno tanti sceleris fuisset, bi duo illo proditores esse nos, dissimulare non debui. Ceballinus ipse tolli de medio nullo negotio potuit. denique post delatum indicium, quod opperiturus eram? cubiculum regis solum intraui, ferro quidem cinctus. Cur distuli facinus? An sine Dymno non sum ausus? Ille igitur princeps coniurationis fuit. Sub

re patietur. Si certiora oraculis creditis esset tormēta, ne hanc quidē exhibende veritatis fidē deprecor, solent rei capitis exhibere vobis parentes. Deos fratres ego nuper amisi: patrem nec possum ostendere, nec invocare audeo, cum & ipse tanti criminis reus sit. Parum est tot modo liberorum parentem, in vnico filio acquiescentem, eo quoq; orbari, ni ipse in regum meum imponitur. Ergo charissime pater, & propter me morieris, & mecum? Ego tibi vitam adimo, ego senectutem tuam extinguo. Quid enim me procreabas infelicem auer santibus dīs? an vt hos ex me fructus perciperes, qui te manent? Nescio adolescentia mea miserior sit, an senectus tua. Ego in ipso robore etatis eripior; tibi carnifex spiritū adimet, quem si fortuna expectare voluisset, natura reposscebat. admonuit me patris mei mentio, quam timidē & cunctanter, quā Ceballinus detulerat ad me, indicare debuerim. Parmenio enim cum audisset venenum à Philippo medico regi parari, deterrere voluit eum epistola scripta, quo minus medicamentum biberet, quod medicus dare constituerat. Num creditum est patri meo? Num vllam auctoritatem eius litere habuerim? Ego ipse quotiens quā audieram detuli, & cum ludibrio crudelitatis repulsus sum? Si & cum iudicanus, inuisi, & cum tacemus, suspecti sumus, quid facere nos oportet? Cumque vnus ē circumstantium turba exclamasset. Bene meritis non insidiari: Philotas, recte, inquit, quisquis es, dicis. itaq; si insidiatus sum pœnam

nam non deprecor; & finem facio dicendi, quoniam vltima verba grauius sunt auribus. Abducitur deinde ab ijs qui custodiebant eum.

CAPVT XIX.

ARGVMENTVM.

Oratio Belonis in Philotam, qua vitæ eius & flagitia exponendo, concionem aduersus eum accendit.

ERAT inter duces manu strenuus Belonⁿ quidam, paucis artium, & ciuilis habitus rudis, vetus miles, ab humili ordine ad eum gradum in quo tunc erat, promotus; qui tacentibus ceteris, stolidi audacia ferox, admonere eos cœpit, quotiens suis quisq; diuersorij quæ occupassent, proturbatus esset, vt purgamenta seruorum Philotæ reciperentur eo, vnde commilitones expulisset: auro argentoq; vehicula eius onusta totis vicis stetisse: at ne in vicinia quidem diuersorij quemquam commilitonum receptum esse; sed per dispositos quos ad somnum habebat, omnes procul relegatos, ne femina illa murmurantium inter se, silentio verius quàm sono excitaretur. Ludibrio ei fuisse se: rusticos homines, Phrygasq; & Paphlagonas appellatos, qui non erubesceret Macedo natus, homines linguæ suæ per interpretem audire. Nam cur Hammonem consuli vellet? eundem Iouis arguisse mendacium, Alexandrum filium agnoscentis; scilicet veritum ne inuidiosum esset quod dii offerrent. Cùm insidiaretur capiti regis & amici, non conuulsisse eum Iouem: nunc ad oraculum

mit.

mittere, dū pater eius sollicitetur qui præsint in Media: & pecunia, cuius custodia commissa sit, perditos homines ad societatem sceleris impellat. Ipsos missuros ad oraculum, non qui Iouem interrogent; quod ex rege cognouerint: sed qui gratias agant, qui vota pro incolumitate regis optimi persoluant. Tum verò vniuersa concio accensa est, & à corporis custodibus maximè initium factum, clamantibus discernendum esse patricidam manibus ipsorum. Id quidem Philotas, qui grauiora supplicia metueret, haud sanè iniquo animo audiebat.

CAPVT XX.

ARGVMENTVM.

Philotas torquetur, scelus fatetur, cum coniuratis occiditur.

REX in concionem reuersus, siue vt in custodia quoque torqueretur, siue vt diligentius cuncta cognosceret, consilium in posterum diem distulit: & quamquam in vesperam inclinabat dies, tamen amicos conuocari iubet: & ceteris quidem placebat, Macedonum more obrui saxis; Hephæstion autem & Craterus & Coenus tormentis veritatem exprimendam esse dixerunt; & illi quoque qui aliud suaserant, in horum sententiam transeunt. Concilio ergo dimisso, Hephæstion cum Cratero & Cœno ad quæstionem de Philota habendam consurgunt. Rex Cratero accersito, & sermone habito, cuius summa nō edita est, in intimam diuersorij partem secessit, & remotis arbitris, in multam noctem quæstionis expectauit euentum. torto-

res in conspectu Philotæ omnia crudelitatis tormenta proponunt. Et ille vltro; Quid cessatis, inquit, regis inimicum interfectorem cōfitemem occidere? quid quæstione opus est? Cogitavi, volui. Craterus exigere, vt quæ confiteretur, in tormentis quoq; diceret. Tum corripitur, & dum obligantur oculi, dum vestis exuitur, deos patrios, gentium iura nequicquā apud surdas aures inuocabat. Per vltimos deinde cruciatus, vtpotē & damnatus, & inimicis in gratiam regis torquentibus, laceratur. Ac primo quanquam hinc ignis, illinc verbera iam non ad quæstionem, sed ad pœnam ingerebantur; non vocem modò, sed etiam gemitus habuit in pōtestate. Sed postquam intumescens corpūs vlceribus, flagellorum ictus nudis ossibus incussos fere non pōterat: si tormentis adhibitori modum essent, dicturum se, quæ scire expeterent, pollicetur. Sed finem quæstioni fore; iurare eos per Alexandri salutem volebat, remoueriq; tortōres. Et vtroq; impetrato, Cratero inquit; dic quid me velis dicere. Illo indignāte ludificari; rursusq; reuocāte tortōres, tempus petere cœpit, dum reciperet spiritum; cuncta quæ sciret, indicaturus. Interim equites, nobilissimus quisque, & ij maxime qui Parmenionem propinqua cognatione contingebant, postquam Philotam torquerisama vulgauerat, legem Macedonum veriti, qua cautum erat, vt propinqui eorum qui regi insidiati essent, cum ipsis necarentur: alij se interficiunt, alij in deuios montes vastasque solitudines fugiunt, ingenti per tota castra terrore diffuso: donec rex tumultu cognito, legem

se

se supplicij coniunctis fontium remittere edixit. Philotas verone an mendacio liberare se cruciatu volnerit, anceps coniectura est: quoniam & vera confessis, & falsa dicentibus, idem doloris finis ostēditur. Ceterū, Pater, inquit, meus Hegelochus quā familiariter vsus sit, nō ignoratis. Illum dico Hegelochum, qui in acie cecidit. Ille omnium malorum nobis fuit causa. Nam cum primū Iouis filium se saluari iussit rex, id indignē ferens ille: Hunc igitur regem agnoscimus, inquit, qui Philipum dedignatur patrem? Actum est de nobis, si ista perpeti possumus. Non homines solum, sed etiam deos despiciet, qui postulat deus credi. Amisimus regem, incidimus in superbiam, nec dijs quibus se exæquat, nec hominibus quibus se eximit, tolerabilem. Nostro ne sanguine deum fecimus, qui nos fastidiat? qui grauetur mortaliū adire concilium? Credite mihi, & nos, si viri sumus, à dijs adoptabimur. Quis proavum huius Alexandrum, quis deinde Archelaum, quis Perdiccam occisos ultus est? Hic quidem interfectores patris ignovit. Hæc Hegelochus dixit super coenam, & postero die prima luce à patre arcessor. Tristis erat, & me in oestum videbat. Audieramus enim quæ sollicitudinem incuterent. Itaque ut experiremur vtrum ne vino grauatius effudisset illa, an altiore concepta consilio, accersimus eum placuit; venit, eodemque sermone ultro repetito, adiecit, se, siue auderemus duces esse, proximas à nobis partes vindicaturum: siue deesset animus, consilium silentio esse recturum. Parmenioni, viuo adhuc Dario, intēpestiva res videba-

debatur, non enim sibi, sed hosti esse occisuros Alexandrum: Dario verò sublato, premium regis occisi Asiam & totum Orientem interfectioribus esse cessura: approbatoq; consilio, in hæc fides & data est, & accepta. Quod ad Dymnum pertinet, nihil scio: & hæc confessus, intelligo non prodesse mihi quod proximi sceleris expers sum. Illi rursus tormentis admotis, cum ipsis quoque hastis os oculosque eius euerberarent, expressere, ut hoc quoq; crimen confiteretur. Exigentibus deinde ut ordinem cogitati sceleris exponeret; cum diu Bactra retentura regem viderentur, timuisse respondit, ne pater Lxx. natus annos, tanti exercitus dux, tantæ pecuniæ custos, interim extingueretur, ipsiq; spoliato tantis viribus, occidendi regis causa non esset. Festinasse ergo se, dum premium in manibus haberet. Repræsentasse consilium; cuius patrem fuisse auctorem si crederent, tormenta quanquam iam tolerare non posset, tamen non recusare. Illi colloqui satis quaesitum videri, ad regem reuertuntur: qui postero die, & quæ confessus erat Philotas, recitari: & ipsum, qui ingredi non poterat, iussit afferri. Omnia agnoscante eo, Demetrius qui proximi sceleris particeps esse arguebatur, producit, multa affirmatione, animiq; pariter constantia & vultu abnuens quidquam sibi in regem cogitatum esse. Tormenta etiam deposcebat in semetipsum. Cum Philotas circumlatis oculis, ut inciderat in Calin quendam haud procul stantem, propius eum iussit accedere. Illo perturbato, & recusante transire ad eum, Patieris, inquit, Demetrium mentiri, rursusq;

me

me excruciarî? Calin vox sanguisque defece-
rant, & Macedones Philotam inquinare inno-
xios velle suspicabantur: quia nec à Nicoma-
cho, nec ab ipso Philota, cum torqueretur, no-
minatus esset adolescens: qui ut præfectos re-
gis circumstantes se vidit, Demetrium & se-
metipsum id facinus cogitasse confessus est:
Omnes ergo à Nicomachio nominati more pa-
trio, dato signo saxis obruti sunt: Magno non
salutis, sed etiam vitæ periculo liberatus erat
Alexander. quippe Parmenio & Philotas prin-
cipes amicorum, nisi palam fontes, sine indig-
natione totius exercitus non potuissent dam-
nari. Itaque anceps quæstio fuit. Dum in-
ficiatus est facinus, crudeliter tor-
queri videbatur: post confes-
sionem ne amicorum qui-
dem misericordiam
meruit.

P

Q. CVR.

Q. CURTII RVFI
HISTORIARVM
MAGNI ALEXAN-
DRI MACEDONIS
LIBER SEPTIMVS.

SYNOPSIS HVIVS LIBRI.

L Incestem Alexander maiestatis damnat, Amyntam & Symam ac Polemonem fratres suspectos absoluit, Parmenionem per Polydamāta occidit, alios atque alios populos bello domat. Caucasum superat. Bessum tyrannum dolo caputū Oxatri necandū tradit: Brancidarum urbem funditus euertit. Ad Tanaim, ut putatur, accedit, Alexandriam ibi condit, Scythias bellum facere cogitat. Menedemus cum suis copiis caditur, Scytharum legatus perorat apud Alexandrum, qui traiecto flumine Scythas vincit, victis parcat, Saga deduntur. Sogdiani iuvenes ducti, triumphant, supplicio liberantur. Bessus mactatur. Petra expugnatur, Arimazes in crucem agitur.

CAPVT I.

ARGVMENTVM.

Sero desiderant quem occiderant. Fiunt alij rei,
Partim damnantur, partim absoluntur.

PHILO-

PHILOTAM sicut recentibus sceleris eius vestigijs iure affectum supplicio censuerant milites, ita postquam desierat esse quem odissent, inuidia in misericordiam vertit. Mouerat & claritas iuuenis; & patris eius senectus atq; orbitas. Primus Asiam aperuerat regi, omnium periculorū eius particeps: sēper alterū in acie cornu defēderat, Philippo quoq; ante omnes amicus, & ipsi Alexandro tā fidus, vt occidendi Attalum non alio ministro vti mallet. Horum cogitatio subibat exercitum, seditio sęque voces referebantur ad regem: quis ille haud sanē motus, satisq; prudens otij vitia negotio discuti, edicit vt omnes in vestibulo regiaē pręstō sint: quos vbi frequentes adesse cognouit, in cōcionem processit. Haud dubiē ex composito, Apharias postulare cōepit, vt Lyncestes Alexāder, qui multo antē quā Philotas regem voluisset occidere, exhiberetur. A duobus indicibus (sicut suprà diximus) delatus, tertium iam annum custodiebatur in vinculis. Eundem in Philippi quoque cādem coniurasse cum Pausania, pro comperto fuit: sed quia primus Alexandrum regem salutauerat, supplicio magis quā crimini fuerat exemptus. Tum quoq; Antipatri soceri eius preces iustam regis irā morabantur. Ceterūm recrudit soporatus dolor; quippe veteris periculi memoriam, pręsentis cura renouabat. Igitur Alexander ex custodia educitur; iussusq; dicere, quamquam toto triennio meditatus erat defensionē, tamen hęsitans & trepidus, pauca ex ijs quę composuerat, protulit: ad vltimum non me-

moria solum, sed etiam mens eum destituit. Nulli erat dubium, quin trepidatio conscientiae indicium esset, non memoriae vitium. Itaque ex ijs qui proximè astiterant, obluçantem adhuc obliuioni lanceis confoderunt: cuius corpore ablato, rex introduci iussit Amyntam & Symam, nam Polemon minimus ex fratribus, cum Philotam torqueri comperisset, profugerat. Omnium Philotae amicorum hi charissimi fuerant, ad magna & honorata ministeria illius maximè suffragatione producti: memineratq; rex summo studio ab eo conciliatos sibi. Nec dubitabat huius quoque ultimi consilij fuisse participes. Igitur olim sibi esse suspectos matris suae litteris, quibus esset admonitus, ut ab his salutem suam tueretur, ceterum se intuitu deteriora credentem, nunc manifestis indicijs victum iussisse vinciri. Nam pridie quam detegeretur Philotae scelus, quin in secreto cum eo fuissent, non posse dubitari: Fratrem verò, qui profugerit cum de Philota quaereretur, aperuisse fugam causam. Nuper praeter consuetudinem, officij specie, amotis longius ceteris admouisse semetipsos lateri suo nulla probabili causa; seque mirantem, quod vice non sua tali fungerentur officio, & ipsa trepidatione eorum perterritum, strenue ad armigeros, qui proximè sequebatur, recessisse. Ad hoc accedere, quod cum Antiphanes scriba equitum, Amyntae denunciasset pridie quam Philotae scelus deprehensum esset, ut ex suis equis more solito daret ijs qui amisissent suos, superbe respondisse, nisi incepto desisteret, breui sciturum quis ipse esset. Iam linguae violentiam temeritatemq; verborum, quae in senetipsum

sum

sum iacularentur, nihil aliud esse, quàm scelerasti animi indicem ac testem: quæ si vera essent, idem meruisse eos, quod Philotam: si falsa, exigere ipsum ut refellant. Productus deinde Antiphanes de equis non traditis, & adiectis etiã superbè minis indicat: ac tum Amyntas facta dicendi potestate, Si nihil, inquit, interest regis, peto, ut dum dico, vinculis liberer. Rex solui utrumq; iubet; desiderantiq; Amyntæ, ut habitus quoq; redderetur, armigero lanceam dare ei iussit: quam ut leua comprehendit, euitato eo loco in quo Alexandri corpus paullo antè iacuerat; *Qualiscunque, inquit, exitus nos manet rex, confitemur prosperum tibi debituros, tristiores fortunæ imputaturos. Sine præiudicio dicimus causam, liberis corporibus animisq; habitum etiam, in quo te comitari solemus, reddidisti. Causam non possumus, fortunã timere desinemus. Et queso, permittas mihi ad primum defendere, quod à te ultimũ obiectum est. Nos, rex, sermonis aduersus maiestatem tuam habiti nullius conscy sumus nobis. Dicerem iam pridem vississe te inuidiam, nisi periculum esset, ne alia malignius dicta, crederet blanda oratione purgari. Ceterum etiamsi militis tui vel in agmine deficientis & fatigati, vel in acie periclitantis, vel in tabernaculo egri, & vulnera curantis, aliqua vox asperior esset excepta, merueramus fortibus factis, ut mallet ea tempori nostro imputare, quàm animo. Cùm quid accidit tristius, omnes rei sunt: corporibus nostris, quæ utiq; non odimus, infestas admouemus manus: parentes liberis oc-*

currant, & ingrati & inuisi sunt. Contra cum donis honoramur, cum premijs onusti reuertimur, qui ferre nos potest? qui illam ammorum alacritatem continere? Militantium nec indignatio nec letitia moderata est. Ad omnes affectus impetu rapimur. Vituperamus, laudamus, misereamur, irascimur, utcumque praesens mouit affectio. Modo Indiam adire & Oceanum libet, modò coniugum & liberorum patriaq; memoria accurrit. Sed has cogitationes, has inter se colloquentium vices, signum tuba datum finit. In suos quisq; ordines currimus, & quidquid irarum in tabernaculo conceptum est, in hostium effunditur capita. Vtinã Philotas quoq; intra verba peccasset. Proinde ut ad id prauertar, propter quod rei sumus. Amicitiam qua nobis cum Philoia fuit, adeo nō inficior, ut expetisse quoq; nos, magno scq; ex ea fructus percepisse confitear. An verò Parmenionis, quem tibi proximum esse voluisti, filiū, omnes penē amicos tuos dignatione vincentem, cultum à nobis esse mirarū? Tu hercule (si verum audire vis) rex, huius nobis periculi causa es. quis enim alius effecit, ut ad Philotam decurrerent qui placere vellent tibi? Ab illo traditi, ad hunc gradū amicitiae tua ascendimus, Is apud te fuit, cuius & gratiam expetere, & iram timere possemus. an non pridem in tua verba tui omnes te praecunte iurauimus, eosdem nos inimicos amicosque habituros esse, quos tu haberes? hoc sacramento pietatis obstricti auersaremur scilicet quē

in omni-

ex omnib. praeferebas. Igitur si hoc crimē est, paucos innocētes habes, immō hercule neminē. Omnes. n. Philotas amici esse voluerūt: sed totidē quot volebant, esse non poterāt. Ita si à consuevis amicis nō diuidis, nec ab amicis quidē separabis illos qui idē esse voluerūt. Quod igitur cōscientia affertur indicium? opinor, quia pridie familiariter & sine arbitris locutus est nobiscum. At ego purgare non posse, si pridie quidquam ex veteri vita ac more mutasse. Nunc verò si ut omnibus diebus, ille quoq, qui suspectus est, fecimus, cōsuetudo diluet crimē. Sed equos Antiphani nō dedimus: & pridie quā Philotas detectus est, hac mihi cū Antiphane res erat. qui si nos suspectos facere vult, quod illo die equos non dederim, semetipsum, quod eos desiderauerit, purgare non poterit. Anteeps enim crimen est inter retinentem & exigentem, nisi quodd melior est causa suum non tradentis, quā poscentis alienum. Ceterum, rex, equos decem habui, & quos Antiphanes octo iam distribuerat ijs, qui amiserant suos. Omnino duos ipse habebam; quos cum vellet abducere homo superbissimus, certe iniquissimus, nisi pedes militare vellem, retinere cogebar. Nec inficias eo, liberi hominis animo locutum esse me cum ignauissimo, & hoc vnum militie suae usurpante, ut alienos equos pugnaturis distribuat. Huc enim malorum ventum est, ut verba mea eodem tempore & Alexandro excussem, & Antiphani. At hercule mater de nobis inimicis tibi scripsit. Utinam prudentius esset sollicita profilio, & non inanes quoque species anxio animo figuraret. Quare enim non

ascribit metus sui causam? Denique non offendit auctorem quo facto dictioe nostro mota, tam prepidas tibi litteras scripsit. O miseram conditionem, cui forsitan non periculosius est tacere quàm dicere. Sed utcumque cessura res est, malotibi defensionem meam displicere, quàm causam. Agnosces autem quæ dicturus sum: quippe meministi, cum me ad perducendos ex Macedonia milites mitteres, dixisse te, multos integros iuvenes in domo tuae matris abscondi. Præcepisti igitur mihi, ne quem præter te intuerer, sed detrectantes militiam perducerem ad te. Quod equidem feci, & liberius quàm expediebat mihi exsecutus sum imperium tuum. Gorgiam & Hecataum & Gorgatam, quorum bona opera vteris, inde perduxi. Quid igitur iniquius est, quàm me, qui si tibi non paruisssem, iure daturus fui pœnas, nunc perire quia parui? Neque enim ullæ alia matri tue persequendi nos causa est, quàm quòd utilitatem tuam muliebri præposuimus gratiæ. Sex millia Macedonum peditum, & DC. equites adduxi: quorum pars secutura me non erat, si militiam detrectantibus indulgere voluisssem. Sequitur ergo, ut quia illa propter hanc causam irascitur nobis; tu mitiges matrem, qui ira eius nos obtulisti. Dum hæc Amyntas agit, fortè superuenerunt qui fratrem eius Polemonem, de quo antè est dictum, fugientem consecuti, vinctum reducebant. Infesta concio vix inhiberi potuit, quin pro tinus suo more saxa in eum iaceret. Atque ille sanè

fanè interritus; Nihil, inquit, pro me deprecor, modò ne fratrum innocentia fuga imputetur mea. Hac si defendi non potest, meum crimen sit. Horum ob id ipsum melior effcaussa, quòd ego, qui profugi, susceptus sum. hæc elocuto vniuersa concio assensu est. Lachrymæ denique omnibus manare cœperunt, adeò in contrarium repente mutatis, ut solum pro eo esset, quod maximè læserat. Iuuenis erat primo ætatis flore pubescens, quem inter equites tormentis Philotæ conturbatos alienus terror abstulerat. Desertum eum à comitibus, & hesitantē inter reuertēdi fugiendiq; consiliū, qui secuti erant, occupauerunt. Is tum flere cœpit, & os suum conuerberare; mœstus non ob suam vicem, sed propter ipsum periclitantium fratrum: moueratq; iam regem quoq; non concionem modò, sed vnus erat implacabilis frater, qui terribili vultu intuens eum; Tum, ait, demens lachrymare debueras, cum equo calcaria subderes, fratrum desertor, & desertorum comes. Miser, quòd, & yndè fugiebas? Effecisti ut reus capitis accusatoris yterer verbis. Ille peccasse se, sed grauius in fratres, quam in semetipsum, fatebatur. Tū verò neq; lachrymis, neq; acclamationibus, quibus studia sua multitudo profiretur, temperauerūt. Vna vox erat pari emissâ consensu, ut in fontibus & fortib. viris parceret. Amici quoq; data misericordiæ occasione consurgunt, flentesq; regē deprecantur: ille silentio facto, Et ipse, inquit, Amyntam mea sentētia fratresq; eius absoluo. Vos autē iuuenes malo beneficij mei obliuisci, quàm periculi ve-

stri meminisse. Eadem fide redite in gratiã mecum, quia ipse vobiscum reuertor. Nisi qua delata essent, excussissem. valde dissimulatio mea suspecta haberi potuisset. satius est purgatos esse, quàm suspectos. Cogitate, neminẽ absolui posse, nisi qui dixerit causam. Tu Amynta ignosce fratri tuo, erit hoc simpliciter etiam mihi reconciliati animi tui pignus.

CAPVT II.

ARGVMENTVM.

Polydamas mittitur ad occidendum Parmenionem, tumultus à cade compositus, Parmenionis studiosi separantur.

Concione deinde dimissa, Polydamanta vocari iubet. Longè acceptissimus Parmenioni erat, proximus lateri in acie stare solitus. Et quanquam conscientia fretus in regiam venerat; tamen vt iussus est fratres suos exhibere, admodum iuuenes, & regi ignotos ob ætatem; fiducia in sollicitudinem versa, trepidare cœpit, sapius quẽ nocere possent, quàm quibus fideret, reputans. Iam armigeri quibus imperatum erat, produxerant eos, cum ex sanguine metu Polydamanta propius accedere iubet: submotisq; omnibus, Scelere, inquit, Pamenionis omnes pariter appetiti sumus, maximẽ ego ac tu, quos amicitia specie fefellit: ad quem persequendum puniendumq; (vide quantum fidei tuæ credam) te ministro vt i statui. Obsides, dum hoc peragis, erunt fratres tui. Proficiscere in Mediam, & ad præfectos meos litteras scri-

scriptas manu mea perfer. Velocitate opus est, qua celeritatem famæ antecedas. Noctu peruenire illuc te volo: postero die, quæ scripta erunt, exsequi. Ad Parmenionem quoque epistolas feres, vnam à me, alteram Philotæ nomine scriptam. Signum anuli eius in mea potestate est. Si pater crederet à filio impressum, cum te viderit, nihil metuet. Polydamas tanto liberatus metu, impensius etiam quam exigebatur, promittit operam: collaudatusque, & promissis oneratus, deposita veste quam habebat, Arabica induitur. Duo Arabes, quorum interim coniuges ac liberi vinculum fidei obsides apud regem erant, dati comites. Per deserta etiam ob siccitatem loca, camelis xi die, quo destinuerat, peruenit. Et prius quam ipsius nunciaretur aduentus, rursus vestem Macedonicam sumit, & in tabernaculum Cleandri (prætor hic regius erat) quarta vigilia peruenit. Redditis deinde litteris, constituerunt prima luce ad Parmenionem coire. Namque ceteri quoque quibus litteras regis attulerat, ad eum venturi erant. Iam Parmenioni Polydamanta venisse nuntiatus erat, qui dum lætatur aduentum amici, simulque noscendi quæ rex ageret, audius (quippe longo intervallo nullam ab eo epistolam acceperat) Polydamanta requiri iubet. Diuersoria regionis illius magnos recessus habent, amœnosque nemoribus manu consitis. Ea præcipuè regum satraparumque voluptas erat. Spatiabatur in nemore Parmenion medius interduces, quibus erat imperatum litteris regis, ut occiderent. Agendæ autem rei constituerant tempus, cum Parmenion à Polydamante litteras

tra-

traditas legere cepisset. Polydamas procul veniens, ut à Parmenione cōspectus est, vultu lætitiæ speciē præferente, ad complectendū eum cucurrit: mutuaq; gratulatione functi, Polydamas epistolam à rege scriptam ei tradidit: Parmenion vinculum epistolæ soluens, quidnam rex ageret, requirebat. Ille ex ipsis litteris cogniturū esse respōdit. Quibus Parmenion lectis, rex, inquit, expeditionem parat in Arachosios. Strenuum hominem, & nunquam cessantem. Sed tempus salutis suæ tanta iam parta gloriā parcere. Alteram deinde epistolam Philotæ nomine scriptam lætus, quod ex vultu notari poterat, legebat. Tum eius latus gladio haurit Cleander, deinde iugulum ferit, ceteri exanimem quoque confodiunt. Et armigeri qui ad aditum nemoris adstiterāt, cognita cæde, cuius causa ignorabatur, in castra perveniunt, & tumultuoso nuncio milites concitant. Illi armati ad nemus, in quo perpetrata cædes erat, coeunt, & ni Polydamas, ceteriq; eiusdē noxiæ participes dedantur, murum circumdatum nemori eversuros denunciant, omniumq; sanguine duci parentaturos. Cleander primores eorū intromitti iubet, litterasq; regis scriptas ad milites recitat, quib. insidię Parmenionis in regem, precesq; ut ipsum vindicarent, continebantur. Igitur cognita regis voluntate, non quidem indignatio, sed tamen seditio, cōpressa est. Dilapsis plurib. pauci remanserunt, qui saltem ut corpus ipsius sepelire permitterent, precabantur. Diu id negatum est Cleādri metu, ne offenderet regem. Pertinaciū deinde pergentibus, materiem cōsternationis sub-

subtrahendam ratus, capite deciso truncum humare permisit. Ad regem caput missum est. Hic exitus Parmenionis fuit, militiæ domique clari viri. Multa sine rege prosperè, rex sine illo nihil magnæ rei gesserat. Felicissimo regi, & omnia ad fortunæ suæ exigèti modum satisfecit. Lxx. natus annos, iuuenis, ducis, & sæpe etiam gregarij militis munia explicuit: acer consilio, manu strenuus, charus principibus, vulgo militum acceptior. Hæc impulerint illum ad regni cupiditatem, an tantum suspectū fecerint, ambigi potest: quia Philotas vltimis cruciatibus victus, verane dixerit, quæ facto probari non poterant, an falsis; tormentorum petierit finem, re quoq; recēti, cum magis posset liquere, dubitatum est. Alexander quos liberè mortem Parmenionis conquestos esse cōpererat, separandos à cetero exercitu ratus, in vnam cohortem secrevit, ducemq; his Leonidam dedit, & ipsum Parmenioni quondam intima familiaritate coniunctum. Fere iidem erant, quos alioqui rex habuerat inuisos. Nam cum experiri vellet militū animos, admonuit qui litteras in Macedoniam ad suos scripsisset, ijs, quos ipse mittebat, perlaturis cū fide, traderet. simpliciter ad necessarios suos quisque scripserat, quæ sentiebat. Alijs grauis erat, plerisque non ingrata militia. Ita & agentium gratias & querentiū litteræ exceptæ sunt. (Et qui fortè tædium laboris per litteras erāt questi,) hanc seorsum cohortem à ceteris tēdere ignominæ causa iubet, fortitudine vsurus in bello, libertatem linguæ ab auribus credulis remoturus. & consilium temerarium forsitan (quip-

pe fortissimi iuuenes contumeliâ irritati erât) sicut omnia alia, felicitas regis excepit. Nihil illis ad bella promptius fuit. Incitabat virtutē & ignominie demendę cupido, & quia fortia facta in paucis latere non poterant.

CAPVT III.

ARGVMENTVM.

Euergetas laudat Curtius : Rex Satibarzanem proditorem persequitur. Euergetis pecuniam donat. Arachosios subigit. Parmenionis exercitum recipit.

HIS ita compositis Alexander Arianorum atrap: constituto iter pronuciari iubet in Arianos, quos iam tunc mutato nomine Euergetas appellabant, ex quo frigore victusq; penuria Cyri exercitum affectum, tectis & com meatibus iuuerant. Quintus dies erat ut in regionem peruenerat : cognoscit Satibarzanem, qui ad Bessum defecerat, cum equitum manu irrupisse rursus in Arios. Itaq; Caranū, & Erigyum cum Artabazo & Andronico & vi. millibus Græcorū peditum, Dc. equites sequebantur. Ipse Lx. diebus gentem Euergetarum ordinauit, magna pecunia ob egregiam in Cyrum fidē donatam. Relicto deinde qui ijs præesset Amenide (scriba is Darij fuerat) Arachosios, quorum regio ad ponticum mare pertinet, subegit. Ibi exercitum qui sub Pamenione fuerat, occupauit. Sed millia Macedonum erāt, & cc. nobiles, & quinq; millia Græcorum cum equitibus Dc. haud dubiē robur omnium virium regis. Arachosijs datus Memnon prætor,

qua-

quatuor millibus peditum, & DC. equitibus in præsidium relictis.

CAPUT IV.

ARGUMENTVM.

Paropamisadas barbarissimos describit, quos exercitus adiens panè frigore & inopia perijt.

IPsè rex nationem ne finitimis quidè satis notam, quippe nullo cōmercio colentē mutuos vsus, cū exercitu intrauit. Paropamisadæ appellatur, agreste hominū genus, & inter Barbaros maximè inconditum. locorum asperitas hominum quoque ingenia durauerat. Gelidissimum Septentrionis axem ex magna parte spectant. Bactrianis ab Occidente coniuncti sunt. Meridiana regio ad mare Indicum vergit. Tuguria latere primò struunt. Et quia sterilis est terra materiâ, in nudo etiam montis dorso vsque ad summum ædificiorum fastigium eodem latereculo vtuntur. Ceterùm structura latior ab imo, paulatim incremento in artius cogitur: ad vltimum in carinæ maximè modum coit. Ibi foramine relicto supernè lumen accipiunt. Ad medium vites & arbores, si quæ in tantò terræ rigore durare potuerunt, obruunt. Penitus hieme defossæ latent. Cùm hiems discussa aperire humum cœpit, cœlo soliq; redduntur. Ceterùm adeò altæ niues præmunt terram gelu, & perpetuo penè rigore constrictæ. vt ne animum quidem, feræue vllius vestigium existat. Obscura cæli verius vmbra quàm lux nocti similis premit terrâ, vix vt quæ prope sunt, conspici possint. In hac tamen omnis humani cultus solitudine destitutus exercitus, quid-

quidquid malorum tolerari potest, pertulit; inopiam, frigus, lassitudinem, desperationem. Multos exanimavit rigor insolitus nimis, multorum adussit pedes, plurimorum oculis præcipuè perniciosus fuit: fatigati quippe in ipso gelu deficientia corpora sternebant, quæ cum moveri desissent, vis frigoris ita adstringebat, ut rursus ad surgendum conniti non possent. A commilitonibus torpentes excitabantur. Neque aliud remedium erat, quam ut ingredi cogerentur. Tum demum vitali calore moto, membris aliquis redibat vigor. Si qui tuguriorum Barbarorum adire potuerunt, celeriter refectioni sunt. Sed tanta caligo erat, ut ædificia nulla alia res quam fumus ostenderet. Illi nunquam antè in terris suis aduenâ viso, cum armatos repente conspicerent, exanimati metu, quidquid in tugurijs erat, afferebāt, ut corporibus ipsorum parceretur, orantes. Rex agmen circuibat pedes, iacentes quosdam erigens, & alios, cum ægrè sequerentur, adminiculo corporis sui excipiens. Nunc ad prima signa, nunc in medio, nunc in ultimo agmine itineris multiplicato labore aderat.

CAPVT V.

ARGVMENTVM.

Ad Caucasum (quem cum Tauro describit Curtius) accedit rex. Alexandriam ad montis radices ponit.

TAndè ad cultiora peruētum est, comēatuq; largo recreatus exercitus, simul & qui consequi non potuerant, in illa castra venerunt. Inde

de agmen processit ad Caucasum montem, cuius dorsum Asiam perpetuo iugo diuidit. hinc simul mare quod Ciliciam subit; illinc Caspiū fretum, & amnem Araxē, aliaq; regionis Scythiæ deserta spectat. Taurus secundę magnitudinis mons cōmittitur Caucaso, à Cappadociā se attollens Ciliciā præterit, Armeniæq; montibus iungitur: sic inter se tot iuga velut serie cohærentia perpetuū habēt dorsum: ex quo Asię omnia fere flumina, alia in rubrū, alia in Caspiū mare, alia in Hyrcanium & Ponticū decidunt. Septemdecim dierū spatium Caucasum superauit exercitus. Rupes in eo decē in circuitu stadia cōplectitur, in altitudinē quatuor excedit; in qua vinctum Promothea fuisse antiquitas tradidit. Condendę in radicibus mōtis vrbi sedes electa est. Septē millibus Macedonū seniorum, & præterea militibus quorum opera vti desisset, permissum in nouam vrbem confidere. Hæc quoq; Alexandriā incolæ appellauerunt.

CAPVT VI.

ARGVMENTVM.

Bessus super mensa debellat Alexandrum. applaudunt ebrij adulescentes. Cobares Medus & inagus suader Besso deditionem, fugit ad Alexandrum. Bessus copias aucturus cum suis trans Oxum ad Sogdianos se confert.

AT Bessus Alexātri celeritate perterritus, dijs patrijs sacrificio ritē facto, cum amicis ducibusq; copiarū inter epulas sicut illis gentibus mos est, de bello cōsultabat. Graues me-
ros suas

Q

ro suas vires extollere, hostium nūc temeritatem, nunc paucitatem spernere. Præcipue Bessus ferox verbis, & parto per scelus regno superbus, ac vix potens mentis. dicere: socordia Darij creuisse hostium famiam. Occurrisse enim in Ciliciæ angustissimis faucibus, cum retrocedendo posset perducere incautos in loca naturæ situ inuia, tot fluminibus obiectis, tot montium latebris, inter quas deprehensus hostis, ne fugæ quidē, ne dum resistendi occasionem fuerit habiturus. Si placere in Sogdianos recedere. Oxum amnem velut murū obiecturū hosti, dum ex finitimis gentibus valida auxilia concurrerūt. Venturos autem Chorasmos, & Dahas, Sagasque, & Indos, & Tanaim amnem colentes Scythas, quorum neminem adeo humilem esse, ut humeri eius non possent Macedonis militis verticem æquare. Conclamant tumultu hanc sententiam salubrem esse: & Bessus circumferri merum largius iubet, debellaturus super mensa Alexandrū. Erat in eo coniunio Cobares natione Medus, sed magicæ artis (si modo ars est, non vanissimi cuiusque ludibriū) magis professione quàm scientia celebris, alioqui moderatus & probus. Is cum præfatus esset, scire seruo vtilius esse parere dicto, quàm afferre consilium, cum illos qui pareant, idem quod ceteros maneat, qui verò suadeant, proprium periculum: poculum ei quod habebat in manu, tradidit: quo accepto Cobares, *Natura*, inquit, *mortalium hoc quoque nomine parua & sinistra dici potest, quod in suo quisque negotio hebetior est, quàm in alieno. Turbida sunt consilia eorum, qui sibi suadent. Obstat alijs metus,*

metus, alijs cupiditas, nonnunquam naturalis
 eorum qua cogitaueris, amor: nam in te super-
 bia non cadit. Expertus es vnumquemque, quod
 ipse repererit, aut solum aut optimum ducere.
 Magnum onus sustines capite regium insignis.
 Hoc aut moderate perferendum est, aut, quod abo-
 minor, in te ruet. Consilio non impetu opus est.
 Adijcit deinde quod apud Bactrianos vulgo
 vsurpabant, *Canem timidum vehementius la-
 trare, quam mordere: altissima quaque flumi-
 na minimo sonolabi.* Quæ inferui, vt qualif-
 cunque inter Barbaros potuit esse prudentia;
 traderetur. In his audientium suspenderat ex-
 pectationem. Tum consiliū aperit, vtilius Besso
 quam gratius. In vestibulo, inquit, regia tua
 velocissimus consistit rex. Ante ille agmen, quam
 tu mensam istam mouebis. Nunc ab Tanab
 exercitum accerses, flumina oppones: scilicet
 qua tu fugiturus es, hostis sequi non potest. I-
 ter vtrique commune est, victori tutius. Licet
 strenuum metumputes esse, velocior tamen est
 spes. Quin validioris occupas gratiam, dedisque
 te? Vt cumq; cesserit, meliorem fortunam deditus
 quam hostis habiturus. Alienum habes regnum,
 quod facilius eo careas. Incipies iustus esse rex;
 cum ipse fecerit, qui tibi & dare potest regnū,
 & eripere. Consilium habes fidele, quod diutius
 exsequi superuacuum est. Nobilis equus umbra
 quoque virga regitur: ignauus ne calcari
 quidem concitari potest. Bellus & ingenio &
 multo magis ferox, addo exarsit, vt vix ab

amicis, quò minus occideret eum (nā strinxerat quoq; acinacem) contineretur. Certè è cō-
uiuio profiluit, haudquaquā potens mentis. Co-
bares inter tumultum elapsus, ad Alexandrum
transfugit. Octo millia Bactrianorum habebat
armata Bessus, quæ quamdiu propter cæli intē-
periem Indiam potius Macedonas petitu-
ros crediderant, obedienter imperata fecerūt. At
postquā aduentare Alexandrū compertum est,
in suos quisq; vicos dilapsi Bessum reliquerūt.
Ille cum clientū manu, qui nō mutauerāt fidē,
Oxoamne superato, exustisq; nauigijs quibus
transierat, ne iisdem hostis vteretur, novas co-
pias in Sogdianis contrahebat.

CAPVT VII.

ARGVMENTVM.

*Inopia commeatus in copijs Alexandri. Bactria-
nos describit.*

Alexander Caucasum quidem (vt suprā di-
ctum est) transierat, sed inopia frumenti
quoque prope ad famem ventum erat. Succo ex
sesama expresso, haud secus quàm oleo artus
perungebant. Sed huius succi ducenis quadra-
genis denarijs amphorę singulę; mellis denarijs
cccxc. ccc. vini æstimabantur; tritici nihil aut
admodum exiguum reperiēbatur. Syros voca-
bant Barbari, quos ita solerter abscondunt, vt
nisi qui defoderunt, inuenire non possint.
In ijs conditæ fruges erant. In quarum penuria
milites fluuiatili pisce, & herbis sustineban-
tur. Iamq; hæc ipsa alimenta defecerant, cum
iumenta quibus onera portabant, cedere iussi
sunt.

sunt, horum carne, dum in Bactrianos peruentum, traxere vitam. Bactrianæ terræ multiplex & varia natura est. Alibi multa arbor & vitis largos mitesq; fructus alit. Solum pingue crebri fontes rigant. Quæ mitiora sunt, frumento conferuntur. Cetera armentorum pabulo cedunt. Magnam deinde partem eiusdem terræ steriles arenæ tenent. Squallida siccitate regio, non hominem, non frugem alit. Cum verò venti à Pontico mari spirant, quidquid sabuli in campis iacet, conuerrunt. Quod vbi cumulatū est magnorum collium procul species est, omniaq; pristini itineris vestigia intereunt. Itaq; qui transeunt campos, nauigantium modo noctu sidera obseruant, ad quorum cursum iter dirigunt: & propemodum clarior est noctis umbra, quàm lux. Ergo interdum inuia est regio, quia nec vestigium quod sequantur, inueniūt, & nitor siderum caligine absconditur. Ceterum si quos ille ventus qui à mari exoritur, deprehendit arena obruit. Sed quàm mitior terra est, ingens hominum equorumq; multitudo gignitur. Itaque Bactriani equites xxx. millia expleuerant. Ipsa Bactra regionis eius caput sita sunt sub monte Parapamiso. Bactrus amnis præterit moenia. Is vrbi & regioni dedit nomen.

CAPVT VIII.

ARGVMENTVM:

*Lacedæmoniorum defectio, Erigyi monomachia
cum Satibarzane & victoria,*

Q 2

Hic

HIC regi stativa habenti nunciatur ex Græcia Peloponnesium Laconumq; defectio: nondum enim victierant, cum proficilcerentur tumultus eius principia nunciaturi. & alius præsens terror affertur, Scythas, qui vltra Tanaim amnem colunt, aduentare Bello ferentes opem. Eodem tempore, quæ in gente Ariorum Caranus & Erigyus gesserant, perferuntur. Commissum prælium erat inter Macedones Ariosq;. Transfuga Satibarzanes Barbaris præerat, qui cum pugnam segnem vtrimque æquis viribus stare vidisset, in primos ordines adequitavit, demtaq; galea, inhibitis qui tela iaciebant, si quis viritum dimicare vellet, provocavit ad pugnam, nudum se caput incertamine habiturum. Non tulit ferociam Barbari dux exercitus Erigyus, gravis quidem ætate, sed animi & corporis robore nulli iuenum postferendus. Is galea demta canitiem ostentans; *Venit, inquit, dies quo aut victoria, aut morte honestissima, quales amicos & milites Alexander habeat, ostendam.* nec plura elocutus, equum in hostem agit. Crederes imperatum, ut acies vtræque tela cohiberent. Protinus certè recesserunt dato libero spatio, intenti in euentum non duorum modò, sed etiam suæ sortis: quippe alienum discrimen secuturi. Prior Barbarus emisit hastam, quam Erigyus modica capitis declinatione vitavit. At ipse infestam sarissam equo calcaribus concito in medio Barbari gutture ita fixit, ut per cervicem emereret. Præcipitatus ex equo Barbarus, adhuc, tamè repugnabat: sed ille extractam ex vulnere hastam rursus in os dirigit. Satibarzanes hastam manu com-

complexus, quo maturius interiret, istum hostis adiuuit: & Barbari duce amisso, quem magis necessitate quàm sponte secuti erant, haud immemores meritorum Alexandri, arma Erigyo tradunt. Rex his quidem lætus, de Spartanis haudquaquam securus, magno tamen animo defectionem eorum tulit, dicens, non antea ausos consilia nudare, quàm ipsum ad fines Indiæ peruenisse cognoscent. Ipse Bessum persequens, copias mouit, cui Erigyus spolia barbari ceu optimi belli decus præferens occurrit. Igitur Bactrianorū regione Artabazo tradita, sarcinas & impedimēta ibi cū præsidio relinquit,

CAPVT IX.

ARGVMENTVM.

Alexander Bessum persequendo in aquarum penuriam incidit. Eiusdem patientia & miranda sitis tolerantia.

IPSE cum expedito agmine loca deserta Sunitanorum intrat, nocturno itinere exercitum ducens. Aquarum (vt antea dictum est) penuria, prius desperatione, quàm desiderio bibendi sitim accendit. Per cccc. stadia ne modicus quidem humor existit. Arenas vapor æstiu solis accendit; quæ ubi flagrare coeperunt, haud secus quàm continenti incendio cuncta torrentur. Caligo deinde immodico terræ feruore excitata lucem tegit: camporumque non alia quàm vasti & profundi equoris species est. Nocturnū iter tolerabile videbatur, quia rore & matutino frigore corpora leuabantur. Ceterum cum ipsa luce æstus oritur, omnemq;

naturalem absorbet humorem siccitas, ora visceraq; penitus vruntur. Itaque primum animi, deinde corpora defecere. Pigebat & consistere & progredi. Pauci à peritis regionis admoniti præpararant aquam. Hæc paulisper repressit sitim. Deinde crescente æstu rursus desiderium humoris accensum est. Ergo quidquid vini oleiq; erat (hominibus) ingerebatur: tâtaque dulcedo bibendi fuit, ut in posterum sitis non timeretur. Graues deinde avidè hausto humore, non sustinere arma, non ingredi poterant: & feliciores videbantur, quos (aqua) defecerat, cum ipsi sine modo infusam vomitu cogerentur regerere. Anxium regem tantis malis circumfusi amici, ut meminisset orabant, animi sui magnitudinem unicum remedium deficientis exercitus esse, cum ex ijs qui præcesserant ad capiendum locum castris, duo occurrunt utribus aquam gestantes, ut filijs suis, quos in eodem agmine esse, & ægrè pati sitim non ignorabant, occurrerent: qui cum in regem incidisset, alter ex ijs utre resolutum vas quod simul ferebat, implet porrigens regi. Ille percotatus quibus portarent; filijs ferre cognoscit. Tunc poculo pleno (sicut oblatum est) reddito, Nec solus, inquit, bibere sustineo, nec tam exiguum diuidere omnibus possum. Vos currite, & liberis vestris, quod propter illos attulistis, date,

CAPVT X.

ARGVMENTVM.

*Multi auidius bibentes intereunt, Regis cura
pro exercitu, qui transiit.*

Tan-

Tandem ad flumen Oxum ipse peruenit prima ferè vespera. Sed exercitus magna pars non potuerat consequi. in edito monte ignes iubet fieri, vt ij qui agrè sequebantur, haud procul castris se abesse cognoscerent. Eos autem qui primi agminis erant, maturè cibo ac potione firmatos implere alios vtres, alios vasa quibuscumq; aqua portari posset, iussit, ac suis ferre. Sed qui intemperantiùs hauserāt, intercluso spiritu extincti sunt. Multoq; maior horum numerus fuit, quàm vllò amiserat prèlio. At ille thoracem adhuc indutus, nec aut cibo refectus aut potu, quā veniebat exercitus, constitit. Nec ante ad curandum corpus recessit, quàm præterierant qui agmen sequebantur: totamq; eam noctem cum magno animi motu perpetuis vigilijs egit. Nec postero die lætior erat, quia nec nauigia habebat, nec pons erigi poterat, circumquaque amnem nudo solo, & materia maxime sterili. Consilium igitur, quod vnum necessitas subiecerat, init. Vtres quàm plurimos stramentis refertos diuidit. His incubantes transnauere amnem: quique primi transferant, in statione erant, dum traicerent ceteri. Hoc modo vi. demum die in vltiore ripa totum exercitum exposuit.

CAPVT XI.

ARGVMENTVM.

Spitamenes cum coniuratis Bessum vinctum ducit ad Alexandrum.

Iamque ad persequendum Bessum statuerat progredi, cum ea quæ in Susianis erant, cognoscit. Spitamenes erat inter omnes a-

Q 5

micos

micos præcipuo honore cultus à Bessò. Sed nul-
 lis meritis perfidia mitigari potest, quæ tamen
 iam minus in eo inuisa esse poterat, quia nihil
 ulli nefas tum in Bessum interfectore regis sui
 videbatur. Titulus facinoris speciosus præfe-
 rebatur, vindicta Darij. Sed fortunâ, non scelus
 oderant Bessi. Namque ut Alexandrum flumen
 Oxum superasse cognouit, Dataphernem &
 Catenem quibus à Bessò maxima fides habeba-
 tur, in societate cogitata rei asciscit. Illi prom-
 tius adeunt, quàm rogabantur; assumtisq; octo
 fortissimis iuuenibus talem dolum intendunt.
 Spitamenes pergit ad Bessum, & remotis ar-
 bitris comperisse ait se, insidiari ei Datapher-
 nem & Catenem: ut viuum Alexandro trade-
 rent agitantes, à semet occupatos esse, & vin-
 ctos teneri. Bessus tanto merito (ut credebat)
 obligatus, partim gratias agit, partim audus
 explendi supplicij adducere eos iubet. Illi manibus
 sua sponte religatis à participibus consilij tra-
 hebantur: quos Bessus truci vultu intuens con-
 surgit, manibus non temperaturus. Atque illi
 simulatione omissa circumstant eum, & fru-
 stra repugnantem vinciunt, direpto ex capite
 regni insigni, lacerataque veste, quam spoliū
 occisi regis induerat. Ille deos sui sceleris vltor-
 es adesse confessus, adiecit: non Dario iniquos
 fuisse, quem sic vlciscerentur, sed Alexandro
 propitios, cuius victoriam semper etiam hostis
 adiuiisset. Multitudo an vindicatura Bessum
 fuerit, incertum est, nisi illi qui vinxerant, iussu
 Alexandri fecisse ipsos e mentiri, dubios adhuc
 animi terruissent. In equum impositum Alex-
 andro tradituri ducunt.

CAPVT XII.
ARGVMENTVM.*Missio veteranis data, Brancidarum excidium.*

INter hæc rex, quibus matura erat missio lectis DCCCC.ferè, bina talenta equiti dedit, Perditi terna denariùm millia; monitosque Vt liberos generarent, remisit domum. Ceteris gratiæ actæ, quòd ad reliqua belli nauaturos operam pollicebantur. dum Bessus perducitur, peruentum erat in paruum oppidum, Brancidæ eius incolæ erant. Mileto quòdam iussu Xerxis cùm è Græcia rediret, trāsierant, & in ea sede constiterant: quia templum, quod Didymaon appellatur, in gratiam Xerxis violauerant. mores patrij nondum exoleuerant, sed iam bilingues erant, paulatim à domestico, externo sermone degeneres. Magno igitur gaudio regē suscipiunt, urbem seq; dedentes. Ille Milesios, qui apud ipsum militarent, cōuocari iubet. Vetus odium miles gerebat in Brancidarū gentē prodicionis ergò. His siue iniuriæ, siue originis meminisse mallet, liberum de Brancidis permittit arbitrium. Variantibus deinde sententijs, seipsum cōsideraturū, quid optimum factu esset, ostendit. Postero die occurrentibus, Brācidas secum procedere iubet: cumq; ad urbem ventum esset, ipse cum expedita manu portam intrat. Phalanx moerore oppidi circuire iussa, & dato signo diripere urbem proditorum receptaculum, ipsosq; ad vnum cedere. Illi inermes passim trucidantur, nec

Nec aut commercio linguæ, aut supplicii velamentis precibusq; inhiberi crudelitas potest. Tandē (vt deiicerent) fundamēta murorum ab imo moliūtur, ne quod vrbis vestigiū exstaret, Nemora quoq; locosq; sacros non cædunt modo, sed etiam extirpant, vt vasta solitudo, & sterilis humus excussis etiam radicibus linqueretur; quæ si in ipsos prodicionis auctores excogitata essent, iusta ultio esse, non crudelitas videretur: nunc culpam maiorum posteri luere, qui ne viderant quidem Miletum, adeo Xerxi non potuerant prodere.

CAPVT XIII.

ARGVMENTVM.

Spitamenes adducit nudum Bessum, qui in crucem agendus ad sagittas pro meta destinatur. Catenis sagittarij laus.

INDē processit ad Tanaim amnem. Quo perductus est Bessus non vinctus modo, sed etiam omni velamento corporis spoliatus. Spitamenes eum tenebat collo inserta catena, tam Barbaris quàm Macedonibus gratum spectaculum. Tum Spitamenes, *Et te, inquit, & Darium reges meos ultus, interfectorem domini sui adduxi, eo modo captum, cuius ipse fecit exemplum. Aperiat ad hoc spectaculum oculos Darius: existat ab inferis, qui illo supplicio indignus fuit, & hoc solatio dignus est.* Alexander multum collaudato Spitamene, conuersus ad Bessum. *Cuius, inquit, fera rabies occupauit animum tuum, cum regem de te optime meritum prius* vin-

Vincire, deinde occidere sustinuisti? Sed huius parricidij mercedem falso regis nomine persoluisti. Ibi ille facinus purgare non ausus, regis titulum se usurpare dixit, ut gentem suam tradere ipsi posset; qui si cessasset, alium fuisse regnum occupaturum. At Alexander Oxatrem fratrem Darij, quem inter corporis custodes habebat, propius iussit accedere, tradique Bessum ei, ut cruci affixum, mutilatis auribus naribusq;, sagittis conficerent Barbari, asseruarentq; corpus, ut ne aues quidem contingerent. Oxatres cetera sibi curæ fore pollicetur: aues non ab alio melius quam à Catene posse prohiberi adijcit, eximiam eius artem cupiens ostendere. Namque adeo certo ictu destinata feriebat, ut aues quoq; exciperet. Nam & si forsitan sagittandi tam celebri usu minus admirabilis videri ars hæc possit, tamen ingens visentibus miraculum, magnoq; honori Cateni fuit. Dona deinde omnibus qui Bessum adduxerant, data sunt. Ceterum supplicium eius distulit, ut eo loco in quo Darium:ipse occiderat, necaretur.

CAPV T XIV.
ARGVMENTVM.

Ex Macedonibus oppressi capiuntur aliqui à Barbaris. Rex vulneratur. Barbari deduntur.

Interea Macedones ad petendum pabulum in composito agmine egressi, à Barbaris, qui de proximis montibus decurrerunt, opprimuntur, pluresque capti sunt, quam occisi.

Bar-

Barbari autem captiuos præ se agentes, rursus in montem recesserunt. xx. millia latronum erant, fundis, sagittisq; pugnam inuadunt. quos dum obsidet rex; inter promptissimos dimicans sagitta ictus est, quæ in medio crure fixa reliquerat spiculum. Illum quidem moesti & attoniti Macedones in castra referebant. Sed nec Barbaros fefellit subductus ex acie: quippe ex edito monte cuncta prospexerant. Itaque postero die misere Legatos ad regem: quos ille protinus iussit admitti, solutisq; fascijs magnitudinem vulneris dissimulans, crus Barbaris ostendit. Illi iussi considerare affirmant; non Macedonas, quam ipsos tristiores fuisse; cognito vulnere ipsius; cuius si auctorem reperissent, dedituros fuisse. Cum dijs enim pugnare sacri-legos tantum. Ceterum se gentem in fidem dedere, superatos virtute illius. Rex fide data, & captiuis receptis, gentem in deditionem accepit:

CAPVT XV.

ARGVMENTVM.

*Certamen elegans peditum & equitum super
gestando rege, quod rex amœbaum esse voluit.
Maracanda occupat; Scytharum legatos audit:
Locum vrbi ad Tanaim designat.*

CAstris indè motis, lectica militari ferè pa-
tur; quam pro se quisque eques pedesq; su-
bire certabant. Equites; cum quibus rex prælio
inire solitus erat, sui muneris id esse censebāt.
Pedites; cum faucios commilitones ipsi gestare
assue-

affueuissent, eripi sibi proprium officium tum potissimum cum rex gestandus esset, querebantur. Rex in tanto utriusque partis certamine, & sibi difficilem, & præteritis grauem electionem futuram ratus, in vicem subire eos iussit. Hinc quarto die ad urbem Maracanda peruentum est. Lxx. stadia murus urbis amplectitur. Arx nullo cingitur muro. præsidio urbi relicto, proximos vicos depopulatur, atqueurit. Legati deinde Auiorum Scytharum superueniunt, liberi ex quo decesserat Cyrus, tum imperata facturi. Iustissimos Barbarorum constabat. Armis abstinebant, nisi laceffiti. Libertatis modico & æquali usu, principibus humiliores pares fecerant. Hos benignè allocutus, ad eos Scythas, qui Europam incolunt, Penidam quemdam misit ex amicis, qui denunciaret eis ne Tanaim amnam regionis, iniussu regis transirent. eidem mandatum, ut contemplaretur locorum situm, & illos quoque Scythas qui super Bosphorum colunt, viseret. Condendam urbis sedem super ripam Tanais elegerat, claustrum & iam perdomitorum, & quos deinde adire decreuerat.

CAPVT XVI.

ARGVMENTVM.

Sogdianorum & Bactrianorum defectio. Cyropolis & Memacena vrbes, cum regis periculo euertuntur. Spitamenes obsidetur.

Sed consilium distulit Sogdianorum nunciata defectio, quæ Bactrianos quoque traxit. viii. millia equitum erant; quorum auctoritatem ceteri sequebantur. Alexander Spitamenem

nem

nem & Catenem, à quibus ei traditus erat Bessus: haud dubius quin eorum opera redigi possent in potestatem, coercendo qui res nouauerant, iussi arcessi. At illi defectionis ad quā coercendam euocabantur, auctores, vulgauerant famam, Bactrianos equites à rege omnes ut occiderentur arcessi; idq; imperatum ipsis, non sustinuisse tamen exsequi, ne inexpiabile in populares facinus admitterent: non magis Alexandri sauitiam, quàm Bessi parricidium ferre potuisse. Itaq; sua sponte iam motos, metu poenæ haud difficulter ad arma concitauerunt. Alexander transfugarum defectione comperita, Craterum obsidere Cyropolim iubet. Ipse aliam urbem regionis eiusdem corona capit, signoq; ut puberes interficerentur dato, reliqui in prædam cessere victoris. Urbs diruta est, ut ceteri cladis eius exemplo continerentur. Memaceni, valida gens, obsidionem, non ut honestiorem modò, sed etiam ut tutiorem ferre decreuerant. Ad quorum pertinaciam mitigandam rex L. equites præmisit, qui clementiam ipsius in deditos, simulq; inexorabilem animū in deuictos ostenderent. Illi nec de fide, nec de clementia regis ipsos dubitare respondent, equitesq; tendere extra munimēta urbis iubent. Hospaliter inde exceptos, grauesq; epulis, & somno, intempesta nocte adorti interfecerunt. Alexander haud secus quàm par erat motus, urbem corona circumdedit, munitiorē, quàm ut primo impetu capi posset. Itaq; Meleagrum & Perdiccam in obsidionem iungit, Cyropolim (ut ante dictum est) obsidentes. Statuerat autem parcere urbi conditæ à Cyro: quippe non aliū

aliū gentium illarum magis admiratus est, quam hunc regem, & Semiramim, in quēis & magnitudinem animi, & claritatem rerum longē emicuisse. Ceterū pertinaciā oppidanorum iram eius accendit. Itaque captam urbem diripi iussit; deletā, Memacenis haud iniuriā infestus, & ad Meleagrum & Perdiccam redit: Sed non alia urbs fortius obsidionem tulit: quippe & militum promptissimi cecidere, & ipse rex ad ultimum periculum venit. Nāquē ceruix eius saxo ita icta est, ut oculis caligine confusis collaberetur, ne mentis quidem compos. Exercitus certē velut ereptō in eo ingemit. Sed inuictus aduersus ea quæ ceteros terrent, nondum procurato vulnere acrius obsidioni institit, naturalem celeritatem ira concitante. Cuniculo ergo suffossa mœnia ingens nudāuere spatium, per quod irripuit, victorq; urbem dirui iussit. Hinc Menedemum cum tribus millibus peditum, & Dccc equitibus ad urbem Maracanda misit. Spitamenes transfuga præsidio Macedonum inde deiecto; muris urbis eius incluserat se, haud oppidanis consilium defectionis approbantibus. Sequi tamen videbantur, quia prohibere non poterant.

CAPVT XVII.

ARGVMENTVM.

Ad Tanaim Alexandriam posit, quam Stylis nequicquam diruere conatur.

INterim Alexander ad Tanaim amnem redit, & quantum soli occupauerant castris, muro circumdedit. Lx. stadiorum urbis murus fuit.

R

hanc

hanc quoque urbem Alexandriam appellari iussit. Opus tanta celeritate perfectum est, ut xvii. die quàm munimenta excitata erant, tecta quoque urbis absoluerentur. Ingens militum certamen inter ipsos fuerat, ut suum quisque munus (nam diuisum erat) primus ostenderet. Incolæ nouæ urbi dati captiui, quos reddito pretio dominis liberauit: quorum posterius quoque nondum apud eos tam longa ætate propitur memoriæ Alexandri exoleuerunt. at rex Scytharum, cuius tum ultra Tanaim imperium erat, ratus eam urbem, quam in ripa amnis Macedones condiderant, suis impositam esse ceruicibus, fratrem Carthagin nomine cum magna equitum manu misit ad diruendam eam, promissumque amne submouendas Macedonum copias.

CAPVT XVIII.

ARGVMENTVM.

Scytharum descriptio, cura Alexandri de ualitudine & hoste, eiusdem superfluitio.

Bactrianos Tanais ab Scythiis, quos Europæos vocant, diuidit. Idem Asiam & Europam finis interfuit. Ceterum Scytharum gens haud procul Thracia sita ab Oriente ad Septentrionem se vertit, Sarmatarumque (ut quidam credidere) non finitima, sed pars est. Rectè deinde regionem aliam ultra Istrum iacentem cõsit. Vltima Asiæ, quæ Bactra sunt, stringit. quæ Septentrioni proxima sunt, profundæ indè siluæ vastæque solitudines excipiunt. Rursus quæ Tanaim & Bactra spectant, humano cultu haud disparia sunt. Primus cum hac gente

gente non prouisum bellum Alexander gesturus, cum in cōspectu eius obequitaret hostis, adhuc æger ex vulnere, præcipuè voce deficient, quam & modicus cibus, & ceruicis extenuabat dolor, amicos in consilium aduocari iuber. Terrebat eum non hostis, sed iniquitas temporis. Bactriani defecerant. Scythæ etiam lacecebant. Ipse non insistere in terra, non equo vehi, non docere, non hortari suos poterat. Ancipiti periculo implicitus, deos quoq; incusans querebatur, se iacere segnè, cuius velocitatē nemo antea valuisset effugere. Vix suos credere nō simulari valetudinē. Itaq; qui post Darium victū ariolos & vates cōsulare desierat, rursus ad superstitionem humanarū mentium ludibrio reuolutus, Aristandrum, cui crudelitatem suam addixerat, explorare euentum rerum sacrificiis iubet. Mos erat aruspibus exta sine rege spectare, & quæ portenderentur, referre. Inter hæc rex, dum fibris pecudum exploratur euentus latentium rerum, propius ipsum considerē amicos iubet, ne contentione vocis cicatricem infirmam adhuc rumperet. Hephæstion, Craterus & Erigyus erant cum custodibus in tabernaculum admissi.

CAPVT XIX.

ARGVMENTVM.

Consilium ponit de inferendo Scythis bello, dehortantur Erigyus & Aristander. Vates ab Alexandro reprehensus iterum litat, & perlitatum feliciter nunciat.

Discrimē, inquit, me occupauit, meliore hostium quàm meo tempore. Sed necessitas ante

rationem est. maxime in bello, quod raro permittit tempora legere. Defecere Bactriani, in quorum ceruicibus stamus, & quantum in nobis animi sit, alieno Marte experiuntur. haud dubia fortuna. Si omiserimus Scythas ultro arma inferentes, contempti ad illos qui defecerunt, reuertemur. Si vero Tanaim transierimus, & ubique inuictos esse non Scytharum perniciem ac sanguine ostendimus, quis dubitabit parere etiam Europam victoribus? fallitur, qui terminos gloria nostra metitur spatio, quod transaturi sumus. Vnus amnis interfluit, quem si traiecerimus, in Europam arma proferimus. Et quanti aestimandum est, dum alium subigimus, in alio quodammodo orbe tropaea statuere, & quae tam longo intervallo natura videtur diremisisse, vna victoria subito committere? At hercule si paululum cessauerimus, intergis nostris Scythae harebunt. An soli sumus, qui flumina tranare possumus? Multa in nosmetipsos recidet, quibus adhuc vicimus. Fortuna belli artem victos quoque docet. Vtribus amnem traieciendi exemplum fecimus nuper. hoc ut Scythae imitari nesciant, Bactriani docebunt. Praeterea vnus gentis huius exercitus venit adhuc, ceteri expectantur. Ita bellum vitando alemus, & quod inferre possumus, accipere cogemur. Manifesta est consilij ratio. Sed an permissuri sint mihi Macedones animo vti meo, dubito; quia ex quo hoc vulnus accepi, non equo vectus sum, non pedibus ingressus. Sed si me sequi vultis, valeo amici. Satis virium est ad toleranda ista. Aut si iam adest vita mea finis,

finis, in quo tandē opere melius extinguar? Hæc quassa adhuc voce deficiens vix proximis exaudientibus dixerat, cum omnes à tam præcipiti consilio regem deterrere cœperunt: Erigyus maximè, qui haud sanè auctoritate proficiens, apud obstinatum animum, superstitionem, cuius potens non erat rex, incutere tētauit, dicendo deos quoque obstare consilio, magnumq; periculum, si flumen transisset, ostendi. Intranti Erigyo tabernaculum regis Aristander occurrerat, tristia exta fuisse significans, hæc ex vate comperta Erygius hunciat. Quo inhibito Alexander non ira solum, sed etiā pudore confusus, quod superstitio quàm celauerat, detegebatur, Aristandrum vocari iubet. Qui ut venit, intuens eum. *Non rex, inquit, sed priuatus sum, sacrificium ut faceres mandavi. quid eo portenderetur, cur apud alium quàm apud me professuses?* Erigyus arcana mea & secreta te prodente cognouit. *Quem certum me hercule habeo extorum interpretem metu suo, tibi autem quàm potest denuncio, ipse mihi indices quid ex extis cognoueris, ne possis inficiari dixisse qua dixeris.* Ille ex sanguis attonitoque similis stabat, per metum etiam voce suppressa: tandemq; eodem metu stimulante, ne regis expectationem moraretur, Magni, inquit, laboris non irriti discrimen instare prædixi. *Non me ars mea, quàm beneuolentia perturbat. infirmitatem valetudinis tuæ video, & quantum in vnote sit, (cio. vereor ne presenti fortuna tua sufficere non possis. Rex iussio confidere felici-*

tati suæ remisit: aliàs sibi ad gloriam concedere deos. Consultati deinde cum iisdem, quo nam modo flumē transirent, superuenit Aristander, non aliàs lætiora exta vidisse se affirmans, utiq; prioribus lōgè diuersa: tum solitudinis causas apparuisse, nūc prorsus egregiè litatū esse.

CAPVT XX.

ARGVMENTVM.

Menedemus ad Maracanda cum copijs ab Spitamene deletur. Alexander cladem dissimulat.

Ceterū quæ subinde nunciata sunt regi, continuæ felicitati rerū eius imposuerāt labem. Menedemum (vt supra dictum est) miserat ad obsidendum Spitamenem Bactrianæ defectionis auctorem. Qui comperto hostis aduentu, ne muris vrbis includeretur, simul fretus excipi posse quā venturū sciebat, confedit occultus. Siluestre iter aptum insidijs tegendis erat. Ibi Dahas condidit. Equi binos armatos vehunt, quorum inuicem singuli repente defiliunt: equestris pugnae ordinem turbant. Equorum, velocitati par est hominum pernicitas. Hos Spitamenes saltum circuire iussos, pariter & à lateribus & à fronte & à tergo hosti ostendit. Menedemus vndique inclusus, ne numero quidem par, diu tamen resistit, clamitans nihil aliud superesse locorum fraude deceptis, quā honeste mortis solatiū ex hostium cæde. Ipsum præualens equus vehabat, quo sæpius in cuneos Barbarorum effusus habentis euectus, magna strage eos fuderat. Sed cum vnum omnes peterent, multis vuln-

ribus

ribus ex sanguis Hipfiden quendam ex amicis hortatus, ut in equum suum ascenderet, & se fuga eriperet. Hæc agētem anima defecit, corpusq; ex equo defluxit in terram. Hipfides poterat quidem effugere, sed amisso amico mori statuit. Vna erat cura, ne inultus occideret. Itaque subditis calcaribus equo in medios hostes se immisit, & memorabili edita pugna obrutus telis est. Quod ubi videre qui cædi supererant, rumulum paullo quàm cetera editiorem capiunt, quos Spitamenes fame in deditionem subacturus obsedit. Cecidere eo prælio peditum duo millia, ccc. equites. Quam cladem Alexander solerti consilio texit, morte denunciata ijs qui ex prælio venerant, si acta vulgassent.

CAPVT XXI.

ARGVMENTVM.

Rex peruigil consultat secum; tum militem alloquitur, & bellum in Scythas pronunciat, ratesquæ parat.

Ceterum cum animo disparem vultum diutius ferre non posset, in tabernaculum super ripam fluminis de industria locatum secessit. Ibi sine arbitris singula animi consulta pensando, nocte vigilijs extraxit, sæpe pellibus tabernaculi alleuatis, ut conspiceret hostium ignes, è quibus coniectare poterat, quanta hominum multitudo esset. Iamq; lux appetebat, cum thoracem indutus procedit ad milites, tum primum post vulnus proximè acceptum. Tanta erat apud eos veneratio regis, ut facile periculi quod horrebant, cogitatione præsentia eius excuteret.

Lati ergo ; & manantibus gaudio lacrymis, consalutant eum , & quod antè recusauerant bellum, feroces deposcunt. Ille feratibus equitem phalangemque transportaturum esse pronunciat: super vtres iubet nare leuius armatos. Plura nec dici res desiderauit, nec rex dicere per valetudinem potuit. Ceterum tanta alacritate militum rates iunctæ sunt , vt in triduum ad duodecim millia effectæ sint.

CAPVT XXII.

ARGVMENTVM.

Legatio & oratio Scytharum libera, qua Alexandri infinitam cupiditatem, suamq; equitatem & innocentiam exponunt.

Iamque ad transeundum omnia aptauerant, cum legati Scytharum viginti , more egentis per castra equis victi nunciare iubent regi, velle ipsos ad eum mandata perferre. Admissi in tabernaculum , iussique confidere, in vultu regis defixerant oculos, credo qui magnitudine corporis animum æstimantibus , modicus habitus haudquaquã famæ par videbatur. Scythi autem, non vt ceteris Barbaris, rudis & inconditus sensus est: quidam eorum sapientiam quoq; capere dicuntur , quantamcunque gens capit semper armata. Sicque locutos esse apud regem memoriæ proditum est, & horrentia forsitan moribus nostris , & tempora & ingenia cultiora fortitis. Sed vt possit oratio eorû sperni, tamen fides nostra non debet: quæ vtcumq; sunt tradita, incorrupta perferemus. Igitur vnum ex his maximum natu ita locutum accepimus.

pimus. Si dū habitum corporis tui, auiditati ani-
mi parem esse voluissent, orbis te non caperet. Al-
tera manu orientem, altera occidentem contin-
geres. Et hoc affectus scire velles, vbi tāti numi-
nis fulgor conderetur. Sic quoq; concupiscis, quæ
non capis. Ab Europa petis Asiam, ex Asia transis
in Europam. Deniq; si humanum genus omne su-
peraueris, cum siluis & niuib; & fluminib; fe-
risq; bestijs gesturus es bellum. Quid tu? ignoras
arbores magnas diu crescere, vna hora extirpa-
ri? Stultus est, qui fructus earū spectat, altitudinē
non metitur. Vide ne dum ad cacumē peruenire
contendis, cum ipsis ramis, quos comprehendere,
decidas. Leo quoq; aliquando minimarum aui-
um pabulū fit, & ferrum rubigo consumit. Nihil
tam firmum est, cui periculum non sit etiam ab
inualido. Quid nobis tecum est? nunquam ter-
ram tuam attigimus. Qui sis, vnde venias, licet
ne ignorare in vastis siluis viuentibus? Nec ser-
uire vlli possumus, nec imperare desideramus. Bo-
na nobis data sunt, ne Scytharum gentem igno-
res, iugum boum, aratrum & sagitta, & hasta,
& patera. His vtimur & cum amicis, & aduer-
sus inimicos. Fruges amicis damus boum labo-
re quasitas; patera cum hisdem vinum alijs liba-
mus, inimicos sagittā eminus, hastā comminus
petimus. sic Syriæ regem, & postea Persarum Me-
dorumq; superauimus, patuitq; nobis iter vsq; in
Aegyptum. At tu, qui te gloriaris ad latrones per-
sequendos venire, omnium gentium quas adisti,
latro es. Lydiam cepisti. Syriam occupasti. Persi-

dē tenes. Bactrianos habes in potestate. Indos petisti. Iam etiam ad pecora nostra auaras & instabiles manus porrigis. Quid tibi diuitijs opus est, quate esurire cogunt? Primus omnium satietate parasti famē, ut quo plura haberes, acrius qua nō habes cuperes. Nō succurrit tibi, quamdiu circū Bactra hareas? Dū illos subigis, Sogdiani bellare cœperūt. Bellū tibi ex victoria nascitur. Nā ut maior fortiorq; sis quā quisquā, tamē alienigenā dominum pati nemo vult. Transi modō Tanaim, scies quā latē pateant, numquam tamen consequeris Scythas. Paupertas nostra velocior erit, quā exercitus tuus: qui prædam tot nationum vehit. Rursus cū procul abesse nos credes, videbis in tuis castris. Eadem enim velocitate & sequimur, & fugimus. Scytharum solitudines Gracis etiam prouerbijis audio eludi. At nos deserta & humano cultu vacua, magis quā vrbes & opulentos agros sequimur. Proinde fortunam tuam pressu manibus tene, lubrica est, nec inuita teneri potest. Impone felicitati tua frenos, facilius illam reges. sine pedibus dicunt esse fortunam, qua manus & pinnas tantum habet: cum manus porrigit, pinnas quoque comprehendere non sinit. Denique si deus es, tribuere mortalibus beneficia debes, non sua eripere. Sin autem homo es, id quod es, semper esse te cogita. Stultum est eorum meminisse, propter qua tui obliuisceris. Quibus bellum non intuleris, bonis amicis poteris uti. Nam & firmissima in-

ter pares amicitia est; & videntur pares, qui nō fecerunt inter se periculum virium. Quos vice-
ris, amicos tibi esse caue credas. Inter dominum
& seruum nulla amicitia: etiam in pace bellita-
men iura seruantur. Iurando gratiam Sythas
fancire ne credideris. Colendo fidem iurant. Gra-
corum ista cautio est, qui acta consignant, & deos
inuocant: nos religionem in ipsa fide nouimus.
Qui non reuerentur homines, fallunt deos. Nec
tibi amico opus est, de cuius beneuolentia dubi-
tes. Ceterum nos & Asia & Europa custodes ha-
bebis. Bactra, nisi diuidat Tanais, contingimus.
Vltra Tanaim & vsque ad Thraciam colimus.
Thracia Macedoniam coniunctam esse fama fert.
Vtrinque imperio tuo finitimos, hostes, an amicos
velis esse, considera. Hæc Barbarus.

CAPVT XXIII.

ARGVMENTVM.

Rex verbo peracutè responder, Tanaim traicit,
hostes fundit. Sagas ded. tos in fidem recipit.

CONTRÀ REX fortuna sua, & consilijs eorum
se vsurum esse responder. Nam & fortu-
nam, cui confidat, & consilium suadentium, ne
quid temerè, & audacter faciat, secuturum. Di-
missisque legatis, in præparatas rates exercitū
imposuit. In proris clypeatos locauerat, iussos
in genua subsidere, quo tutiores essent ad-
uersus ictus sagittarum. Post hos, qui tormēta
inten-

intenderent, stabant, & ab utroque latere & à fronte circumdati armatis. Reliqui qui post tormenta constiterant, remigem lorica induitū scutorum testudine armati protegebant. Idem ordo in alijs quoq; ratibus quæ equitem vehebant, seruatus est. Maior pars à puppe nantes equos loris trahebat. At illos quosvires sarmēto repleti vehebant, obiectæ rates tuebantur. Ipse rex cum dilectis primus ratem soluit, & in ripam dirigi iussit. Cui Scythæ admotos ordines equitum in primo ripæ margine opponūt, vt ne applicari quidem terræ rates possent. Ceterum præter hanc speciem ripis præsidentis exercitus ingens nauigantes terror inuaserat. Namque cursum gubernatores, cum obliquo flumine impellerentur, regere non poterant; vacillantesq; milites, & ne excuterentur solliciti, nauitarum ministeria turbauerant. Nec tela quidem conati nisu vibrare poterant, cum prior standi sine periculo, quàm hostem incessendi cura esset. Tormenta saluti fuerunt, quibus in confertos ac temerè se offerentes haud frustra excussa sunt tela. Barbari quoq; ingentem vim sagittarum infudere ratibus, vixq; vllum fuit scutum, quod non pluribus simul spiculis perforaretur. Iamq; terræ rates applicabātur, cum acies clypeata consurgit, & hastas certo ictu vtpotè libero nisu mittit è ratibus. Et vt territos recipientesq; equos videre, alacres mutua adhortatione in terrā desiliere. Turbatim acriter pedē inferre ceperunt. Equitū deinde turmæ, quæ frenatos habebāt equos, perfringere Barbarorum aciem. Interim ceteri agmine dimicantium tecti, aptauere se pugnæ.

Ipse

Ipse rex, quod vigoris egro adhuc corpori deerat, animi firmitate supplebat. Vox adhortantis non poterat audiri, nondum bene obducta cicatrice ceruicis; sed dimicantem cuncti videbant. Itaque ipsi quidem ducū fungebantur officio, aliusque aliū adhortati in hostem salutis immemores ruere coeperunt. Tum verò non ora, non arma, non clamorem hostiū Barbari tolerare, omnesque effusis habenis (namque equestris acies erat) capeſſunt fugam; quos rex quamquam vexationem inualidi corporis pati non poterat, per LXXX. tamen stadia insequi perseueravit. Iamque linquente animo suis præcepit: ut donec lucis aliquid superesset, fugientium tergis inhærerent. Ipse exhaustis etiam animi viribus in castra se recepit, reliquum substitit. Transierant iam Liberi patris terminos, quorum monumenta, lapides erant crebris intervallis dispositi, arboresque proceræ, quarum stipites hedera contexerat. Sed Macedonas ira longius prouexit; quippe media ferè nocte in castra redierunt, multis interfectis, pluribus captis, equosque M. & DCCC. abegere. Ceciderunt autem Macedonum equites LX. centum ferè pedites, mille faucij fuerunt. Hæc expeditio deficientem magna ex parte Asiam fama tam opportuna victoriæ domuit. Inuictos esse Scythas crediderant, quibus fractis, nullam gentem Macedonum armis parem fore. Itaque Sagæ misere legatos, qui pollicerent urgentem imperata facturam. Mouerat eos regis non virtus magis, quam clemētia in deuictos Scythas: quippe captiuos omnes sine precio remisērat, ut fidē faceret, sibi cum ferocissimis gentiū de

for.

fortitudine non de ira fuisse certamen. Benigne igitur exceptis Sagarum legatis comitem Escipinon dedit, admodum iuuenem, etatis flore conciliatum sibi; qui cum specie corporis æquaret Hephæstionem; lepore sanè illi par non erat:

CAPVT X.

ARGVMENTVM.

Spitamenum persequitur, Sogdianos describit; vastat. xxx. iuuenes damnatos vita donat, & per illos Sogdianos in fide continet. Bactra perit, Bessum Ecbatana duci iubet.

IPSE Cratæro cum maiore parte exercitus modicis itineribus sequi iussu, ad Maracandam urbem peruenit; ex qua Spitamenes comperto eius aduentu Bactra perfugerat. Itaque quattuor duo rex longum itineris spatium emensus; peruenit in eum locum, in quo, Menedemo duce; duo millia peditum & trecentos equites amiserat. Horum omnia tumulo contegi iussit, & inferias more patrio dedit. Iam Craterus cum phalange subsequi iussus ad regem peruenerat. Ita; ut omnes qui defecerant, pariter belli clade premerentur; copias diuidit; vrique agros; & interfici puberes iussit. Sogdiana regio maiori ex parte deserta est. Lxxx. ferè stadia in latitudinem vastæ solitudines tenent. Ingens spatium rectæ regionis est, per quam amnis (Polytimetum vocant incolæ) fertur. Torrentem cum ripæ in tenuem alueum cogunt; deinde cauerna accipit, & sub terram rapit cursu. Absconditi indicium est aquæ meantis sonus; cum

tum ipsum solum sub quo tantus annis fluit,
ne modico quidem refudet humore. Ex capti-
uis Sogdianorum ad regem triginta nobilissi-
mi, corporum robore eximio, perducti erant.
Qui ut per interpretē cognouerunt iussu regis
ipsos ad supplicium trahi, carmen lætantium
modo canere; tripudijsq; & lasciuiori corporis
motu gaudium quoddam animi ostentare cœ-
perunt. Admiratus rex tanta magnitudine ani-
mi oppetere mortē, reuocari eos iussit, caus-
sam tam effusæ lætitię, cum supplicium ante o-
culos haberent, requirēs. Illi si ab alio occide-
rentur, tristes morituros fuisse respōdent. Nūc
à tanto rege victore omnium gentium maiori-
bus suis redditos, honestam mortē, quam for-
tes viri voto quoq; expeterent, carminibus sui
moris lætitiāq; celebrare. Tum rex, Quæro ita-
que, an viuere velitis non inimici mihi, cuius
beneficio victuri estis. Illi numquam se inimi-
cos ei, sed bello lacesitos hostes fuisse respon-
dent. Si quis ipsos beneficio quàm iniuria ex-
periri maluisset, certaturos fuisse ne vincerē-
tur officio. Interrogantiq; quo pignore fidem
obligaturi essent, vitam, quam acciperent, pi-
gnori futuram esse dixerunt, reddituros quā-
dōq; repetisset. Nec promissum fefellerunt. Nā
qui remissi domos ierant, in fide continuere
populares. Quatuor inter custodes corporis
retenti, nulli Macedonum in regem charitate
cesserunt. In Sogdianis Peucolao cum tribus
millibus peditum (neq; enim maiori præsidio
indigebat) relicto, Bactra peruenit. Indē Bessum
Ecbatana duci iussit, interfecto Dario pœnas
capite persoluturum.

CAPVT XXV.

ARGVMENTVM.

Sedecim millia accipit in supplementum. Sogdianos reliquos subigit, Ochum & Oxum flumina superat. Ad Margianam urbem sex oppida condit.

Iisdē ferē diebus Ptolemæus & Menidas peditū tria millia & equites mille adduxerunt mercede militaturos. Alexāder quoq; ex Lycia cū pari numero peditū & quingētis equitibus venit. Totidē ex Syria Alclepiodorū sequebātur. Antipater Græcorum octo millia, in quis De. equites erant, miserat. Itaq; exercitū aucto, ad ea quæ defectione turbata erant, cōponēda processit; interfectisq; consternationis auctoribus quarto die ad flumē Oxū peruentū est. hic quia limū vehit, turbidus semper & insalubris est potui. Itaq; puteos miles cōperat fodere: nec tamen humo altē egesta existerat humor, cum in ipso tabernaculo regis conspectus est fons, quem quia tardē notauerant, subito extitisse finxerunt. Rexq; ipse credi voluit donum id fuisse. Superatis deinde annibus Ochō & Oxō, ad urbem Marginiam peruenit. Circa eam sex oppidis condendis electa sedes est. Duo ad Meridiem versa, quatuor spectantia Orientē, modicis inter se spacijs distabāt, ne procul repetendum esset mutuum auxiliū. Hæc omnia sita sunt in editis collibus, tum velut freni domitarum gentium: nunc originis suæ oblita, seruiunt quibus imperauerunt. Et cetera quidem pacauerat.

CAPVT XXVI.

ARGVMENTVM.

Petram Arimazis Sogdianam describit Curtius; Alexander expugnat: Arimazem cum propinquis in crucem tolli iubet.

VNA erat petra, quam Arimazes Sogdianus triginta millibus armatorum obtinebat alimētis cōgestis, quę tantę multitudinivel per biennium suppetere: Petra in altitudinem triginta eminet stadia; circuitu centum & quinquaginta cōplectitur; vndique abscissa & abrupta semita per angusta aditur. In medio altitudinis spatio habet specum, cuius os artum & obscurum est; paulatim deinde vltiora panduntur: vltima etiam altos recessus habent: fontes per totum ferē specum manant, ē quibus collatę aquę per prona montis flumen emittunt. Rex loci difficultate spectata; statuerat indē abire. Cupido deinde incessit animo naturam quoque fatigandi: Prius tamen quā fortunam obsidionis experiretur, Cophē (Artabazi hic filius erat) misit ad Barbaros, qui suaderet, vt dederent rupem: Arimazes loco fretus, superbē multa respondit, Ad vltimum, an Alexander etiam volare possit, interrogat: Quę nunciata regi sic accendere animum; vt adhibitis cum quibus consultare erat solitus, indicaret insolentiam Barbari illudentis ipsos quia pinnas non haberent. Se autem proxima nocte effecturū, vt crederet Macedones etiam volare. Trecentos, inquit, perniciosissimos iuvenes ex suis quisque copijs perducite ad me, qui

S

per

per calles & pene inuias rupes domi pecorā āgere cōsueuerint. Illi prāstātes & lenitate corporū, & ardore animōrum, strenuē adducunt: quos intuens rex, *Vobiscum*, inquit, *ō iuuenes & mei aequales vrbium inuictarum ante me munimenta superavi; montium iuga perenni niue obruta emensus sum; angustias Cilicia intraui: India sine lassitudine vim frigoris sum perpeffus. Et mei documenta vobis dedi, & vestri habeo. Petra, quam videtis, vnum aditum habet, quem Barbari obsident, cetera negligunt. Nulla vigilia sunt, n̄ si qua castra nostra spectant. Inuenietis viam, si solerter rimati fueritis aditus ad cacumen. Nihil tam altē natura constituit, quo virtus non possit eniti. Experiendo quā ceteri desperauerunt, Aham habemus in potestate. Euadite in cacumen: quod cū ceperitis, candidis velis signum mihi dabitis, ego copys ad motis hostem in vos à vobis conuertam. prāmium erit qui primus occupauerit verticem, talenta decem: Vno minus accipiet, qui proximus venerit: eademquē ad decem homines seruibitur portio. Certum habeo, vos non tam liberalitatem intueri meam, quā voluntatem. His animis regem audierunt, vt iam cepisse verticem viderentur: dimissique, ferreos cuneos quos inter saxa defigerent, validosque funes parabant. Rex circumuectus petram, quā minime asper ac prāruptus aditus videbatur, secunda vigilia (quod bene verteret) ingredi iubet. Illi alimentis in biduum sumtis,*

gla-

gladijs modò atq; hastis armati subire coeperunt. Ac primo pedibus ingressi sunt; deinde ut ad prærupta peruenirent, alij manibus eminentia saxa cõplexi seruare semet, alij adiectis funium laqueis euasere, cum cuneos inter saxa defigerent, quis gradus subindè insisterent. diè inter metum laboremque consumserunt. Per aspera enisis duriora restabāt, & crescere altitudo petræ videbatur. Illa verò miserabilis erat facies, cum ij quos instabilis gradus fefellerat, ex præcipiti deuoluerentur: mox eadem in se patiendi alieni casus ostendebat exemplū. per has tamen difficultates enituntur in verticem montis, omnes fatigatione continuati laboris affecti, quidam multati parte membrorum: pariterq; eos & nox & somnus oppressit. Stratis passim corporib. in inuijs & asperis saxorum, periculi instantis obliti, in lucem quieuerunt: tandemq; velut ex alto sopore excitati, occultas subiectasque ipsis valles rimantes, ignari in qua parte petræ tanta vis hostium cõdita esset, fumum intra se euolutum & os specus notauerunt. Ex quo intellectum, illam hostium latebram esse. Itaque hastis imposuere quod conuenerat signum, totoq; è numero duos & triginta in ascensu interijisse cognoscunt. Rex non cupidine magis potiundi loci, quàm vicem eorum quos ad tam manifestum periculum miserat, sollicitus, toto diè cacumina montis intuens restitit. Noctui demum, cum obcuritas conspectum ademisset, ad curandum corpus recessit. Postero diè nōdū satis clara luce primus vela signū capti verticis conspexit. Sed ne falleretur acies, dubitare cogebat varie-

tas cæli, internitente lucis fulgore cōditi. Verum vt liquidior lux apparuit, dubitatio exēta est: vocatumq; Cophen, per quem Barbarorum animos tentauerat, mittit ad eos, qui moneret, nunc saltem salubrius consilium inirent. Sin autem fiducia loci perseverarent; ostendi à tergo iussit qui ceperant verticem. Cophes admissus suadere cœpit Arimazi petrā tradere, gratiam regis inituro, sitantas res molientē in vnius rupis obsidione hærere non coegisset. Ille ferocius superbiusq; quàm antea locutus, abire Cophen iubet. At is prehensum manu Barbarum rogat vt secum extra specum prodeat: quo iimpetrato iuuenes in cacumine ostendit: eiusque superbiæ haud immeritò illudens, pinnas ait habere milites Alexādri. Iamque è Macedonum castris signorum concensus, & totius exercitus clamor audiebatur. Ea res, sicut pleraq; belli vana & inania, Barbaros ad deditiōem traxit; quippe occupati metu paucitatem eorum qui à tergo erant, æstimare non poterant. Itaque Cophen (nam trepidantes reliquerat) strenuè reuocāt, & cum eo triginta principes mittunt, qui Petram tradant, & vt incolumibus abire liceat, paciscantur. Ille quāquam verebatur ne cōspecta iuuenum paucitate deturbarent eos Barbari, tamen & fortunæ suæ confusus, & Arimazi superbiæ infensus, nullam se conditionē deditiōis accipere respōdit. Arimazes, desperatis magis quàm perditis rebus, cum propinquis nobilissimisq; gentis suæ descēdit in castra, quos omnes verberibus affectos sub ipsis radicibus Petræ crucibus iussit affigi. Multitudo dedititiōum incolis

noua-

nouarum urbium cum pecunia capta dono data est. Artabazus in Petrae regionis que quæ appositæ est ei, tutela relictus est.

HISTORIARVM

MAGNI ALEXANDRI MACEDONIS

LIBER OCTAVVS.

SYNOPSIS HVIVS LIBRI.

MAssagetis, Dabii, Sogdianis in potestatem reductis, rex venabundus leonem, & quatuor millia ferarum sternit. Clitum inclitum ducem sub cana temulentus interficit, quod illi sero panitet. Bactrianos & Sysmithrem desertores & desertores persequitur. Philippus & Erigyus extinguuntur. Vxorem Spitamenis viri interfectoricem Alexander execratur. In Praefectos provinciarum animaduertit: Provincias mutatis pratoribus ab iniurijs vindicat. regis humanitas in militem, qui frigore obriguerat. Roxanem ducit uxorem. Callisthenes adulatores Alexandri reprimat, ipse in odium eiusdem incurrit. Coniurat Hermolaus, comprehenditur cum Callisthene: perorat contra Alexandrum: respondet Hermolao Alexander, & damnatum necari cum Callisthene iubet. India describitur. Aornus capitur. Omphis rex deditur. Porus ab Alexandro magno praelio superatus regno restituitur.

CAPVT I.
ARGVMENTVM.

*Barbaros persequitur, Attinas cum CCC. caditur,
Craterus offensam belli emendat.*

Alexander maiore fama quàm gloria in ditionem redacta Petra, cum propter vagū hostem spargendę manus essent, in tres partes diuisit exercitū. Hephæstionē vni, Coenō alteri duces dederat. Ipse ceteris præerat. Sed nō eadē mens omnibus Barbaris fuit. Armis quidam subacti, plures ante certamen imperata fecerunt: quibus eorum qui in defectione perseuerauerant, vrbes agrosq; iussit attribui. At exsulles Bactriani cum octingentis Massagetarum equitibus proximos vicos vastauerūt. Ad quos coercendos Attinas regionis eius præfectus trecentos equites insidiarum, quæ parabantur, ignarus eduxit. Namq; hostis in siluis, & fortē erant campo iunctæ, armatum militem condidit, paucis propellentibus pecora, vt improuidum prædā ad insidias perduceret. Itaq; incōposito agmine, solutisq; ordinib. Attinas prædabundus sequebatur; quem prætergressum siluam, qui in ea confederant, ex improviso adorti cum omnibus interemerunt. Celeriter ad Craterum huius cladis fama perlata est: qui cum omni equitatu superuenit. Et Massagetae quidem iam refugerant, Dahæ mille oppressi sunt, quorum clade totius regionis finita defectio est.

CAPVT II.

ARGVMENTVM.

*Legati varias gentes dedunt. Scythæ petunt con-
nubia Macedonum. Rex Bazariam ingredi-
tur, quæ describitur. Venatio Alexandri & e-
pulum.*

Alexander quoq; Sogdianis rursus subactis, Maracandâ reperit. Ibi Penidē quem ad Scythas super Bosphorū colētes miserat, cū legatis gentis occurrit: Phrataphernes quoque, qui præerat Choris, Massagetis, & Dahis regionū cōfinio adiūctis, miserat qui facturū imperata pollicerētur. Scythæ petebant, ut legis sui filiā matrimonio sibi iūgeret. Si dedignaretur affinitatē, principes Macedonū cū primoribus suæ gētis cōnubio coire pateretur. Ipsum quoque regē venturum ad eum pollicebantur. Vtraque legatione benignē audita Hephæstionē & Artabazum opperiens statim habuit; quibus adiūctis, in regionem quæ appellatur Bazaria, peruenit. Barbaræ opulentia in illis locis haud vlla sunt maiora indicia, quàm magnis nemoribus saltibusq; nobilium ferarū greges clusi. Spatiosas ad hoc eligunt siluas, crebris perennium aquarum fontibus amenas. Muris nemora cinguntur, turesque habens venantium receptacula. Quatuor continuis ætatibus intactum saltum fuisse constabat; quem Alexander cum toto exercitu ingressus agitari vndique feras iussit. Inter quas cum leo magnitudinis rarę ipsū regē inuasurus incurreret; fortē Lyfimachus, qui postea regnavit, proximus Ale-

xandro, venabulum obijcere feræ coeperat. Quo rex repulso, & abire iusso, adiecit, tam à semet vno, quàm à Lyfimacho Leonem interfici posse. Lyfimachus enim quondam cum venarentur in Syria, occiderat quidem eximie magnitudinis feram solus, sed lauo humero vsque ad ossa laceratus, ad vltimum periculi peruenera. Id ipsum exprobrās ei rex, fortiùs quam locutus est, fecit. Nam feram non excepit modò, sed etiam vno vulnere occidit. Fabulam, quæ obiectum leoni à rege Lyfimachum temere vulgavit, ab eo casu (quem suprà diximus) ortam esse crediderim. Ceterùm Macedones, quamquam prospero euentu defunctus erat Alexander, tamen sciuerè gētis suæ more, ne pedes venaretur sine dilectis principum amicorumq; . Ille IV. millibus ferarum deiectis, in eodem saltu cum toto exercitu epulatus est.

CAPVT III.

ARGVMENTVM.

Narratio de Clito inter epulas ab Alexandro ob lingua intemperantiam occiso.

INde Maracanda reditum est: acceptaq; ætatis excusatione ab Artabazo prouinciam eius destinat Clito. Hic erat qui apud Granicum amnem nudo capite regem dimicantem clypeo suo textit: & Rhosacis manum capiti regis imminentem gladio amputauit; vetus Philippi miles, multiq; bellicis operibus clarus. Hellanice, quæ Alexandrum educauerat, soror eius, haud secus quàm mater à rege diligebatur. Ob has causas validissimam imperij partem fidei eius tutelæq; cōmisit. Iamq; iter parare

rare in posterū iussus, solenni & tēpestiuo adhibetur conuiuio. In quo rex cum multo incaluisset mero, immodicus æstimator sui, celebrare quæ gesserat, cœpit, grauis etiam eorū auribus, qui sentiebant vera memorari. Silentium tamē habuere seniores, donec Philippi res orsus obterere, nobilem apud Cheroneam victoriā sui operis fuisse iactauit, ademptaq; sibi malignitate & inuidia patris tantæ rei gloriam. Illum quidem seditione inter Macedones milites & Græcos mercenarios orta, debilitatum vulnere, quod in ea consternatione acceperat, iacuisse, nō aliās quā simulatione mortis tūtiorē: se corpus eius protexisse clypeo suo, ruentesq; in illum sua manu occisos. Quæ patrem nunquam æquo animo esse confessum, inuitum filio debentem salutem suam. Itaq; post expeditionem quam sine eo fecisset ipse in Illyrios, victorem scripsisse se patri fusos fugatosq; hostes, nec affuisse vquam Philippum. Laude dignos esse, non qui Samothracum initia viserent, cū Asiā vri vastariq; oporteret, sed eos qui magnitudine rerum fidem antecessissent. Hæc & his similia lætia audire iuuenes: ingrata senioribus erant, maximē propter Philippum, sub quo diutius vixerant. Cū Clitus, ne ipse quidem satis sobrius, ad eos qui infra ipsum cubabant, conuersus, Euripidis retulit carmē, ita vt sonus magis quā sermo exaudiri posset à rege, quo significabatur, masē instituisse Græcos, quod tropæis, regum dumtaxat nomina inscriberent. Alieno enim sanguine partam gloriam intercipi. Itaq; rex cum suspicaretur malignius habitum esse sermonem, percontari proximos

S. J.

cœpit,

coepit, quid ex Clito audissent. Et illis ad silentium obstinatis, Clitus paulatim maiore voce Philippiasta bellaque in Græcia gesta commemorat, omnia præsentibus præferens. Hinc inter iuniores senioresque orta contentio est. Et rex velut patienter audiret, quis Clitus obterebat laudes eius, ingentem iram conceperat. Ceterum cum animo videretur imperaturus, si finem procaciter orto sermoni Clitus imponeret: nihil eo remittente magis exasperabatur. Iamque Clitus etiam Parmenionem defendere audebat, & Philippi de Atheniensibus victoriam, Thebarum præferebat excidio, non vino modo, sed etiam animi praua contentione prouectus. Ad vltimum, *Si moriendum*, inquit, *est pro te, Clitus est primus. At cum victoria arbitram agi, præcipuum ferunt præmium, qui procacissime patristui memoria illudunt. Sogdianam regionem mihi attribuis, toties rebellem, & non modo indomitam, sed quæ ne subigi quidem possit. Mittor ad feras bestias præcipua ingenia sortitas. Sed quæ ad me pertinet, transeo. Philippi milites spernis, oblitus, nisi hic Atharias senex iuniores pugnam detrectâtes reuocasset, adhuc nos circa Alicarnasum basuros fuisse. Quomodo igitur Asiam etiam cum istis iunioribus subiecisti? Verum est (vt opinor) quod auunculum in Italia dixisse constat; ipsum in viros incidisse, te in feminas. Nihil ex omnibus incòsultè ac temerè iactis regem magis mouerat, quàm Parmenionis cum honore mentio illata. Dolorem tamen repressit, contentus iussisse, vt cōuiuio excederet. Nec quidquam aliud adiecit, quàm forsitan eum (si diu-*

cius

tius locutus foret (exprobraturum sibi fuisse vitam à semetipso datam: hoc enim superbè sæpe iactasse. Atque illum cunctatè adhuc surgere, qui proximi ei cubuerāt, iniectis manibus urgentes monentesque conabantur abducere. Clitus cum abstraheretur, ad pristinam violentiam ira quoque adiecta, *suopectore tergum illius esse defensum; nunc postquam tanti meriti praterierit tempus, etiam memoriam inuisam esse proclamat.* Attali quoque eadem obijciēbat: & ad ultimum, Iouis, quem patrem sibi Alexander assereret, oraculum eludens; veriora se regi, quàm patrem eius respondisse dicebat. Iam tantum iræ conceperat rex, quantum vix sobrius ferre potuisset. Enimvero olim inroser sibus victis, ex lecto repente prosiluit. Attoniti amici, ne positis quidē, sed abiectis poculis consurgunt, in euentū rei, quam tanto impetu acturus esset intenti. Alexander rapta lācea ex manibus armigeri, Clitum adhuc eadē linguæ intemperantia furem percutere conatus, à Ptolemæo & Perdicca inhibetur. Medium cōplexi, & oblectari perseverantē morabantur. Lyfimachus & Leonatus etiam lanceam abstulerant. Ille militum fidem implorans, comprehendī se à proximis amicorum, quod Dario nuper accidisset, exclamat: signūque tuba dari, ut ad regiam armati coirent, iubet. Tum vero Ptolemæus & Perdiccas genibus aduoluti orant, ne in tā præcipiti ira perseveret, spatiūque potius animo det: omnia postero die iustus exsecuturum. Sed clausæ erant aures, obstrepente ira. Itaq; impotēs animi procurrit in regiam.

giæ vestibulum , & vigili excubanti hasta ablata, constitit in aditu, quo necesse erat iis qui simul coenauerant, egredi. Abierant ceteris: Clitus vltimus sine lumine exibat. Quem rex quisnam esset interrogat. Eminebat etiam in voce sceleris, quod parabat atrocitas. Et ille iam nō suæ, sed regis iræ memor, Clitum se esse, & de conuiuio exire respondit. Hæc dicētis latus hasta transfixit, morientisq; sanguine aspersus; I nunc, inquit, ad Philippum, & Parmenionem, & Attalum.

CAPVT IV.

ARGVMENTVM.

Sera regis pœnitentia non pœnitendo ingenio & stilo describitur.

MAlè humanis ingenijs natura consuluit, quod plerumq; non futura, sed transacta perpendimus: quippe rex postquam ira mente decesserat, & iam ebrietate discussa, magnitudinem facinoris sera æstimatione perspexit. Videbat tunc immodica libertate abusum, sed alioque egregium bello virum, & nisi erubesceret fateri, seruatorem sui occisum. Detestabile carnificis ministerium occupauerat rex, verborum licentiam, quæ vino poterat imputari, nefanda cæde vltus. Manabat toto vestibulo cruor paullò antè conuiuæ; vigiles attoniti & stupentibus similes procul stabant, liberioremque pœnitentiam solitudo exciebat. Ergo hastam ex corpore iacentis euulsam retorfit in semet; iamque admoberat pectori, cum aduolant vigiles, & repugnanti è manibus extorquent, alleuatumq; in tabernaculum deferunt.

Ille

Ille humi prostrauerat corpus: gemitu eiulatuq; miserabili tota personante regia. Laniar^c deinde os vnguibus, & circumstantes rogare, ne se tanto dedecori superstitem esse paterentur. Inter has preces tota nox extracta est: scrutantemque num ira deorum ad tantum nefas actus esset, subiit, anniuersarium sacrificium Libero patri non esse redditum statò tempore. Itaque inter vinum & epulas cædè commissa, iram dei fuisse manifestam. Ceterum magis eo mouebatur, quod omnium amicorum animos videbat attonitos: neminem cum ipso sociare sermonem postea ausurum. Viuendum esse in solitudine, velut feræ bestiæ terrenti aliis, alii timent. Prima deinde lucē tabernaculo corpus, sicut adhuc cruentum erat, iussit inferi. Quo positò ante ipsum, lachrymis obortis, *hanc, inquit, nutrici meæ gratiam retuli, cuius duo filij apud Miletum pro mea gloria occubuerunt? hic frater vnicum orbitatis solatium, à me inter epulas occisus est. Quo nunc se conferet misera? Omnibus eius vnus super sum, quem solum equi oculis videre non poterit. Et ego seruatorum meorum latro reuertar in patriam, vt ne dextram quidem nutrici sine memoria calamitatis eius offerre possim?* Et cum finis lachrymis querelisq; non fieret, iussu amicorum corpus ablatum est. Rex triduum iacuit inclusus. Quem vt armigeri corporisque custodes ad moriendum obstinatum esse cognouerunt, vniuersi in tabernaculum irrumpunt, diuq; precibus ipsorum reluctatū ægrè vicerunt, vt cibum caperet. Quoque minus cædis puderet, iure interfectū Clitum Macedones decernunt, sepultura quoque prohibitori, ni rex humari iussisset.

CAPVT V.

ARGVMENTVM.

*Xenipporum descriptio. Amynta cruenta victoria
de Bactrianis exsulibus, in gratiam tamen
ab Alexandro receptis.*

IGitur decem diebus maxime ad confirmandum pudorem apud Maracanda consumptis, cum parte exercitus Hephæstionem in regionem Bactrianam misit; comméatus in hyemem paraturum. Quam autem Clito destinauerat provinciam; Amyntæ dedit. Ipse Xenippus peruenit: Scythiæ confinis est regio; habitaturque pluribus ac frequentibus vicis, quia vbertas terræ non indigenas modò detinet, sed etiam aduenas inuitat. Bactrianorum exsulum, qui ab Alexandro defecerant, receptaculum fuerat; Sed postquam regem aduentare compertum est, pulsi ab incolis duo ferè millia & DC. congregantur. Omnes equites erant, etiam in pace latrocinij assueti: tum ferocia ingenia non bellum modò, sed etiam veniæ desperatio efferauerat. Itaque ex improviso adorti Amyntam prætorem Alrxandri; diu anceps proelium fecerant. Ad vltimum DCC. suorum amissis, quorum CCC. hostis cepit; dedere terga victoribus: haud sane inulti. quippe LXXX. Macedonum interfecerunt, præterque eos CCC. & L. saucij facti sunt. Veniam tamen etiam post alteram defectionem impetrauerunt;

CAPVT VI.

ARGVMENTVM.

Sylmetris deditio, & ardua petre adumbratio.

His

HIS in fidem acceptis , in regionem quam Nauea appellant , rex cum toto exercitu venit. Satrapes erat Syfimithres duobus ex sua matre filijs genitis: quippe apud eos parētibus stupro coire cū liberis fas est. Is armatis popularibus fauces regionis , quā in artificissimū cogitur, valido munimento se pserat. Præterfluebat torrens amnis, terga petra claudebat, hanc manu peruiam incolæ fecerant. Sed aditu specus accipit lucem; interiora, nisi illato lumine, obscura sunt. Perpetuus cuniculus iter præbet in campos, ignotum nisi indigenis. At Alexander, quamquam angustias naturali situ munitas valida manu Barbari tuebantur, tamen arietibus admotis, munimenta quæ manu adiuncta erāt, concussit, fundisq; & sagittis propugnantium plerosq; deiecit : quos ubi dispersos fugauit, ruinas monimētorum supergressus ad petram admouit exercitum. Ceterum interueniebat fluuius coeuntibus aquis ex superiore fastigio in vallem, magnique operis videbatur tam vastam voraginem explere. Cædi tamen arbores & saxa congeri iussit: ingensq; Barbaros pauides ad talia opera cōcusserrat, excitatā molem subito cernentes. Itaq; rex ad deditiōnem metu posse compelli ratus, Oxarten misit nationis eiusdē, sed ditionis suæ, qui suaderet duci, vt traderet Petram. Interim ad augendam formidinem & turres admoueabantur , & exussilla tormentis tela emicabant. Itaque verticem Petræ omni alio præsidio damnato petierunt. At Oxartes trepidum diffidētemq; rebus suis Syfimitiren^o coepit hortari, vt fidem, quā vim Macedonum mallet experiri, nec morare-

moraretur festinationem victoris exercitus in Indiam tendentis: cui quisquis semet offerret. in suum caput alienam cladem esse ver surum. Et ipse quidem Sysmithres deditionem annuebat: ceterum mater eademq; coniunx morituram se antè denuncians, quàm in vilius veniret potestatem; Barbari animum ad honestiora quàm tutiora conuerterat, pudebatq; libertatis maius esse apud feminas, quàm apud viros prælium. Itaque dimisso internuncio pacis, obsidionem ferre decreuerat. Sed cum hostis vires, suasq; pensaret, rursus muliebris cōsiliij, quod præceptis magis quam necessarium esse credebat, poenitere eum cœpit: reuocatoque strenuè Oxarte, futurum se in regis potestate respondit, vnum precatus; ne voluntatem & consilium matris suæ proderet, quo facilius venia illi quoq; impetraretur. Præmissum igitur Oxarten cum matre liberisq;, & totius cognationis grege, sequebatur; ne expectato quidē fidei pignore quod Oxartes promiserat. Rex equite præmisso, qui reuerti eos iuberet, opperririq;, præfens ipsis superuenit, & victimis Minervæ ac Victoriæ cæsis, imperium Sysmithri restituit, spe maioris etiam provinciæ facta, si cum fide amicitiam ipsius coluisset. Duos illi iuvenes patre tradente secum militaturos sequi iussit.

CAPVT VII.

ARGVMENTVM.

Defectores per ardua viarum persequitur fugatque. Philippi, fratris Lysimachi & Erigy suorum aplorantur.

Relicta

Relicta deinde phalange, ad subigendos qui defecerant, cum equire processit, Arduum & impeditum saxi iter primo utcumque tolerabant: mox equorum non ungulis modò attritis, sed corporibus etiam fatigatis; sequi pleriq; non poterant, & rarius subindè agmen fiebat, pudorem (ut ferè fit) immodico labore vincente. Rex tamen subinde equos mutans, sine intermissione fugientes insequabatur. Nobiles iuvenes comitari eum soliti defecerant præter Philippum; Lysimachi erat frater, tum primùm adultus, & quod facillè appareret, indolis raræ. is pedes (incredibile dictu) per Diastadia vectum regem comitatus est; sæpè equum suum offerente Lysimacho: nec tamen ut digrederetur à rege, effici potuit; cum lorica indutus arma gestaret. Idem cum peruentum esset in saltum, in quo se Barbari abdiderant, nobilem edidit pugnam; regemq; comminus cum hoste dimicantem protexit. Sed postquam Barbari in fugam effusi deseruere siluas, animus, qui in ardore pugnae corpus sustentauerat; liquit, subitoq; ex omnibus membris profuso sudore, arboris proximæ stipiti se applicuit. Deinde ne illo quidem adminiculò sustinente, manibus regis exceptus est; inter quas collapsus extinguitur. Mœstum regem alius haud levis dolor excepit. Erigyus inter claros duces fugrat, quem extinctum esse paullo antè quàm reuerteretur in castra, cognouit. Vtriusque funus omni apparatu atq; honore celebratum est.

CAPVT VIII.
ARGVMENTVM.

*Spitamenis ab vxore caput præcisum fertur ad
Alexandrum. Dataphernes à Dabīs vinctus
traditur. Prætores reospunit & mutat.*

Dhis deinde statuerat petere. Ibi namque Spitamenem esse cognouerat. Sed hanc quoque expeditionem vt pleraque alia, fortuna indulgendo ei nunquam fatigata, pro absente transegit. Spitamenes vxoris immodico amore flagrabat; quam ægrè fugam & noua subinde exsilia tolerantē, in omne discrimen comitem trahabat. Illa malis fatigata, identidē muliebres adhibere blanditias, vt tandem fugam sisteret, victorisq; Alexandri clementiam expertus, placaret, quem effugere non posset. Tres adulti erant liberi ex eo geniti, quos cū pectori patris admouisset, vt saltem eorū misereri vellet, orabat. Et quo efficaciores essent preces, haud procul erat Alexander. ille se prodi non moneri ratus, & formæ profectò fiducia cupere eam quamprimum dedi. Alexandro, acinacem strinxit, percussus vxorem, nisi prohibitus esset frat: ū eius occurſu. Ceterū abire conspectu iubet, additō metu mortis, si se oculis eius obtulisset: & ad desiderium leuādū a cætes agere inter pellices cœpit. Sed penitus hærens amor, fastidio præsentium accensus est. Itaque rursus vni ei deditus, orare non destitit, vt tali consilio abstineret, patèreturque sortem quamcunque ipsis fortuna fecisset. Sibi mortem deditiōe esse leuiorē. At illa purga-
re se,

re se, quod quæ utilia esse conſebat, muliebritor forſitâ, ſed fida tamen mente ſuaſiſſet; de cetero futuram in viri poteſtate. Spitamenes ſimulato captus obſequio, de die conuiuium apparari iubet: vinoq; & epulis grauis, ſemiſomnus in cubiculum fertur. Quem vt alto & graui ſomno ſopitum eſſe ſenſit vxor. gladium quem veſte occultauerat, ſtringit, caputq; eius abſciſſum cruore reſperſa ſeruo ſuo cōſcio facinoris tradit. Eodē comitante (ſicuti erat cruenta veſte) in Macedonum caſtra peruenit, nunciariq; Alexandro iubet, eſſe quæ ex ipſa deberet agnoſcere. Ille protinus Barbaram iuſſit admitti. Quam vt reſperſam cruore conſpexit, ratus ad deplorandam contumeliam veniſſe, dicere quæ vellet iubet. At illa ſeruū, quē in veſtibus ſtare iuſſerat, introduci deſiderauit. Qui quia caput Spitamenis veſte tectū habebat, ſuſpectus, ſcrutantibus, quid occuleret oſtēdit. Confuderat oris exāguis notas pallor, nec, quis eſſet di-noſci ſatis poterat. Ergo rex certior factus humanū caput aſſerre eum, tabernaculo exceſſit, percōtatuſq; quid rei ſit, illo proſistente cognoſcit. Varię hinc cogitationes animū diuerſa in-
 tuicē agitante commouerant. Meritū ingens in ſemet credebat, quod trāſfuga & proditor, tā-
 tis rebus (ſi vixiſſet) inuecturus morā, interfe-
 ctus eſſet. Contra facinus ingens auerſaba-
 tur, cū optimē meritum de ipſa communium
 parentem liberorum per inſidias interemiſſet.
 Vicit tandem gratiā meriti, ſceleris atrocitas,
 denūtiariq; iuſſit, vt excederet caſtris, nec
 licentiæ barbaræ exemplar in Græcorum mo-
 res & miſcia ingenia transferret. Dahæ Spita-
 me-

menis eade comperita, Dataphernem defectio-
nis eius participem vinctum Alexandro seque
dedunt. ille maxima presentium curarum
parte liberatus, conuertit animum ad vindi-
candas iniurias eorum, quibus à prætore
suis avarè ac superbè imperabatur. Ergo Phra-
tapherni Hyrcaniam, & Mardos cum Tapyris
tradidit, mandauitq; vt Phradatem, cui succe-
debat, ad se in custodiam mitteret. Arsami Ca-
riæ præfecto substitutus est Stasanor. Arsaces
in mediâ missus, vt Oxidates inde discederet.
Babylonia demortuo Mazæo hæditameni sub-
iecta est.

CAPV T IX.

ARGVMENTVM.

*Gabaxam petit, & in grauissimam tempestatem
incidit, luculenter à Curtio descriptam, vt
lector ipse inter tonitrua grandines, & ful-
mina videatur versari. Regis inde cura in col-
ligendo & solando milite laudatur. mille ta-
men perierunt.*

HIS compositis tertio mense ex hybernis
mouit exercitum, regionem quæ Gazaba
appellatur, aditurus. Primus dies quietum
iter præbuit, proximus ei nondum quidem
procellosus & tristis, obscurior tamē pristino,
non sine minis crescentis mali præterijt. Tertio
ab omni parte cæli emicare fulgura, & nunc in-
ternitente luce, nunc condita, non oculos mo-
do meatis exercitus, sed etiam animos terrere
coeperunt. Erat propè continuus cæli fragor,
& passim cadentium fulminum species viseba-
tur:

tur : attonitisq; auribus stupens agmen , nec progredi , nec consistere audebat. Cum repente imber grandinem incutiens torrentis modo effuditur. Ac primum quidem armis suis tecti exceperant. Sed iam nec retinere arma lubrica rigentes manus poterant, nec ipsi destinare inquam regionem obuenterent corpora, cum vndiq; tempestatis violentia maior, quam vitabatur, occurreret. Ergo ordinibus solutis, per totum saltum errabundum agmen ferebatur, multique prius metu quam labore defatigati, prostrauerant humi corpora , quamquam imbrem vis frigoris concreto gelu astrinxerat. Alij sestipitibus arborum admouerant. Id plurimis & adminiculum, & suffugium erat. Nec fallebat ipsos morti locum eligere, cum immobiles vitalis calor linqueret. Sed grata erat pigritia corporum fatigatis, nec recusabant extingui quiescendo : quippe non vehemens modò, sed etiam pertinax vis mali insistebat, lucemque naturale solatium præter tempestatem haud disparem nocti siluarum quoque umbræ suppresserant. Rex vnus tanti mali patiens circuire milites, cōtrahere dispersos, alleuare prostratos, ostendere procul euolutum ex turgurijs fumum , hortariq; vt proxima quæque suffugia occuparent. Nec vlla res magis saluti fuit, quam quòd multiplicato labore sufficientem malis, quibus ipsi cesserant, regē deferere erubescabant. Ceterum efficacior in aduersis necessitas, quam ratio, frigoris remediū inuenit. Dolabris enim filuas sternere aggressi passim acervos struesq; accenderunt. Cōtinenti incendio ardere crederes saltū, & vix inter flā-

mas agminibus relictū locū. Hic calor stupētia membra cōmouit, paulatimq; spiritus, quē cōtinuerat rigor meare liberē cōepit. Excepere alios tecta Barbarorū, quę in vltimo saltu abdita necessitas inuestigauerat: alios castra, quę in humido quidē, sed iam cēli mitescēte sequitia locauerunt. Mille militū atq; lixarū calorumq; pestis illa cōsumsit. Memorię proditū est, quosdam applicatos arborū truncis & non solum viuētib; , sed etiā inter se colloquentibus similes esse cōspectos, durāte adhuc habitu, in quo mors quēmq; deprehenderat. Fortē Macedo gregarius miles seq; & arma sustentans tamē, in castra peruenerat. Quo viso rex quāquā ipse tunc cū maximē admoto igne refouebat artus, ex sella sua exsiliuit, torpētēmq; militē. & vix cōpotē mentis, deintis armis in sua sede iussit cōsidere. ille diu nec vbi requiesceret nec a quo esset exceptus, agnouit. Tandē recepto calore vitali, vt regiam sedē regēq; vidit, territus surgit. Quem intuens Alexander: *Ecquid intelligis miles, inquit, quāto meliore sorte, quā per se, sub rege viuatis? Illis enim in sella regis consedissee capitale foret, tibi salutis fuit.*

CAPV T. X.

ARGVMENTVM.

Rex compensat militi amissa, certat beneficij cum Syfinitbre. Cohortanus Satrapes se & sua dedit, cuius filiam Roxanem ducit Alexander vxorem.

POSTERO die conuocatis amicis, copiarumque ducibus, pronūciari iussit, ipsū omniaque

quæ amissa essent, redditurum, & promisso fides exstitit. Nam Syſimithres multa iumenta, & camelorū II. millia adduxit, pecoraq; & armenta, quæ distributa pariter militē & damna & fame liberauerunt. Rex gratiam sibi reſtatam à Syſimithre præſatus, ſex dierum cocta cibaria ferre milites iuſſit. Sigas petens, totam hanc regionem depopulatus, xxx millia pecorum ex præda Syſimithri dono dat. inde peruenit in regionem cui Cohortanus Satrapes nobilis præerat, qui ſe regis poteſtati fideiq; permiſit. Ille imperio ei reddito, haud amplius quàm vt duo ex tribus filijs ſecum militarent, exegit. Satrapes etiā eum qui penes ipſum relinquebatur, tradit. Barbari opulentia conuiuium, quoniam regem accipiebat, inſtruxerat. Id cum multa ſomitate celebraret, introduci xxx. nobiles virgines iuſſit: inter quas erat filia ipſius Roxane nomine, eximia corporis ſpecie, & decore habitus in Barbaris raro. Quæ quamquam inter electas proceſſerat, omnium tamen oculos conuertit in ſe, maximè regis, minus iam cupiditatibus ſuis imperantis inter obſequia fortunæ, contra quam non ſatis cauta mortalitas eſt. itaque ille qui vxorem Darij, qui duas filias virgines, quibus forma præter Roxanem cōparari nulla poterat, haud alio animo quàm parentis aſpexerat, tunc in amorem virgunculæ, ſi regiæ ſtirpi compararetur, ignobilis, ita effuſus eſt, vt diceret ad ſtabiliendum regnum pertinere Perſas & Macedones connubio iūgi: hoc vno modo & pudorem victis, & ſuperbiam victoribus detrahi poſſe; Achillem quoque, à quo genus ipſe deduceret,

T 4

cum

cum captiua coisse: ne inferri nefas arbitrentur; ita matrimonii iure velle iungi. In sperato gaudio lætus pater sermonem eius excepit. Et rex in medio cupiditatis ardore iussit afferri patrio more panem, (hoc erat apud Macedones sanctissimum cocuntium pignus) quem diuisum gladio vterq; libabat. Credo eos qui gentis mores condiderunt, parco & parabili victu ostendere voluisse iungentibus opes, quantulo contenti esse deberent. Hoc modo rex Asiæ & Europæ introductam inter conuiuiales ludos matrimonio sibi adiūxit, è captiua geniturus, qui victoribus imperaret. Pudebat amicos super vinum & epulas focerum ex deditis esse delectum. Sed post Cliti cædem libertate sublata, vultu, qui maximè seruit, assentiebantur.

CAPVT XI.

ARGVMENTVM.

Iter in Indiam adornat. In copijs cxx. millia recenset. auro & argento arma exercitus expoliri iubet.

CETERUM Indiam, & indè Oceanum petiturus, ne quid à tergo, quod destinata impedire posset, moueretur, ex omnibus prouincijs xxx. millia iuniorum legi iussit, & ad se armata perducere, obsides simul habiturus & milites. Craterum autem ad persequendos Haustanem, & Catenem, qui ab ipso defecerant, misit, quorum Haustanes captus est, Catenes in prælio occisus. Polypercon quoque regionem quæ Bubacene appellatur, in ditionem redegit. Itaque omnibus compositis cogitationes in bellum Indicum vertit. Diues regio habebatur

bebatur non auro modò, sed gemmis quoque, margaritisq; ad luxum magis quàm ad magnificentiam exulta. Clypei militares auro & ebo-
re fulgere dicebantur. Itaq; nec ubi vinceretur, cum cæteris præstaret, scutis argenteas lami-
nas, equis frenos aureos addidit, loricas quoq;
alias auro, alias argento adornavit. cxx. millia
armatorum erant, quæ regem ad id bellum se-
quebantur.

CAPVT XII.

ARGVMENTVM.

*Rex vult Deus credi & coli. In recusantes ira-
rum fulmina iactat. Hages & Cleo adulator-
es Græci Deum pronunciant, Callisthenes
Philosophus obnunciat.*

IAmque omnibus præparatis, quod olim præ-
ua mente conceperat, tunc esse maturum ra-
tus, quomodo cælestes honores usurparet, cœ-
pit agitare. Iouis filium non dici tantum se,
sed etiam credi volebat, tanquam perinde a-
nimis imperare posset, ac linguis. Itaque more
Persarum Macedonas venerabundos ipsum sa-
lutare prosternentes humi corpora. Non dec-
rat talia concupiscenti perniciosâ adulatio,
perpetuum malum regum, quorum opes sæ-
pius assentatio, quàm hastis euertit. Nec Mac-
edonum hæc erat culpa, nemo enim illorum
quicquam ex patrio more libera sustinuit, sed
Græcorum, qui professionem honestarum arti-
um malis corruperant moribus. Hages quidam
Argiuis pessimorum carminū post Choerilum
conditor, & ex Sicilia Cleo, hic quidem non

ingenij solum, sed etiam nationis vicio adulator, & cetera vrbium suarum purgamenta, quæ propinquis etiam maximorumque exercituum ducibus à rege præferbantur: Hi tum cælum illi aperiebant, Herculemque, & patrem Liberum, & cum Polluce Castorem nouo numini cessuros esse iactabant. Igitur festo die omni opulentia conuiuium exornari iubet, cui non Macedones modò & Græci principes amicorum, sed etiam nobiles adhiberentur, Cum quibus cū discubuisset rex, paulisper epulatus cōuiuiο egreditur. Cleo sicut præparatus erat, sermonē cum admiratione laudum eius instituit. Merita deinde percensuit quibus vno modo referri gratiā posse, si quē intelligerēt deum esse, confiterentur, exigua thuris impensā tanta beneficia pensaturi. Persas quidē non piē solū, sed etiam prudēter reges suos inter deos colere; maiestatem enim imperij salutis esse tutelam. Ne Herculem quidem & patrem Liberū prius dicatos deos, quàm vicissent secū viuentium inuidiam. Tantundem quoque postea credere, quantum præsens ætas sponduisset. Quod si cæteri dubitent, semetipsum cum rex inisset conuiuium, prostraturum humi corpus. Debere idē facere ceteros, & in primis sapiētia præditos. Ab illis enim cultus in regem, exemplum esse prodendum. Haud perplexē in Callisthenem dirigebatur oratio. Grauitas viri & prompta libertas inuisa erat regi, quasi solus Macedonas paratos ad tale obsequium moraretur. Is tum silentio facto, vnū illū intuētibus ceteris, *Si rex, inquit, sermoni tuo affuisset, nullius profectò vox respōsuri tibi desideraretur.*

Ipse.

*Ipse enim peteret, ne in peregrinos externosque ritus degenerare se cogeret, ne rebus felicissime gestis inuidiam tali adulatione contraheret. Sed quoniam abest, ego tibi pro illo respondeo, nullum esse eundem & diuturnum & praecequum fructum, caelestesque honores non dare te regi, sed auferre. Interuallo enim opus est, ut credatur deus, semperque hanc gratiam magnis viris posteris reddunt. Ego autem si iam immortalitatem precor regi, ut & vita diutina sit, & aeterna maiestas. Hominem consequitur aliquando, nunquam comitatur diuinitas. Herculem modò & patrem Liberum consecrate immortalitatis exempla referebas. Crederes ne illos unius conuiuij decreto deos factos? Prius ab oculis mortaliū amolita natura est, quàm in calum fama perueberet. Scilicet ego & tu Cleo deos facimus. A nobis diuinitatis suae auctoritatem accepturus est rex. Potentiam tuam experiri libet. Fac aliquid regem, si deum potes facere. Facilius est calū dare, quàm imperium? Dii propiti sine inuidia quae Cleo dixit audierint: eodemque cursu, quo fluxere adhuc res, ire patiantur. Nostri moribus velint nos esse contentos. Non pudet patriam, nec desiderio ad quē modū rex mihi colendus sit, à Persis discere. Quos equidē victores esse cōfiteor, si ab illis leges quae viuamus, accipimus. A Equis auri-
bus Callisthenes veluti vindex publicae libertatis audiebatur. Expresserat non assensionem modò, sed etiam vocem; seniorum praecipuè, quibus grauis erat inueterati moris externa*

mutatio. Nec quidquam eorum quæ inuicem iactata erant; rex ignorabat, cum post aulae quæ lectis obduxerat, stare. Igitur ad Hagem & Cleonem misit, ut sermone finito Barbaros tantum, cum intrasset, procumbere suo more paterentur. Et paullo post, quasi potiora quædam egisset; conuiuium repetit. Quem veneratibus Persis, Polypercon, qui cubabat supra regem, vnum ex his mento contingentem humum, per ludibriū coepit hortari, ut vehementius id quateret ad terram: elicitq; iram Alexandri, quam olim animo capere non poterat. Itaq; rex, *Tu autem, inquit, non venerabis me? An tibi vni digni videmur esse ludibrio?* Ille nec regem ludibrio, nec se contentu dignum esse respondit. Tum detractum eum lecto rex precipitat in terram. Et cum is pronus corruisset, *Videsne, inquit, idē te fecisse, quod in alio paullo antē ridebas?* Et tradi eum in custodiam iussu, conuiuium soluit. Polyperconti quidem postea, prius castigato ignouit. In Callisthenē olim contumacia suspectū, peruiicatoris iræ fuit, cuius explendæ matura obuenit occasio.

CAPVT XIII.

ARGVMENTVM.

MOS principum iuuentutis excubandi, honores eorumdem. Hermolai castigati in regem cum socijs coniuratio, periculum regis.

MOS erat (ut supra dictum est) principibus Macedonum adultos liberos regibus tradere ad munia haud multum seruilibus ministerijs abhorrentia. Excubabant seruatis nocturn

vicibus proximi foribus eius ædis in qua rex acquiescebat. Per hos pēllices introducebantur alio aditu, quā quemarmati obsidebant. Iidem actos ab agalōnibus equos; cum rex ascensurum esset, admoūebant, comitabanturque & venantem, & in proelijs; omnibus artibus studiorum liberalium exculti. Præcipuus honor habebatur, quod licebat sedentibus vesci cum rege. Castigandi eos verberibus nulli ius, nisi potestas per ipsū erāt. Hęc cohors velut seminarium ducū præfectōrumq; apud Macedonias fuit. Hinc habuere pōsteri regēs, quorum stirpi post multas ætates Romani opes ademerunt. Igitur Hermolaus puer nobilis ex regia cohorte cum aprum telō occupasset, quem rex ferire destinauerat, insū eius verberibus affectus est. Quam ignominiam ægrē ferens deflere apud Sostratum cēpit; ex eadē cohorte erat Sostratus amorē eius ardens. Qui cū laceratū corpus, in quo deperibat, intueretur, forsītā olim ob aliam quoq; causam regi infestus; iuuenem sua sponte iam motū, data fide acceptaque perpulit, vt occidendi regem consilium secum iniret. Nec puerili impetu rem exsecuti sunt: quippe solerter legerūt, quos in locietatē sceleris asceiscerent, Nicostратum, Antipatrum, Asclepiodorumque; placuit & Philotam assumi. Per hos adiecti sunt Anticles Elaptonius, & Epimenes. Ceterū agendę rei haud sanē facilis patebat via. Opus erat eadem omnes cōiuratos noctē excubare; ne ab expertibus consilij impedirentur. fortē autem alius alianoctē excubabat. Itaq; in permutandis stationum vicibus, ceteroq; apparatu exsequendę rei, trigin-

ta & duo dies absumti sunt. Aderat nox; quia cōiurati excubare debebant; mutua fide læti; cuius documentum tot dies fuerant. Neminem metus spesve mutauerat. Tanta omnibus vel in regē ira, vel si les inter ipsos fuit. Stabāt igitur ad fores edis eius in qua rex vescebatur, vt conuiuiū egressum in cubiculū deducerent. Sed fortuna ipsius, simulq; epulantiū comitas prouexit omnes ad largius vinum. Iudi etiam conuiuales extraxere tempus, nunc lætis coniuratis; quod sopitum aggressuri essent: nunc sollicitis, ne in lucem conuiuium extraheret: quippe alios in stationem oportebat prima luce succedere, ipsorum post septimum diem reditura vice. Nec sperare poterant in illud tempus omnibus duraturam fidem. Ceterum cum iam lux appeteret, & conuiuium soluitur, & coniurati exceperunt regem; læti occasionem exsequēdi sceleris admotam, cum mulier attōnita (vt creditū est) mentis conuersari in regia solita, quia instinctu videbatur futura prædicere, non occurrit modò abeunti; sed etiam semet obiecit; vultuq; & oculis motum præferens animi, vt rediret in cōuiuium, monuit: & ille per ludum bene deos suadere respōdit: reuocatisque amicis; in horam diei ferme secundam conuiuij tempus extraxit. Iam alij ex cohorte in stationē successerant, ante cubiculi fores excubaturi. Adhuc tamen coniurati stabant vicē officij sui expleta. Adeo pertinax spes est, quam humanæ mentes deuorauerunt. Rex benignius quàm alias allocutus, discedere eos ad curāda corpora, cum tota nocte perstitissent; iubet. Data singulis quinquaginta sestertia: collaudatq;

laudatiq; , quòd etiam alijs tradita vice, tamen excubare perseverassent. Illi tanta spe destituti domos abeunt. & ceteri quidem expectabant stationis suæ noctem.

CAPVT XIV.

ARGVMENTVM.

Epimenes aperit coniurationem, vinciuntur, & Callisthenes inter hos.

EPimenes, siue comitate regis, quæ ipsum inter coniuratos exceperat, repentè mutatus, siue quia coëptis deos ob stare credebatur, fratri suo Eurilochò, quem antea expertem esse cōsiliij voluerat, quid pararetur aperit. Omnibus Philotæ supplicium in oculis erat. Itaque protinus iniicit fratri manum, & in regiam pervenit: excitatisque custodibus corporis, ad salutem regis pertinere quæ afferret, affirmat. & tempus quo venerant, & vultus haud sanè securi animi index, & moestitia è duobus alterius, Ptolemæum ac Leonatum excubantes ad cubuli limen excitauerunt. Itaque apertis foribus, & lumine illato, sopitum mero ac somno excitant regem. Illi paulatim mente collecta, quid afferrent, interrogat. Nec cunctatus Eurilochus, non ex toto domum suam auersari deos dixit, quia frater ipsius, quamquam impium facinus ausus foret, tamen & poenitentiam eius ageret, & per se potissimum profiteretur indicium, in eam ipsam noctem, quæ detegeret, insidias comparatas fuisse. auctores scelesti consilij esse, quos minimè crederet. Tum Epimenes cuncta ordiue, conscriptorumq; non omnia exponit. Callisthenem non ut participem faci-

ta & duo dies absumti sunt. Aderat nox; qui
 cōiurati excubare debebant; mutua fide læti
 cuius documentum tot dies fuerant. Nemi-
 nem metus spesve mutauerat. Tanta omnibu-
 vel in regē ira, vel fides inter ipsos fuit. Stabat
 igitur ad fores edis eius in qua rex vescebatu-
 vt conuiuium egressum in cubiculū deducerent.
 Sed fortuna ipsius, simulq; epulantiū comita-
 prouexit omnes ad largius vinum. Iudi etia-
 conuiuiales extraxere tempus, nunc lætis cō-
 iuratis, quod sopitum aggressuri essent: nunc
 sollicitis, ne in lucem conuiuium extrahere
 quippe alios in stationem oportebat prima lu-
 ce succedere, ipsorum post septimum diem re-
 ditura vice. Nec sperare poterant in illud tē-
 pus omnibus duraturam fidem. Ceterū cum
 iam lux appeteret, & conuiuium soluitur, &
 coniurati exceperunt regem; læti occasiones
 exsequēdi sceleris admotam, cum mulier at-
 titā (vt creditū est) mentis conuersari in regi-
 solita, quia instinctu videbatur futura prædica-
 re, non occurrit modò abeunti, sed etiam se-
 met obiecit; vultuq; & oculis motum præfe-
 rens animi, vt rediret in cōuiuium, monuit: &
 ille per ludum bene deos suadere respōdit: re-
 uocatisque amicis, in horam diei ferme secur-
 dam conuiuij tempus extraxit. Iam alij ex co-
 horte in stationē successerant, ante cubiculi fo-
 res excubituri. Adhuc tamen coniurati staban-
 vice officij sui expleta. Adeo pertinax spes est
 quam humanæ mentes deuorauerunt. Rex be-
 nignius quàm aliàs allocutus, discedere eos a-
 curāda corpora, cum tota nocte perstitissent
 iubet. Data singulis quinquaginta sestertia: col-
 laudatque

laudatiq; , quòd etiam alijs tradita vice, tamen excubare perseverassent. Illi tanta spe destituti domos abeunt. & ceteri quidem expectabant stationis suæ noctem.

CAPVT XIV.

ARGVMENTVM.

Epimenes aperit coniurationem, vinciuntur, & Callisthenes inter hos.

EPimenes, siue comitate regis, quæ ipsum inter coniuratos exceperat, repentè mutatus; siue quia coëptis deos obstare credebat, fratri suo Eurilochò, quem antea expertem esse cōsiliij voluerat, quid pararetur aperit. Omnibus Philotæ suppliciū in oculis erat. Itaque protinus iniicit fratri manum, & in regiam peruenit: excitatisque custodibus corporis, ad salutē regis pertinere quæ afferret, affirmat. & tempus quo venerant, & vultus haud sanè securi animi index, & moestitia è duobus alterius; Ptolemæum ac Leonatum excubantes ad cubi- culi limen excitauerunt. Itaque apertis foribus, & lumine illato, sopitum mero ac somno excitant regem. Illi paulatim mente collecta, quid afferrent, interrogat. Nec cunctatus Eurilochus, non ex toto domum suam auersari deos dixit, quia frater ipsius, quamquam impium facinus ausus foret, tamen & poenitentiam eius ageret, & per se potissimum profiteretur indicium, in eam ipsam noctem, quæ detegeret, insidias comparatas fuisse. auctores scelesti consilij esse; quos minimè crederet. Tum Epimenes cuncta ordiue, consciorumq; nō omnia exponit. Callisthenem non vt participem faci-

facinoris nominatum esse constabat, sed solitum puerorum sermonibus vituperantiū criminantiumque regem faciles aures [præbere. Quidam adiciunt, cum Hermolaus apud eum quoque verberatum se à rege quereretur, dixisse Callisthenem, meminisse debere eos iam viros esse: idque ad consolandam patientiam verberum, an ad incitandum iuuenum dolorem dictum esset; in ambiguo fuisse. Rex animi corporisque sopore discusso, cum tanti periculi, imago oculis oberraret. Eurilochum quinquaginta talentis & cuiusdā Tyridatis opulenti bonis protinus donat: fratremque, antequam pro salute eius precaretur, restituit. Sceleris autem auctores, interque eos Callisthenem, victos asseruari iubet: quibus in regiam adductis, toto die & nocte proxima mero ac vilijs grauis acquieuit.

CAPVT XV.

ARGVMENTVM.

Causa coniuratorum agitur. Hermolaus contra regem perorat.

Postero autem frequens concilium adhibuit, cui patres propinqui que eorum, de quibus agebatur, intererant, ne de sua quidem securi salute; quippe Macedonum more perire debebant, omnium deuotis capitibus, qui sanguine contigissent eos. Rex introduci coniuratos præter Callisthenem iussit: atque quæ agitauerant, sine cunctatione confessi sunt. Increpatibus deinde vniuersis eos; ipse rex, quo suo merito tantum in semet cogitassent facinus, interrogat. Stupetibus ceteris; Hermolaus, *Nec*
verò

verò, inquit, quoniam quasi nescias queris, occidendi te consilium inivimus, quia non ut ingenuis imperare cœpisti, sed quasi in mancipia dominaris. Primus ex omnibus pater ipsius Sopolis parricidam etiam parentis sui climitas esse, consurgit, & ad os manu obiecta, scelere & malis infanientem vltra negat audiendum. Rex inhibet patre, dicere Hermolaum iubet, quæ ex magistro didicisset Callisthene. & Hermolaus, Vtor, inquit, beneficio tuo, & dico quæ nostris malis didici. Quot pars Macedonum scitiae tuae superest? Quotus quidem non è vilissimo sanguine? Attalus & Philotas, & Parmenio, & Lyncestes Alexander, & Clitus, quantum ad hostes pertinet, viuunt: stant atque, te clypeis suis protegunt, & pro gloria tua, pro victoria vulnera excipiunt: quibus tu egregiam gratiam retulisti. Alius mensam tuam sanguine suo asper sit, Alius ne simplici quidē morte defunctus est. Ductes exercituum tuorum in eculeum impositi. Persis quos vicerat, fuere spectaculo. Parmenio indit & caussatruccidatus est, per quem Attalum occideras. Inuicem enim miserorum vteris manibus ad expetenda supplicia. Et quos paullo ante ministros cadū habuisti, subito ab alijs iubes trucidari. Obstreunt subinde cuncti Hermolao. Pater supremum strinxerat ferrum, percussurus haud dubiè, si inhibitus esset a rege: quippe Hermolaum dicere iussit: petitque ut causas supplicij augentem patienter audirent. Aegrè ergo coercitus, rursus Hermolaus, Quā libet aliter, inquit, pueris rudibus ad dicendum

agere permittit? at Callisthenis vox carcere inclusa est, quia solus potest dicere. Cur enim non producitur, cum etiam cōfessi audiuntur? Nempe quia liberam vocem innocentis audire metuis. Ac ne vultum quidem pateris. Atqui nihil eum fecisse contendo. Sunt hic, qui mecum rem pulcherrimam cogitauerunt. Nemo est qui consciūm fuisse nobis Callisthenem dicat, cum mortis olim destinatus sit à iustissimo & patientissimo rege. Hac sunt ergo Macedonum pramia, quorum ut supervacuuo & sordido abuteris sanguine. At tibi triginta millia mulorum captivum aurum vehunt, cum milites nihil domum præter gratuitas cicatrices relaturi sunt. Quæ tamen omnia tolerare potuimus, antequam nos Barbaris dederes, & nouo more victores sub iugū mitteres. Persarum te vestit & disciplina deletat: patrios mores exosus es. Persarum ergo non Macedonū regem occidere volumus, & te transfugam belli iure persequimur. Tu Macedonas voluisti genuatibi ponere, venerarique te ut deum. Tu Philippum patrem auersaris, & si quis deorum antè Iouem haberetur, fastidire etiam Iouem. Mirari, si liberi homines superbiam tuam ferre non possumus? Quid speramus ex te, quibus aut insontibus moriendum est, aut, quod tristius morte est, in seruitute viuendum? Tu quidem si emendari potes, multum mihi debes. Ex me enim scire cœpisti, quid ingenui homines ferre nō possint. De cetero parce his quorū orbam senectutem supplicij ne operaueris. Nos

inbe

iube duci, ut quod ex tua morte petieramus, consequamur ex nostra. hæc Hermolaus.

CAPUT XVI.

ARGUMENTUM.

Hermolao respondet Alexander, qui reos duci iubet, atque inter hos Callisthenē, cuius mors, genusq; mortis æternam regi peperit invidiam & infamiam.

A Trex; Quam falsa sint, inquit, quæ iste tradita à magistro suo dixit, patientia mea ostendit. Confessum enim ultimum facinus, tamē ut vos quoq; audiretis, expressi non imprudens, cum permissem latroni huic dicere, vsurū eā rabie, quā compulsus est, ut me, quem parentis loco colere debet, vellet occidere. Nuper cum procacius se in venatione gessisset, more patrio, & ab antiquissimis Macedonia regum vsurpato, castigari eum iussi. Hoc & oportet fieri, & ferūt a tutoribus pupilli, à maritis vxores, seruis quoque pueros huius ætatis verberare concedimus. Hac est scuitia in ipsū mea, quā impia cade voluit vlcersci. Nam & in ceteros, qui mihi permittūt uti ingenio meo, quā mitis sim, non ignoratis. Hermolao parricidarum supplicia non probari, cum eadem ipse meruit, minimē hercule admittor. Nā cum Parmenionem & Philotam laudat, sua seruit causa. Lyncestem verò Alexandrumbis insidiatum capiti meo, à duobus indicys liberaui. Rursus conuictum, per biennium tamen distuli, donec vos postularetis, ut tandem debito supplicio

scelus lueret. Attalum; antequam rex essem, ho-
 stem meo capiti fuisse meministi. Clitus utinam
 non coegisset me sibi irasci. Cuius temerariam
 linguam probra dicentis mihi & vobis diutius tu-
 li, quàm ille eadem me dicentem tulisset. Regum
 ducumq; clementia, nō in ipsorum modo, sed et-
 iam in illorum qui parent; ingenijs fita est. Obse-
 quio mitigantur imperia. Vbi verò reuerentia
 excessit animus, & summa iniis confundimus, vi
 opus est vt vim repellamus. Sed quid ego miror
 istum crudelitatem mihi obiecisse, qui auaritiā
 exprobrare ausus sit? Nolo singulos vestrum exci-
 tare, ne inuisam liberalitatem meam faciam, si
 pudori vestro grauem fecero. Totum exercitum
 aspiciate: qui paullo antè nihil prater arma habe-
 bat, nunc argenteis cubat lectis: mensas auro one-
 rant; seruorum greges ducunt; spolia de hostibus
 sustinere non possunt. Atenim Persa quos vici-
 mus, in magno honore sunt. Apud me quidem
 moderationis meae certissimū indicium est, quod
 ne victis quidem superbe impero. Veni enim in
 Asiam, non vt funditus euerterem gentes, nec vt
 dimidiam partem terrarum solitudinem face-
 rem, sed vt illos quoq; quos bello subegissem, victo-
 riæ meae non pœniteret. Itaq; militant vobiscum,
 pro imperio vestro sanguinem fundunt, qui su-
 perbe habiti rebellassent. Non est diuturna pos-
 sessio, in quam gladio inducimur. Beneficio-
 rum gratia sempiterna est. Si habere Asiam,
 non transire volumus, cum his communicanda
 est nostra clementia, horum fides stabiles & ater-

num faciet imperium : & sanè plus habemus, quàm capimus. Insatiabilis autem auaritia est, adhuc implere velle quod iam circumfluit. Verùm tamen eorum mores in Macedonas transfundo, in multis enim gentibus esse video, quæ non crubescamus imitari. nec aliter tantum imperium optè regi potest, quàm ut quadam & tradamus illis, & ab iisdem discamus. Illud penè dignum risu fuit, quod Hermolaus postulabat à me ut auersarer Iouem, cuius oraculo agnoscor. An etiam quid dū respondeant, in mea potestate est: Obtulit mihi filij nomen : recipere, ipsis rebus quas agimus, haud alienum fuit. Utinam Indi quoque deum esse me credant. fama enim bella constant, & sæpè etiam quod falsò creditum est, veri vicem obtinuit. An me luxuria indulgentem putati armæ vestra auro argentoquæ adornasse? Assuetis nihil vilius hac videri materia volui ostendere; Macedonas inuictos ceteris, nec auro quidem vincti. Oculos ergo primùm sordidis omnia & humilia spectantiū capiam, & docebo nos non auri aut argenti cupidos, sed orbem terrarum subacturos venire. Quam gloriam tu parricida intercipere voluisti, & Macedonas rege adempto deuictis gentibus dedere. At nunc mouet me, ut vestras parentibus parcam. Non oportebat quidem vos scire quid de his statuissem, quò tristiores periretis, si qua vobis parentum memoria & cura est: sed olim istum morem occidendi cum sceleratis, infantes propinquos parentesquæ, solui: & profiteor in eodem honore futuros omnes eos, in

quos fuerunt. Nam tuum Callisthenem, cui vni vir videris, quia latro es, scio cur produci velis, ut coram his probra, quæ in memodò iecisti, illius quoque ore referantur. Quem si Macedo esset, tecum introduxissem, dignissimum te discipulo magistrum. Nunc Olynthio non idem iuris est. Post hæc concilium dimisit, tradique damnatos hominibus qui ex eadem cohorte erant, iussit. Illi ut fidē suā læuitia regi approbarent, excruciatos necauerunt. Callisthenes

CALLISTHENES.



quoq; antè tortus interiit. inici cōsiliij in caput regis innoxius; sed haud quaquā aulæ & assentantium accommodatus ingenio. Itaq; nullius cædes maiorem apud Græcos Alexandro excitauit inuidiam, quòd præditum optimis moribus

ribus artibusque, à quo reuocatus ad vitam erat, cum interfecto Clito mori perseveraret, non tantum occiderit, sed etiam torserit, indicta quidem causa. Quam crudelitatem fera poenitentia consecuta est.

CAPVT XVII.

ARGVMENTVM.

In Indiam mouet. India prolixa & nobilis descriptio, morumque Indorum.

SED ne otium ferendis rumoribus natum assleret, in Indiam mouit, semper bello quam post victoriam clarior. India tota ferme spectat Orientem, minus in latitudinem quam recta regione spatiosa, quæ Austrum accipiunt, in altius terræ fastigium excedunt. plana sunt cetera, multisque inclytis omnibus Caucaſo monte ortis placidum per campos iter præbent. Indus gelidior est quam ceteri. Aquas vehit à colore maris haud multum abhorrentes, Ganges omnium ab ortu maximus, à meridiana regione decurrit, & magnorum montium iuga recto alueo stringit. In eum obiectæ rupes inclinant ad Orientem. vterque rubro mari accipitur findens ripas, multasque arbores cum magna parte soli exorbet. Saxis quoque impeditus, crebro reuerberatur. Vbi mollius solum reperit, stagnat, insulasque molitur. Acesines eum auget. Ganges decursurum in mare intercipit; magnoque motu amnis vterque colliditur: quippe Ganges asperum os influenti obijcit, nec percussæ aquæ cedunt. Dyardenes minus celebr auditu est, quia per vltima Indiæ currit. Ceterum non crocodilos modo, vti Nilus, sed etiam

am delphines, ignotasq; alijs gentibus beluas alit. Erimanthus crebris flexibus subindè curuatus, ab accolis rigantibus capitur. Ea causa est, cur tenues reliquias iam sine nomine in mare emittat. Multis præter hos annibus tota regio diuiditur. sed ignobilibus, quia non adeò interfluunt. Ceterùm quæ propria sunt mari, Aquilones maximè deurunt. Ii cohibiti iugis montium, ad interiora non penetrant, ita alendis frugibus mitiora. Sed adeò in illa plaga mundus statas temporum vices mutat, ut cum alia feruore solis exæstuant, Indiam niues obruant: rursumque ubi cetera rigent, illic intolerandus æstus existat: nec cur, ulli se naturæ causa ingessit. Mare certè quo alluitur, ne calore quidem abhorret à ceteris. Ab Erythro rege inditum est nomen, propter quod ignari rubere aquas credunt. Terra lini ferax; indè plerisque sunt vestes. Libri arborum teneri, haud secus quàm ceræ, litterarum notas capiunt. Aues ad imitandum humanæ vocis sonum dociles sūt. Animalia inusitata ceteris gentibus, nisi inuenta. Eadem terra & rhinocerotas alit, nō generat. Elephantorum maior est vis, quàm quos in Africa domitant: & viribus magnitudo respondet. Aurum flumina vehunt, quæ leni modicoque lapsu segnes aquas ducunt. Gemmas margaritasq; mare litoribus infundit: neque alia illis maior opulentia causa est; utiq; postquam vitiorum commercium vulgauere in exteras gentes: quippe æstimantur purgamenta exæstuantis freti pretio quod libido constituit. Ingenia hominū, sicut ubiq;, apud illos locorū quoque situs format. Corpora vsq; pedes carbaso velant.

velant. Soleis pedes, cæpita lintheis vinciunt. Lacilli ex auribus pendent, brachia quoq; & lacertos auro colunt, quibus inter populares aut nobilitas aut opes eminent. Capillum pectunt sæpius quàm tondent. Menrũ semper intonsũ est. Reliquam oris cutẽ ad læuitatem exæquāt. Regum tamen luxuria, quam ipsi magnificentiam appellant, super omnium gentium est. Cũ rex se in publico cõspici patitur, thuribula argentea ministri ferunt, totumq; iter per quod ferri destinavit, odoribus complent. Aurea lectica margaritis circumpendentibus recubat. Distincta sunt auro & purpura carbasæ quæ indutus est. Lecticam sequuntur armati, corporisq; custodes. Inter quos ramis aënes pendent, quas cantu serijs rebus obstrepere docuerunt. Regia columnas auratas habet. totas eas vitis auro cælata percurrit: animumque quarum visu maximè gaudent, argentæ effigies opera distinguunt. Regia adeuntibus patet, cùm capillum pectit atque ornat: tunc responsa legationibus, tunc iura popularibus reddit. Dementis soleis odoribus illinuntur pedes. Venatus maximus labor est, inclusa viuaria animalia inter vota cantusq; pellicum figere. Binum cubitorum sagittæ sunt, quas emittunt maiore nisu quàm effectus: quippe telum, cuius in leuitate vis omnis est, inhabili pondere oneratur. Breuiora itinera equo conficit. Longior vbi expeditio est, Elephanti vehunt, currum & tantarũ beluarum corpora tota contegunt auro. Ac nequid perditis moribus desit, lecticis aureis pellicum longus ordo sequitur. Separatum à reginæ ordinẽ agmen est, æquatq; luxuria. Fe-

minæ epulas parât. Ab ijsdem vinum ministratur, cuius omnibus Indis largus est vsus. Regē mero somnoq; sopitum in cubiculum pelli ces referunt, patrio carmine noctium inuocantes deos. Quis credat inter hæc vitia curam esse sapientiæ? Vnum agreste & horridum genus est, quos sapientes vocant. occupare fati diem pulchrum: & viuos se cremari iubent, quibus aut segnis ætas, aut incommoda valetudo est; expectatam mortem pro dedecore vitæ habent. Nec vllus corporibus quæ senectus soluit, honos redditur. Inquinari putât igne, nisi qui spirantes recipit. Illi qui in vrbibus, publicis moribus degunt, siderum motus scite spectare dicuntur, & futura prædicere. Nec quæquam ad mouere lethi diē credūt, cui expectare interrito liceat. Deos putât quidquid colere coeperūt, arbores maximè, quas violare capital est. Mēses in quinos denos descripserūt dies. Anni plena spatia seruant. Lunæ cursu notant tempora, non vt plerique, cum orbem sidus impleuit; sed cum se curuare cœpit in cornua: & idcirco breuiiores habent mēses, qui spatium eorum ad hunc lunæ modum dirigunt. Multa & alia traduntur, quibus morari ordinem rerum haud sanè operæ videbatur.

CAPVT XVIII.

ARGVMENTVM.

Indiam per deditionem & vim occupat.

Igitur Alexandro fines Indiæ ingressō, gentium suarum reguli occurrerunt, imperata facturi; illum tertium Ioue genitum ad ipsos peruenisse memorantes. Patrem Liberum, atq; Hercu-

Herculem fama cognitos esse: ipsum coram ad-
esse cerniq; Rex benignè exceptos sequi iussit,
ijsdem itinerum ducibus vsurus. Ceterum cum
amplius nemo occurreret, Hephæstionem &
Perdiccam cum copiarum parte præmisit ad
subigendos qui auersarentur imperium: ius-
sitq; ad flumen Indum procedere, & nauigio
facere, quis in vltiora transportari posset ex-
ercitus. Illi, quia plura flumina superanda erāt,
sic iunxere naues, vt solutæ plaustris vehi pos-
sent, rursusque coniungi. Post se Cratero cum
phalange iussu sequi, equitatum ac leuem ar-
maturam eduxit: eosque qui occurrerunt, leui
proelio in urbem proximam compulit. Iam su-
peruenerat Craterus, Itaq; vt principio ter-
rorē incuteret genti nondum arma Macedonū
expertæ, præcipit ne cui parceretur, munimen-
tis vrbis quam obsidebat, incensis. Ceterum dū
obequitabat moenibus, sagitta ictus est. Cepit
tamen oppidum, & omnibus incolis eius tru-
cidatis, etiam in tecta sæuitum est.

CAPVT XIX.

ARGVMENTVM.

*Nysæ à Baccho condita descriptio, oppugnatio,
deditio. Exercitus operatur Libero, & Bac-
chanalia viuunt.*

INdè domita ignobili gente, ad Nysam vr-
bem peruenit. Fortè castris ante ipsa moenia
in siluestri loco positis, nocturnum frigus
vehementius quàm aliàs horrore corpora af-
fecit, opportunumque remedium ignis ob-
latum est. Cæsis quippe siluis flammam excita-
uerunt,

uerunt, quæ igni alita, oppidanorum se pulchra comprehendit. Vetus cedro facta erat, conceptumq; ignem latè fudere, donec omnia solo æquata sunt. Et ex vrbe primùm canum latatus, deindè etiam hominum fremitus auditus est. Tum & oppidani hostem, & Macedones ad urbem ipsos venisse cognoscunt. Iamque rex eduxerat copias, & moenia obsidebat, cū hostium, qui discrimen tentauerant, obruti telis sunt. Alijs ergo deditiōem, alijs pugnam experiri placebat: quorum dubitatione comperita, circumfideri tantum eos, & abstineri cedi- bus iussit: tandemq; obsidionis malis fatigati, dedidere se. A Libero patre cōditos se esse dicebāt, & vera hæc origo erat. Sita est sub radicibus montis quem Mero Incolæ appellant. Indè Græci mentiendi traxere licentiam, Iouis femine Liberū patrē esse cēlatū. Rex suū montis cognito ex incolis, cum toto exercitui præmissis cōmeatibus verticē eius ascendit. Multa hedera vitisq; toto gignitur monte. Multe perennes aquæ manant. Pomorū quoq; varijs salubresq; luci sunt, sua sponte fortuitorū seminū fruges humo nutriente; Lauri, baccaq; & multa in illis rupibus agrestis est silua. Credo equidē nō diuino instinctu, sed lasciuia esse pro- uectos, vt passim hederæ ac vitium folia decerperēt, redimitiq; fronde toto nemore similes bacchātibz vagarētur. Vocibus ergo tot mil- liū præsidē nemoris eius deū adorantiū iuga mōtis colleq; resonabant, cū orta licentia à paucis (vt ferè fit) in omnes se repētè vulgasset: quippe velut in media pace, per herbas ag- gestamque frondē prostrauerant corpora. Et rex for-

fortuitam licentiam nō auersatus, largē ad epulas omnibus præbitis, per dies decem Libero patri operatū habuit exercitiū. Quis neget eximiam quoq; gloriā sapius fortunæ, quā virtutis esse beneficium? quippe ne epulantes quidem & sopitos mero aggredi ausus est hostis, haud secus bacchantiū vlulantiumq; fremitu perterritus, quā si proeliantium clamor esset auditus. Eadem felicitas ab Oceano reuertētes temulentos commessantesq; protexit.

CAPVT XX.

ARGVMENTVM.

Varias vrbes & regiones expugnat. Inter has Mazagas & Cleophrēginam, Rex vulneratus sentit se hominem esse.

Hinc ad regionem quæ Dædala vocatur, peruentum est. Deseruerant incolæ sedes, & in auios siluestresq; montes confugerant. Ergo Acadera transit, æquē vasta & destituta incolentium fuga. Itaque rationem belli necelsitas mutauit. Diuisis enim copijs, pluribus simul locis arma ostendit: oppressique & qui non exspectauerant hostem, omni clade perdomiti sunt. Ptolemæus plurimas vrbes, & Alexander maximas cepit: rursusque quas distribuerat copias iunxit. Superato deinde Choaspe amne, Cœnon in obsidione vrbis opulentæ (Beiram incolæ vocant) reliquit. Ipse ad Mazagas venit nuper Affacano (cuius regnum fuerat) demortuo. Regioni vrbique præerat mater eius Cleophrēs. Triginta octo millia peditum tuebantur vrbe, non situ solum,

lūm, sed etiam opere munitam. Nam quā spectat Orientem, cingitur amne torrenti, qui præruptis vtriusque ripis aditum ad urbē impedit. Ab Occidente & à Meridie velut de industria rupes præaltas admolita natura est. infra quas cauernæ & voragines longa vetustate in altum cauatæ iacent. Quaq; desinunt, fossa ingentis operis obiecta est. xxxv. stadia murus urbem complectitur, cuius inferiora saxo, superiora crudo latere sunt structa. Lateri vinculum lapides sunt, quos interposuere, vt duriori materiæ fragilis incuberet, simulq; terra humore diluta, ne tamen vniuersa consideret. Interpositæ erant trabes validæ quibus iniecta tabulata muros & tegebant, & peruios fecerant. Hæc munimenta contemplantem Alexandrum, consiliiq; incertum (quia nec cauernas nisi aggere poterat implere; nec tormenta aliter muris admouere) quidam è muro sagitta percussit. Fortè in suram incidit telum; cuius spiculo euulso admouere equum iussit, quo vectus ne obligato quidem vulnere haud segnius destinata exsequebatur. Ceterum cum crus saucium penderet, & cruore sic cato frigescentis vulnus aggrauaret dolorem, dixisse fertur se quidē Iouis filium dici, sed corporis ægri vitia sentire. Non tamen antè se recepit in castra, quàm cuncta perspexit, & quæ fieri vellet, edixit. Ergo sicut imperatū erat, alij extra urbem tecta moliebantur; ingentemque vim materiæ faciendo aggeri detrahebant: alij arborum magnarum stipites cumulis, ac moles saxorum in cauernas deiciebant. Iamque agger æquauerat summæ fastigium terræ. Itaque

que turres erigebantur, quæ opera ingenti militum ardore intra nonum diem absoluta sunt. Ad ea visenda rex nondum obducta vulnere cicatrice processit, laudatisq; militibus, admoueri machinas iussit; e quibus ingēs vis telorū in propugnatores effusa est. Præcipuè rudes tallium operum terrebant mobiles turres: tantasq; moles nulla ope quæ cerneretur adiutas: deorum numine agi credebant. Pila quoq; muralia, & excussas tormentis prægraues hastas, negabant conuenire mortalibus. Itaque desperata vrbis tutela, concessere in arcem. Inde, quia nihil obsessis præter deditiōē placebat, legati ad regem descenderunt veniam petitura. Qua impetrata, regina cum magno nobiliū feminarum grege aureis pateris vina libantium processit. Ipsa genibus regis paruo filio admoto, non veniam modò, sed etiam pristinae fortunæ impetrauit decus: quippe appellata regina est, & credere amplius formæ quàm miserationi datum. Puero quoq; certè postea ex ea utcumq; genito, Alexandro nomen fuit.

CAPVT XXI.

ARGVMENTVM.

Noram occupat, petram Aornin describit Curtius, quam obsidet rex, fugiunt obsessi & trucidantur, vsq; ad Indum penetrat.

Hinc Polypercon ad urbem Noram cum exercitu missus; inconditos oppidanos proelio vicit: intra munimenta compulso secutus, urbē in ditionē redegit. Multa ignobilia oppida deserta à suis venire in regis potestatem,

statem. Quorum incolæ armati petram Aornin nomine occupauerunt. hanc ab Hercule frustra obfessam esse, terræque motu cōactum absidere, fama vulgauerat. Inopem consilij Alexādrum, quia vndiq; præceps & abrupta rupes erat, senior quidam peritus locorū, cum duobus filijs adiit, si pretium operæ esset, aditū se monstraturum esse promittens. Lxxx. talenta constituit daturum Alexander. & altero ex iuuenibus obside retento, ipsum ad exsequendā quæ obtulerat dimisit. Leuiter armatis dux datus est Mullinus scriba regis. Hos enim circuitu, qui falleret hostē, in summum iugum placebat euadere. Petra non, vt pleræq; modicis ac mollibus cliuis in sublimē fastigiū crescit, sed in metæ maximē modum erecta est: cuius imā spaciosiora sunt, altiora in artibus cōcunt, summa in acutū cacumen exsurgunt. Radices eius Indus amnis subit, præaltis vtrimque & atperis ripis. Ab altera parte voragines eluicelq; præruptæ sunt: nec alia expugnandi patebat via, quam vt replerentur. Ad manum silua erat, quam rex ita cædi iussit, vt nudi stipites iacerentur; quippe rami fronde vestiti impedissent ferentes. Ipse primus truncā arborem iecit, clamorq; exercitus index alacritatis secutus est, nullo detrectante murus quod rex occupasset. Intra septimū diem cauernas expleuerāt, cum rex sagittarios & Agrianos iubet per ardua niti. Iuuenelq; prōptissimos ex sua cohorte xxx. legit. duces his dati sunt Charus & Alexāder. quem rex nominis quod sibi cum eo commune esset, admonuit. Ac primo, quia tam manifestū periculū erat, ipsum regem discriminē subi-

subi-

subire non placuit. Sed ut signum tuba datum est, vir audaciæ promptæ conuersus ad corporis custodes, sequi se iubet, primusq; inuadit in rupem. Nec deinde quisquam Macedonum substitit, relictisq; stationibus sua sponte regem sequebantur. Multorum miserabilis fuit casus, quos ex prærupta rupe lapsos amnis præterfluens haussit. Triste spectaculum etiam non periclitantibus: cum verò alieno exitio, quid ipsis timendum foret, admonerentur, in metum misericordia versa, non extinctos, sed semetipsos deflebant. Et iam eo peruentum erat, vnde sine pernecie nisi victores redire non possent, ingentia saxa in subeuntes prouoluentibus Barbaris, qui percussis instabili & lubrico gradu præcipites recidebant. Euaserant tamen Alexander & Charus, quos cum xxx. delectis præmiserat rex, & iam comminus pugnare cœperant. Sed cum supernè tela Barbari ingererent, sæpius ipsi feriebantur. Ergo Alexander & nominis sui & promissi memor, dum acrius quàm cautiùs dimicat, confossus vndique obruitur. Quem ut Charus iacentem conspexit, ruere in hostem omnium, præter vltionem, immemor cœpit. Multosq; hasta, quodam gladio interemit. Sed cum vnū tot incesserent manus, super amici corpus procubuit exanimis. Haud secus quàm par erat, promptissimorum iuuenum ceterorumq; militum interitu commotus rex, signum receptui dedit. Saluti fuit, quod sensim & intrepidi se receperunt. Et Barbari hostem depulisse contenti, non insistere cedentibus. Ceterum Alexander cum stauisset desistere incepto, quippe nulla spes poti-

undæ petræ offerebatur, tamen speciem ostendit in obsidione perseverantis. Nam & itinera obsideri iussit, & turres admoueri, & fatigatis alios succedere. Cuius pertinacia cognita, Indi per biduum quidem ac duas noctes cum ostentatione non fiduciæ modò, sed etiam victoriæ, epulati sunt, tympana suo more pulsantes. Tertia verò nocte tympanorum quidē strepitus desierat audiri: ceterum ex tota petra faces refulgebant, quas accenderant Barbari, ut tutior esset ipsis fuga obscura nocte per inuia saxa cursuris. Rex, Balacro, qui specularetur, præmissis, cognoscit petram fuga Indorum esse desertam. Tum dato signo ut vniuersi conclamarent, in compositè fugientibus metum incussit. Multiq; (tamquam adesset hostis) per lubrica saxa, perq; inuias cotes præcipitati occiderunt. Plures aliqua membrorum parte multati, ab integris deserti sunt. Rex locorum magis quam hostium victor, tamen magnæ victoriæ sacrificijs & cultu deum satis fecit. Aræ in petra locatæ sunt Mineræ Victoriæque. Ducibus itineris, quos subire iusserat leuiter armatos, et si promissis minora præstiterant, pretium cum fide redditum est. Petræ, regionisq; ei adiunctæ Silocosto tutela permessa. Inde processit Echolima: & cum angustias itineris obsideri xx. milibus armatorum ab Eryce quodam comperisset, grauius agmen exercitus Ceno ducendum modicis itineribus tradidit. Ipse prægressus cum funditore ac sagittario deturbatis qui obsederant saltum, sequentibus se copijs viam fecit. Indi siue odio ducis, siue gratiam victoris iniuri. Erycem fugientem adorti interemerunt;

caput

caputq; eius atq; arma ad Alexandrum detulerunt. Ille facto impunitatem dedit, honorem denegauit exemplo.

CAPVT XXII.

ARGVMENTVM.

Omphim regem in fidem recipit, certant muneribus, quibus offensi Macedones.

Hinc ad flumen Indum sexdecimis castris peruenit, omniaque (vt præceperat) ad traiiciendum præparata ab Hephæstione reperit. Regnabat in ea regione Omphis, qui patri quoq; fuerat auctor dedendi regnū Alexandro. Et post mortem parentis legatos miserat, qui consulerent eum, regnare se interim vellent, an priuatim opperiri eius aduentum. Permissoq; vt regnaret, non tamen ius datum usurpare sustinuit. Is benignè quidem exceperat Hephæstionem, gratuitum frumentū copiis eius admensus, non tamen ei occurrerat, ne fidem ullius nisi regis experiretur. Itaq; obuiā venienti cum armato exercitu egressus est. Elephantique quoque per modica interualla militum agmini immixti procul castellorum fecerant speciem. Ac primo Alexander non locum, sed hostem aduentare credebat. Iamq; & ipse arma milites capere, & equites discedere in cornua iusserat, paratos ad pugnam. At Indus cognito Macedonū errore, iussis subsistere ceteris, ipse concitat equum quo vehebatur. Idem Alexander quoq; fecit: siue hostis. siue amicus occurret, vel sua virtute, vel illius fide tutus coire, quod ex vtriusq; vultu posset intelligi, amicis animis. Ceterū sine interprete nō pote-

rat cōseri sermo. Itaq; adhibito eo Barbarus occurrisse se dixit cum exercitu, totas imperij vires protinus traditurum, nec exspectasse dum per nuncios daretur fides. Corpus suum & regnum permittere illi, quem sciret gloriæ militantē, nihil magis quān famā timere perfidiæ. Lætus simplicitate Barbari rex, & dextrā fidei suæ pignus dedit, & regnum restituit. LVI. Elephantis erant, quos tradidit Alexandro, multaque pecora eximiae magnitudinis; tauros ad tria millia, pretiosum in ea regione, acceptumque animis regnantium armentum. Quærenti Alexandro plures agricultores haberet an milites: cum duobus regibus bellanti sibi, maiorem militum quān agrestium manu opus esse respondit. Abisares & Porus erant. Sed in Poro eminebat auctoritas. Vterque ultra Hydaspem amnem regnabat, & belli fortunam, quisquis arma inferret, experiri decreuerat. Omphis permittente Alexandro & regiū insigne sumsit, & more gentis suæ nomen, quod patris fuerat: Taxilem appellauere populares, sequente nomine imperium in quemcunq; transiret. Igitur cum per triduum hospitaliter Alexandrum accepisset; quarto die & quantum frumenti copijs, quas Hephæstion duxerat, præbitū a se esset ostendit: & aureas coronas ipsi amicisq; omnibus, præter hæc signati argenti Lxxx. talenta dono dedit. Qua benignitate eius Alexander mirè lætus, & quæ is dederat remisit, & mille talenta ex præda quam vehebat, adiecit, multaque alia conuiuialia ex auro & argento vasa, plurimum Persicæ vestis, xxx. equos ex suis eum iisdem insignibus, quæ affueuerant, cum ipsum

ipsum veherent. Quæ liberalitas sicut Barbarum obstrinxerat, ita amicos ipsius vehementer offendit; è quibus Meleager super coenam largiore vino usus gratulari se Alexandro dixit, quod saltem in India reperisset dignum talentis mille. Rex haud oblitus quàm ægrè tulisset, quod Clitum ob linguæ temeritatem occidisset, iram quidem tenuit, sed dixit, inuidos homines nihil aliud, quàm ipsorum esse tormenta:

CAPVT XXIII.

ARGVMENTVM.

Abisares rex deditur. Porus bellum cogitat. Defectores quidam capti ducuntur. Ad Hydaspem Alexander Porum habet obuium cum octoginta quinque elephantis, ccc. curribus. xxx millibus peditum. Describitur ipse Porus & Hidaspis, & insula in illo.

Postero die legati Abisaræ adiere regem, omnia ditioni eius, ita vt mandatum erat, permittebant, firmataq; inuicem fide remittuntur ad regem. Porum quoq; nominis sui fama ratus ad deditionem posse compelli, misit ad eum Cleocharem, qui denunciaret ei vt stipendium penderet, & in primo finium suorum aditu occurreret regi. Porus alterum ex his facturum sese respondit, vt intranti regnum suum præsto esset, sed armatus. Iam Hydaspem Alexander superare decreuerat, cum Barzaentes defectionis Arachosij auctor victus. xxxque Elephantis simul capti perducuntur, opportunum aduersus Indos auxilium. quippe plus in beluis, quàm in exercitu spei ac virium illis e-

rat. Gamaxusq; rex exiguae partis Indorum, qui Barzaenti se coniunxerat, vinctus adductus est. Igitur transfuga & regulo in custodiam dato, elephantis autem Taxili traditis, ad amnem Hydaspen peruenit. In cuius vltiore ripa Porus confederat, transitu prohibiturus hostem. Lxxxv. elephantos obiecerat eximio corporum robore, vltraq; eos currus CCC. & peditum xxx. ferè millia: in quis erant sagittarij (sicuti antè dictum est) grauioribus telis, quam vt aptè excuti possent. Ipsum vehebat elephante super ceteras beluas eminens, armæque auro & argento distincta corpus raræ magnitudinis honestabant. Par animus robori corporis, & quanta inter rudes poterat esse sapientia. Macedonas non ad spectus hostium solum, sed etiam fluminis, quod transeundum erat, magnitudo deterrebat. Quatuor in latitudinem stadia diffusum, profundo alueo, & nusquam vada aperiente, speciem vasti maris fecerat. Nec pro spatio aquarum latè stagnantium impetum coercebat, sed quasi in artum coeuntibus ripis torrens & elisum ferebatur, occultuq; saxa inesse ostendebant pluribus locis vnda reperiussæ. Terribilior facies erat ripæ, quam equi viriq; compleuerant. Scrabant ingentes vultorum corporum moles, & de industria irritatæ horrédo stridore aures fatigabant. Hinc amnis, hinc hostis capacia quidém bonæ spei pectora, & sæpe se experta, improviso tamen pauore percusserant: quippe instabiles rates nec dirigi ad ripam, nec tuto applicari posse. Erant in medio amne insulæ crebræ, in quas & Indi & Macedones nantes leuatis super capita armis transibant. Ibi leuia proelia conf-

ferēbantur, & vterq; rex parvæ rei discrimine, summæ experiebatur euentum.

CAPVT XXIV.

ARGVMENTVM.

Duorum iuuenum infelix audacia, Alexander stratagemate Hydaspem superat.

Ceterum in Macedonum exercitu temeritate atque audacia insignes fuere Hegesimachus & Nicanor, nobiles iuvenes, & perpetua partium felicitate ad spernendum omne periculum accensi. Quis ducibus promississimi iuuenum lanceis armati modò transire in Insulam, quam frequens hostis tenebat, multosq; Indorum nulla re melius quàm audacia armati interemerunt. Abire cum gloria poterant, si ymquā temeritas felix inueniret modum. Sed dum superuenientes contemtim & superbè quoq; exspectant, circumuenti ab his qui occulti enauerant, eminus obruti telis sunt. Qui effugerant hostē, aut impetu amnis ablati sunt, aut vorticibus impliciti, eaq; pugna multum fiduciam Pori erexit cuncta cernentis è ripa. Alexander inops consilij tandem ad fallendum hostem talem dolum intendit. Erat insula in flumine amplior ceteris, siluestris eadem, & tegēdis insidijs apta. Fossa quoq; præalta haud procul à ripa, quàm tenebat ipse, non pedites modò, sed etiam cū equis viros poterat abscondere. Igitur vt à custodia huius opportunitatis oculos hostiū auerteret, Ptolemæum cum omnibus turmis obequitare iussit procul insula, & subindē Indos clamore terrere, quasi flumē transaturus foret. Per cōplures dies Ptolemæus id fecit,

fecit, eoq; cōsilio Porum quoq; agmen suum ei parti, quam se petere simulabat, coegit aduerrere. Iam extra cōspectū hostis insula erat: Alexander in diuersa parte ripæ statui suum tabernaculum iussit, assuetamq; comitari ipsum cohortem ante tabernaculū stare, & omnem apparatū regiæ magnificentiæ hostium oculis de industria ostendi. Attalum etiam æqualē sibi, & haud disparem habitu oris & corporis, utique cū procul viseretur, veste regia exornat; præbiturū speciē ipsum regem illi ripæ præsidere, nec agitare de transitu. Huius consilij effectum primò morata tempestas est, mox adiuuit, in cōmōda quoq; ad bonos euentus vertentē fortuna. Traicere ananem cum cæteris copijs in regionē insulæ (de qua antè dictū est) parabat, auerso hoste in eos, qui cum Ptolemæo inferiorē obsederant ripam, cū procella ingens imbrē vix sub tectis tolerabilē effudit: obrutiq; milites nimbo in terram refugerunt, nauigijs ratibusq; desertis. Sed tumultuantium fremitus obstrepētibus yētis ab hoste nō poterat audiri. Deinde momēto temporis, repressus est imber. Ceterū adeo spissæ intendere se nubes, ut cōderēt lucē, vixq; colloquentium inter ipsos facies noscigaretur. Terruisset aliū obducta nox cælo, cum ignoto amne nauigandū esset, forsitan hoste eam ipsam ripam, quam cæci atq; improuidi, & ex periculo gloriam accersētes petebant occupante: obscuritatem, quæ ceteros terrebat, suam occasionem ratus, dato signo ut omnes silentio ascenderent in rates, eam quā ipse vehebatur, primā iussit expelli. Vacua erat ab hostibus ripa quæ petebatur: quippe adhuc Porus Ptolemæū tantū intuebatur. Vna er-

go naui, quam petrae fluctus illiferat hærente, ceteræ euadunt. Armaq; capere milites, & ire in ordines iussit.

CAPVT XXV.

ARGVMENTVM.

Prælium cum Poro committit, vincit, fugientem capit, capto parcat, maioremque regem efficit.

IAmq; agmen in cornua diuisum ipse ducebat, cum Poro nunciatur armis virisq; ripam obtineri, & rerum adesse discrimen. Ac primo humani ingenij vitio spei suæ indulgens, Abisarem belli socium, & ita conuenerat, aduentare credebat. Mox liquidiore luce aperiente hostem, C. quadrigas & IV. millia equitum venienti agmini obiecit. Dux erat copiarum, quas præmisit, Hahes frater ipsius. Summa virium in curribus, senos viros singuli vehebant, duos clypeatos, duos sagittarios ab utroque latere dispositos: aurigæ erant ceteri, haud sanè inermes: quippe iacula complura, uti comminus proeliandum erat, omiſſis habenis in hostem ingerebant. Ceterum vix vllus vsus huius auxilij eo die fuit. Namque ut supra dictum est, imber violentius quam aliàs fusus campos lubricos & inequitabiles fecerat: grauesque & propemodum immobiles currus iliuuie ac voraginibus hærebant. Contra Alexander expedito ac leui agmine strenuè inuectus est. Scythæ & Dahæ primi omnium inuasere Indos. Perdiccam deinde cum equitibus in dextrum cornu hostium emisit. Iam undique pugna se mouerat, cum ij qui currus agebant, il-

Iud vltimum auxilium suorum rati, effusis ha-
 benis in medium discrimen ruere coeperunt.
 Anceps id malum vtrisque erat. Nam & Macedo-
 num pedites primo impetu obterebantur, &
 per lubrica atq; inuia immissi currus excutie-
 bant eos à quibus regebantur. Aliorum turbati
 equi non in voragines modò lacunasq;, sed et-
 iam in annem præcipitauere curricula. Pauci
 tenus hostium exacti penetrauerunt ad Porum
 acerrimè pugnam sciētem, Is vt dissipatos tota
 acie currus vagari sine rectoribus vidit, proxi-
 mis amicorum distribuit elephantos. Post eos
 posuerat peditem ac sagittarios tympana pul-
 sare solitos. Id pro cantu tubarum Indis erat,
 nec strepitu eorum mouebantur, olim ad no-
 tum sonum auribus mitigatis. Herculis simu-
 lachrum agmini peditum præferebatur. Id
 maximum erat bellantibus incitamentum; &
 deseruisse gestantes militare flagitium habeba-
 tur. Capitis etiam sanxerant poenam ijs qui ex
 acie non retulissent, metu quem ex illo hoste
 quondam conceperant, iam in religionem
 venerationemq; conuerso. Macedonas non be-
 luarum modò, sed etiam ipsius regis aspectus
 parumper inhibuit. Beluæ dispositæ inter ar-
 matos speciem turrium procul fecerant. Ipse
 Porus humanæ magnitudinis propemodū ex-
 cesserat formam Magnitudini adijcere videba-
 tur belua qua vehebatur, tantum inter ceteras
 eminens, quantum aliis ipse præstabat. Itaque
 Alexander contemplatus & regem, & agmen
 Indorum, Tandem, inquit, par animo meo pe-
 ricu-

riculum video. Cum bestiis, simul & cum egregijs viris res est. Intuensq; Cænon, Cùm ego, inquit Ptolemæo Perdiccæq; & Hephæstione commitatus in læuū hostium cornu impetū fecero, viderisq; me in medio ardore certaminis, ipse in dexterum moue, & turbatis signa infer. Tu Antigone, & tu Leonate, & Tauron inuehimini in mediam aciem, & vrgebitis frontem. Hastæ nostræ prælongæ & validæ nō aliās magis quam aduersus belluas rectoresq; earum vsui esse poterunt. deturbate eos qui vehuntur, & ipsas confodite. Auiceps genus auxilij est, & in suos acrius furit. In hostē enim imperio, in suos pauore agitur. Hæc elocutus, cōcitatur equum primus. Iamq; (vt destinatū erat) inuaserat ordines hostiū, cūm Cœnus ingenti vi in dexteri cornu inuehitur. Phalanx quoq; in mediam Indorum acie vno impetu perrupit. At Porus quæ equitē inuehi sēserat, beluas agi iussit. Sed tardū & pene immobile animal equorū velocitatē æquare non poterat. Nec sagittarum quidem vllus erat barbaris vsus: quippe longas & prægraues, nisi prius in terra statuerent arcum, haud satis aptè & commodè imponunt. tum humo lubrica, & ob id impediēte conatum, molientes ictus, celeritate hostium occupantur. Ergo spreto regis imperio (quod ferè fir) ubi turbatis acrius metus quam dux imperare cœpit, totidē erant imperatores, quot agmina errabāt. Alius iungere aciem, alius diuidere, stare quidam, & nonnulli circumuchi terga hostium iacebant. Nihil in medium consulebatur. Po-

rus ta-

rus tamen cum paucis, quibus metu potior fuerat pudor, colligere dispersos, obuius hosti ire pergit, elephantosq; ante agmē suorum agi iubet. Magnū beluæ iniecere terrorē, insolitusq; stridor non equos modò, tam pauidū ad omnia animal, sed viros quoq; ordinesq; turbauerat. Iam fugæ circumspiciebant locum paullo antè victores, cum Alexander Agrianos & Thracas leuiter armatos, meliorem concursatione, quàm comminus militem, emisit in beluas. Ingentem ij vim telorum iniecere, & Elephantis, & regentibus eos. Phalanx quoque instare constāter territis cœpit. Sed quidam audius persecuti beluas in semet irritauere vulneribus. Obtriti ergo pedibus earum, ceteris ut parcius instarent, fuere documentum. Præcipuè terribilis illa facies erat, cū manu arma virosq; corripere, & super se regentibus traderent. Anceps ergo pugna nunc sequentium, nunc fugientium Elefantos, in multum diei variū certamen extraxit, donec securibus (id namq; genus auxilij præparatum erat) pedes amputare cœperunt. Copidas vocabant gladios leuiter curuatos, falcibus similes, quis appetebant beluarum manus. Nec quidquam inexpertum non mortis modò, sed etiam in ipsa morte noui supplicij timor omittebat. Ergo elephanti vulneribus tandem fatigati suos impetu sternunt: & qui rexerant eos, præcipitati in terram ab ipsis obtereabantur. Itaque pecorū modò magis pauidi, quàm infesti, ultra aciem exigebantur, cū Porus destitutus à pluribus tela multo antè præparata in circumfusus ex elephanto suo cœpit ingerere, multisque eminus

aus vulneratis, expositus ipse ad ictus, undique petebatur. Nouem iam vulnera hinc tergo, illinc pectore exceperat, multoq; sanguine profuso languidis manibus magis elapsa, quam excussa tela mittebat. Nec segnius belua instincta rabie, nondum faucia, inuehebatur ordinibus, donec rector beluæ regē conspexit fluentibus membris, omissisq; armis vix compotem mentis. Tum beluam in fugam concitat, sequente Alexandro. Sed equus eius multis vulneribus confossus, deficiensq; procubuit, posito magis rege quam effuso. Itaque dum equum mutat, tardius insecutus est. Interim frater Taxilis regis Indorum præmissus ab Alexandro monere cepit Porum, ne vltima experiri perseueraret, dederetq; se victori. At ille, quamquam exhaustæ erant vires, deficiebatq; sanguis, tamen ad notam vocem excitatus, Agnosco, inquit, Taxilis fratrem imperij regnique sui proditorem: & telum quod vnum fortè non effluerat, contorsit in eum, quod per medium pectus penetravit ad tergum. Hoc vltimo virtutis opere edito fugere acius cepit; sed Elephantus quoque, qui multa exceperat tela, deficiebat. Itaq; sistit fugam, peditemq; sequenti hosti obiecit. Iam Alexander consecutus erat, & pertinacia Pori cognita, vetabat resistentibus parci. Ergo undiq; & in pedites, & in ipsum Porum tela congesta sunt; quis tandem grauitus labi ex belua cepit Indus qui Elephantum regebat, descendere eum ratus, more solito Elephantum procumbere iussit in genua: qui vt se submisit, ceteri quoq; (ita enim instituti erant) demisere corpora in terram. Ea res & Porus, & ceteros victo-

victoribus tradidit. Rex spoliari corpus Por-
 interemtum esse credens, iubet: & qui detrahe-
 rent lorica vestemq; concurrere, cum belu-
 dominum tueri, & spoliantes coepit appetere,
 leuatumq; corpus eius rursus dorso suo im-
 ponere. Ergo telis vndiq; obruitur, confossoq; co-
 in vehiculū Porus imponitur. quē rex vt vidit,
 alleuantem oculos. non odio, sed miseratione
 commotus, *Qua malum, inquit, amētia te coē-*
git, rerum mearum cognita fama belli fortunam
experiri, cum Taxilis esset in deditos clementia
mea tam propinquum tibi exemplū? At ille, Quo-
niam, inquit, percontaris, respondebo ea libertate
quam interrogando fecisti. Neminem me fortiorē
esse censebam. Meas enim noueram vires, nondū
expertus tuas. fortiozem esse te, belli docuit euen-
tus. Sed ne sic quidem parum felix sum, secundus
tibi. Rursus interrogatus quid ipse victorē sta-
 tuere debere cēset, *Quod hic, inquit, dies tibi*
suadet: quo expertus es quam caduca felicitas es-
set. Plus monēdo profecit, quā si precatus es-
 set: quippe magnitudinē animi eius interritam,
 ac ne fortuna quidē infractam, non misericor-
 dia modō, sed etiam honore excipere dignatus
 est. Aegrum curauit haud secus, quā si pro ip-
 so pugnasset. Confirmatū contra spem omnium
 in amicorum numerum recipit. Mox donauit
 ampliore regno, quā tenuit. Nec sanē quid-
 quam ingenium eius solidius aut constantius
 habuit, quā admirationē veræ laudis & glo-
 riæ. Simplicius tamen famā æstimabat in hoste,
 quā in ciue: quippe à suis credebatur magnitu-
 dinem

dinē suam destrui posse. Eandem clariorem fore, quo maiores fuissent, quos ipse vicisset.

Q. CVRTII RVFI
HISTORIARVM
MAGNI ALEXAN-
DRI MACEDONIS

LIBER NONVS.

SYNOPSIS HVIVS LIBRI.

INteriore Indiam, victis passim gentibus, peragrāt. Classē parat, ingentes in saltibus serpentes & Rhinoceroses reperit, Canes miro ingenio pro munere accipit, hortatur militem ad futura bella suscipienda, miles abnuī. Cœnus pro milite causam agit. Rex dat manus votū exercitus, aras finium, quos attigerat, monumentum ponit. Cœni mors. Nicaam & Bucephalan vrbes condit. supplementum militum ē Græcia accipit, per flumen Acesinem portat copias Oceanum aditurus. Ad Sobios Herculi posteritatem pervenit. Oxydracas & Mallos expugnat, miles in seditionem rursus vertitur, quam sedat rex. in oppido Oxydracarum ultimum vitæ discrimen adit, aggreſſus tandem eripitur, oppidum exscinditur. Rex curatur, amici hortantur, ne deinceps tantis discriminibus obijciat, ab illius vitæ vi-

tam

tam pendere omnium. respondet Alexander, & gloria studium infinitū præ se fert. Græci Colonic circa Bactra & Scythas, relictis coloniis in patriam abeunt. Legatos duarum gentium seudentium audit. Dioxippus athleta prouocatorem vincit, deinde seipsum interficit. Variæ gentes se regis fidei permittunt, aliæ vi subiguntur. Ptolemai vulnus, periculum & curatio. classis in ore fluminis ad Oceanum ingens discrimen adit. Ad nauigant inde proximè Oceanum, & in fluminis insulis estu maris inundatis omnes vitâ periclitantur. Rex æstum secutus CCCC. stadia prouehitur in mare, inde redit ad classem, quæ aduerso flumine reuecta militem exponit, Alexander complures vrbes condet. Nearchus & Onesicritus nauarchi explorant Oceanum. Alexander copias terrestri itinere reducit. Incidunt in barbaros, & ultimam patiuntur famem; inde in morbos & mortes datur multi. Rex comitatum aliunde curat. tandem omnis redit felicitas, imitatur rex Bacchi triumphum. Aspastem Carmania Satrapen interficit.

CAPVT I.

ARGVMENTVM.

Hortatur militem ad persequendum bellum spe prædæ, duas vrbes ad Hydaspem constituit, donat fortes præmijs, Abisares deditiōem reformidat; Rex ad interiorem Indiam transit.

Ale-

Alexander tam memorabili victoria lætus, qua sibi Orientis fines apertos esse cēlebat, Soli victimis cæsis, milites quoq; qui promptioribus animis reliqua belli obirent, pro concione laudatos docuit, quidquid Indis viriū fuisset, illa dimicatione prostratum: ceteram opimam prædam fore, celebrataq; opes in ea regione eminere quam peterent. Proinde iam vilia & obsoleta esse spolia de Persis: gēmis, margaritisq; & auro atq; ebore Macedoniam Græciamque non suas tantum domos repleturum. Auidi milites & pecuniæ & gloriæ, simul quia nunquam eos affirmatio eius fefellerat, pollicentur operam: dimissisq; cum bonâ spe, nauigia exædificari iubet; vt cum totam Asiam percurrisset, finem terrarum mare inuiseret. Multa materia naualis in proximis montibus erat, quàm cædere aggressi, magnitudinis inuitatæ reperere serpentes Rhinocerotes quoq; rarum animal alibi, in iisdem montibus erant. Ceterum hoc nomen beluis eis inditum à Græcis; sermonis eius ignari; aliud lingua sua vursupant. Rex duabus vrbibus conditis in vtraq; fluminis quod superauerat, ripa, copiarum duces coronis, & mille aureis singulos donat. Cæteris quoq; pro portione aut gradu quē in amicitia obtinebant, aut natatæ operæ honos habitus est. Abisares, qui prius quàm cū Poro dimicaretur, legatos ad Alexandrū miserat, rursus alios misit, pollicentes omnia facturū quæ imperasset, modò ne cogereetur corpus suū dedere. Neq; enim aut sine regio imperio victurū, aut regnaturum esse captiuum. Cui Alexander

Y

nun-

CAPVT III.

ARGVMENTVM.

Sophitis regnum deditur. De canibus venaticis admiranda.

HInc in regnum Sophitis peruentum est. Gens (vt Barbari) sapientiâ excellit, bonisque moribus regitur. Genitos liberos, non parentum arbitrio tollunt, aluntque; sed eorum quibus spectandi infantum habitum cura mandata est: Si quos insignes, aut aliqua membrorum parte inutiles notauerunt, necari iubent. Nuptijs coeunt, non genere ac nobilitate coniunctis, sed electa corporum specie: quia eadem æstimatur in liberis. Huius gentis oppidum, cui Aexander admonerat copias, ab ipso Sophitobtinebatur. Clausæ erât portæ, sed nulli in muris turribusque se armati ostendebant. Dubitabantq; Macedones deseruissent urbem incolæ, an fraude se occulerent: cùm subito patefacta porta rex Indus cum duobus adultis filijs occurrit, multum inter omnes Barbaros eminens corporis specie. Vestis erat auro purpuraq; distincta, quæ etiam crura velabat, aureis soleis inseruerat gemmas. Lacerti quoq; & brachia margaritis ornata erant. Pendebant ex auribus insignes candore ac magnitudine lapilli. Baculum aureum berylli distinguiebant. Quo tradito precatus, vt sospes acciperet, se liberosq; & gentem suam dedit. Nobiles ad venandum canes in ea regione sunt. Latratu abstinere dicuntur, cum videre feram, leonibus maximè infesti. Horum vim vt ostenderet Alexandro, in conspectu leonem eximie magnitudinis

tudinis iussit emitti, & III. omnino admoueri
 canes, qui celeriter feram occupauerunt: cum
 ex ijs qui affueuerant talibus ministerijs, vnius
 canis leoni cum alijs inhærentis crus auellere,
 & quia non sequebatur, ferro amputare cœpit.
 Nec sic quidem pertinacia victa, rursus aliam
 partem secare institit, & indè non segnius in-
 hærentem ferro subindè cædebat. Ille in vul-
 nere feræ dentes moribundus quoq; infixerat.
 Tantam in illis animalibus ad venandum cupi-
 ditatem ingenerasse naturam memoriæ prodi-
 tum est. Equidem plura transcribo, quam cre-
 do: Nam nec affirmare sustineo, de quibus du-
 bito, nec subducere quæ accepi.

CAPVT IV.

ARGVMENTVM.

*Pheges deditur, natura loci describitur, &
 Ganges fluuius, & Agrammes rex potentiissi-
 mus. dubius rex de milite an esset secuturus,
 concionem habet.*

Relicto igitur Sophitè in suo regno, ad flu-
 uiũ Hypasin processit, H. phæstione, qui di-
 uersam regionem subegerat, coniuncto. Phe-
 gelis erat gentis proximæ rex, qui popularibus
 suis colere agros (vt affueuerant) iussis, Ale-
 xandro cum donis occurrit. Nihil quod impe-
 raret detrectans, bidnum apud eum substitit
 rex; tertio die annè superare decreuerat, trā-
 situ difficilem, non spatio solũ aquarum, sed
 etiam saxi impeditũ. Percontatus igitur Phe-
 gela, quæ noscenda erant, xi. dierum vltra flu-
 men per vastas solitudines iter esse cognoscit:

excipere deinde Gangem maximum totius Indiae fluminum. vltiorem ripam colere gētes Gangaridas & Pharrasios, eorumq; regem esse Aggrammen. xx. millibus equitum, coque peditum obsidentem vias. Ad hoc quadrigarum ii. millia trahere, & præcipuum terrorem Elephantos, quos iii. millium numerum explere (dicebat.) Incredibilia regi omnia videbantur. Igitur Porum (nam cum eo erat) percontatur, an vera essent quæ dicerentur. Ille vires quidem gentis & regni haud falsò iactari affirmat; ceterum qui regnaret, non modò ignobilem esse, sed etiam vltimæ sortis: quippe patrē eius tonsorem vix diurno quæstu propullantem famem, propter habitum haud indecorum cordi fuisse reginæ: Ab ea in propiorem eius qui tum regnasset, amicitia locum admotum, interfecto eo per insidias, sub specie tutelæ liberum eius inuasisse regnum; necatq; pueris hūc qui nunc regnat, generasse, inuisū vilemq; popularibus, magis paternæ fortunæ, quam suæ memorem. Assertio Pori multiplicem animo regis iniecerat curam. hostem beluasq; spernebat. situm locorum, & vim fluminum extimescebat. Relegatos in vltimum penè rerum humanarum persequi terminum, & eruerē, arduum videbatur. Rursus auaritia gloriæ, & insatiabilis cupido famæ nihil inuium, nihil remotum videri sinebat. Et interdum dubitabat, an Macedones tot emensi spatia terrarum, in acie & in castris lenes facti, per obiecta flumina, per tot naturæ obstantes difficultates lecturi essent. Abundantes onustosq; præda magis parta frui velle, quam acquirenda fatigari.

Non

Non idem sibi & militibus animi esse. Se totius orbis imperium mente complexum, adhuc in operum suorum primordio stare. Militem labore defatigatum proximum quemque fructum finito tandem periculo expectare. Vicit ergo cupido rationem, & ad concionem vocatis militibus, ad hunc maximè modum differuit.

CAPVT V.

ARGVMENTVM.

*Suadet militi vltimum restare bellum. Eleuat
conceptam de hostis potentia opinionem, lau-
dat virtutem suorum, nec tamen persuadet.
Oritur omnium fletus.*

NON ignoro milites, multa quæ terrere vos possent, ab incolis India per hos dies de industria esse iactata. Sed non est improuisa vobis mētientium vanitas. Sic Cicilia fauces. sic Mesopotamia campos, Trigim & Euphratem, quorum alterum vadō transiimus, alterum ponte, terribilem fecerant Persæ. Nunquam ad liquidum fama perducitur. Omnia illa tradente maiora sunt vero. Nostra quoque gloria cum sit ex solido, plus tamen habet nominis quàm operis. Modò quis beluas offerentes mœnium speciem, quis Hydaspem amnem, quis cetera auditu maiora quàm vero sustinere posse credebatur? Olim hercule fugissem ex Asia, si nos fabula debellare potuissent. Creditis ne Elephantorum greges maiores esse, quàm vsquam armentorum sunt, cum & rarum

sit animal, nec facile capiatur, multoq; difficultius mitigetur? Atqui eadem vanitas copias peditum equitumq; numeravit. Nam flumen quo latius fusus est, hoc placidius stagnat: quippe angustis ripis coercita, & in artiore alveum elisa, torrentes aquas inuehunt. Contra spatium alvei segnior cursus est. Præterea in ripa omne periculum est, ubi applicantes nauigia hostis expectat. Ita quantumcunq; flumen interuenit, idem futurum discrimen est, euadentium in terram. Sed omnia vera ista esse fingamus. Vtrum ne vos magnitudo belluarum, an multitudo hostium terret? Quod pertinet ad Elephantos, præsens habemus exemplum, in suos vehementius quam in nos incurrerunt. Tam vasta corpora securibus falcibusq; mutilata sunt. Quid autem interest, totidem sint quot Porus habuit, an tria nulla, cum vno aut altero vulneratis, ceteros in fugam declinare videamus? Dein paucos quoq; incommode regunt. Congregata verò tot millia, ipsa se elidunt, ubi nec stare, nec fugere potuerint, inhabiles vastorum corporum moles. Equidem sic animalia ista contemsi, ut cum haberem, ipse non opposuerim: satis gnarus, plus suis quam hostibus periculi inferre. At enim equitum peditumque multitudo vos commouet: cum paucis enim purgare soliti estis, & nunc primum inconditam sustinebitis turbam. Testis aduersus multitudinem inuicti Macedonum roboris Granicus amnis, & Cilicia inundata cruore Persarum, & Arbela, cuius campi deuictorum à nobis ossibus strati sunt. Serò hostium legi-

um legiones numerare cœpistis, postquam solitudinem in Asia vincendo fecistis. Cùm per Hellespontum nauigaremus, de paucitate nostra cogitandum fuit. Nunc nos Scythæ sequuntur, Bactriana auxilia præsto sunt, Dabæ Sogdianique inter nos militant. Nec tamen illi turba confido. Vestras manus intueor, vestram virtutem, rerum quas gesturus sum, vadem prædemque habeo. Quam diu vobiscum in acie stabo, nec meos, nec hostium exercitus numerauero. Vos modò animos mihi plenos alacritatis ac fiduciæ adhibete. Non in limine operum laborumque nostrorum, sed in exercitu stamus. Peruenimus ad solis ortum & Oceanum, nisi obstat ignauia; inde victores perdomito fine terrarum reuertemur in patriam. Nolite (quod pigri agricola faciunt) maturos fructus per inertiam amittere è manibus. Maiora sunt periculis præmia, diues eadem & imbellis est regio. Itaque non tam ad gloriam vos duco, quàm ad prædàm. Digni estis, qui opes quas illud mare litoribus inuebit, referatis in patriam. Digni, qui nihil inexperitum, nihil metu omissum relinquatis. Per ego vos, gloriamque vestram, quæ humanum fastigium exceditis, perque & mea in vos, & in me vestra merita, quibus inuicti contendimus, oro quæsoque, ne humanarum rerum terminos aduentem alumnus commilitonemque vestrum, ne dicam regem, deseratis. Cetera vobis imperaui, hoc vnum debiturus sum. Et is vos rogo, qui nihil vmquam vobis præceps, quin primus per

culis me obtulerim, qui sapè aciem clypeo meo
 texi, ne infregeritis in manibus meis palmam,
 qua Herculem Liberumque patrem, si invidia
 abfuerit, æquabo. Date hoc precibus meis, & tan-
 dem obstinatum silentium rumpite. Vbi est cla-
 mor ille alacritatis vestræ index? Vbi ille meo-
 rum Macedonum vultus? Non agnosco vos mi-
 lites, nec agnosci videor à vobis. Surdas iam-
 dudum aures pulso. Aversos animos & infra-
 ctos excitare conor, Cumq; illi in terrâ demissis
 capitibus tacere perseverarēt, Nescio quid, in-
 quit, in vos imprudens deliqui, quod me ne in-
 tueri quidem vultis. In solitudine mihi videor
 esse. Nemo respondet, nemo saltem negat. quos
 alloquor? Quid autem postulo? vestram gloriam
 & magnitudinē vindicamus. Vbi sunt illi, quorū
 certamen paullo antè vidi contendentium, qui po-
 tissimum vulnerati regis corpus exciperent? De-
 sertus, destitutus sum, hostibus deditus. Sed solus
 quoq; ire perseverabo. Obijcite me fluminibus &
 beluis, & illis gentibus, quarū nomina horretis.
 Inueniam qui desertum à vobis sequantur. Scy-
 tha Bactrianq; erunt mecum, hostes paullo antè,
 nunc milites nostri. Mori præstat, quàm precario
 imperatorem esse. Ite reduces domos, ite deserto
 rege ouantes. Ego hic à vobis desperata victoria,
 aut honesta morti locum inueniam. Nec sic qui-
 dem ulli militum vox exprimi potuit. Expe-
 ctabant, ut duces principesq; ad regem perfer-
 rent, vulneribus & continuo labore militiæ fa-
 tigatos nondetrectare munia, sed sul in re nō
 posse.

posse. Cæterùm illi metu attoniti, in terrâ ora defixerant. Igitur primò fremitus sua sponte, deinde quoq; gemitus oritur: paulatimque liberius dolor erigi cepit manatibus lachrymis: adeò vt rex, ira in misericordiam versa, ne ipse quidem, quanquam cuperet, temperare oculis potuerit.

CAPVT VI.

ARGVMENTVM.

Cœnus respondet orationi regis, & deprecatur loco exercitus longiorem militiam. Solutur lacrymis concio. Rex indignatus se includit.

TAndem vniuersa concione effusius flante, Cœnus ausus est cunctantibus ceteris propiùs tribunal accedere, significans se loqui velle. Quem vt videre milites detrahentẽ galeam capiti (ita enim regẽ alloqui mos est) hortari cœperunt, vt causam exercitus ageret. Tum Cœnus, *Dũ prohibeāt, inquit, à nobis impias mentes: & profectò prohibent. Idem animus est tuis, qui semper fuit, ire quo iusseris, pugnare, periclitari, sanguine nostro commendare posteritati tuum nomen. Proinde si perseueras, inermes quoq; & nudi, & exangues, vt cumq; tibi cordi est, sequimur vel antecedamus. Sed si audire vis non fictas tuorum voces, verùm necessitate vltima expressas, prabe quaeso propitias aures, imperium atq; auspiciũ tuum constantissimè secutis, & quocunq; pergis secuturis. Vicisti rex magnitudine rerum non hostos modo, sed etiam milites.*

tampendere omnium. respondet Alexander, & gloria studium infinitū præ se fert. Græci Colonic circa Bactra & Scythas, relictis coloniis in patriam abeunt. Legatos duarum gentium se deudentium audit. Dioxippus athleta prouocatore[m] vincit, deinde seipsum interficit. Variæ gentes se regis fidei permittunt, aliæ vi subiguntur. Ptolemai vulnus, periculum & curatio. classis in ore fluminis ad Oceanum ingens discrimen adit. Adnauigant inde proximè Oceanum; & in fluminis insulis æstu maris inundatis omnes vitâ periclitantur. Rex æstum secutus CCCC. stadia prouehitur in mare, inde redit ad classem, quæ aduerso flumine reuocata militem exponit, Alexander complures vrbes condet. Nearchus & Onesicritus nauarchi explorant Oceanum. Alexander copias terrestri itinere reducit. Incidunt in barbaros, & ultimam patiuntur famem; inde in morbos & mortes datur multi. Rex comæatum aliunde curat. tandem omnis redit felicitas, imitatur rex Bacchi triumphum. Aspastem Carmania Satrapen interficit.

CAPV T I.

ARGVMENTVM.

Hortatur militem ad persequendum bellum spe prædæ, duas vrbes ad Hydaspem constituit, donat fortēs præmijs, Abisares deditiõnem reformidat; Rex ad interiorem Indiam transit.

Ale-

Alexander tam memorabili victoria lætus, qua sibi Orientis fines apertos esse cēlebat, Soli victimis cæsis, milites quoq; qui promptioribus animis reliqua belli obirent, pro concione laudatos docuit, quidquid Indis viriū fuisset, illa dimicatione prostratum: ceteram optimam prædam fore, celebrataq; opes in ea regione eminere quam peterent. Proinde iam vilia & obsoleta esse spolia de Persis: gēmis, margaritisq;, & auro atq; ebore Macedoniam Græciamque non suas tantum domos repleturum. Auidi milites & pecuniæ & gloriæ, simul quia nunquam eos affirmatio eius fefellerat, pollicentur operam: dimissisq; cum bonâ spe, nauigia exædificari iubet; vt cum totam Asiam percurrisset, finem terrarum mare inuiseret. Multa materia naualis in proximis montibus erat, quàm cædere aggressi, magnitudinis inusitata reperere serpentes Rhinocērotes quoq; rarum animal alibi, in iisdem montibus erant. Ceterum hoc nomen beluis eis inditum à Græcis, sermonis eius ignari, aliud lingua sua usurpant. Rex duabus vrbibus conditis in vtraq; fluminis quod superauerat, ripa, copiarum duces coronis, & mille aureis singulos donat. Cæteris quoq; pro portione aut gradus quē in amicitia obtinebant, aut natatæ operæ honos habitus est. Abisares, qui prius quàm cū Poro dimicaretur, legatos ad Alexandrū miserat, rursus alios misit, pollicentes omnia facturū quæ imperasset, modò ne cogeretur corpus suū dedere. Neq; enim aut sine regio imperio victurū, aut regnaturum esse captiuum. Cui Alexander

Y

nun-

nunciare iussit, si grauaretur ad se venire, ipsum ad eum esse venturum.

CAPV T II.

ARGVMENTVM.

Interioris India descriptio. Rex multas gentes partim vi, partim vltro deditas recipit.

Hinc Poro amne superato ad interiora India processit. Silvæ erant propè in immensum spatium diffusæ, procerisq; & in eximiâ altitudinem editis arboribus vmbrosæ. Plerique rami instar ingentium stipitum flexi in humum: rursus quæ se curuauerant, erigebantur, adeò vt species esset non rami resurgentis, sed arboris ex sua radice generatæ. Cæli temperies salubris: quippe & vim solis vmbra leuant, & aquæ largæ manant è fontibus. Ceterùm hic quoq; serpētium magna vis erat, squamis fulgorem auri reddentibus. Virus haud vllum magis noxium est: quippe morsum præsens mors sequebatur, donec ob incolis remedium oblatum est. Hinc per deserta ventû est ad flumen Hiarotim. Iunctum erat flumini nemus opacum arboribus alibi inusitatis, agrestiumque pauonû multitudine frequēs. Castris indè motis, oppidû haud procul oppositum corona capit, obsidibusq; acceptis stipendium imponit. Ad magnam deindè (vt ea regione) vibem peruenit, nō muro solum, sed etiâ palude munitâ. Ceterùm Barbari vehiculis inter se iunctis dimicaturi occurrerunt. tela alijs hastæ, alijs secures erant. Trāsiliabantq; in vehicula strenuo saltu, cū succurrere laborantibus suis vellēt. Ac primo insolitum genus pugna Macedonas ferruit.

terruit; cum eminus vulnerarentur. Dein impeto tam incognito agmine, ab utroque latere vehiculis circumfusi repugnantes odere coeperunt. Et vincula, quis conferta erant, iussit incidere, quod facilius singula circumuenirentur. Itaque Dccc. suorum amissis, in oppidum refugerunt. Postero die scalis undique admotis muri occupantur. Paucis pernicitas saluti fuit, qui cognito urbis excidio paludem tranauere: & in vicina oppida ingentem intulere terrorem, inuictum exercitum, & deorum profecto aduenisse memorantes. Alexander ad vastandum eam regionem Perdicca cum expedita manu misso, partem copiarum Eumeni tradit, ut is quoque Barbaros ad deditiorem compelleret. Ipse ceteros ad urbem validam, in quam aliarum quoque confugerant incolae, duxit. Oppidani, missis qui regem deprecarentur, nihilominus bellum parabant. quippe orta seditio in diuersa consilia diduxerat vulgum. Alij omnia deditiōe potiora, quidam nullam opem in ipsis esse ducebant. Sed dum nihil in commune consulitur, qui deditiōi imminebant, a pertis portis hostem recipiunt. Alexander quamquam belli auctoribus iure poterat irasci, tamen omnibus venia data, & obsidibus acceptis, ad proximam deinde urbem castra mouit. Obsides ducebantur ante agmen: quos cum ex muris agnouissent, utpote gentis eiusdem, in colloquium vocauerunt. Illi clementiam regis, simulque vim commemorando, ad deditiōem eos compulere: ceterasque urbes simili modo deditas in fidem accepit.

CAPVT III.

ARGVMENTVM.

*Sophitis regnum deditur. De canibus venaticis
admiranda.*

HInc in regnum Sophitis peruentum est. Gens (vt Barbari) sapientiâ excellit, bonisque moribus regitur. Genitos liberos, non parentum arbitrio tollunt, aluntque; sed eorum quibus spectandi infantum habitum cura mandata est: Si quos insignes, aut aliqua membrorum parte inutiles notauerunt, necari iubent. Nuptijs coeunt, non genere ac nobilitate coniunctis, sed electa corporum specie: quia eadem æstimatur in liberis. Huius gentis oppidum, cui Alexander admonerat copias, ab ipso Sophito obtinebatur. Clausæ erât portæ, sed nullo in muris turribusque se armati ostendebant. Dubitabantq; Macedones deseruissent urbem incolæ, an fraude se occulerent: cum subito patefacta porta rex Indus cum duobus adultis filiis occurrit, multum inter omnes Barbaros eminens corporis specie. Vestis erat auro purpuraq; distincta, quæ etiam crura velabat, aureis soleis inseruerat gemmas. Lacerti quoq; & brachia margaritis ornata erant. Pendebant ex auribus insignes candore ac magnitudine lapilli. Baculum aureum berylli distinguebant. Quo tradito precatus, vt sospes acciperet, se liberosque & gentem suam dedit. Nobiles ad venandum canes in ea regione sunt. Latratu abstinere dicuntur, cum videre feram, leonibus maximè infesti. Horum vim vt ostenderet Alexandro, in conspectu leonem eximie magnitudinis

rudinis iussit emitti, & III. omnino admoueri canes, qui celeriter feram occupauerunt: cum ex ijs qui afflueuerant talibus ministerijs, vnus cantis leoni cum alijs inhærentis crus auellere, & quia non sequebatur, ferro amputare cœpit. Nec sic quidem pertinacia victa, rursus aliam partem secare institit, & indè non segniùs inhærentem ferro subindè cædebat. Ille in vulnere feræ dentes moribundus quoq; infixerat. Tantam in illis animalibus ad venandum cupiditatem ingenerasse naturam memoriæ proditum est. Equidem plura transcribo, quam credo: Nam nec affirmare sustineo, de quibus dubito, nec subducere quæ accepi.

CAPVT IV.

ARGVMENTVM.

Phegeles deditur, natura loci describitur, & Ganges fluuius, & Agrammes rex potentissimus, dubius rex de milite an esset secuturus, concinnum habet.

Relicto igitur Sophitè in suo regno, ad fluuiũ Hypasin processit, H. phæstione, qui diuersam regionem subegerat, coniuncto. Phegeliserat gentis proximæ rex, qui popularibus suis colere agros (vt afflueuerant) iussis, Alexandro cum donis occurrit. Nihil quod impetraret detrectans, biduum apud eum substitit rex; tertio die annè superare decreuerat, transitu difficilem, non spatio solum aquarum, sed etiam laxis impeditũ. Percontatus igitur Phegela, quæ noscenda erant, xi. dierum ultra flumen per vastas solitudines iter esse cognoscit:

excipere deinde Gangem maximum totius Indiae fluminum. vltiorem ripam colere gētes Gangaridas & Pharrastos, eorumq; regem esse Aggrammen. xx. millibus equitum, ccq; peditem obsidentem vias. Ad hoc quadrigarum xx. millia trahere, & præcipuum terrorem Elephantos, quos iii. millium numerum explere (dicebat.) Incredibilia regi omnia videbantur. Igitur Porum (nam cum eo erat) perconratur, an vera essent quæ dicerentur. Ille vires quidem gentis & regni haud falsò iactari affirmat; ceterum qui regnaret, non modò ignobilem esse, sed etiam vltimæ fortis: quippe patrē eius tonsorem vix diurno quæstu propullantem famem, propter habitum haud indecorum cordi fuisse reginæ: Ab ea in propiorem eius qui tum regnasset, amicitia locum admotum, interfecto eo per insidias, sub specie tutelæ liberum eius inuasisse regnum; necatq; pueris hūc qui nunc regnat, generasse, inuisū vilemq; popularibus, magis paternæ fortunæ, quam suæ memorem. Assertio Pori multiplicem animo regis iniecerat curam. hostem beluasq; spernebat. situm locorum, & vim fluminum extimescebat. Relegatos in vltimum penè rerum humanarum persequi terminum, & eruerē, arduum videbatur. Rursus auaritia gloriæ, & insatiabilis cupido famæ nihil inuium, nihil remotum videri sinebat. Et interdum dubitabat, an Macedones tot emensi spatia terrarum, in acie & in castris lenes facti, per obiecta flumina, per tot naturæ obstantes difficultates lecturi essent. Abundantes onustosq; præda magis parta frui velle, quam acquirenda fatigari.

Non

Non idem sibi & militibus animi esse. Se totius orbis imperium mente complexum, adhuc in operum suorum primordio stare. Militem labore defatigatum proximum quemque fructum finito tandem periculo expectare. Vicit ergo cupido rationem, & ad concionem vocatis militibus, ad hunc maxime modum differuit.

CAPVT V.

ARGVMENTVM.

*Suadet militi vltimum restare bellum. Eleuat
conceptam de hostis potentia opinionem, lau-
dat virtutem suorum, nec tamen persuadet.
Oritur omnium fletus.*

NON ignoro milites, multa quæ terrere vos possent, ab incolis India per hos dies de industria esse iactata. Sed non est improuisa vobis mētientium vanitas. Sic Ciciliae fauces. sic Mesopotamiae campos, Trigim & Euphratem, quorum alterum vadō transiimus, alterum ponte, terribilem fecerant Persæ. Nunquam ad liquidum fama perducitur. Omnia illa tradente maiora sunt vero. Nostri quoque gloria cum sit ex solido, plus tamen habet nominis quàm operis. Modò quis beluas offerentes mœnium speciem, quis Hydaspen amnem, quis cetera auditu maiora quàm vero sustinere posse credebatur? Olim hercule fugissem ex Asia, si nos fabula debellare potuissent. Creditis ne Elephantorum greges maiores esse, quàm vsquam armentorum sunt, cum & rarum

sit animal, nec facile capiatur, multoq; difficulte
 ut mitigetur? Atqui eadem vanitas copias peditum
 equitumq; numeravit. Nam flumen quo latius
 fusum est, hoc placidius stagnat: quippe angustis
 ripis coercita, & in artiore alveum elisa, torrentes
 aquas inuehunt. Contra spatium alvei se-
 gnior cursus est. Præterea in ripa omne periculum
 est, ubi applicantes nauigia hostis expectat. Ita
 quantumcunq; flumen interuenit, idem futurum
 discrimen est, euadentium in terram. Sed omnia
 vera ista esse fingamus. Vtrum ne vos magnitudo
 belluarum, an multitudo hostium terret? Quod
 pertinet ad Elephantos, præsens habemus exem-
 plum, in suos vehementius quam in nos incurre-
 runt. Tam vasta corpora securibus falcibusq; mu-
 tilata sunt. Quid autem interest, totidem sint quot
 Porus habuit, an tria nulla, cum vno aut altero
 vulneratis, ceteros in fugam declinare videamus?
 Dein paucos quoq; incommodè regunt. Congrega-
 ta verò tot millia, ipsa se elidunt, ubi nec stare, nec
 fugere potuerint, inhabiles vastorum corporum
 moles. Equidem sic animalia ista contemsi, ut cum
 haberem, ipse non opposuerim: satù gnarus, plus
 suis quam hostibus periculi inferre. At enim e-
 quitum peditumque multitudo vos commouet:
 cum paucis enim purgare soliti estis, & nunc pri-
 mum inconditam sustinebitis turbam. Testis
 aduersus multitudinem inuicti Macedonum ro-
 boris Granicus amnis, & Cilicia inundata
 cruore Persarum, & Arbela, cuius campi deuic-
 torum à nobis ossibus strati sunt. Serò hosti-
 um legi-

um legiones numerare cœpistis, postquam solitudinem in Asia vincendo fecistis. Cum per Hellespontum nauigaremus, de paucitate nostra cogitandum fuit. Nunc nos Scythæ sequuntur, Bactriana auxilia præsto sunt, Dabæ Sogdianique inter nos militant. Nec tamen illi turba confido. Vestras manus intueor, vestram virtutem, rerum quas gesturus sum, vadem prædemque habeo. Quam diu vobiscum in acie stabo, nec meos, nec hostium exercitus numerauero. Vos modò animos mihi plenos alacritatis ac fiduciæ adhibete. Non in limine operum laborumque nostrorum, sed in exercitu stamus. Peruenimus ad solis ortum & Oceanum, nisi obstat ignauia; inde victores perdomito fine terrarum reuertemur in patriam. Nolite (quod pigri agricola faciunt) maturos fructus per inertiam amittere è manibus. Maiora sunt periculis præmia, diues eadem & imbellis est regio. Itaque non tam ad gloriam vos duco, quàm ad prædàm. Digni estis, qui opes quas illud mare litoribus inuehit, referatis in patriam. Digni, qui nihil inexpertum, nihil metu omissum relinquatis. Per ego vos, gloriamque vestram, quæ humanum fastigium exceditis, perque & mea in vos, & in me vestra merita, quibus inuicti contendimus, oro quasque, ne humanarum rerum terminos aduentem alumnus commilitonemque vestrum, ne dicam regem, deseratis. Cetera vobis imperaui, hoc vnum debiturus sum. Et is vos rogo, qui nihil vniquam vobis præceps, quin primus peri-

culis me obtulerim, qui sapè aciem clypeo meo
texi, ne infregeritis in manibus meis palmam,
qua Herculem Liberumque patrem, si inuidia
abfuerit, aequabo. Date hoc precibus meis, & tan-
dem obstinatum fileptium rumpite. Vbi est cla-
mor ille alacritatis vestrae index? Vbi ille meo-
rum Macedonum vultus? Non agnosco vos mi-
lites, nec agnosci videor à vobis. Surdas iam-
dudum aures pulso. Aversos animos & infra-
ctos excitare conor. Cumq; illi in terrā demissis
capitibus tacere perseverarēt, Nescio quid, in-
quit, in vos imprudens deliqui, quod me ne in-
tueri quidem vultis. In solitudine mihi videor
esse. Nemo respondet, nemo saltem negat. quos
alloquor? Quid autem postulo? vestram gloriam
& magnitudinē vindicamus. Vbi sunt illi, quorū
certamen paullo antè vidi contententium, qui po-
tissimum vulnerati regis corpus exciperent? De-
sertus, destitutus sum, hostibus deditus. Sed solus
quoq; ire perseverabo. Obijcite me fluminibus &
beluis, & illis gentibus, quarū nomina horretis.
Inueniam qui desertum à vobis sequantur. Scy-
thæ Bactrianiq; erunt mecum, hostes paullo antè,
nunc milites nostri. Mori præstat, quàm precariū
imperatorem esse. Ite reduces domos, re deserto
rege ouantes. Ego hic à vobis desperata victoria,
aut honesta morti locum inueniam. Nec sic qui-
dem ulli in litu a vox exprimi potuit. Expe-
ctabant, ut duces principesq; ad regem perfer-
rent, vulneribus & continuo labore militiæ fa-
tigatos nondetrectare munia, sed sul in re nō
posse.

posse. Cæterùm illi metu attoniti, in terrā ora defixerant. Igitur primò fremitus sua sponte, deinde quoq; gemitus oritur: paulatim quelibet dolor erigi cepit manatibus lachrymis: adeò vt rex, ira in misericordiam versa, ne ipse quidem, quanquam cuperet, temperare oculis potuerit.

CAPVT VI.

ARGVMENTVM.

Cœnus respondet orationi regis, & deprecatur loco exercitus longiorem militiam. Soluitur lacrymis concio. Rex indignatus se includit.

TAndem vniuersa concione effusius flente, Cœnus ausus est cunctantibus ceteris propiùs tribunal accedere, significans se loqui velle. Quem vt videre milites detrahentē galeam capiti (ita enim regē alloqui mos est) hortari cœperunt, vt causam exercitus ageret. Tum Cœnus, *Nū prohibeāt, inquit, à nobis impias mentes: & profectò prohibent. Idem animus est tuis, qui semper fuit, ire quo iusseris, pugnare, periclitari, sanguine nostro commendare posteritati tuum nomen. Proinde si perseueras, inermes quoq; & nudi, & exangues, vt cumq; tibi cordi est, sequimur vel antecedamus. Sed si audire vis non fictæ tuorum voces, verùm necessitate vltima expressas, prabe quas propitias aures, imperium atq; auspiciū tuum constantissimè secutis, & quocunq; pergis secuturis. Vicisti rex magnitudine rerum non hostos modo, sed etiam milites.*

tes. Quidquid mortalitas capere poterat, impleuimus. Emensis maria terrasq, melius nobis quàm incolis omnia nota sunt. Penè in vltimo mundi sine confestim; in alium orbem paras ire. & Indiam queris; Indis quoq, ignotam. Interferas serpentesq, degentes eruere ex latebris & cubilibus suis expetis, vt plura quam sol videt, victoria lustres. Digna prorsus cogitatio animo tuo, sed alior nostro. Virtus enim tua semper in incremento erit, nostra vis iam in fine est. Intuere corpora exsanguia tot perfossa vulneribus, tot cicatricibus putria. Iam tela hebetia sunt, iam arma deficiunt. Vestem Persicam induimus, quia domestica subuehi non potest. In externum degenerauimus cultum. Quoto cuique lorica est? quis equum habet? Iube queri quàm multos serui ipsorum persecuti sunt, quid cuique supersit ex praeda. Omnium victores, omnium inopes sumus. Nec luxurià laboramus sed bello instrumenta belli consumpsimus, hunc tu pulcherrium exercitum nudum obijces beluis? Quarum vt multitudinem augeant de industria Barbari, magnum tamen esse numerum etiam ex mendacio intelligo. Quod si adhuc penetrare in Indiam certum est, regio à Meridie minus vastata est. Qua subacta, licebit decurrere in illud mare, quod rebus humanis terminum voluit esse natura. Cur circuitu petis gloriam quæ ad manum est? Hic quoque occurrit Oceanus. Nisi mauis errare, peruenimus quo tua fortuna ducit. Hac tecum quàm sine te cum his loqui

ma-

malui, non vi inire circumstanti exercitus gratiam, sed ut vocem loquentium potius quam gemitum murmurantium audires. Ut finem orationi Cœnus imposuit, clamor undique cum ploratu oritur. regem, patrem, dominum confusis appellantium vocibus. Iamque & alij duces: præcipuèque seniores, quis obætatem & excusatio honestior erat, & auctoritas maior, eadem precabantur. Ille nec castigare obstinatos, nec mitigare poterat iratos. Itaque inops consilij desiluit è tribunali, cludique regiam iussit, omnibus, præter assuetos, audire prohibitis.

CAPVT VII.

ARGVMENTVM.

Signat terminos expeditionis. Redit quæ venerat, Cœni mors, ad Acefinem flumen, nouum supplementum accipit. Duos reges conciliat, duo oppida condit. Classis ad Sobios deuenit.

BIduum iræ datum est, tertio die processit, erigique xii. aras ex quadrato faxy monumentum expeditionis suæ, munimenta quoq; castrorum iussit extendi, cubiliaq; amplioris formæ, quàm pro corporum habitu relinqui, ut speciem omnium augeret posteritati fallax miraculum præparans. Hinc relegens quæ emensus erat, ad flumen Acefinem locat castra. Ibi fortè Cœnus morbo extinctus est, cuius morte ingemuit quidem rex, adiecit tam propter paucos dies longā oratione meum exorsum, tamquam solus Macedoniam visurus esset.

Iam

Iam in aqua classis, quam ædificari iusserat, stabat. Inter hæc Memnon ex Thracia in supplementum equitum, VI. millia, præter eos ab Harpaso peditum VII. millia adduxerat, armæque XXV M. auro & argenteo cæata pertulerat, quis distributis vetera cremare iussit. mille nauigijs aditurus Oceanum. Discordes & vetera odia retractantes Porum & Taxilem Indiæ reges firmata per affinitatem gratia reliquit in suis regnis, lummo in ædificanda classe amborum studio vsus. Oppida quoque duo condidit; quorum alterum Nicæam appellauit, alterum Bucephalon, equi quem amiserat, memoriæ ac nomini dedicans urbem. Elephantis deinde & impedimentis terrâ sequi iussis, secundo amne defluxit, quadraginta ferme stadia singulis diebus procedens, vt opportunis locis exponi subinde copiæ possent.

CAPVT VIII.

ARGVMENTVM.

Sobios describit, Rex oppida vi occupat, per fluminem concursum in vortices abripitur, & tantum non hauritur.

PEruentum erat in regionem, in qua Hydaspes amnis Acesini committitur. hinc decurrit in fines Sobiorum. Hi de exercitu Herculis maiores suos esse memorant, agros relictos, cepisse sedem, quam obtinebant. Pelles ferarum pro veste, clauæ tela erant. Multaque etiam cum Græci mores exoleuissent, stirpis ostentabant vestigia. Hinc excensione facta CC. & L. stadia processit. Depopulatusq; regionem, oppis

oppidum caput eius corona cepit. XL. peditum
millia alia gens in ripa fluminum opposuerat,
quæ amine superato in fugam compulsa, inclu-
sosq; moenibus expugnat. Puberes interfecti
sunt, ceteri venierunt. Alteram deinde urbem
expugnare adortus, magnaq; vi defendentium
pulsus, multos Macedonum amisit. Sed cum
in obsidione perseverasset, oppidaui desperata
salute ignem subiecere tecus, se quoq; ac libe-
ros coniugesq; incendio cremant. Quod cum
ipsi auerent, hostes extinguerent, noua forma
pugnæ erat. Delebant incolæ urbem, hostes de-
fendebant: adeo etiam naturæ iura bellum in
contrarium mutat. Arx erat oppidi intacta, in
qua præsidium dereliquit. Ipse nauigio cir-
cumuectus est arcem: quippe III. flumina tota
India præter Gangem maxima, munimento ar-
cis applicant undas. A septentrione Indus al-
luit, à meridie Acesines Hydaspes confunditur.
Ceterum annuum coetus maritimis similes flu-
ctus inouet, multoq; ac turbido limo, aquarum
concursum subinde turbatur, iterque qua meant
nauigia, in tenuem alueum cogitur. Itaq; cum
crebri fluctus inueherent, & nauium hinc
proras. hinc latera pulsarent, subducere nauem
coeperunt. Sed ministeria eorum hinc coetu,
hinc prærapida celeritate fluminum occupan-
tur. In oculis omnium duo maiora nauigia sub-
mersa sunt: leuiora, cum & ipsa nequirent regi.
in ripam tamen innoxia expulsa sunt: ipse rex
in rapidissimos vertices incidit. Quibus intor-
ta nauis obliqua, & gubernaculi impatiens, age-
batur. Iam vestem detraxerat corpori, proie-
cturus semet in flumen: amicique ut exciperent
eum,

eum, haud procul nabant: apparebatq; **Princeps** periculum tam nataturi, quàm nauigare perseverantis. Ergo ingenti certamine concitant remos, quantaq; vis humana esse poterat, admotæ est, ut fluctus qui se inuehebant, euerberarentur. Findi crederes vndas, & retro gurgites cedere. Quibus tandem naus erepta, non tamen ripæ applicatur; sed in proximum vadum illiditur. Cum anni bellum fuisse crederes. Ergo aris pro numero fluminum positus, sacrificioq; factò. xxx. stadia processit.

CAPVT IX.

ARGVMENTVM.

Ad Oxydracas & Mallos accedit, seditionem militarem compefcit.

INDÈ ventum est in regionem Oxydracarum Mallorumque, quos aliàs bellare inter se solitos, tunc periculi societas iunxerat. ix. millia iuniorum peditum in armis erant, præter hos equitum xm. DCCCCq; quadrigæ. At Macedones qui omni discrimine iam defunctos se esse crediderant; postquam integrum bellum cum ferocissimis Indiæ gētibus superesse cognouerunt, improviso metu territi, rursus seditiosis vocibus regem increpare cœperunt. Gangem annem, & quæ ultra essent, coactos transmittere, non tamen finisse, sed mutasse bellum, indomitis gentibus se obiectos, ut sanguine suo aperirent ei Oceanum. Trahi extra sidera & solem, cogiq; adire quæ mortaliū oculis natura subduxerit. Nouis identidem armis nouos hostes existere. Quos ut omnes fundant, fugentq;, quod præmium ipsos manere?

Ca.

Caliginem ac tenebras, & perpetuam noctem profundo incubantem, repletum immanium beluarum gregibus fretum, immobiles undas, in quibus emoriens natura defecerit. Rex non sua, sed militum sollicitudine anxius, concione aduocata docet imbelles esse, quos metuant. Nihil deinde præter has gētes obstare, quo minus terrarum spatia emensi ad finem simul mundi laborumque perueniant. Cessisse illis metuētibz Gangem, & multitudinem nationū, quæ ultra amnem essent, declinasse iter eo, vbi par gloria, minus periculum esset. Iam prospicere se. Oceanum: Iam perflare ad ipsos auram maris. Ne inuiderēt sibi laudē, quam peteret, Hercules & Liberī patris terminos transiture, ipsos regi suo paruo impendio immortalitatem famæ daturus. Paterentur se ex India redire, non fugere. Omnis multitudo & maxime militaris mobili impetu fertur. Ita seditionis non remedia quam principia maiora sunt. Non alias tam alacer clamor ab exercitu est redditus, iubentium duceret dijs secundis, æquaretque gloria, quos æmularētur. Lætus his acclamationibus, ad hostes protinus castra mouit.

CAPVT X.

ARGVMENTVM.

Hostes fugat, oppidum obsidet, vltimum vitæ discrimen contempto vate adit, solus in oppidum hostile defiliens agrè tandem per suos iam saucius eripitur. hostes internecione decedunt.

Z

Vali-

V Alidissimæ Indorum gentes erant: & bellum impigrè parabant, dūcemq; ex natione Oxydracarū spectatæ virtutis elegerant, qui sub radicibus montis castra posuit: lateque ignes, vt speciem multitudinis augeret, ostēdit: clamore quoq; ac sui moris vlulatu identidem acquiescentes Macedonas frustra terrere conatus. Iam lux appetebat, cum rex fiducia ac spei plenus alacres milites arma capere, & exire in aciem iubet. Sed metu ne, an oborta seditione inter ipsos, subito profugerunt Barbari. Certè auios montes & impeditos occupauerunt. Quorum agmen rex frustra persecutus, impedimenta cepit. Peruentum deinde est ad oppidum Oxydracarum, in quod plerique confugerant, haud maiore fiducia mœnium quàm armorum. Iam admovebat rex, cū vates mone-re eum cœpit, nec cōmitteret, aut certè differ-riet obsidionem, vitæ eius periculum ostendi. Rex Demophoōta (is namque vates erat) intu-ens, *Si quis, inquit te, artitua intentum, & ex- ta spectantem sic interpellet, non dubitem, quin incommodus ac molestus videri tibi possit.* Et cū ille ita prorsus futurum respondisset, *Cen-tesne, inquit, tantas res non pecudum fibras ante oculos habenti, vllum esse maius impedimentum, quam vatem superstitione captum.* Nec diutius quàm respondit moratus, admoneri iubet sca-las: cunctantibusq; ceteris, euadit in murum. Angusta muri corona erat, non pinnae sicut ali-bi fastigium eius distinxerant, sed perpetua lo-rica obducta transitum sepiērat. Itaque rex he-rebat magis, quàm stabat in margine, clypeo

vndiq; incidentia tela propulsans. Nam vndiq;
 eminus ex turribus petebatur. Nec subire mili-
 tes poterant, quia supernè vi telorum obrue-
 bantur. Tandem magnitudinem periculi pu-
 dor vicit: quippè cernebant cunctatione sua
 dedi hostibus regem. Sed festinando moraban-
 tur auxilia. Nā dum pro se quisque certat eua-
 dere, onerare scalas, quis non sufficientibus
 deuoluti vnicam spem regis fefellerūt. Stabat
 enim in conspectu tanti exercitus velut in soli-
 tudine destitutus. Iamq; læuam, quæ clypeum
 ad ictus circumferebat, lassauerat, clamantibus
 amicis, vt ad ipsos desiliret, stabantq; exceptu-
 ri, cum ille rem ausus est incredibilem atq; in-
 auditam, multoq; magis ad famam temeritatis
 quàm gloriæ insignem. Namq; in urbem hosti-
 um plenam præcipiti saltu semet ipse immi-
 sit, cum vix sperare posset dimicantem certè &
 non inultum esse moriturum: quippe ante-
 quam assurgeret, opprimi poterat, & capi vi-
 rus: sed fortè ita libranerat corpus, vt se pedi-
 bus exciperet. Itaq; stans in init pugnā, & ne cir-
 cuire posset, fortuna prouiderat. Vetus arbor
 haud procul muro ramos multa fronde vesti-
 tos velut de industria regem protegētes obie-
 cerat. huius spatioſo stipiti corpus, ne circumiri
 posset, applicuit, clypeo tela quæ ex aduerso in-
 gerebantur, excipiens. Nam cum vnum procul
 tot manus peterent, nemo tamen audebat pro-
 pius accedere. Missilia ramis plura quàm cly-
 peo incidebant. Pugnabat pro rege primum
 celebrari nominis fama, deindè desperatio
 magnū ad honestè moriendum incitamentum.
 Sed cum subindè hostis afflueret, iam ingentē

vim telorum exceperat clypeo, iam galeam saxa perfregerant, iam continuo labore grauiâ genua succiderant. Itaque contemtim & incautè qui proximi steterant incurrerunt, è quibus duos gladio ita excepit, vt ante ipsum exanimés procumberent. Nec cuiquam deinde propius incessendieum animus fuit. Procul iacula sagittasq; mittebant. Ille ad omnes ictus expositus ægrè iam exceptû poplitibus corpus tuebatur, donec Indus duorû cubitorum sagittam (namq; Indisvt antea diximus, huius magnitudinis sagittæ erant) ita excussit, vt per thoracè paulum super latus dextrum infingeretur. Quo vulnere afflictus, magna vi sanguinis emicante remisit arma, moribundo similis, adeoq; resolutus, vt ne ad vellendum quidem telum sufficeret dextra. Itaq; ad spoliandum corpus, qui vulnerauerat, alacer gaudio occurrit. Quem vt iniicere corpori suo manus sensit, credo, vltimè dedecoris indignitate commotus, linquentem reuocauit animum, & nudum hostis latus subiecto mucrone hausit. Iacebant circa regem tria corpora, procul stupetibus ceteris. Ille vt antequam vltimus spiritus deficeret, dimicans iam extingueretur, clypeo se alleuare conatus est, & postquam ad connitendum nihil superaret viriû, dextra impèdentes ramos complexus tentabat assurgere. Sed ne sic quidè potens corporis rursus in genua procûbit, manu prouocans hostes, si quis congrèdi auderet. Tandem Peucestes per aliâ oppidi partè deturbatis propugnatoribus muri vestigia persequens regis, superuenit. Quo còspecto Alexander iam non vitæ suæ, sed mortis solatium superuenisse ratus, clypeo

clypeo fatigatū corpus excepit. Subit indè Timæus, & paullo post Leonatus. huic Aristonus superuenit. Indi quoq; cū intra moenia regē esse comperissent, omissis ceteris illuc concurrunt, vrgebantq; protegētes, ex quibus Timæus multis aduerso corpore vulneribus acceptis, egregiaq; edita pugna cecidit. Peucestes quoq; tribus iaculis confossus, non se tamē scuto, sed regem tuebatur. Leonatus dum auidē ruentes Barbaros submouet, ceruice grauitè icta semianimis procubuit ante regis pedes. Tam & Peucestes vulneribus fatigatus submiserat clypeū. In Aristono spes vltima hærebat. Hic quoq; grauitè saucius tantam vim hostium vltra sustinere non poterat. Inter hæc ad Macedones regem cecidisse perlata est fama. Terruisset alios, quod illos intitauit. Namq; periculi omnis immemores, dolabris perfregere murū, & quæ molitierāt aditum, irrupere in urbem, Indoīq; plures fugientes quàm congregi ausos occiderūt. Non senibus, nō feminis, nō infantibus parçitur. Quisquis occurrerat, ab illo vulneratum regem esse credebant. Tandemq; internecione hostium iustæ iræ parentatum est. Ptolemæum, qui postea regnauit, pugna affuisse, auctor est Clitarchus, & Timagenes. Sed ipse scilicet gloriæ suæ refragatus, abfuisse se missum in expeditionem, memoriæ tradidit. Tanta componentium vetusta rerum monumenta vel securitas, vel par huic vitium credulitas fuit.

ARGVMENTVM.

*Vulnus curat non sine cura deplorat a vita, nec ar-
minind curatus pergit rursus in hostes.*

Rege in tabernaculum relato, medici lignum sagittæ corpori infixum, ita ne spiculum moueretur, abscindunt. Corpore deinde nudato, animaduertunt hamos inesse telo, nec aliter id sine pernicie corporis extrahi posse, quàm vt secando vulnus augerent. Ceterum ne secantes profluuium sanguinis occuparet, verebantur: quippe ingens telum adactum erat, & penetrasse in viscera videbatur. Critobulus inter medicos artis eximiæ, sed in tanto periculo territus, manus ad mouere metuebat, ne in ipsius caput parû prosperæ curationis recideret euentus, lachrymantem eum ac metuentem, & sollicitudine propemodum ex sanguine rex cõspexerat. *Quid, inquit, quoodve tempus expectas, & non quamprimum hoc dolore me saltem moriturum liberas? Antimes ne reus sis, cum insanabile vulnus acceperim?* At Critobulus tandem vel finito vel dissimulato metu, hortari eum coepit, vt se continendum præberet, dum spiculum euelleret. Etiam leuem corporis motum noxium fore. Rex cum affirmasset, nihil opus esse ijs qui semet continerent, sicut præceptum erat, sine motu præbuit corpus. Igitur patefacto latius vulnere, & spiculo euulso, ingens vis sanguis manare coepit, linquiq; animo rex, & caligine oculis offusa veluti moribundus extendi. Cumq; profluuium medica-

mentis frustra inhiherent, clamor simul atque ploratus amicorum oritur, regem exspirasse credentium. Tandem constitit sanguis paulatimq; animum recepit, & circumstantes coepit agnoscere. Toto eo die, ac nocte quæ secuta est armatus exercitus regiam obsedit, confessus omnes vnus spiritu viuere. Nec prius recesserunt, quàm compertum est somno paulisper acquiescere. Hinc certiores spem salutis eius in castra retulerunt. Rex septem diebus curato vulnere, necdum obducta cicatrice, cum audisset conualuisse apud Barbaros famam mortis suæ, nauigijs duobus iunctis statui in medium vndique conspicuum tabernaculum iussit, ex quo se ostenderet perijsse credentib. Conspectusque ab incolis, spem hostium falso nuncio conceptam inhibuit. Secundo deinde amne defluxit aliquantum interualli à cetera classe præcipiens, ne quies perinualido adhuc necessaria, pulli remorum impediretur. Quarto postquam nauigare coeperat die, peruenit in regionem desertam quidem ab incolis, sed frumento & pecoribus abundantem. Placuit is locus & ad suam & ad militum requiem.

CAPVT XII.
ARGVMENTVM.

Monent amici regem, ne se in posterum tantis committat periculis nullam sequi gloriam ex ignobili hoste petitam. Respondet Rex vbique laudis materiam offerri, vbi liceat fortiter agere, ipsi regem suum à domesticis insidijs defendant, de hoste ne sint solliciti.

MOS erat principibus amicorum, & custodibus corporis excubare ante prætorium, quoties aduersa regi valetudo incidisset. Hoc tum quoque more seruato, vniuersi cubiculum eius intrant. Ille sollicitus, ne quid noui afferrent, quia simul venerant, percontatur, num hostium recens nunciaretur aduentus. At Craterus, cui mandatum erat, vt amicorum preces perferret ad eum. *Credis ne*, inquit, *aduentu magis hostium, vt iam in vallo consisterent, quam cura salutis tua, vt nunc est (tibi vilis) nos esse sollicitos?* Quanta libet vis omnium gentium conspiret in nos, impleat armis virisque totum orbem, classibus maria consternat, inusitatas beluas inducat, tu nos prestabis inuictos. Sed quis deorum hoc Macedonia columen ac sidus diuturnum fore pollicere potest, cum tam auide manifestis periculis offeras corpus, oblitus tot ciuium animas trahere te in casum? Quis enim tibi superstes aut optat esse aut potest? Eo peruenimus, auspiciū atque imperium secuti tuum, vnde nisi te reduce nulli ad penates suos iter est. Quis adhuc de Persidis regno cum Dario dimicares, & si nemo vellet, tamen admittere quidem posset, tam prompta esse te ad omne discrimē audacia (nam vbi paria sunt periculum ac premium, & secundis rebus amplior fructus est, & aduersis solatium maius) tuo vero capite ignobilem vicum emi quis ferat, non tuorum modum militum, sed vllius gentis Barbara, qui tuam magnitudinem norit? Horret animus cogitatione

zione res quam paulo ante vidimus. Eloquitur
 meo ad iniecti corporis spolia inertissimos ma-
 nus fuisse iniecturos, nisi te interceptum misericors
 in nos fortuna seruasset. Totidem proditores,
 totidem desertores sumus, quot te non potuimus
 persequi. Vniuersos licet milites ignominia no-
 tes, nemo recusabit luere id, quod ne admitte-
 ret, prestare non potuit. Patere nos queso alio mo-
 do esse viles tibi. Quocumque iusseris, ibimus. Obscura
 pericula, & ignobiles pugnas nobis deposcimus.
 Temetipsum ad ea serua, qua magnitudinem tu-
 am capiunt. Citò gloria obsolescit in sordidis ho-
 stibus. Nec quidquam indignius est, quam consu-
 mi ea, vbi non possit ostendi. Eadem fere Ptole-
 mæus, & similia iis ceteri. Iamque confusis vo-
 cibus flentes cum orabant, vt tandem exsatiatæ
 laudi modum faceret, ac salutis suæ, id est publi-
 cæ parceret. Grata erat regi pietas amicorum.
 Itaque singulos familiaris amplexus confi-
 deret iubet, altiusque sermone repetito, vobis
 quidem, inquit, o fidissimi piissimique, ciuium
 atque amicorum grates ago habeoque, non solum eo
 nomine, quod hodie salutem meam vestra præ-
 ponitis, sed quod à primordiis belli nullum erga me
 benevolentie pignus atque indicium omisistis: adeo
 vt confitendum sit, nunquam mihi vitam meam
 fuisse tam charam, quam esse cepit, vt vos diu
 frui possim. Ceterum non eadem est cogitatio eo-
 rum qui pro me mori optant, & mea qui quidem
 hanc benevolentiam vestram virtute meruisse
 me iudico. Vos enim diuturnum fructum ex

me, forsitan etiam perpetuam percipere cupi-
tis. Ego me metior non ætatis spatium, sed perenni-
tatis: Licuit paternis opibus contento intra Ma-
cedoniæ terminos per otium corporis exspectare
obscuram & ignobilem senectutem. Quamquam
ne pigri quidem sibi fata disponunt, sed vnicum
bonum diuturnam vitam existimantes, saepe a-
cerba mors occupat. Verum ego, qui non annos
meos, sed victorias numero, si munera fortuna
bene computo, diu vixi. Orsus à Macedonia im-
perium, Græciam teneo. Thraciam, & Illyrios su-
begi. Triballis Mediisque imperito. Asiam quæ Hel-
lesponto, quæ rubro mari subluitur, possideo. Iam-
que haud procul abs sum fine mundi. Quem egres-
sus, aliam naturam, alium orbem aperire mihi
statui. Ex Asia in Europæ terminos momento vni-
us horæ transiui. Victor vtriusque regionis post
nonum regni mei, post vicesimum atque octauum
ætatis annū, videor ne vobis in excolenda gloria,
cui me vni deuoui, posse cessare? Ego verò non de-
ero, & ubicunq; pugnabo, in theatro terrarū or-
bis esse me credam. Dabo nobilitatem ignobilibus
locis. Aperiam cunctis gentibus terras, quas na-
tura longe submouerat. In his operibus exstingui
mihi (si fors ita feret) pulchrum est. Ea stirpe sum
genitus, ut multam prius quam longam vitam
debeam optare. Obsecro vos, cogitate nos perue-
nisse in terras, quibus femina ob virtutem cele-
berrimum nomen est. Quas vrbes Semiramis con-
didit? quas gentes redegit in potestatem? quanta
opera molita est? Nondum feminam æquauius
gloria,

gloria, & iam nos laudis sarietas cepit? Dii faueant, maiora adhuc restant. Sed ita nostra erunt, quæ nondum adiimus, si nihil paruum duxerimus, in quo magna gloriæ locus est. Vos modò me ab intestina fraude, & domesticorū insidijs præstate securum. Belli Martisq; discrimen impavidus subibo. Philippus in acie tutior, quam in theatro fuit hostium manus sæpe vitavit, suorum effugere non valuit. Altorum quoq; regum exitus si reputaueritis, plures à suis, quam ab hoste interemptos numerabitis. Ceterum quoniam olim rei agitata in animo meo, nunc promedæ occasio oblata est; mihi maximus laborum atq; operum meorum erit fructus, si Olympias mater immortalitati cōsecratur, quā deq; excesserit vita. Hoc si licuerit ipse præstabo. Si me præceperit fatum, vos mandasse mementote. Ac tum quidem amicos dimisit. Ceterum per complures dies ibi stativa habuit.

CAPVT XIII.

ARGVMENTVM.

Colonia Græcorum Bactriana deficit, & relictis barbaris Graciam repetitis.

Hæc dum in Indiageruntur, Græci milites nuper in colonias à rege deducti, Carabactra, orta inter ipsos seditione defecerāt. non tam Alexandro infensi, quàm metu supplicij: quippe occisis quibusdam popularium, qui validiores erant, arma spectare cœperant. Et Bactriana arce, quæ casu negligentius asseruata erat, occupata, Barbaros quoq; in socie-

tatem defectionis impuleraat. Athenodorus erat princeps eorum, qui regis quoq; nomen assumserat, non tam imperij cupidine, quam in patriam reuertendi cum ijs, qui auctoritatem ipsius sequebantur. Huic Bicon quidam nationis eiusdem, sed ob æmulationem infestus, comparuit insidias, inuitatumq; ad epulas per Boxum quendam Macerianum in conuiuio occidit. Postero die concione aduocata, Bicon, vltro insidiatum sibi Athenodorum plerisq; persuaserat. Sed alijs suspecta erat fraus Biconis, & paulatim in plures coepit manare suspicio. Itaque Græci milites arma capiunt, occisuri Biconem, si daretur occasio. Ceterum principes eorum, iram multitudinis mitigauerunt. Præter spem suam Bicon præsentis periculo ereptus, paullo post insidiatus auctoribus salutis suæ est: cuius dolocognito, & ipsum comprehenderunt, & Boxum. Ceterum Boxum protinus placuit interfici, Biconem etiam per cruciatum necari. Iamq; corpori tormenta admovebantur, cum Græci, incertum ob quam causam, lymphatis similes ad arma discurrunt: quorum fremitu exaudito, qui torquere Biconem iusserant, omisere, veriti ne id facere tumultuantium vociferatione prohiberentur. Ille, sicut nudatus erat, peruenit ad Græcos, & miserabilis facies supplicio destinati in diuersum animos repente mutauit, dimittiq; cum iusserunt. Hoc modo poena bis liberatus, cum ceteris qui colonias à rege attributas reliquerunt, reuertit in patriam. Hæc circa Bactra & Scytharum terminos gesta.

CAP.

CAPVT XIV.
ARGVMENTVM.

*Oxydraca & Malli gentes se dedunt regi. Legati
adhibentur conuiuio, Dioxippus prouocatus
duello aduersarium vincit, furti per inuidi-
am falso insimulatus in se manus vertit.*

INTERIM regem duarum gentium (de qui-
bus antè dictum est) C. legati adeunt.
Omnes curru vehebantur, eximia magnitudi-
ne corporis, decoro habitu lineæ vestes intextæ
auro, purpuraq; distinctæ. Ei se dedere ipsos, vr-
bes agrosq; referebant, per tot ætates inuiola-
tam libertatem illius primùm fidei ditionique
permisuros. Deos sibi deditiois auctores,
non metum : quippe intactis viribus iugum
excipere. Rex consilio habito deditos in fidem
accipit, stipendio quod Arachosijs vtraq; natio
pensitabat, imposito. Præterea i millia & D. e-
quites inperati: & omnia obedienter à Barbar-
is facta. Inuitatis deinde ad epulas legatis gen-
tium, regulisq;, exornari conuiuium iussit. Cē-
tum aurei lecti modicis Interuallis positi erāt.
Lectis circumdederat aulæa purpura auroque
fulgentia; quicquid aut apud Persas vetere
luxu, aut apud Macedonas noua immutatio-
ne corruptum erat, confasis vtriusque gen-
tis vitijs, in illo conuiuio ostendens. In-
tererat epulis Dioxippus Atheniensis pugil no-
bilis, & ob eximiam virtutem virium regi
pernotus & gratus. Inuidi maligniq; increpa-
bant per seria & ludum, saginati corporis se-
qui inutilem beluam. Cū ipsi prælium ini-
rent,

rent, oleo madentem præparare ventrem epulis. Eadem igitur in conuiuium Horratas Macedo iam temulentus exprobare ei cœpit, & postulare ut si vir esset, postero die secum ferro decerneret: regem tandem vel de sua temeritate, vel de illius ignauia iudicaturum. Et à Dioxippo contentim militarem eluente ferociam accepta conditio est. Ac postero die rex, cum etiam acrius certamen exposcerent, quia deterrere non poterat, destinata exsequi passus est. Ingens hic militum, inter quos erant Græci qui Dioxippo studebant, conuenerat multitudo. Macedo iusta arma sumserat, æreum clypeum, hastam, quam Sarissam vocant, læua tenens, dextra lanceam, gladioque cinctus velut cum pluribus simul dimicaturus. Dioxippus oleo nitens & coronatus, læua puniceum amiculum, dextra validum nodosumque stipitem præferebat. Ea ipsæ res omnium animos exspectatione suspenderat: quippe armato congruè nudum, dementia, non temeritas videbatur. Igitur Macedo haud dubius eminus interficere posse lanceam emisit, quam Dioxippus cum exigua corporis declinatione vitasset, antequam ille hastem transferret in dextram, assiluit, & stipite mediam eam fregit. Amisso utroque telo Macedo gladium coeperat stringere, quem occupatum complexu pedibus repente subductis Dioxippus arietauit in terram: ereptoque gladio, pedem super ceruicem iacentis imposuit, stipitem intentans, elisurusque eo victum, ne prohibitus esset à rege. Tristis spectaculi euentus non Macedonibus modò, sed etiam Alexandro fuit, maxime quia Barbari affuerant: quippe

quippe celebratam Macedonum fortitudinem ad ludibrium recidisse. Hinc ad criminatorem inuidorum adapertæ sunt regis aures. Et post paucos dies inter epulas aureum poculum ex composito subducitur: ministrique quasi amississent quod amouerant, regem adeunt. Sæpè minus est constantiæ in rubore, quàm in culpa. Coniectum oculorum, quibus ut fur destitabitur, Dioxippus ferre non potuit. Et cum excessisset conuiuio, litteris conscriptis quæ regi redderentur, ferro se interemit. Grauius mortem eius tulit rex, existimans indignationis esse non poenitentiaë testem, utiq; postquam falso insimulatum eum, nimium inuidorum gaudium ostendit.

CAPVT XV.

ARGVMENTVM.

Gentium duarum legati dimissi & reuersi ferunt munera. Rex varias gentes & oppida expugnat.

Indorum legati dimissi domos paucis post diebus cum donis reuertuntur. CCC. erant equi, mille xxx. currus, quos quadrijugi equi ducebant. Linæ vestis aliquantum, mille scuta Indica, & ferri candidi talenta centum, leonesque raræ magnitudinis, & tigres, vtrumq; animal ad mansuetudinem domitum. Lacertarum quoq; ingentium pelles, & dorsa testudinum. Cratero deinde imperat rex, haud procul amne per quem erat ipse nauigaturus, copias duceret. Eos autem qui comitari eum solebāt, imponit in naues, & in fines Mallorum secundo amne

amne deuehitur. Indè Sabracas adiit validam
 Indiæ gentē, quæ populi non regū imperio re-
 gebatur. vi. millia peditum habebant, equitum
 viii. millia. has copias currus d. sequebantur.
 Tres duces spectatos virtute bellica elegerant.
 Atqui in agriserant proximi flumini (frequen-
 tes autē vicos maximè in ripa habebant) vt vi-
 dere totum amnem, quā prospici poterat, nau-
 gijs cōstratum, & tot militum arma fulgentia,
 territi noua facie, deorum exercitum, & alium
 Liberum patrem. celebre in illis gentibus no-
 men, aduentare credebant. Hinc militum cla-
 mor, hinc remorum pulsus, variæq; nautarum
 voces hortantium, pauidas aures impleuerant.
 Ergo vniuersi ad eos qui in armis erant, cur-
 runt, furere clamitantes, & cum dijs proelium
 inituros. Nauigia non posse numerari, quæ
 inuictos viros veherent. Tantumquē in exerci-
 tum suorum intulere terroris vt legatōs mīt-
 terent gētem dedituros. His in fidem acceptis,
 ad alias deinde gentes quarto die peruenit. Ni-
 hilo plus animi his fuit, quàm ceteris fuerat.
 Itaq; oppido ibi condito, quod Alexandriam
 appellari iusserat, fines eorum qui Musicani ap-
 pellantur, intrauit. Hic de Teriolte Satrape,
 quem Paropamisadis præfecerat, ijsdem argu-
 entibus cognouit; multaq; auarè ac superbè fe-
 cisse conuictum interfici iussit. Oxatres prætor
 Bactrianorum non absolutus modò, sed etiam
 amplioris imperij donatus est finibus. Musica-
 nis deinde in ditionem reductis, vrbi eorum
 præsidium imposuit. Indè Præstos & ipsam In-
 diæ gentem peruentum est. Porticanus rex e-
 rat, qui se munitæ vrbi cū magna manu popu-
 larium

Iarium incluserat. Hanc Alexander tertio die
 quàm coeperat obsidere; expugnauit. Et Porti-
 canus cùm in arcē confugisset, legatos de con-
 ditione deditiōis misit ad regem. Sed ante-
 quam adirent eum; duæ turres cum ingenti
 fragore prociderant; per quarum ruinas Mace-
 dones euasere in arcem; qua capta Porticanus
 cùm paucis repugnans occiditur. Diruta igi-
 tur arce, & omnibus captiuis venundatis, Sami
 regis fines ingressus est. Multisq; oppidis in fi-
 dem acceptis, validissimam gentis urbem cuni-
 culo cepit. Barbaris simile monstri visum est,
 rudibus militarium operum: quippe in media
 ferme armati ē terra existerant; nullo suffossi
 specus antē vestigio factō. Dccc. Indorum in ea
 regione cæia Clitarchus est auctor; multosque
 captiuos sub corona venisse. Rursus Musica-
 ni defecerunt, ad quos opprimendos missus est
 Phyton, qui captum principem gentis; eun-
 demq; defectionis auctorem adduxit ad regē.
 Quo Alexander in crucem sublato; rursus am-
 nem in quo classem expectare se iusserat, repe-
 tit. Quarto deinde die secundo annē perue-
 nit ad oppidum, quod in regno erat Sami. Nu-
 per se ille dediderat, sed oppidani detrectabāt
 imperium, & clauferant portas. Quorum pau-
 citate contempta rex D. Agrianos in cœnia subire
 iussit, & sensim recedentes elicere extra muros
 hostem, secuturum profectō si fugerē eos cre-
 deret. Agriani (sicut imperatum erat) lacessito
 hoste, subito terga verterunt; quos Barbari ef-
 fuse sequētes, in alios, inter quos ipse rex erat,
 incidunt. Renouato ergo proelio, ex iii. milli-
 bus Barbarorū dcc. cōsumunt, mille capti, cete-

ri mœnibus vrbis inclusi. Sed non vt prima specie læta victoria, ita euentu quoq; fuit: quippe Barbari veneno tinxerant gladios. Itaq; faucij subinde exspirabant. Nec causâ tam strenuæ mortis excogitari poterat à medicis, cùm etiam leues plagæ insanabiles essent. Barbari autē sperauerant incautum & temerarium regem excipi posse. Et fortè inter promptissimos dimicans intactus tamen euaserat. Præcipuè Ptolemæus læuo humero leuiter quidem saucius, sed maiore periculo quàm vulnere affectus, regis sollicitudinem in se conuerterat. Sanguine coniunctus erat, & quidam Philippo genitum esse credebant. Certè pellice eius ortum cōstabat. Idem corporis custos, promptissimusq; beliator, sed pacis artibus quàm militiæ maior & clarior, modico ciuiliq; cultu, liberalis in primis, adituq; facili, nihil ex fastu regio assumserat. Ob hæc regi an popularibus charior esset, dubitari poterat. Tum certè primùm expertus suorum animos, adedò vt fortunam in quam postea ascendit, in illo periculo Macedones ominati esse videantur: quippe non leuior illis Ptolemæi fuit cura quàm regis, qui & prælio & sollicitudine fatigatus: cùm Ptolemæo assideret, lectum in quo ipse acquiesceret, iussit inferri. In quem vt se recepit, protinus altior insecutus est somnus. Ex quo excitatus, per quietem vidisse se exponit speciem draconis oblatam herbam ferentis ore, quam veneni remediū esse monstrasset. Colorem quoq; herbæ referebat, agniturum si quis reperisset, affirmans: inuentamq; deinde, quippe à multis simul erat requisita, vulneri imposuit: protinusq; dolore

finito, intra breue spatiū cicatrix, quoq; obdu-
cta est. Barbaros vt prima spes sefellerat, seip-
sos vibemque dederunt. Hinc in proximam
gentem Parthiam. peruentum est. Rex erat
Moeris, qui vrbe deserta in montes profugerat.
Itaque Alexander oppido potitur, agrosque
populatur. Magnæ indè prædæ actæ sunt pec-
corum armentorumque; magna vis reperta
frumenti.

CAPVT XVI.
ARGVMENTVM.

*Per amnem ad Oceanum peruenit, ex astu maris
classis vltimum discrimen adit. iubet explora-
ri Oceani naturam, oppida condit.*

DUcibus deinde sumtis amnis peritis, de flu-
xit ad insulam mediò ferme alueo enatam.
Ibi diutius subsistere coactus, quia duces socor-
dius asseruari profugerant, misit qui cōquire-
rent alios: nec repertis peruicax cupido incessit
visendi Oceanum; adeuntq; terminos mundi
fine regionis. peritis, flumini ignoto caput suū
totq; fortissimorū virorū salutem permittere.
Nauigabant ergo omnium per quæ ferebantur
ignari, quantum indè abesset mare, quæ gentes
colerent, quàm placidum amnis os, quàm piti-
ens longarum nauium esset, anceps & cæca æsti-
matio augurabatur. Vnum erat temeritatis
solatium, perpetua felicitas. Iam cccc. stadia
procefferant, cum gubernatores agnoscere ip-
sos auram maris, & haud procul videri sibi O-
ceanum abesse indicant regi. Lætus ille hortari
nauticos coepit; incumbere remis. *Adesse
si est*

finem laboris omnibus votis expetitū. Iam nihil gloria deesse, nihil ob stare virtuti. Sine vllō Martis discrimine, sine sanguine orbem terræ ab illis capi. Nec naturam quidem longius posse procedere. Breui incognita nisi immortalibus esse vi-
suros. Paucos tamen nauigio emisit in ripam qui agrestes vagos exciperent, è quibus certiora nosci posse sperabat. Illi scrutati omnia tuguria, tandem latentes reperere. Qui interrogati quàm procul abessent mari, responderunt nullum ipsos mare nefama quidem accepisse: ceterum tertio die perueniri posse ad aquam amarā, quæ corrumpere dulcem. Intellectum est mare destinari ab ignaris naturæ eius. Itaque ingenti alacritate nautici remigant, & proximo quoq; die, quod propius spes admovebatur, crescebat ardor animorum. Tertio iam die mixtum flumini subibat mare, leni adhuc æstu confundente dispares vndas. Tum aliam insulā medio amni sitam euecti paullo lenius, quia curius æstu referebatur, applicant classem, & ad com meatus petendos discurrunt securi casus eius qui superuenit ignaris. Tertia ferme hora erat, cum stata vice Oceanus exarsuans inuehi coepit, & retro flumen vrgere. Quod primo coercitum, deinde vehementius pulsū maiore impetu aduersum agebatur, quàm torrentia præcipiti alueo incurrūt. Ignorata vulgo freti natura erat, monstraq; & iræ detum Indicia cernere videbantur, identidem intumescere mare, & in campos paullo antè siccos descendere superfluum. Iamq; leuatis nauigijs, & tota classe dispersa, qui expositi erant, vndiq; ad naues trepidi & improuiso malo attoni-

soniti recurrunt. Sed in tumultu festinatio quoq; tarda est. Hi contis nauigia appellebant, hi dum considerent, remos aptari prohibebāt. Quidam enauigare properantes, sed nō exspectatis qui simul esse debebant, clauda & inhabilia nauigia languidè moliebantur. Aliæ nauium inconsultè ruentes non receperant, pariterq; & multitudo & paucitas festinantes morabatur. Clamor hinc expectare, hinc ire iubentium, dissouæq; voces nusquam idem ac vnum tendentium, non oculorum modò vsum, sed etiam aurium abstulerant. Nec in gubernatoribus quidem quidquam opis erat, quorum nec exaudiri vox à tumultuantibus poterat, nec imperiū à territis incompressisq; seruari. Ergo collidi inter se naues, abstergeriq; inuicē remi, & alij aliorum nauigia vrgere cœperunt. Crederes non vnius exercitus classem vehi, sed duorum nauale inisse certamen. Incutiebantur puppibus proræ, premebantur à sequētib; qui antecedentes turbauerant. iurgantium ira perueniebat etiam ad manus. Iamque æstus totos circa flumen campos inundauerat, tumulis duntaxat eminentibus velut insulis paruis, in quos pleriq; trepidi omissis nauigijs enare poterant. Dispersa classis partim in præalta aqua stabat, qua subsederant valles, partim in vado hærebat, vtrumque inæquale terræ fastigium occupauerant vndæ. Cum subitò nouus & pristino maior terror incutitur, reciprocare cepit mare, magno tractu aquis in suū fretum recurrentibus, reddebatq; terras paullo antè profundo salo mersas. Igitur destituta nauigia alia præcipitantur in proras, alia in la-

tera procumbunt. Strati erant campi sarcinis, armis, auulsarum tabularum, remorumq; fragmentis. Miles nec egredi in terram, nec in naue subsistere audebat, identidem presentib. grauiora quæ sequerentur expectans. Vix quæ perpetiebatur, videre ipsos credebant. in sicco naufragia, in amni mare, nec finis malorum, quo quippe æstum paullo post mare relaturum, quo nauigia alleuarentur, ignari, famē & vltima sibimet ominabantur. Beluæ quoq; fluctibus destitute terribiles vagabantur. Iamq; nox appetebat, & regē quoq; desperatio salutis ægritudine affecerat; non tamen inuictum animum curæ obruunt, quin tota nocte præsideret in speculis, equitesq; præmitteret ad eos amnis, vt cum mare rursus exæstare sensisset, procederet. Nauigia quoq; & lacerata refici, & euerfa fluctibus erigi iubet, paratosq; esse & intentos cum rursus mare terras inundasset. Tota ea nocte inter vigilias adhortationesq; cōsumta, celeriter equites ingenti cursu refugere, & secutus est æstus. Qui primo aquis leni tractu subeuntibus cœpit leuare nauigia; mox totis campis inundans etiam impulit classem; plaususq; militum nauticorumq; insperatam salute immodico celebrantiū gaudio, litoribus ripisque resonabat. Vnde tantum redisset subito mare; quo pridie refugisset: quænam esset eiusdē clemētis natura modò discors, modò imperio temporum obnoxia mirabundi requirebant. Rex cum ex eo quod acciderat, coniectaret post solis ortum statum tempus esse, media nocte vt æstum occuparet, cum paucis nauigijs secundo amne defluxit; euectusque os eius CCC. stadia

processit in mare tandem voti sui compos, praesidiisq; & maris & locorum diis sacrificio facto, ad classem redijt. Hinc aduersum flumen subit classis, & altero die appulsa est, haud procul lacu salso, cuius incognita natura plerosq; decepit temere ingressos aquam; quippe scabies corpora inuasit, & contagium morbi etiam in alios vulgatum est. Oleum remedio fuit. Leonato deinde praemisso ut puteos foderet, quae terrestri itinere ducturus exercitum videbatur, quippe sicca erat regio, ipse cum copiis substitit vernum tempus exspectans. Interim & vrbes plerasq; cōdidit. Nearcho atq; Onesicrito nauticae rei peritis imperauit, ut validissimas nauium deducerent in Oceanum: progressique quoad tutè possent, naturam maris noscerent; vel eodem amne vel Euphrate iungere eos posse: cum reuerti ad se vellent.

CAPVT XVII.

ARGVMENTVM.

Varias gentes recipit in fidem. oppidum constituit. Maritimos Indos adit, esurit, simul exercitus pestilente laborat.

IAmque mitigata hyeme, & nauibus quae inutiles videbantur crematis, terra ducebat exercitum. Nonis castris in regionem Abaritarum, inde totidem diebus in Cedrusorum peruentum est. Liber hic populus concilio habito dedit se, nec quidquam deditis praeter commeatus imperatum est. Quinto hinc die venit ad flumen. Arabon incolae appellant. Regio deserta, & aquarum inops excipit, quam

cimensus in Noritas transit. Ibi maiorem exerci-
 citus partem Hephæstioni tradidit, leuē arma-
 turam cum Ptolæmeo Leonatoque partitus est.
 Tria simul agmina populabantur Indos, ma-
 gnæque prædæ actæ sunt. Maritimos Ptolemæ-
 us, ceteros ipse rex, & ab alia parte Leonatus
 vrebant. In hac quoque regione urbem con-
 didit, deductique sunt in eam Arachosij. Hinc
 peruenit ad maritimos Indos: desertam va-
 stamque regionem latè tenent: ac ne cum fini-
 timis quidem yllo commercij iure miscentur.
 Ipsa solitudo natura quoque immitia efferauit
 ingenia. Prominent vngues nunquam reci-
 si. Comæ hirsutæ & intonsæ sunt. Tuguria
 conchis, & ceteris purgamentis maris stuant.
 Ferarum pellibus tecti, piscibus sole duratis, &
 maiorum quoque beluarum, quas fluctus eiecit,
 carne vescuntur. Consumtis igitur alimentis
 Macedones primo inopiam, deinde ad vltimū
 famem sentire cœperunt, radices palmarum
 (namque sola ea arbor gignitur) vbiq; rimantes.
 Sed cum hæc quoque alimenta defecerant, iu-
 menta cedere aggressi, ne equis quidem absti-
 nebant: & cum deessent quæ sarcinas veherent,
 spolia de hostibus propter quæ vltima Oriētis
 peragrauerant, cremabant incendio. Famem
 deinde pestilentia secuta est; quippe insalubri-
 um ciborum noui succi, ad hoc itineris labor,
 & ægritudo animi vulgauerant morbos, & nec
 manere sine clade, nec progredi poterant. Ma-
 nentes fames, progressos acrior pestilentia vr-
 gebat. Ergo strati erant campi penè pluribus
 semiuivis, quàm cadaueribus. At ne leuius
 quidem ægri sequi poterant; quippe agmen

raptim agebatur, tantum singulis ad spem salutis ipsos proficere credentibus, quantum itineris festinando præciperent. Igitur qui defecerant, notos ignotosq; , ut alleuarentur, orabant. Sed nec iumenta erant quibus excipi possent, & miles vix arma portabat, imminentiq; etiâ ipsis facies maliente oculos erat. Ergo sæpius reuocati ne respicere quidem suos sustinebât, misericordia in formidinem versa. Illi relictî, deos testes, & sacra cõmunia, regisque implorabant opem: cumq; frustra surdas aures fatigarent, in rabiem desperatione versi, parem suo exitum, simileq; ipsis amicos & cõtubernales precabantur. Rex dolore simul ac pudore anxius, quia causa tantæ cladis ipse esset, ad Phrataphernê Parthienorum Satrapem misit, qui iuberet camelis coacta cibaria efferre. Alios quoq; finitimarû regionum præfectos certiores necessitatis suæ fecit: nec cessatum est ab his. Itaq; fame duntaxat vindicatus exercitus, tandem in Cedrosiæ fines perducitur. Omnium rerum solo fertili regio est, in qua statua habuit, ut vexatos milites quiete firmaret.

CAPVT XVIIII.

ARGVMENTVM.

Defectores victi, puniti. Rex damna resarcit exercitus. Bacchi triumphum amulatur.

HIC Leonati literas accipit, conflixisse ipsum cum octo millibus peditum & ccc. equitibus Noritarum, prospero euentu. A Cratero quoque nuncius venit Ozinem & Zariaspem nobiles Persas defectionem molientes

oppressos à se in vinculis esse. Præposito igitur regioni Siburtio (namq; Memnon præfectus eius nuper interierat morbo) in Carmaniam ipse processit. Aspastis erat Satrapes gëtis, suspectus res nouare voluisse, dum in India rex est: quem occurrentem dissimulata iia comiter allocutus, dum exploraret quæ delata erant, in eodem honore habuit. Cùm Indiæ præfecti (sicut imperatum erat) equorum, iumentorumq; iugalium vim ingentem, ex omni quæ sub imperio erat regione misissent, quibus deerat impedimenta, restituit, Arma quoq; ad pristinum resecta sunt cultum, quippe hæud procul à Perfide aberant, non pacata modò, sed etiam opulenta. Igitur (vt suprà dictum est) æmulatus patris Liberi non gloriam solùm, quam ex illis gentibus deportauerat, sed etiam famam siue illud triumphus fuit ab eo primùm institutus, siue bacchantium lusus, statuit imitari, animo super humanū fastigium elato. Vicos, per quos iter erat, floribus coronisq; sterni iube: Luminibus ædium crateras vino repletos, & alia eximia magnitudinis vasa disponi: Vehicula deinde constrata, vt plures capere milites possët, in tabernaculorum modum ornari, alia candidis velis, alia veste pretiosa. Primi ibant amici, & cohors regia varijs redimpta floribus coronisq;. Alibi tubicinum cantus, alibi syæ sonus audiebatur. Item in vehiculis pro copia cuiusq; adornatis comessabundus exercitus, armis, quæ maximè decora erant, circumpendētib; ipsum conuiuasq; currus vehebat, crateris aureis, eiusdemque materiæ ingentibus poculis prægrauis. Hoc modo per dies vii. bacchabundum

dum agmen incessit, parata praeda, si quid victis saltem aduersus comessantes animi fuisset. Mille hercule viri, modò & sobrij, vii. dierum crapula graues in suo triumpho capere potuerat. Sed fortuna, quæ rebus famam pretiumq; constituit, hoc quoq; militiæ probrum vertit in gloriam, & præsens ætas, & posteritas deinde mirata est per gentes nondum satis domitas incessisse temulentos: Barbaris, quod temeritas erat, fiduciam esse credentibus. Hunc apparatus carnifex sequebatur: quippe satrapes Aspatis (de quo antè dictum est) interfici iussus est: adeò nec luxuriæ quidquam crudelitas, nec crudelitati luxuria obstat.

Q. CVRTII RVFI
HISTORIARVM
MAGNI ALEXAN-
DRI MACEDONIS

LIBER DECIMVS.

SYNOPSIS HVIYS LIBRI.

Pratores Cleander & Sitalces accusantur & vincuntur suo loco interficiendi, eorum satellites scelerum sexcetos mox duci iubet. Nearchus & Onesicritus ab Oceano redeunt, & maris ingenium describunt. Alexander de Africa & Europa aggredienda deliberat. Orsines Pasargadum Satrapes dona fert Alexandro, circumuenitur Bagoa scorti insidijs, occiditur. Phradates reus maiestatis è medio tollitur. *Alexander*

der in crudelitatem degenerat. Zopyrio Thraciæ prætor cum omnibus copijs perit. Rex Athenas cogitat, quæ exules reiecerant. Harpalli nece audita mutat consilium. Veteranos dimittit in patriam, quindecim millia seruat. Aes alienum sui militis dissoluit. Seditionẽ exercitus paucorum supplicio sedat. Craterum Macedonia prætorem loco Antipatri ad se euocati designat. Hephestion alter Alexander, morbo extinguitur, cui Alexander ambitiosissimè, vt Patroclo Achilles parentat. Rex Babylone veneno absamitur. Inter duces varia seditiones nata. Aridaeus rex iubetur, Meleager occiditur, Prouinciæ diuiduntur. Alexandri corpus in Aegyptum deferretur, tota illius stirps deletur.

CAPVT I.

ARGVMENTVM.

Cleandri, Sitalces, & aliorum accusationes, crimina, vincula, mortes.

ISDem ferè diebus Cleander & Sitalces, & cum Agathone Eracon superueniunt, qui Parmenionem iussu regis occiderant, v. millia perditum cum equitibus mille. Sed & accusatores eos è prouincia, cui præfuerant, sequuntur; nec tot facinora, quot admiserat, compensare poterant cædis perquam gratæ regi ministerio: quippe cum omnia prophana spoliassent, ne sacris quidem abstinuerant, virginesq; & principes fæminarum stupra perpessæ corporum ludibria

diſſidia deſſebant. Inuiſum Macedonum nomen auaritia eorū ac libido Barbaris fecerat. Inter omnes tamen eminebat Cleandri furor, qui nobilem virginem conſupratam ſeruo ſuo pelli- cem dederat. Pleriq; amicorum Alexandri non tam criminum, quæ palam obijciebantur, atrocitatem, quam memoriam occiſi per illos Parmenionis, quod tacitum prodeſſe reſ apud regem poterat, intuebantur, læti recidiſſe iram in iræ miniſtros, nec vllam potentiâ ſcelere quaſitam cuiquam eſſe diuturnam. Rex cognita cauſa pronunciauit, ab accuſatoribus vnum & id maximū crimē eſſe præteritū, deſperationē ſalutis ſuæ. numquam enim talia auſuros qui ipſum ex India ſolipitem aut optaſſent reuerti, aut credidiſſent reuerſurū. Igitur hos quidem vinxit. De autem militū, qui ſauitix eorū miniſtri fuerant, interfici iuſſit. Eodem die ſuntum eſt ſupplicium de his quoq; quos auctores deſectionis Perſarum Craterus adduxerat.

CAPVT II.

ARGVMENTVM.

Explorati Oceani natura explicatur. inſula deſcriptio. Regis infinitæ molitiones.

HAud multo poſt Nearchus & Oneficritus, quos longiūs in Oceanum procedere iuſſerat, ſuperueniunt. Nunciabant autem quædam audita, alia comperta. Inſulam oſtio annis ſubiectam auro abundare, inopem equorum eſſe, ſingulos eos ab ijs qui ex continenti tra- ijcere auderent, ſingulis talentis emi. Nil enim eſſe beluarum mare, æſtu ſecundo eas ferri, magnarum nauum corpora æquantes, truci-
cantu

cantu deterritas sequi classem, cum magno æ-
 quioris strepitu velut demersa nauagia subisse
 aquas. Cetera incolis crediderant: inter quæ,
 rubrum mare nō à colore vndarum, vt pleriq;
 crederent, sed ab Erythro rege appellari. Esse
 haud procul à cōtinenti insulam palmetis fre-
 quentibus consitam, & in medio ferè nemore
 columnam eminere Erythri regis monumentū
 litteris gentis eius scriptam. Adijciebant nauig-
 ia quæ lixas, mercatoresq; vexissent, famam
 auri secutis gubernatoribus, in insulam esse
 transmissa, nec deinde ab his postea visa. Rex
 cognoscendi plura cupidine accensus, rursus
 eos terram legere iubet, donec ad Euphratis os
 appellerent classem, inde aduerso amne Baby-
 lona subituros. Ipse animo infinita complexus,
 statuerat omni ad Orientem maritima regione
 perdomita, ex Syria petere Africam, Cartha-
 gini infernus; inde Numidiæ solitudinibus
 peragratis cursum Gadis dirigere. ibi namque
 columnas Herculis esse fama vulgauerat. Hi-
 spanias deinde, quas Iberiam Græci à flumine
 Ibero vocabāt, adire, & præteruchi Alpes, Ita-
 liæq; oram, vadē in Epirum brevis est cursus.
 Igitur Mesopotamiæ prætoribus imperauit,
 materia in Libano monte cæsa, deuectaq; ad
 urbem Syriæ Thapsagas, ingentium carinas
 nauium ponere, septiremes omnes esse, dedu-
 ciq; Babylonem. Cypriorum regibus imperatur
 vt æs stupamq; & vela præberent. Hæc agenti,
 Pori & Taxilis regum litteræ tradūtur, Abisa-
 rem morbo, Philippum præfectum ipsius ex
 vulnere interiisse, oppressosq; qui vulnerassent
 eum. Igitur Philippo substituit Eudæmonem,
 dux erat

dux erat Thracum. Abisaris regnum filio eius attribuit.

CAPVT III.

ARGVMENTVM.

Orfinis Persæ laudes, liberalitas, criminatio, indignissima cades.

Ventum est inde Pasargadas; Persica est gens, cuius Satrapes Orfines erat, nobilitate ac diuitijs inter omnes Barbaros eminens. Genus ducebat à Cyro quondam rege Persarum. Opes & à maioribus traditas habebat, & ipse longa imperij possessione cumulauerat. Is regi cum omnis generis donis, non ipsi modò ea, sed etiam amicis eius daturus occurrit. Equorum domiti greges sequebantur, currusque argento & auro adornati, pretiosa suppellex, nobiles gemmæ, aurea magni ponderis vasa, vestesque purpureæ, & signati argenti talentum mille. Ceterum tanta benignitas Barbaro causa mortis fuit. Nam cum omnes amicos regis donis super ipsorum vota coluisset; Bagoæ spadoni, qui Alexandrum obsequio corporis deuinxerat sibi, nullum honorem habuit. Admonitusque à quibusdam quàm Alexandro cordi esset, respondit, amicos regis, non secorta se colere: nec moris esse Persis, mares ducere, qui stupro effeminarentur. His auditis spado potentiam flagitio & dedecore quæsitam, in caput nobilissimi & insontis exercuit. Namque gentis eiusdem leuissimos falsis criminibus astruxit, monitos tum demum ea deferre, cum ipse iussisset. Interim quotiens sine arbitris erat, crudelas regis aures implebat, dissimulans

mulans causam iræ, quo grauior criminantis auctoritas esset. Nondum suspectus erat Orsines, iam tamen vilior. Reus enim in secreto agebatur, latentis periculi ignarus: & importunissimum scortum, ne in stupro quidem & dedecoris patientia fraudis oblitum, quoties amorem regis in se accēderat, Orsinem modò auaritiæ, interdum etiam defectionis arguebat. Iam matura erant in perniciem innocentis mendacia, & fatum, cuius ineuitabilis fors est, appetebat. Fortè enim sepulchrum Cyri Alexander iussit aperiri, in quo erat conditum eius corpus, cui dare volebat inferias, auro argentoq; repletum esse crediderat: quippe ita fama Persæ vulgauerant. Sed præter clypeum eius putrem, & arcus duos Scythicos, & acinacem, nihil reperit. Ceterum corona aurea imposita, amiculo cui assueuerat ipse, solum in quo corpus iacebat, velauit: miratus tanti nominis regem tantis præditum opibus, haud pretiosius sepultum esse, quam si fuisset e plebe. Proximus erat lateri spado, qui regem intuens, Quid mirum, inquit, est, inania sepulchra esse regum, cum satraparum domus aurum inde egestum capere non possint? Quod ad me attinet, ipse hoc bustum antea non videram: sed ex Dario ita accepi, tri. millia talentum condita esse cum Cyro. Hinc illa benignitas in te, vt quod impune habere non poterat Orsines, donando etiam gratiam iniret. Concitauerat iam animum in iram, cum hi quibus negotium idem dederat, superueniunt. Hinc Bagoas, hinc ab eo subornati falsis criminibus occupant aures. Antequam accusari se suspicaretur Orsines, in vincula traditus

ense est. Non contentus supplicio infantis spado, ipse morituro manum iniecit. Quem Orsines intuens: Audieram, inquit, in Asia olim regnasse feminas, hoc verò nouum est regnare castratū. Hic fuit exitus nobilissimi Persarum, nec infantis modò, sed eximie quoq; benignitatis in regem.

CAPVT IV.

ARGVMENTVM.

Curtius regis credulitatem & crudelitatem capit. Europa, Asia, & Græcia statum exponit.

Eodem tempore Phradates regnum affectasse suspectus occiditur. Cœperat esse præceps ad representanda supplicia, idem ad deteriora credenda. Sic scilicet res secundæ valent cōmutare naturam, & raro quisquam erga bona sua satis cautus est. Idem enim paullo ante Lyncestæ Alexandrū delatum à duobus iudicibus damnare non sustinuerat. Humiliores quoque reos cōtra suam voluntatē, quia ceteris videbātur infantes passus absolui, hostibus victis regna reduxerat. Ad vltimum à semetipso degenerauit vsq; ad id, vt aduersus libidinē animi arbitrio scorti alijs regna daret, alijs adimeret vitā. Iisdem ferē diebus à Cœno litteras accipit de rebus in Europā & Asiā gestis, dum ipse Indiam subigit. Zopyrio Thraciæ præpositus cū expeditionē in Getas faceret, tēpestatibus procellisq; subito coortis cum toto exercitu oppressus erat. Quæ cognita clade Scuthes Odrysas populares suos ad defectionē cōpauit.

rat. Amiffa propemodū Thracia, ne Græcia quidē * Igitur xxx. nauibus Suniū transmittunt, promontoriū eſt Atticæ terræ, vnde portum vrbiſ petere decreuerant. His cognitīs rex Harpalo Athenienſibusq; iuxta infeſtus, claſſē parari iubet, Athenas protinus petiturus. Quod conſiliū dum clam agit, litteræ ei redduntur, Harpalum intraſſe quidē Athenas, pecunia conciliaſſe ſibi principum animos, mox concilio plebis habito iuſſum vrbe excedere, ad Græcos milites perueniſſe, à quibus interceptū, & cruciatum à quodam viatore per inſidias. hiſ lætus in Europam traijciendū conſilium omiſit Sed exſules præter eos qui civili ſanguine aſperſi erant, recipi ab omnibus Græcorum ciuitatibus, quiſ, pulſi erant, iuſſit. Et Græci haud auſi imperium aſpernari, quanquam ſoluendarum legum id principium eſſe cenſebant, bona quoq; quæ extarent, reſtituere damnatis. Soli Athenienſes non ſuæ modò, ſed etiam publicæ vindices libertatis, colluſionem hominum, non regio imperio, ſed legibus moribusque patrijs regi aſſueti, prohibuere finibus: omnia potiùs toleraturi, quàm purgamenta quondam vrbiſ ſuæ, tunc etiam exſilij, admitterent

CAPVT V.

ARGVMENTVM.

Rex partem copiarum dimittere parat. Diſſoluit aſ alienum ſui exercitus, decem milia talentū, hoc eſt, ſexagies centena milia aureorum ſeu Philippicorum.

Ale-

Alexander senioribus militum in patriam remissis, xiiii. millia peditum, & duo millia equitum, quæ in Asia retineret, eligi iussit, existimans modico exercitu continere posse Asiam, quia pluribus locis præsidia disposuisset, nuperque conditas vrbes, quas colonis repleset, res nouare cupientibus obstare. Ceterum prius quam excerneret, quos erat retenturus, edixit, vt omnes milites æs alienum profiterentur. Graue plerisque esse compererat. Et quamquam ipsorum luxu contractum erat, dissoluere tamen ipse decreuerat. Illi tentari ipsos rati, quo facilius ab integris sumtuosos discerneret, prolatando aliquantam extraxerant temporis. Et rex satis gnarus, professioni æris pudorem, non contumaciam obstare, menses totis castris poni iussit, & x. millia talentum proferri. Tum demum fide facta professi sunt. Nec amplius ex tanta pecunia quam c. & xxx. talenta superfuere. Adde ille exercitus tot diuissimarum gentium victor, plus tamen victoria quam prædæ deportauit ex Asia.

CAPVT VI.

ARGVMENTVM.

Seditionem militarem primum frustra conatur oratione sedare, quam mox paucorum nece reprimat. Macedones supplices recipit, peregrinos spretis Macedonibus alloquitur, admittit, seditiones mergit aqua, ac tandem popularibus ignoscit.

CETERVM vt cognitum est alios retineri, perpetuam eum regni sedem in Asia habere.

biturum rati vecordes, & disciplinæ militaris immemores, seditiosis vocibus castra cōplent, regemq; ferocius quàm aliàs adorti, omnes simul missionem postulare cōpērunt, deformia ora cicatricibus, caniciemq; capitum ostentātes. Nec aut præfectorum castigatione, aut verecundia regis deterriti, tumultuoso clamore & militari violentia volentem loqui inhibebant, palam professi, nusquam inde nisi in patriam vestigium esse moturos. Tandem silentio factō, magis quia motum esse credebant, quàm quia ipsi moueri poterant, quidnam acturus esset, exspectabant. Ille, *Quid hac, inquit, repens consternatio, & tam procax atq; effusa licentia denunciat? Eloqui metuo, palam certè rupistis imperium, & precari id rex sum, cui non alloquendi, non noscendi mouendique aut intuendi vos ius reliquistis. Equidem cum alios dimittere in patriam, alios mecum paullo pōst deportare statuerim, tam illos acclamantes video qui abiturū sunt, quàm hos, cum quibus præmissos subsequi statui. Quid hoc est rei? Dispari in caussa idem omnium clamor est. Per uelim scire, utrum qui discedunt, an qui retinentur, de me querantur. Crederes vno ore omnes fuisse clāmorem, ita pariter ex tota concione responsum est, omnes queri. Tū ille, Non hercule, inquit, potest, ut adducar querendi simul omnibus hanc caussam esse, quam ostenditis, in qua maior pars exercitus est, ut potè cum plures dimiserim, quàm retenturus sum. Subest nimirum altius malum, quod omnes avertit à me. Quando enim*

enim regem vniuersus deseruit exercitus? Ne serui quidem vno grege profugiunt dominos; sed est quidam in illis pudor à ceteris destitutos relinquendi. Verùm ego tam furiosa consternationis oblitus, remedia insanabilibus conor adhibere. Omne in Hercule spem, quam ex vobis conceperam, damno: nec ut cum militibus meis (iam enim esse desistis) sed ut cum ingratis ciuibus porro, agere decreui. Secundis rebus, quæ circumfluant vos, insanire cœpistis, obliti status eius quem beneficio existis meo. Digni Hercule qui in eodem consenescat; quoniam facilius est, vobis aduersam quam secundam regere fortunam. En tandem Illyriorum paullo ante & Persarum tributarijs Asia, & tot gentium spolia fastidio sunt. Modò sub Philippo seminudis, amicula ex purpura sordent. Aurum & argentum oculi ferre non possunt. Lignea enim vasa desiderant, & ex cratibus scuta, rubiginemque gladiatorum. Hoc cultu nitentes vos accepi, & D. talenta æris alieni, cum omnis regia suppellex haud amplius quam LX. talentorum esset, meorum mox operum fundamenta, quibus tamen (absit inuidia) imperium maxima terrarum partis imposui. Asia ne pertaesum est, quæ vos gloria rerum gestarum dijs pares fecit? In Europam ire properatis rege deserto, cum pluribus vestrum de futurum viaticum fuerit, ni es alienum luissem, nempe ex Asiatica prada. Nec pudet profundo ventre deuictarum gentium spolia circumferentes reuerti velle ad liberos coningesq., quibus pauci præmia

*victoria potestis ostendere. Nam ceterorum, dum
 etiam spei vestrae obuiam istis, arma quoque pi-
 gnori sunt. Bonis vero militibus cariturus sum,
 pellicum suarum concubinis, quibus hoc solum ex
 tantis opibus superest, in quod impenditur. Pro-
 inde fugientibus me pateant limites; facescite
 hinc ocyus. Ego cum Persis abeuntium terga
 tutabor. Neminem teneo: liberate oculos meos in-
 gratissimi ciues. Leti vos excipient parentes libe-
 riq; sine vestro rege redeunt. Obuiam ibunt de-
 fertoribus transfugisq;. Triumphabo me hercule
 de fuga vestra, & ubicumq; ero, expetam poenas,
 hos, cum quibus me relinquitis, colendo preferen-
 doq; vobis. Iam autem scietis, & quantum sine
 rege valeat exercitus, & quid opis in me vno sit.
 Desiluit deinde frendes de tribunali, & in me-
 dium armatorum agmen se immisit, notatis-
 que qui ferocissime oblocuti erant, singulos
 manu corripuit: nec ausos repugnare XIII. as-
 seruandos custodibus corporis tradidit. Quis
 crederet suam paullo ante concionem obtor-
 puisse subito metu, cum ad supplicium videret
 trahi nihilo ausos grauiora quam ceteros? si-
 ue regij nominis, quod gentes quae sub regibus
 sunt inter deos colunt, siue propria ipsius vene-
 ratio, siue fiducia, tanta vi exercentis imperium
 contreruit eos: singulare certe ediderunt pati-
 entiae exemplum: adeoque non sunt accensi sup-
 plicio commilitonum, cum sub noctem inter-
 fectos esse cognoscent, ut nihil omiserint, quo
 singuli magis obedienter ac pie facerent. Nam
 cum postero die prohibiti aditu venissent, Asi-
 aticis*

aticis modò militibus admittis, lugubrem totis castris edidere clamorem, denunciantes protinus esse morituros, si rex perseueraret irasci. At ille peruiacis ad omnia quæ agitasset animi, peregrinorum militum concionem aduocari iubet, Macedonicus intra castra cohibitis: & cùm frequentes eoissent, adhibito interprete talem orationem habuit. Cùm ex Europatraiſcerem in Asiam, multas nobiles gentes, magnam vim hominum imperio meo me additurum esse sperabam. Nec deceptus sum quod de his credidi faxia. Sed ad illa hoc quoque accessit, quod video fortes viros erga reges suos pietatis inuicta. Luxu omnia fluere credideram, & nimia felicitate mergi in voluptates. At hercule munia militia, hoc animorum corporumq; robore impigrè tolerati; & cùm fortes viri sis, non fortitudinem magis quàm fidem colitis. Hoc ego nunc primum profiteor, sed olim scio. Itaque & dilectum è vobis iuniorum habui, & vos meorum militum corpori immiscui. Idem habitus, eadem arma sunt vobis. Obsequium verò & patientia imperii longè præstantior est, quàm ceteris. Ergo ipse Oxatris Persæ filiam mecum in matrimonio iunxi, nō dedignatus ex captiuo liberos tollere. Mox deinde cùm stirpem generis mei latius propagare cuperem, vxorem Darii filiam duxi, Proximisq; amicorum auctor fui ex captiuo generandi liberos, ut hoc sacro scedere omne discrimen victi & victori excluderem. Proinde genitos esse vos mihi, non ascitos milites credite. Asia &

Europæ vnum atq; idem regnum est. Macedonum vobis arma do. Inueteravi peregrinam nouitatem; & ciues mei estis & milites. Omnia eundem ducunt colorem. Nec Persis Macedonum mores adumbrare, nec Macedonibus Persarum imitari indecorum est. Eiusdem iuris esse debent qui sub eodem rege victuri sunt. Quousque inquit, animo tuo etiam per supplicia, & quidem externi moris obsequeris? Milites tui, ciues tui incognita causa captiui suis ducentibus trahuntur ad pœnam. Si mortem meruisse iudicas, saltem ministros supplicij muta. Amico animo, si veri patiens fuisset, adimonebatur. Sed in rabiem ira peruenerat. Itaque reclusus, nam parumper quibus imperatum erat dubitauerant, mergi in amnem, sicut victi erant, iussit. Nec hoc quidem supplicium seditonem militum mouit. Namq; copiarum duces atq; amicos eius manipuli adeunt, perentes, vt si quos adhuc pristina noxa iudicaret esse contractos, iuberet interfici. Offerre se corpora iræ, trucidaret.

CAPVT VII.
ARGVMENTVM.

*Rex Babylonem reuersus propinato sibi per Cas-
sandrum & Iollam veneno, moriturus salutem
exercitum. Perdicca tradit anulum, respondet
amicis, & suprema mandata edit, atque ex-
tinguitur.*

INTVENTIBVS lachrymæ obortæ præ-
uocare speciem iam non regem, sed funus eius
viscu-

visentis exercitus. Moeror tamen circumstanti-
um lectum eminebat; quos ut rex aspexit, Inue-
nietis, inquit, cum excessero, dignū talibus vi-
ris regem? Incredibile dictu audituq; in eodē
habitu corporis, in quem se composuerat cum
admissurus milites esset, durasse, donec à toto
exercitu illo ad vltimum persalutatus est: di-
missioq; vulgo, velut omni vitæ debito libera-
tus, fatigata membra reiecit, propiusque adi-
re iussis amicis, nam & vox deficere iam cœ-
perat, detractum anulum digito Perdiccæ tra-
didit, adiectis mandatis, ut corpus suum ad
Hammonem ferri iuberet; querentibusq; his,
cui relinqueret regnum; respondit, ei qui esset
optimus. ceterum providere iam se ob id cer-
tamen magnos funebres ludos parari sibi. Rur-
sus Perdicca interrogante, quando cælestes ho-
nores haberi sibi vellet, dixi tum velle, cum i-
psi felices essent. Suprema hæc vox fuit reges,
& paullo post extinguitur.

CAPVT VIII.
ARGVMENTVM.

*Luctus omnium immensus per totam Asiam pur-
puratorum, pratorie cohortis, exercitus, Per-
sarum; Syfigambis ex luctu mors.*

AC primò ploratu lamentisque & plancti-
bus tota regia personabat. Mox velut in
vasta solitudine omnia tristi silentio muta tor-
pebant, ad cogitationes quid deinde futurum
esset, dolore conuerso. Nobiles pueri custo-
diæ corporis eius assueti, nec doloris magni-
tudinem capere, nec se ipsos intra vestibulum

regiæ tenerē potuerunt: vagiq; & furentibus
similes totam urbem luctu ac mœrore comple-
uerant, nullis quæstibus omissis, quos in tali ca-
su dolor suggerit. Ergo qui extra regiā astite-
rant Macedones pariter Barbarique concur-
runt, nec poterant victi à victoribus in com-
muni dolore discerni. Persæ iustissimum ac mi-
tissimum dominum, Macedones optimum ac
fortissimum regem inuocantes, certamē quod-
dam mœroris edebant. Nec mœstorum solum,
sed etiam indignantium voces exaudiebantur,
tam viridem & in flore ætatis fortunæque in-
uidia deū ereptum esse rebus humanis. Vigor
eius & vultus educens in prælium milites,
obsidentis vrbes, euadentis in muros, fortes vi-
ros pro concione donatis occurrebant oculis.
Tum Macedones diuinos honores negasse ei
poenitebat, impiosq; & ingratos fuisse se confi-
tebantur, quod aures eius debita appellatione
fraudassent. Et cū diu nunc in veneratione,
nunc in desiderio regis hæssissent, in ipsos versa
miseratio est. Macedonia profecti vltra Eu-
phratem, medijs hostibus nouum imperium a-
spernantibus, destitutos se esse cernebant: sine
certo regis hærede, sine hærede regni publicas
vires ad se quemq; tracturum. Bella deinde ci-
uilia, quæ secuta sunt mentibus augurabantur.
Iterum non de regno Asiæ, sed de rege ipsis san-
guinem esse fundendum. Nouis vulneribus ve-
teres rumpendas cicatrices. Senes debiles mo-
dò petita missione à iusto rege, nunc moritu-
ros pro potentia forsitan satellitis alicuius ig-
nobilis. Has cogitationes volentibus nox
superuenit, terroremq; auxit. Milites in armis
vigi-

vigilabant. Babylonij alius è muris, alius è cul-
 mine sui quisq; tecti prospicebant, quasi cer-
 tiora visuri. Nec quisquam lumina audebat ac-
 cendere. Et quia oculorum cessabat usus, fre-
 mitus vocesq; auribus captabant. Ac plerumq;
 vano metu territi, per obscuras semitas alius
 alij occurrentes, inuicem suspecti & solliciti fe-
 rebantur. Persæ comis suo more detonsis in lu-
 gubri veste cum p̄cingibus ac liberis, non ut
 victorem & modò hostem, sed & gentis suæ
 iustissimum regem verò desiderio lugebāt. Af-
 fueti sub rege viuere, non alium qui imperaret
 ipsis digniorem fuisse confitebantur. Nec mu-
 ris vrbis luctus continebatur, sed proximam
 regionem ab ea, deinde magnam partem Asiæ
 cis Euphratem tantī mali fama peruaferat. Ad
 Darij quoq; matrem celeriter perlata est. Ab-
 scissa ergo veste qua induta erat, lugubrem
 sumsit, laceratisque crinibus humi corpus abie-
 cit. Assidebat ei altera ex neptibus, nuper amif-
 sum Hephæstionem, cui nupserat, lugens, pro-
 priasq; causas doloris in communi mœstitia
 retractabant. Sed omnium tuorum mala Si-
 sygambis vna capiebat. Illa suam, illa neptium
 vicem flebat. Recens dolor etiam præterita re-
 uocauerat. Crederes modò amissam Darium,
 & pariter miseræ duorum filiorum exsequias
 esse ducendas. Flebat simul mortuos viuosq;.
 Quem enim puellarum acturum esse curam?
 quem alium futurum Alexandrum? Iterum ef-
 fe se captas, iterum excidisse regno. Qui mor-
 tuo Dario ipsas tueretur reperisse: qui post A-
 lexandrum respiceret, utique non reperituras.
 Subibat inter hæc animum, Lxxx. fratres suos
 eodem

eadem die ab Ocho sæuissimo regum trucidatos, adiectumq; stragi tot filiorum patrem. Septem liberis, quos genuisset ipsa, vnum superesse. Ipsum Darium floruisse paulisper, vt crudelius posset extinguui. Ad vltimum dolori succubuit, obuolutoq; capite accidentes genibus suis neptem nepotemq; auersata, cibo pariter abstinuit & luce. Quinto post quam mori statuerat die extincta est. Magnum profectò Alexandri indulgentiæ in eam, iustitiæq; in omnes captiuos documentum est mors huius: quæ cum sustinuisset post Darium viuere, Alexandro esse superstes erubuit.

CAPVT IX.

ARGVMENTVM.

Laudatio funebris, virtutes, fortunam, famam, gloriam, regis vitij extenuatis, complexa.

ET Hercule, iustè æstimantibus regem, liquet bona naturæ eius fuisse, vitia vel fortunæ vel ætatis. Vis incredibilis animi, laboris patientia propemodum nimia. Fortitudo non inter reges modò excellens, sed inter illos quoque, quorû hæc sola virtus fuit: liberalitas sæpè maiora tribuentis, quàm à dijs petuntur: clemētia in denictos: tot regna aut reddita quibus ea deferat bello, aut dono data: mortis, cuius metus ceteros exanimat, perpetua contemptio: gloriæ laudisq; vt iusto maior cupido, ita vt iuueni & in tantis admittenda rebus. Iam pietas erga parentes, quorum Olympiada immortalitati consecrare decreuerat, Philipum vltus erat: iam in omnes ferè amicos benignitas, erga milites beneuolentia, consilium par magnitudini animi,

mi, & quantam vix poterat ætas eius capere solertia: modus immodicarum cupiditatum, Veneris intra naturale desiderium usus: nec vlla nisi ex permisso voluptas: ingentes profecto dotes erant. Illa fortunæ, dijs æquare se, & cælestes honores accersere, & talia suadentibus oraculis credere, & dedignantibus venerari ipsum, vehementius quam par esset irasci: in externum habitum mutare corporis cultum, imitari denictarum gentium mores, quas ante victoriam spreuerat. Nam iracundiam & cupidinē vini, sicuti iuuenta irritauerat, ita senectus mitigare potuisset. Fatendum est tamen, cum plurimum virtuti debuerit, plus debuisse fortunæ, quam solus omnium mortalium in potestate habuit. Quoties illum à morte reuocauit? quotiens temere in pericula vectum perpetua felicitate protexit? Vitæ quoque finē eūdem illi quem gloriæ statuit. Exspectauere cum fata, dum Oriente perdomito aditoque Oceano quidquid mortalitas capiebat, impleret. Hanc regi ducique successor quærebatur. Sed maior moles erat, quam ut vauis subire eam posset. Itaque nomen quoque eius fama rerum in totum propemodum orbem reges ac regna diffudit: clarissimique sunt habiti, qui etiam minimæ parti tantæ fortunæ adhæserunt.

CAPV T X.

ARGVMENTVM.

Vocato principum cætu Perdicas perorat apud militem, & agit de rege sabrogando, quem nominat Roxanæ filium nondum genitum.

Ce

Ceterum Babylone (indè enim deuertit oratio) corporis eius custodes in regiam principes amicorum, ducesque copiarum aduocare. secuta est militum turba cupientium scire, in quem Alexandri fortuna esset transitura. Multi duces frequentia militum exclusi regiam intrare non poterant, cum præco, exceptis qui nominatim citarentur, adire prohibuit. Sed precarium spernebatur imperium, ac primum eiulatus ingens, ploratusque renouatus est. Deinde futuri exspectatio inhibitis lachrymis silentium fecit. Tunc Perdicca regia sella in conspectum vulgi data, in qua diadema vestisq; Alexandri cum armis erant, anulum sibi pridie traditum à rege, in eadem sede posuit: quorum aspectum rursus obortæ omnibus lachrymæ integrare luctum. Et Perdicca, Ego quidem, inquit, anulum, quo ille regni atq; imperij vires obsignare erat solitus, traditum ab ipso mihi, reddo vobis. Ceterum quamquam nulla clades huic qua affecti sumus, par ab iratis diis excogitari potest, tamen magnitudinem rerum quas egit intuentibus, credere licet, tantum virum deos accommodasse rebus humanis, quarum sorte completa citò repeterent eum sue stirpi. Proinde quoniam nihil aliud ex eo superest, quam quod semper ab immortalitate seducitur, corpori nomenq; quamprimum iusta soluamus, haud oblitum in qua vrbe, inter quos sumus, quali rege ac præside spoliati. Tractandum est commilitones, cogitandumque, ut victoriam partam, inter hos de quaarta est, et his parta est, obtinere possimus. Capite opus est,

Hoc

Hoc vno an pluribus, in vestra potestate est. Illud scire debetis, militarem sine duce turbam, corpus esse sine spiritu. Sextus mensis est ex quo Roxane prægnans est. Optamus ut marem enitatur: cuius regnum dñs approbantibus futurum, quandoquæ adoleuerit; interim à quibus regi velitis, destinate: Hæc Perdicca:

CAPVT XI.
ARGVMENTVM.

Nearchus Barsines filium dicit regem, Ptolemæus aristocratiæ suadet. Aristonius Perdiccæ conatur coronare, quod Perdicca cupit, nec audent. Meleager ad aurum properas mouet seditionem. Gregarius Aridaum fratrem Alexandri designat. Phyllo dissuadet, concio iubet, adducitur & rex salutatur à milite, refragatur optimates, & in Perdicca sententiam concedunt.

TVM Nearchus, Alexandri modò sanguinem ac stirpem regiæ maiestati conuenire, neminem ait posse mirari: ceterum expectari nondum ortum regem, & qui iam sit, præteriri, nec animis Macedonum conuenire, nec tempori rerum. Esse è Barsine filium regis: huic diadema dandum. Nulli placebat oratio. Itaque suo more hastis scuta quatientes obstrepere perseuerabant. Iamq; prope seditionem peruenierant, Nearchus peruiacius tuente sententiam. Tum Ptolemæus, Digna prorsus est soboles, inquit, qua Macedonum imperet gēti, Roxanes vel Barsines filius, cuius nomē quocq; Europam dicere pigebit, maiore ex parte captiui. Cur Per-

sas

fas vicerimus, ut stirpi eorum seruiamus? quod iusti illi reges Darius & Xerxes tot millium agminibus, tantisque classibus nequiquam petuerunt. Mea sententia hac est, ut sede Alexandri in regia posita, qui consilijs eius adhibebantur, coeant quoties in commune consulto opus fuerit: eoque quod maior pars eorum decreuerit, stetur, Duces praefectique copiarum his pareant. Ptolemaeo quidam, pauciores Perdiccae assentiebantur. Tum Aristonius orsus est dicere, Alexandrum consultum, cui relinqueret regnum, voluisse optimum deligi. Iudicatum autem ab ipso optimum Perdiccam, cui annulum tradidisset. Neque enim vnum eum assedisse morienti, sed circumferentem oculos, exturba amicorum delegisse cui traderet: Placere igitur summam imperij ad Perdiccam deferri. Nec dubitauere quin vera censeret. Itaque vniuersi procedere in medium Perdiccam, & regis anulum tollere iubeant. Harebat inter cupiditatem pudoremque, & quo modestius quod appetebat exspectaret, peruiacius oblatum os esse credebatur. Itaque cunctatus, diuque quid ageret incertus, ad vltimum tamen recessit, & post eos qui sederant proximi, constitit. At Meleager vnus e ducibus confirmato animo, quem Perdiccae cunctatio erexerat, Nec quid sit (inquit) ut Alexandri fortuna, tantique regni fastigium in istos humeros ruat: homines certe non ferent. Nihil dico de nobilioribus quam hic est; sed de viris tantum, quibus inuicem nihil perpeti esse est. Nec verò interest, Roxanes filium, quando-

quandocunque genitus erit, an Perdiccam regem habeatis, cum iste sub tutela specie regnum occupaturus sit. Itaque nemo ei rex placet, nisi qui nondum natus est. Et in tanta omnium festinatione, non ista modo, sed etiam necessaria, exactos menses solus expectat, & iam diuinat marem esse conceptum, quem vos dubitatis paratum esse vel subdere? Si medius fidius Alexander hunc nobis regem pro se reliquisset, id solum ex his qua imperasset, non faciendum esse censerem. Quin igitur ad diripiendos thesauros discurretis? harum enim opum regiarum, utique populus est haeres. Hæc elocutus per medios armatos erupit. Et qui abeunti viam dederant, pronunciantem prædam sequebantur. Iamque armatorum circa Meleagrum frequens globus erat, in seditionem ac discordiam versa concione, cum quidam plerisque Macedonum ignotus ex infima plebe, Quid opus est, inquit, armis civilique belle habentibus regem, quem queritis? Aridaum Philippo genitus, Alexandri paullo ante regis frater, sacrorum caeremoniarumque, consors modo, nunc solus haeres, præteritur à vobis. Quo merito suo? quid refecit, cui etiam gentium communi iure fraudetur? Si Alexandro similem queritis nunquam reperietis, Si proximum, hic solus est. Conclamant deinde pariter Aridaum vocandum esse, mortemque meritos, qui concionem sine eo habuissent. Tum Phiton plenus lachrymarum orditur dicere, Nunc vel maximè miserabilem esse Alexandrum, qui tam bonorum civium militumque fructu &

Cc

præ-

præsentia fraudatus esset. Nomen enim memoriamq; regis sui tantum intuentes, ad cetera caligare eos. Haud ambiguè in iuuenem cui regnum destinabatur, impensa probra, quæ magis ipsi odium, quàm Aridæo contemptum attulerunt: quippe dum miserentur, etiam fauere coeperunt. Igitur non alium regem se, quàm eum qui ad hanc spem genitus esset, passuros pertinaci acclamatione declarant, vocariq; Aridæum iubent. Quem Meleager infestus inuisulq; Perdiccæ strenuè perducit in regiam, & milites Philippum consalutatū regem appellant. Ceterū hæc vulgi erat vox, principū alia sententia. E quibus Philon consilium Perdiccæ exsequi coepit, tutoresq; destinat filio ex Roxanæ futuro Perdiccam & Leonatū stirpe regia genitos: adiecit, vt in Europa Craterus & Antipater res administrarent. Tum iusiurandum à singulis exactum, futuros in potestate regis geniti Alexandro.

CAPVT XII.

ARGVMENTVM.

Meleager Aridaum reuocat, qui insignia capit regia. Perdicca cum equitatu & regia cohorte regia cedit. Meleager tendit Perdiccæ insidias, in quas mox ipse incidit. Perdiccas occupat Babyloniam campos, annonam intercipit. Mittuntur legati ad Perdiccam de concordia. Aridaus deponit insignia regia, meliori porrigenda: iubetur illa recipere. Perdiccas simulat amicitiam ergo Meleagrum. Curtius excurret in felicitatem sui aui, Meleager circumuenitur & occiditur.

Mele-

Meleager haud iniuria metu supplicij ter-
 ritus cum suis secesserat. Rursus Philip-
 pum trahens secū irrupit in regiam, clamitans
 suffragari reipublicæ de nouo rege paullo ante
 recepto robur ætatis : experirentur modò stir-
 pem Philippi, & filium ac fratrem regum duo-
 rum: sibimetipsis potissimum crederent. Nul-
 lum profundum mare, nullum vastum fretum
 & procellosum tantos ciet fluctus, quātos mul-
 tudo motus habet, utique si noua & breui du-
 ratura libertate luxuriat. Pauci Perdiccæ modò
 electo, plures Philippo quem spreuerant impe-
 rium dabant. Nec velle, nec nolle quidquā diu
 poterant, poenitebatq; modò cōsiliij, modò poe-
 nitentiæ ipsius: ad vltimum tamen in stirpē re-
 giam, inclinauere studiis. Cesserat ex concione
 Aridæus principum auctoritate contritus;
 & abeunte illo conticuerat magis quā elan-
 guerāt militaris fauor. Itaq; reuocatus, vestem
 fratris, eam ipsam quæ in sella posita fuerat,
 induitur. Et Meleager thorace sumto, capit ar-
 ma, noui regis satelles. Sequitur phalanx ha-
 stis clypeos quatiens: expleturā se sanguine il-
 torum, qui affectauerant nihil ad ipsos perti-
 nens regnum: in eadem domo familiaque im-
 perij, vires remansuras: hæreditarium impe-
 rium stirpem regiam vendicaturam: assuetos
 esse nomē ipsum colere venerariq; nec quem-
 quam id capere nisi genitum, ut regnaret. Igi-
 tur Perdiccæ territus conclauē, in quo Alexan-
 dri corpus iacebat, obserari iubet. D.C. cum
 ipso erant spectatæ virtutis. Ptolemæus quo-
 que se adianxerat ei, puerorumque regia co-
 hors. Ceterū haud difficulter à tot millibus

armatorū claustra perfracta sunt. Et rex quoque irruerat stipatus satellitū turba, quorum princeps Meleager: iratusque Perdicca hos qui Alexandri corpus tueri vellēt, seuocat: sed qui irruerant, eminus tela in ipsum iaciebant, multisque vulneratis, tandem seniores demtis galeis, quo facilius nosci possent, precari quī cū Perdicca erant, coepere, vt absisterent bello, regique & pluribus cederent. Primus Perdicca arma deposuit, ceteriq; idem fecere. Meleagro deinde suadente à corpore Alexandri discederent, insidijs locum quæri rati, diuersa regis parte ad Euphratem fugam intendunt. Equitatus, qui ex nobilissimis iuuenū constabat, Perdiccam & Leonatum frequens sequebatur, placebatque excedere vrbe, & tendere in campis: sed Perdicca ne pedites quidē secuturos ipsum desperabat. Itaque ne abducendo equites abruptis à cetero exercitu videretur, in vrbe subsistit. At Meleager regem monere non destitit, ius imperij Perdiccæ morte sanciendum esse; nī occupetur impotens animus, res nouaturum: meminisse cum quid de rege meruisset. Neminem autē ei satis fidum esse, quem metuat. Rex patiebatur magis quā assentiebatur. Itaque Meleager silentium pro imperio habuit: misitque regis nomine, qui Perdiccam accerferent. Iisdem mandatum vt occiderent, si venire dubitaret. Perdicca nunciato satellitum aduentu, sexdecim omnino pueris regis cohortis comitatus in limine domus suæ constitit, castigatosq; & Meleagri mancipia identidem appellans, sic animi vultusq; constantia terruit, vt vix mentis compotes fugerint. Perdicca

dicca pueros equos iussit conscendere: & cum paucis amicorum ad Leonatum peruenit, iam firmiore præsidio vim propulsaturus, si quis inferret. Postero die indigna res Macedonibus videbatur Perdiccam ad mortis periculum adductū, & Meleagri temeritatem armis ultū ire decreuerant. Atque illi seditione professā, cum regem adissent, interrogare eum coeperunt, an Perdiccam comprehendī ipse iussisset. Ille Meleagri instinctu se iussisse respondit. Ceterum non debere tumultuari eos, Perdiccam enim viuere. Igitur concione dimissa, Meleager equitum maximè defectione perterritus, inopique consilij, quippe in ipsum periculum reciderat, quod inimico paullo antè intenderat, triduum ferè consumsit incerta consilia voluendo. Et pristina quidem regiæ species manebat. Nam & legati gentium regem adibant, & copiarum duces aderant, & vestibulum satellites armatique compleuerant. Sed ingens sua sponte moestitia vltimæ desperationis indexerat, suspectique inuicem non adire propius, non colloqui audebant, secretas cogitationes intra se quisque voluentes: & ex comparatione regis noui desiderium excitabatur amissi: ubi ille esset, cuius imperium, cuius auspiciū secuti erant? destitutos se inter infestas indomitæque gentes, expetituras tot cladum suarum poenas, quandoque oblata esset occasio. His cogitationibus animos exedebant, cum annuntiatum equites qui sub Perdicca essent, occupatis circa Babylonem campis, frumentum quod in urbem inuehebatur, retinuisse. Itaque inopia primum, deinde fames esse coepit. Et qui in vr-

armatorū claustra perfracta sunt. Et rex quoque irruerat stipatus satellitū turba, quorum princeps Meleager: iratusque Perdicca hos qui Alexandri corpus tueri vellēt, seuocat: sed qui irruerant, eminus tela in ipsum iaciebant, multisque vulneratis, tandem seniores demtis galeis, quo facilius nosci possent, precari quicū Perdicca erant, coepere, vt absisterent bello, regique & pluribus cederent. Primus Perdicca arma deposuit, ceteriq; idem fecere. Meleagro deinde suadente à corpore Alexandri discederent, infidijs locum quæri rati, diuersa regis partē ad Euphratem fugam intendunt. Equitatus, qui ex nobilissimis iuuenū constabat, Perdiccam & Leonatum frequens sequebatur, placebatque excedere vrbe, & tendere in campis: sed Perdicca ne pedites quidē secuturos ipsum desperabat. Itaque ne abducendo equites abruptis à cetero exercitu videretur, in vrbe subsistit. At Meleager regem monere non destitit, ius imperij Perdiccæ morte sanciendum esse; nī occupetur impotens animus, res nouaturum: meminisse eum quid de rege meruisset. Neminem autem ei satis fidum esse, quem metuat. Rex patiebatur magis quàm assentiebatur. Itaque Meleager silentium pro imperio habuit: misitque regis nomine, qui Perdiccam accerferent. Iisdem mandatum vt occiderent, si venire dubitaret. Perdicca nunciato satellitum aduentu, sexdecim omnino pueris regis cohortis comitatus in limine domus suæ constitit, castigatosq; & Meleagri mancipia identidem appellans, sic animi vultusq; constantia terruit, vt vix mentis compotes fugerint. Perdicca

dicca puer

LIBER X.

403

paucis armis equos iussit conscendere: & cum
firmis amicorum ad Leonatum peruenit, iam
feriore præsidio vim propulsaturus, si quis in-
terret. Postero die indigna res Macedonibus
videbatur Perdiccam ad mortis periculum ad-
ductū, & Meleagri temeritatem armis ultū ire
decreuerant. Atque illi seditione professā, cum
regem adissent, interrogare eum coeperunt, an
Perdiccam comprehendī ipse iussisset. Ille Me-
leagri instinctu se iussisse respondit. Ceterum
non debere tumultuari eos, Perdiccam enim
vivere. Igitur concione dimissa, Meleager equi-
um maxime defectione perterritus, inopique
consilij, quippe in ipsum periculum reciderat,
quod inimico paullo ante intenderat, triduum
erē consumpsit incerta consilia voluendo. Et
pristinā quidem regis species manebat. Nam
& legati gentium regem adibant, & copiarum
luces aderant, & vestibulum satellites armati-
que compleuerant. Sed ingens sua sponte moe-
stitia ultimæ desperationis index erat, suspecti-
que inuicem non adire propius, non colloqui
videbant, secretas cogitationes intra se quisque
soluentes: & ex comparatione regis noui de-
siderium excitabatur amissi: ubi ille esset, cuius
imperium, cuius auspiciū secuti erant? de-
stitutos se inter infestas indomitæque gentes,
expetituras rot cladum suarum poenas, quan-
tūlocunque oblata esset occasio. His cogitatio-
nibus animos exedebant, cum annuntiatur o-
mnes qui sub Perdicca essent, occupatis circa
Babylonem campis, frumentum quod in vr-
bem inuehebatur, retinuisse. Itaque inopia pri-
mū, deinde fames esse coepit. Et qui in vr-

be erant, aut reconciliandam ciuiliū Perdicæ
 gratiam, aut armis certandum esse censebant.
 Fortē acciderat, vt qui in agris erant, populati-
 onem villarum vicorumq; veriti confugerent
 in urbem; oppidani, cū ipsos alimenta defice-
 rent, vrbe excederent, & vtrique generi tutior
 aliena sedes, quā sua videretur. Quorum con-
 sternationem Mæcedones veriti, in regiam coe-
 unt, quæq; ipsorum sententia esset, exponunt.
 Placebat autem legatos ad equites mitti de fi-
 nienda discordia, armisq; ponendis. Igitur à re-
 ge legatur Pafas Thessalus, & Amissas Megalo-
 politanus, & Perilaus, qui cum mandata regis
 edidissent, non aliter posituros arma equites
 quam si rex discordiæ auctores dedidisset, tu-
 lere responsum. His renunciatis, sua sponte
 arma milites capiunt, quorum tumultu è re-
 gia Philippus excitus, Nihil, inquit, seditionis
 est opus: nam inter se certantiū præmia, qui quie-
 uerint occupabunt. Simul mementote rem esse
 cum ciuibus, quibus spem gratia citò abrumpere,
 ad bellum ciuile properantium est. Altera legati-
 one an mitigari possint, experiamur, & credo nō-
 dum regis corpore sepulto ad præstanda ei iusta
 omnes esse coituros. Quod ad me attinet, reddere
 hoc imperium malo, quā exercere ciuium san-
 guine. Et si nulla alia concordia spei est, oro qua-
 soque eligite potiorem. Obortis deinde lachry-
 mis diadema detrahit capiti, dextram, qua se
 tenebat, protendens, vt si quis se digniorem
 profiteretur, acciperet. Ingentem spem indolis
 ante eum diem fratris claritate suppressam, et
 moderata excitauit oratio. Itaq; cuncti instare
 coepit

cœperunt, vt quæ agitaſſet, exſequi vellet. Eoſdem rursus legat petitu-
ros, vt Meleagrum ter-
cium ducem acciperent. Haud agrè id impetra-
tum eſt Nam & abducere Meleagrum Perdicca
à rege cupiebat, & vnum duobus imparem fu-
turum eſſe cenſebat. Igitur Meleagro cum pha-
lange obuſam egreſſo, Perdicca equitum tur-
mas antècedens occurrit. Vtrumq; agmen mu-
tua ſalutatione facta cõit, in perpetuum, vt ar-
bitrantur, concordia & pace firmata. Sed iam
fatis admouebantur Macedonum genti bella ci-
uilia. Nam & infociabile eſt regnum, & à pluri-
bus expetebatur. Primum ergo collegere vires,
deinde diſperferunt; & cùm pluribus corpus
quàm capiebat oneraſſet, cetera membra defi-
cere cœperunt. Quodq; imperiũ ſub vno ſtare
potuiſſet, dum à pluribus ſuſtinetur, ruit. Proinde
iure meritoq; populus Romanus ſalutem ſe
principi ſuo debere proſitetur, cui noctis, quæ
pene ſupremam habuimus, nouũ ſidus illuxit.
Huius hercule, non ſolis ortus, lucẽ caliganti
reddidit mundo, cum ſine ſuo capite diſcordiæ
membra trepidarent. Quot ille tum extinxit
faces? quot cõdidit glaciõs? quantam tempeſta-
tẽ ſubita ſerenitate diſcuſſit? Non ergo reui-
reſcit ſolum, ſed etiam floret imperium. Abſit
modò inuidia, excipiet huius ſæculi tempora
eiufdem domus vtinam perpetua, certè diutur-
na poſteritas. Ceterum vt ad ordinem à quo me
contemplatio publicæ felicitatis auerterat, re-
deam, Perdicca vnicam ſpem ſalutis ſuæ in Me-
leagri morte deponebat: vanum eundem & in-
fidum, celeriterq; res nouaturum, & ſibi maxi-
mè infeſtum occupandũ eſſe. Sed alta diſſimu-

latione consilium premebat, ut opprimeret incantū, Ergo clam quosdā ex copijs quibus præerat, subornauit, ut quasi ignoraret ipse, cōquererentur palā, Meleagrū æquatum esse Perdiccæ: quorum sermone Meleager ad se relato, furens ira, Perdiccæ quæ compèrisset exponit. Ille velut noua re exterritus, admirari, queri, dolētisq; speciem ostentare ei. Ad ultimū conuenit, ut comprehenderentur tam seditiosæ vocis auctores. Agit Meleager gratias, amplexusque Perdiccam, fidem eius in se ac beneuolentiam collaudat. Tum communi consilio rationem opprimendi noxios ineunt. Placet exercitum patrio more lustrari: & probabilis causā videbatur præterita discordia. Macedonum reges ita lustrare soliti erant milites, ut discissæ canis viscera ultimo in campo, in quem deduceretur exercitus, ab vtraque abijcerentur parte. Intra id spatium armati omnes starent, hinc equites, illinc phalanx. Itaque eo die, quem huic sacro destinauerant, rex cum equitibus elephantisq; constiterat contra pedites, quis Meleager præerat. Iam equestre agmen mouebatur, & pedites subita formidine ob recentem discordiam haud sanè pacati quidquam expectantes, parumper addubitauere, an in urbem subducerent copias, quippe pro equitibus planities erat. Ceterum veriti ne temerè commilitonū fidem damnarent, subistere præparatis ad dimicandum animis, si quis vim inferret. Iam agmina coibant, paruumq; interuallum erat, quod aciem ut ramq; diuideret. Itaque rex cum vna ala obequitare peditibus cœpit, discordiæ auctores, quos tueri ipse debebat, instinctu Perdiccæ

ad supplicia deposcens, minabaturque omnes turmas cum Elephantis inducturum se in recusantes. Stupebant improuiso malo pedites: nec plus in ipso Meleagro erat aut consilij aut animi. Tutissimum ex præsentibus videbatur, exspectare potius, quàm mouere fortunam. Tum Perdicca ut torpentes & obnoxios vidit, ccc. ferè qui Meleagrum erumpentem ex conuersione, quæ prima habita est post mortem Alexandri, secuti erāt, à ceteris discretos, elephantis in cōspectu totius exercitus obijcit, omnesque beluarum pedibus obtriti sunt, nec prohibente Philippo, nec auctore: apparebatque id modò pro suo vendicaturum, quod approbasset euentus. Hoc bellorum ciuiliū Macedonibus & omen & principium fuit. Meleager serò intellecta fraude Perdiccæ, tum quidem quia ipsius corpori vis non afferebatur, in agmine quietus stetit: at mox damnata spe salutis, cum eius nomine, quem ipse fecerat regē, in perniciem suam abeuntes videret inimicos, confugit in templum: ac ne loci quidem religione defensus occiditur.

CAPVT XIII.

ARGVMENTVM.

Perdiccas, summæ rerum Aridaeo fratri Alexandri commissæ, diuidit principibus copiarum prouincias.

PERdicca producto in urbem exercitu concilium principum virorum habuit, in quo imperium ita diuidi placuit, ut rex quidem summam eius obtineret, Satrapes Ptole-

mæus Aegypti & Africa gentium, quæ in ditio-
 ne erant. Laomedonti Syria cum Phoenice da-
 ta est. Philotæ Cilicia destinata. Lyciam cum
 Pamphylia & maiore Phrygia obtinere iussus
 Antigonus. In Cariam Cassander, Menander in
 Lydiam missi. Phrygiam minorem Helleston-
 ro adiunctam Leonati prouinciam esse iusse-
 runt. Cappadocia Eumeni cum Paphlagonia
 cessit. Præceptum est, ut regionem eam usque
 ad Tarpezunta defenderet, bellum cum Arba-
 te gereret. Solus hic detrectabat imperium.
 Phiton Mediam, Lyfimachus Thraciam appo-
 sitasque Thraciæ ponticas gentes obtinere iussit.
 Qui Indiæ, quiq; Bactris & Sogdianis, ceterisque
 aut Oceani aut rubri maris accolis præerant,
 quibus quisque finibus habuisset, imperium ob-
 tineret, decretum est: Perdicca ut cum rege es-
 set, copiisque præesset quæ regem sequebantur.
 Credidere quidam testamento Alexandri di-
 stributas esse prouincias. Sed famam eius rei
 (quanquam ab auctoribus tradita est) vanam
 fuisse comperimus. Et quidem suas quisque opes
 diuisis imperij partibus tuebantur, quas ipsi
 fundauerant, si umquam aduersus immodicas
 cupiditates terminus staret. quippe paullo an-
 te regis ministri specie imperij alieni procuran-
 di, singuli ingentia inuaserant regna sublatis
 certaminum causis, cum & omnes eiusdem gen-
 tis essent, & à cæteris suisque imperij regione
 discreti. Sed difficile erat eo contentos esse,
 quod obtulerat occasio: quippe sordent prima,
 cum maiora quæque sperantur. Itaque omnibus
 expeditius videbatur augere regna, quam fu-
 isset accipere.

CAPVT XIV.

ARGVMENTVM.

*Procures septimo post die quàm Alexander obie-
rat, versi ad curandum corpus Alexandri, re-
periunt incorruptum, & tantum non spirans,
vt pollinctares vererentur manus ad mouere,
post purgatum & iniunctum, aromatisque re-
pletum, regio insigni exornant, & in aureo so-
lio seu feretro collocant. Narratur quoque ge-
nus mortis, & quam vim habeat stygia aqua.
Demum vt tota stirps Alexandri sublata, cor-
pusquẽ in Aegyptum translatum sit.*

SEptimus dies erat, ex quo corpus regis iace-
bat in solio, curis omnium ad formandum
publicum statum, à tam solenni munere auersis.
Et non aliis quàm Mesopotamiæ regioni fer-
uidior æstus existit, ad eò vt pleraque animalia,
quæ in nudo solo deprehendit, extinguat.
Tantus est vapor solis & cœli, quo cun-
ctæ velut igne torrentur. Fontes aquarum &
rari sunt, & incolentium fraude celantur. Ipsi
usus patet, ignotus est aduenis. Vt tandem cu-
rare corpus exanimum amicis vacauit, nulla
rabe, ne minimo quidem liuore corruptum vi-
dere, qui intrauerant. Vigor quoq; qui constat
ex spiritu, non destituerat vultum. Itaque AE-
gyptij Chaldæique iussi corpus suo more cura-
re, primo non sunt ausi ad mouere velut spiran-
ti manus. Deinde precati, vt ius fasq; esset mor-
talibus attrectare eum, purgauere corpus; re-
pletumq; est odoribus. Aureum solium, & ca-
piti adiecta fortunæ eius insignia. Veneno ne-
catum

catum esse credidere pleriq; filiū Antipatri inter ministros, Iollā nomine, patris iussu dedisse. Sæpe certē audita erat vox Alexandri, Antipatrū regium affectare fastigiū, maioremq; esse præfecti opibus, ac titulo Spartanæ victoriæ insitū, omnia à se datā asserentem sibi. Credebāt etiam Craterū cum veterū militū manu ad interficiendū eum missum. Vim autē veneni quod in Macedonia gignitur, talē esse constat, vberum quoq; exurat, vngulæ iumentī dūtaxat patiens. Stygē appellant fontē, ex quo pestiferum virus emanat. Hoc per Cassandrū allatū, traditumq; fratri Iollæ, & ab eo supremæ regis portioni inditum. Hæc utcumq; sunt tradita, eorū quos rumor asperferat, mox potentia extinxit. Regnū enim Macedoniae Antipater, & Græciā quoq; inuasit. Soboles deinde excepit, interfecit omnib. quicumq; Alexandrū etiā lōginqua cognatione cōtigerant. Ceterum corpus eius à Ptolemæo, cui Aegyptus cesserat, Memphim, & inde paucis post annis Alexandria translātū est, omnisq; memoriæ ac nomini honos habetur.

ΕΠΙΤΑΦΙΟΣ
ALEXANDRI
M.

HIC ERAT, IMMENSUS CUI NON SVFFECERAT
ORBIS:

HIC EST CUI TOTO NVLLVS IN ORBE
LOCVS.

QVÆRITE REGNA DVCES PER TELA, PER ARMA,
PER IGNES:

VNA DIES SEPELIT PRÆLIA, REGNA,
DVCES.

Raderus S.I.

FINIS.



